



my 10/11  
8 134. 6453. 134  
3655. 9134

30801/A/2

Div e

18

KAAU-BOERHAAVE, A.



8 leaves

446 pp

leaf

36 pp

2 leaves

Calv. J. C.

24:

A 31 v.

114



L'ant Ancien  
Lugano  
12 So fr  
April / 28





PERSPIRATIO

51247

DICTA

HIPPOCRATI

PER UNIVERSUM CORPUS

ANATOMICE ILLUSTRATA

AUCTORE

ABRAHAMO KAAU, M. D.

CUI ACCEDIT EJUSDEM

DECLAMATIO ACADEMICA

DE

GAUDIIS ALCHEMISTARUM.



LUGDUNI BATAVORUM,

Apud SAMUELEM LUCHTMANS,

Bibliopolam & Typographum Academiae. 1738.

*Fruſtum ſtudiorum viridem, & adhuc dulcem pro-  
mi decet, dum venia & ſpes eſt, & paratus favor:  
& audere non dedecet.*

Quintil. Inſt. Orat. Lib. XII. Cap. v.



MAGNIFICO,  
AMPLISSIMIS, CELEBERRIMIS;  
DOCTISSIMIS,  
MEDICINÆ IN ALMA  
LUGDUNO-BATAVA  
ACADEMIA  
CONSTITUENDÆ QUATUORVIRIS.

D. BERNHARDO SIEGFRIED  
ALBINO,

MED. DOCT. ANATOMES ET CHIRURGIAE  
PROFESSORI ORDINARIO. COLLEG. CHI-  
RURG. PRÆSIDI. HOC TEMPORE ACADE-  
MIÆ RECTORI.

D. HERMANNO OOSTERDYK  
SCHACHT,

A. L. M. PHILOSOPH. ET MED. DOCT.  
MED. THEOR. PRACT. ET COLL. PRACT.  
PROFESSORI. ILLUSTR. PRÆPOT. ORD.  
HOLLAND. ET WESTFR. COLLEG. THEOL.  
MEDICO. COLLEG. PHARMACEUT. PRÆ-  
SIDI.

D. ADRIANO VAN ROYEN,  
MED. DOCT. MED. ET BOTAN. PROFES-  
SORI. SOCIET. REGIÆ LONDIN. SOCIO.

D. HIERONYMO DAVIDI  
GAUBIO,

MED. DOCT. MEDICINÆ ET CHEMIÆ PRO-  
FESSORI.

ABRAHAMUS KAAU.



nscribo Vobis, VIRI CE-  
LEBERRIMI, hosce, te-  
nues quidem, labores  
meos, ut semel testarer  
infelix, quondam auditor  
Vester & admirator semper, debitam,  
quâ prosequor Vos, observantiam,  
honorem, cultum, & reverentiam.

Sed & optavi simul, constaret pu-  
blico, ut Vobis, quantum ego debi-  
torem me ipse facile profitear Vestrum.  
Si quid etenim boni in Medicinâ no-  
verim, si quid eloqui, si quid scri-  
bere audeam, id Vestris inprimis fi-  
delibus acceptum fero, generosis &  
fa-



## DEDICATIO.

sapientibus institutionibus. Sane, ut soletis juvare omnes, qui litteris student & Medicis artibus, ita ego maxime devinctum me agnosco, cui voluistis ab omni parte in studiis succurrere, & opem ferre. Certe, jam per biennium cum hauriendi a Vobis præcepta sapientia infauſto defuerit facultas, illud gaudeo equidem, quod eo tempore minus furdus fuerim, quo tenerior ætas Vestris imbuta fuerit apta monitis. Utinam hisce demonstrarem, hæere eorum paucillum Præceptorum, quæ prius avide hausi fortunatus! Quod vero interfuit, flebile quidem spatium, illud ipsum dicta Vestra recoxit fidelissima; ipse ego dum tristitiam fefelli & metum labore unice & studiis.

Sed & ipsa quidem hac horâ omnem mihi præripuistis remunerandi spem, superbienti impetratâ benigne veniâ, quâ Vestra, tam clara nomina opusculo in fronte ponere liceat. Manebit ergo, id etenim superest unice, gratus animus; hoc mihi sufficiet;

# DEDICATIO.

Vobis vero sufficiunt, quæ ad immortalitatem dudum nominibus Vestris viam fecerunt, edita a Vobis opera, præcepta medica, publica, & privata, totque totum sparfi per orbem, admirantes & laudantes læti discipuli.

Vos interim totius facile Europæ ARCHIATRI, partâ diu utamini gloriâ incolumes! Ego eâ potissimum gratiâ usum opto aurium, ut Famam Vestram, & vivâ voce celebratam inter principes Eruditos etiam audire queam, sed inprimis Vos ipsos loquentes!

Valete Academiae fidera!

Leidæ in Batavis 17 $\frac{18}{10}$ 38.





# LECTORI.

**H**umani si quis corporis cognitionem, quæ sane princeps in scientiâ naturalium pars censetur, comparare sibi desiderat; jucundam ille disciplinam, utilem, atque necessariam, colendam elegit. Sed confestim experitur, Auctores evolvendos, audiendos Præceptores, denique sedulâ quoque indagine, per proprias manus institutâ, utendum; ut sciat, quid tutâ credulitate pro vero condât in adversariis: quod depromere postea queat. Imo vero ipsa sæpe Scepticorum tarditas & suum

## P R Æ F A T I O.

*suum hic usum habet ; quippe cogit, ut haud modo, captis semel rerum experimentis, sed & repetitis crebro, & accurate quidem, ita confirmet sententiam, ut ambigere ultra nequeat. Sic demum summum laboris improbi pretium obtinebit, quæ suimet notitia habetur.*

*Natos hac in arte errores omni quidem tempestate quis est, qui non doluerit? potissimum tamen dum orti, de traduce in traducem per secula propagati, pro æternis excepti veritatibus, pro ipsis fundamentis habebantur. Assensus facilis, & omnium fere judicio laudatus: Examinantis bene industriâ orta doctrinæ immutatio explosa, damnata, inventori sæpenu-mero noxia fuit.*

*Sæpe tamen dubitavi, an Viri subtilitate acris ingenii pollentes non magis obstiterint promovendis Artis commodis, quam explosi modo assentatores: hi enim desidiosâ pigritiâ parum auctoritate tuebantur sententiam; illi vero veloces fingendo, colore, & specie,*



## P R Æ F A T I O.

*cie, fucata inventa, solâ tantum licentiâ imaginandi nata, ita ornabant, ut ab omnibus fere assensu obtento, brevi imperium in artem obtinuerint tandiu, donec alter iterum, speciosiora obtrudens, pulsi prioris sedem occuparet. Ita sane nata quotidie omnia, incerta prorsus, plerumque falsa. Ausi fuere Promethei instar, pro arbitrio fingere, non factam indagare fabricam hominis; & quidem eâ audaciâ, ut ad hunc modulum creatos homines jactaverint. Adeo quidem fatalis hæc insania, ut omnibus imposuerit, deriderentur autem pauci, qui, prudentiâ utentes, torrenti oblucentur.*

*Sed & inter illos, qui laboriosissimi perscrutando ipsa naturæ vestigia sequebantur, aliquando error irrepsit per ipsa naturæ exempla: dum scilicet in animantibus, quorum diversa, quam homini, compages, structuram rimati, eandem, non consultâ varietate, & humanæ naturæ adscripsere. Hi sane cum ratione errantes facile*

## P R Æ F A T I O.

*cæteros habuerunt sequaces; omniumque difficillime refutabantur.*

*Ultima denique, eaque maxima quidem, turba contenta inventis, omnia jam exhausta opinantes, ultra nihil aliis detegendum superesse putant: sufficere rati, si modo utantur partis: sed aliter sentit, qui latentia apertis comparat, quippe qui, ut in rerum universo infinita necdum cognita deprehendit, ita & in artificiosissimâ microcosmi machinâ semper plurima sedulo scrutatori relicta novit: unde novitatis gloria, & æternum pectori generoso ad labores incitamentum: ut detectis prius nova iterum addendo amplificetur semper cognitio; quæ quidem nunquam ad unguem perfecta forte erit, tamen omni die sic absolutior habebitur.*

*Evenit igitur & mihi quoque, dum mentem Medicinæ cognoscendæ applicarem, eâque in re Avunculi mei carissimi HERMANNI BOERHAAVE, quale Præsidium & dulce Decus fata mihi infausto eripuerunt acerbissima,*



## P R Æ F A T I O.

*bissima, consilia sequerer, ut intelligendæ corporis humani fabricæ acerrimo studio me dederem. Et summo quidem bono fortunato Præceptorem ad hoc & Præmonstratorem optimum nactus fui, Virum longe Celeberrimum BERNARDUM SIEGFRIED ALBINUM, vere natum ad hæc sacra. In Eo miratus sum diligentiam, & industriam in detegendo, curam in observando, fidem candidam, ordinem, & prudentiam in docendo: ut dicta nunquam demonstrata excederent. Sed ultra omnia incomparabilem, quâ omnes vincit, auctorum, qui anatomica scripsere, cognitionem.*

*Deliberavi, ad hoc Exemplum me formare, huic Viro operam dare, Hunc sequi: incepti auctores consulere, admoveere manus operi, animalia viva, semimortua, quin & mortuorum corpora, scrutari. Neque adeo caruit successibus eventus, quin quibusdam in rebus acutius inciperem cernere. Ocyssime, juxta legem, quam semel mihi dixeram, annotavi sedulo prius,*

## P R Æ F A T I O.

*prius, quid vellem quærere? deinde, per quæ experimenta indagare quæsitâ instituerem? ut in opere ad hæc duo proposita semper respicerem. Si quid occurrebat, in adversaria fideliter detuli, examinavi, de integro pericula feci, si eodem semper modo se haberent observata, positâ omni opinione præjudicatâ. Ita aliquando quædam comperta fuere certa, & utilia: sane, si placet experiundo semet nata veritas, repetitâ decies experientia placebit magis.*

*Inter ea, quæ deprehendi, crebro apparebant experimenta, a quibus discebatur, quod in omni parte corporis, imo & in quolibet fere puncto ejus, perpetua fieret perspiratio. Incitatus re compertâ animus studuit ulteriore indagine veritatem prosequi. Tandem omnia demonstrant, vere scripsisse Hippocratem Lib. IV. Epidem. Sect. VI. δῆλον ἡ αἰσθησις, ὡς ἐκπνεον, καὶ εἰσπνεον, ὅλεν τὸ σῶμα. Manifesta perceptio, quod expirans, & inspirans, universum corpus.*



## P R Æ F A T I O.

*Si nova non sunt, quæ adfero; ordo forte, & instituta experimenta haud displicebunt prorsus: Si quædam dubitandi ratio subest, pro ambiguo positum monui. Quam ut penitus omitterem notanda, si mea deficerent, malui in auxilium vocare præparata Ruyschiana, quæ magnâ cum curâ, & pretio collegerat sibi Divus Avunculus, ad quæ aditus mihi semper patuit apertus, quæque voluit Carus ille Mæcenâs, ut sua post fata, omni cum pretiosâ supellectile Anatomicâ, mihi dono cederent.*

*Cætera, brevi sermone & perspicuo tradere conatus spero, quod Lector æqui bonique faciat; ut nitenti ad præclara calcar addat.*

V I R O  
S A G A C I S S I M O  
ABRAHAMO KAAU,  
M E D I C I N Æ D O C T O R I

Librum edituro.

**S**i rerum sortes & inevitabile fatum,  
Præprimis si hominum mente sequare vices.  
Quid tunc? an lacrymaberis! Heraclitus ut olim  
Aspiciens orbis ferrea fata vagi.  
An cum Democrito solves tua corpora risu  
Conatus hominum respiciente leves?  
Non. Potius lacrymas, potius tu funde querelas,  
Fletibus & spatium turgeat omne tuis:  
Nam tibi tempus adest, nullum quo tristius unquam  
Adfuit, aut aderit, corda dolore premens:  
Aspera nam magnum, similem Cui nulla ferebat  
Nec feret ulla dies, fata fugâre Virum.  
Hic pius Ille senex tibi prosper avunculus, & plus,  
Namque loco constans usque parentis erat.

Sci-



*Scilicet est aliquid cum tanta vivere Vate ,  
Atque sibi talem posse rogare Virum.  
Amplius haud posthac (surdus ne tunderet aures  
Frustra voce tuas ) pinget in ore notas.  
Occidit Hic , fatis ducentibus omnia secum ;  
Et quæ cuncta decet sponte creata sequi.  
Hinc quamvis doleas , & quamvis Ilia tudent ,  
Pectoraque & quamvis Corda stupore vibrent.  
Ingenio tamen ipse tuo moderare dolorem ,  
Tranquilloque potes pectore ferre vices.  
Aptus & inde manes magnis in rebus agendis ;  
Quodque tui monstras editione libri.  
Cernitur ad minimum , qua se membrana recondat  
Cellulosa tuo tacta fuisse stylo.  
Non fugit hæc oculos , se quamvis abdita celet ,  
Implendis vasis , qua velis , usque patet.  
Quæ Veteres latuit cunctos , ars vasa replendi  
Liquenti cerâ , quam bene nota tibi est ?  
Corporis hæc valeas ad vivum tingere partes ,  
Quas facile vivas inscius esse putat.  
Quam pulchre cultro secludis corporis artus.  
Unguibus a teneris usque sub ossa secas.  
Quid potis es medicâ , reticebo , sagaciter arte ,  
Quâve secas Scirrbum dexteritate scabrum.  
Quum ludis placido miseros Sermone Sophistas ,  
In risus gravitas Socratis irêt eo.*

*Vos ,*

*Vos, quibus hæc curæ, Vos, quos & Apollinis artem  
Scire juvat, librum volvite sæpe datum.  
Vos juvenes Medici mecum gaudete seniles,  
Carminè blandifono lætificate Virum,  
O Socii! Socii! mecum conferte corollas:  
Cingite Vos mecum fronde virente comas.  
Perpetuo viridi circumdate tempora lauro.  
Nectite Vos bederis ambrosiumque Caput.  
Constanti proprios Virtus largitur honores,  
Confectis rebus fine quiescit Opus.*

A B R. T E R S I È R,

MED. CANDID.


P E R.



# PERSPIRATIO


## HIPPOCRATI DICTA

### ANATOMICE ILLUSTRATA.



#### CAPUT PRIMUM.

1. *Transpiratio semper fuit cognita.* 2. *Unde?* 3. *Nota fuit semper exhalatio.* 4. *Nota fuit semper inhalatio.* 5. *Hippocrates perspirationem cognovit & descripsit: ut & Galenus explicans sensum Hippocratis.* 6. *Dictum Hippocratis notat aequae intimas partes perspirare, quam extimas.* 7. *Hoc patet ex conclusione.* 8. *Et ex stylo scribendi.* 9. *Propositum Auctoris.* 10. *Divisio opusculi.*

1.  **A** omni certe ævo observatum fuit & cognitum, quod homo vivus, & qui sanus est, perpetuo sit persusus madore, qui omni in puncto, toto de corpore exhalat.

A

2. Id

## 2 PERSPIRATIO SEMPER

2. Id quippe docuit rudes, & imperitos Sudor; vestimentorum, quæ primævis arborum exuviæ & animalium pelles, maculæ, quâ parte nudum corpus tegunt, ut & politorum corporum per manus attactum, obfuscatio; vel, a quâcunque calidi, nudati corporis parte, opplicatâ, inquinatio: tum enim citissime vapor humidus maculat nitorem.

3. Sed & innotuit, ipso de corpore hunc exire vaporem (2). hinc & indocti, & vulgus noscebant exhalationem; quæ & hodie nostratibus eodem vocabuli sensu *doorwaesseming*, *uytwaesseming* dicitur; quâ, & illi sciunt, impeditâ, auctâ, vel imminutâ, multos oriri & magnos morbos, qui sæpe eâ restitutâ, facile sanati observantur. Occurrit & passim eadem apud veteres Medicinæ Scriptores, sub nomine difflationis insensibilis.

4. Sed & omnibus semper cognita fuit inhalatio: nonne enim ab exterioribus inspirabant per nares & os aërem, huncque inspirantes videbant alios, omni tempore, mortales?

5. Magnus vero Hippocrates, ab ipso Medicinæ inventore Apolline oriundus, naturæ adeo indefessus & artis indagator, haud modo vidit, quod externa, omnibus apparens corporis humani superficies, omni

momento sit exhalans; verum & diligentia incredibili, improbo & suprahumano fere labore omnia scrutatus, majorum & suis instructus observationibus & experimentis, observavit, internam itidem, quæ aëri contigua est, superficiem continenter versari in exspirante proprio humore; oris scilicet, œsophagi, ventriculi, intestinorum, & pulmonum superficiem internam: imo vero & eandem ab externis inspirare itidem. Hinc more suo satis laudato nunquam, artis Cultoribus æstimato nunquam satis, paucis quidem, atqui fidelissimis, plurima, certissima, verissima, mascule pronunciat: dum ait Vir facundiâ insignis, & arte, Epid. L. vi. Sect. vi. ὡς ἐκπνοον καὶ εἰσπνοον ὅλον τὸ σῶμα. *quod exspirans, & inspirans, universum corpus.* Quibus certe notat summus Pæoniæ artis Præceptor, corpus nostrum, haud tantum ibi, ubi aërem attingit externum, omni momento, exspirare, & inspirare ex eo ambientes illud ipsum particulas, uti pulcherrime explicat pulcherimum hoc dictum Galenus, dum inquit L. de usu. puls. cap. v. ὡς περ Διὰ τὸ εἰς τὸ δέρμα περαινομένηων σωματίων ἐκκρίνεται μὲν ἔξω πᾶν ὅσον αἰμῶδες, καὶ καπνῶδες ποτίτημα, μεταλαμβάνει ἢ εἰς αἱμᾶς ἐκ τῆ περιέχοντος ἡμᾶς αἵματος ὅδε ὀλίγην μοῖραν: καὶ τὸτ' ἐστὶ τὸ πρὸς Ἱπποκράτους λεγόμενον, ὡς ἐκπνεον, καὶ εἰσπνεον, ἐς τὸ ὅλον



#### 4 PERSPIRATIO SEMPER

τὸ σῶμα. Sicuti per determinata in cute osculula excernunt quidem extrorsum, omne quodcunque vaporosum & fumosum redundans (est.) accipiunt vero in eadem ex ambiente nosmet aëre non parvam portionem. Et illud est juxta Hippocratis dictum, quod expirans & inspirans universum corpus.

6. Sed & innotuisse sibi, iisdem docet, quod felicitate seculi, & experimentorum confirmatione nos hodie scimus, corpus nempe nostrum constituentes partes intimas æque, quam extimas, semper versari in tenui, volatili, spirituosâ, nebulâ, de ipsis exhalante: & eundem humorem, quo, in cavis contentæ partes inunguntur perfundunturque, illas trahere ex cavitatibus in se: id enim haud difficulter patet ex dicto, quod ibidem præcedit, Σάρκες ἰλκοῖ καὶ ἐκ κοιλίης, καὶ ἔξωθεν. Carnes attractrices ex cavis, & extrorsum: quâ enim utitur, distinctione affirmat, partes molles, quas per Σάρκες intelligit, ut demonstrabo in sequentibus, assumere ἔξωθεν; & inspirare ex cavitatibus, quas spiritu impletas semper alio loco explicat, si nempe fuerint sanæ: καὶ τέρχνης enim dicit §. XVII. κοιλὸν, πληρῶ, ᾧ, ὑγίαινον μὲν, πνέουσαν, cavum, impletur vero, sanum quidem, Spiritu.

7. Inde hisce consideratis, quod nempe superficies omnium totius corporis parti-

um

um, tam latens, quam quæ nobis in vivo visibilis occurrit, atque illa, quæ aëri contigua externo, in vivo absconditur sensui externo, perforata cribrosaue sit, & exhalet; deducit conclusionem certissimam, mathematicam; quod nempe δῆλον, ἡ αἰσθησις, ὡς ἔκπνοον, ἢ εἰσπνοον ὅλον τὸ σῶμα. *Manifesta perceptio, quod expirans & inspirans universum corpus.*

8. Nec dubium ulli, qui admiratur concinnam, sed & simul claram Magni Viri methodum scribendi, quin per ἐμφασιν loquatur Divus Hippocrates; perque ὅλον τὸ σῶμα intelligat, omnes omnino partes corpus efficientes; extimas, & intimas, adeoque internam, & externam fabricam universam.

9. Hoc jam quam verum sit, quam consummatum & castum dictum, nobis demonstrare proposuimus; & quidem observationibus, & omni experimentorum, rite institutorum, quæ cepimus, eventu firmare conabimur: deinde ex effatis ipsius Hippocratis, passim allegatis, elucidare, hæc omnia sedulo & incomparabili naturæ scrutatori & observatori haud constituisse tantum; sed & ab eodem, ubique fere, explicari.

10. Ut vero ordo, optimus est in omnibus magister, juxta corporis divisionem in omnibus procedo, atque doctrinæ causa

## 6 PERSPIRATIO SEMPER COGNITA FUIT.

opusculum hocce ideo divido in duas partes, ex ipsâ divisione Hippocratis. Quarum scilicet prima dicit, quâ ratione, quomodo, & per quas vias, corpus humanum, vivum, sanum, exhalat, & inhalat ἔξωθεν, quatenus ab aëre externo tangitur. Altera vero docet, quâ ratione, quomodo, & per quas vias, partes, quæ absconduntur cavitatibus, aëri minus contiguæ, assiduo, omni in puncto, versantur in humido, quod expirant in cavitates, & inspirant, ex iisdem: semperque respiciemus ad illa, quæ in hisce docuit magnus Hippocrates.

Partem vero primam & secundam iterum sic disposui, ut primo exhalationem totius corporis, deinde inhalationem ejusdem descripserim, simulque ordinem partium, quantum potui, servaverim.

## CAPUT SECUNDUM.

11. *Totum corpus humanum exhalat, ubi Epidermis.*
12. *Epidermis non tantum ibi, ubi cutis est.*
13. *Sed pergit in illa cava corporis, ubi cutis deficit.*
14. *Ibidem Epithelium dicitur.*
15. *Est eadem, quæ cuticula, membrana.*
16. *Patet hoc facile separatione.*
17. *Observationes, quæ docent, exhalare assiduo corpus per Epidermidem.*
18. *Observationes, quæ docent, exhalare assiduo*



## PERSPIRATIO PER EPIDERMIDEM. 7

*assiduo corpus per Epithelium 19. Epidermis humorem invisibilem in statu sano, Epithelium notabilem transpirat semper. 20. Observatur hoc & in recens mortuis. 21. Diversitas exhalantis in unoquoque homine, & animali. 22. Patet illa ex cane odorisequo. 23. Perspiratio vocatur Sanctoriana, non quod ille eam invenerit: noverunt enim ante eum alii: & cognita jam fuit Adamo. 24. Cognomen habet a Sanctorio ab experimentis & Observationibus, quibus illam in ordinem redegit. 25. Laudatur Sanctorius, & utilitas ejus operis. 26. Unde necessitas ejus in Medicina patet. 27. Hæc iterum ab Hippocrate descripta notatur.*

11. **C**orpus humanum, vivum, sanum, universâ suâ superficie, quâ, molli, sanâ, integrâ Epidermide vestitur, aërem externum attingit, ibique exhalat ab interioribus extrorsum omne meabile, quod superfluum, & post munera præstita, redundat.

12. Nec Epidermis ibidem tantum hæret, ubi subjicitur ipsi cutis: verum & illo loco, ubi hæc quasi abscissa terminum patitur.

13. Illa (12) namque pergit, & intrat omnia corporis cava, quorum limites attingit: palpebras nempe, oris aperturam; inve-

## 8 PERSPIRATIO PER EPIDERMIDEM.

stitit linguam, buccarum, labiorum, gingivarum, palati, faucium, superficiem totam: Laryngem, asperam arteriam, bronchia, & vesiculas Malpighianas ad fines usque succingit. Supra Oesophagi, ventriculi, intestinorum, superficiem cavam exporrigitur, ad anum usque. Reflectitur & in viris in interiora præputii, exporrigitur & hinc supra penis glandem. Ingreditur & cuticula urethram, vesicam urinariam internam itidem succingens; in fæminis pudendorum investit interiora, vulvam, urethram & vesicam, est denique omnibus illis in locis, quæ aër externus tangit, vel attingere potest.

14. Nec ibi vocatur amplius *Ἐπιδερμὶς*, sed *Ἐπιθήλιον*: nulla enim hisce in locis cutis, sed innumeræ adsunt papillæ.

15. Est interim eadem, quæ cuticula, continuata membrana, quæ in cavis his invenitur.

16. Pulchre hoc patet, si accurate auferitur cuticula, circa loca hæc ita, ut simul lente pergendo, a papillis, quæ in iis sensum faciunt, divellatur integra. Demonstrare possum supra palpebras, nares, inferne a labio, superne a naso, dein & a labio, & prolabio separatam Epidermidem ita, ut introitus hujus, in has cavitates, in ambitu, non tantum facile pateat,

## PERSPIRATIO PER EPIDERMIDEM. 9

teat: verum & ejusdem continuata exporrectio, supra loca, in quibus papillæ ad-sunt, nec ulla cutis. A pudendo muliebri infantis, separatum seruo Epithelium & Epidermidem ita; ut in altero latere, ab hymene, carunculâ, & ipso labio dextro, dependeat separata, continua, membrana: eandem ex ano detraxi, & eodem in objecto demonstratur. Idem in præputio obtinet, & in liquore separatam ab illo seruo reflexam Epidermidem. Ab aure itidem humanâ detraxi cuticulam & reticulum, ut, facile ingressus horum appareat, quod tamen pulchrius videtur in inverso meatu auditorio, a quo separata hærent eadem, licet & huc simul cutis intret.

17. Per hanc jam membranam ab 11 ad 17 exhalat corpus universum omni momento rorem visibilem, si colligitur; qui cæterum, absque sensu, per calorem, in aëra disparet; & quidem, in omni puncto corporis id obtinet, primo ubi cutis. Id quippe docent sedulo observationes notatæ sequentes.

*α.* Æstivo tempore, denudatam supra quamcunque corporis partem, ponas politam laminam metallicam, vitreamve puram, & quæ frigida est, nisi callus in eodem loco sit, vel cicatrix, nebulâ obfuscata fiet ilico; absterfa autem verum exhibet madorem.



## 10 PERSPIRATIO PER EPITHELIUM.

β. Brachium pedemve, si nudatum, phialæ magnæ chemicæ immittas siccissimæ: mox totam deprehendes superficiem vitri internam opacam; tum vero si diutius retineas intus, ad latera vasis decurrere striatim videbis humidum, idque a perspirante materie, ex corporis parte, quæ imponitur.

γ. Æstate supra quamcunque denudatam, sanam hominis vivi corporis partem, teneatur calix vitreus, extus siccissimus, intus aquâ plenus frigidâ, in quam subito dimittitur sal ammoniacus; ipso eodem momenti articulo, fumi instar exhalat de corpore humor, Sanctorianus dictus, qui vitri frigidi exteriora sicca mox madefacit, & obfuscet. nascitur enim eodem temporis puncto, quo immissus est sal ammoniacus in aquam, tale frigus, ut materies, quæ cæterum invisibilis tenues evanescit in auras, condensetur, & in nebulam coacta, appareat.

δ. Hyeme probe calefactæ manus, ut jam jam sudor instet, maxime mane sub stragulis, vel ante focum, fumant vaporem frigore condensatum visibilem, qui æstate haud animadvertitur.

18. Ubi vero, abscissa quasi cute, supra papillas pergit Epidermis & Epithelium vocatur, & ibi eadem ratione per  
il-

illam partes exhalant, docent id

α. Oculi, & palpebræ in vivis semper humidi.

β. Nares, quæ internæ madidæ semper sunt: Et si abstergentur, mox redeunte humore, qui roris instar expirat, inquinantur. hic ille est, qui hyeme colligitur, a frigore condensatur, & limpidam guttulam format, naso destillantem: dum æstatis calore spargitur, nec apparet, nisi senescentibus, vel frigidissimis.

γ. Oris totius superficies interna in vivo, sano, invenitur humida semper: si enim puro linteo labia abstergas, gingivas, buccas, palatum, linguam in omni parte, vel inter fricandum mador idem redit, qualem aufers.

δ. Aërem nosmet ambientem, inspiramus hyeme siccum, vel in summo frigore a congelatione haud visibilem; efflamus vero humectatum, nebulosum, collectum, notabilem. Viæ autem, quas transit euns & rediens spiritus, sunt, os, fauces, larynx, trachæa, bronchia, & vesiculæ Malpighianæ, quæ omnes inquinant siccum inspiratum aërem, unaquaque respirationis vice, humore tenui, qui omni momento, omni in puncto superficiei internæ transfudat, in hisce partibus.

ε. Præputii interiora, ut & glans penis, emit-

## 12 DIVERSITAS EXHALANTIS.

emittunt continenter madorem, inter hæc partes, unde lubricantur, molles, humidæ, & a concretione servantur liberæ: urethra madida intus semper est, & quidem humore mucoso, urinæ acrimoniam obtundente.

ζ. Vulva in fœminis, uterus & urethra, in statu sano obliniuntur semper humore blando. Sic & vesica urinaria, interna, in utroque sexu.

19. Ex his certe patet; diversimode perspirare Epidermidem, & Epithelium; illa enim visibilem rorem tum solum emit, quando calore, & æstate minus contrahitur cutis; cæterum enim exhalat invisibilem vaporem, qui evanescit: hoc vero, omni in puncto, omni momento transpirat sudorem notabilem, qui post abstersionem mox redit.

20. Hinc & in recens mortuis animalibus, omnes partes, quæ succinguntur Epithelio, si a tergo leniter premuntur, faciunt redire humidum, licet sæpissime abstergantur: imo vero & hocce sponte prodit, si sibi illæ relinquuntur.

21. Exhalans autem humor iste diversus est, non modo pro diversitate partium, ex quibus emergit: ut alius ille, qui per cutim, quam qui per os, expirat, pulmones, ventriculū & per intestina:  
sed



sed & differt idem, in illis omnibus, ratione subjecti, ætatis, sexus, sanitatis & morbi. imo vero in unoquoque homine, & animali, peculiaris sunt naturæ & indolis illæ particulæ, quæ de corpore emanant,

22. Id enim docet sagacis canis subtilis odoratus, quo amissi heri, in turbâ, hominum frequentissimâ, vestigia distinguit; & post mille gyros & anfractus, ubique subolfaciens, fidelis se domini lateri comitem adjungit. Quem herus digitis fricat, nummum plurimis aliis mistum, odore distinguit canis, & facile protrahit. Sublimi mollis anhelitu cervus fugiat instantes, longo intervallo, feroces venaticos; graminis immemor, & ventis & fulminis ocyor alis, quærat nequicquam præsidium, centenis se immiscens; odorisequorum non fallax vis ducit, quo fissa ungula gressum tulit, & notatum unicum extrahit ex grege, in remotâ valle pascentium, aliis omnibus intactis. Nonne inde patet, odorem exhalantis esse, in genere non solum diversum: sed & in unoquoque animali differre?

23. Humor autem ille, qui in sanitate, tenuis, vaporis instar, volatilis, odoratus, falsus, invisibilis emittitur de corpore animali, vocatur hodie *Perspiratio Sanctoriana*:

#### 14 DE PERSPIRATIONE SANCTORIANA.

*na* : non quod subtilis ille Italus primus observaverit , hominem vivum , sanum , omni momento transpirare. Illud enim , uti demonstravimus (2.3.4). fuit semper notum , illud passim describit Hippocrates , Galenus , aliique , non secus ac omnium corporum effluvia notaverunt , antiquissimi Philosophi. Vide quid præstitit in horum descriptione Docti furor arduus Lucretii , quale testimonium de illo profert statius Poëta. Lib. IV. de natura rerum. vs. 34. & alibi.

*Esse ea , quæ rerum simulacra vocamus :*

*Quæ quasi membranæ summo de corpore rerum*

*Dereptæ volitant ultro citroque per auras.*

Illud jam primævi , illud post lapsum , hominum primus Adamus expertus est , incommodo suo , & justâ summi Legislatoris devotione : dum faciei sudore victum quærere cogitur , & amictum.

24. Verum inde a *Sanctorio* cognomen accepit perspiratio , quia indefessâ ille tot annorum observatione , & indagatione improbâ , opus hoc perfecit ita , ut certus experimentis , nec temere , desiniverit , arte suâ staticâ pulcherrimâ , quantum deponat

## DE PERSPIRATIONE SANCTORIANA. 15

ponat intra viginti & quatuor horarum spatium, materiæ digestæ excrementitiæ, vegetus & sanus homo : quodque ex observationibus istis fidelissimis, collegerit labore incredibili; quomodo rerum naturalium, & non naturalium, abusus augeat hanc, minuat, supprimat. Hæcque omnia eo ordine in aphorismos redegerit, ut quid aër, quid aqua, cibus potusque, motus & quies, somnus & vigiliæ, Venus atque animi affectus, in hisce mutant, sedulo tradat.

25. Et si quis in servandâ & restituendâ Sanitate, quantum hic non præstitit? Id quippe affirmat ipsius operis dignitas: qui enim vel eminus semel perspexerit, totum corpus nostrum nihil fere esse, nisi vasa & fluida. Corporis vero *vitam* nihil, nisi horum in se invicem actionem. Vitæ vero *sanitatem* constare tantum, ex accommodatâ reactione vasorum in fluida, a quibus illa dilatantur: fatebitur facile, perpetuum hunc motum, pro effectu, habere tritum, & attritum: unde necessario subtilissimi humores degenerascunt, misti intime, & separati: hinc & olea corrumpuntur, salia exaltantur; quæ omnia, nisi effœta eliminantur, sed retineantur, plurimorum morborum, si non omnium, tam

acu-



## 16 DE PERSPIRATIONE SANCTORIANA.

acutorum, quam chronicorum, fontes sunt, & causæ.

26. Hinc & liquet, quanti momenti sit, in omni parte Medicæ scientiæ, quæ morbos detegit & curat, cognitio expirationis; ut pulcherrime Sanctorius monet, & quidem in unoquoque ægro, in dirigendâ curâ, & diætâ. Imo vero & in *προφύλαξι* & *ὑγιεινῇ*.

27. Id iterum ex phænomenis observatis, quam pulcherrime describit Hippocrates, de alimento aphorism. XVI. dum inquit. *Ἀραιότης σώματος ἐς Ἀσπνιοὴν. οἷσι πλεον ἀφαιρέεται ὑγιεινότερον, πυκνότης σώματος ἐς Ἀσπνιολὴν. οἷσιν ἔλαττον ἀφαιρέεται, νοσούντων. εἰ Ἀσπνιεύοντες καλῶς, ἀσθενέστεροι, ἢ ὑγιεινότεροι, καὶ θανάσφαλτοι. οἱ Ἀσπνιεύοντες κακῶς, πρὶν ἢ νοσῆσαι, ἰσχυρότεροι. νοσήσαντες δὲ, δυσανάσφαλτοι. ταῦτα δὲ ὁλῶ, καὶ μέλει.*

*Raritas corporis ad perspirationem quibus plus aufertur salubrius. Densitas corporis ad perspirationem, quibus minus aufertur, magis insalubre. qui bene perspirantes, debiliores, & saniores, & citius reconvalescentes. qui male perspirantes, priusquam ægrotant, fortiores. ægrotantes vero, difficile reconvalescentes. Hæc vero & toti, & parti. quibus iterum perpaucis, omnem descripsit perspirationem, & quidem in sanitate, & morbo,*  
cum

cum omnibus omnino signis, in subjecto diverso.

## CAPUT TERTIUM.

28. Corpus exhalat ubi Epidermis & Epithelium. 29. Definitio Epidermidis. 30. Differt colore in diversis nationibus & hominibus, & jam in fœtu. 31. Differt colore & crassitie in diversis partibus corporis. 32. Crassities augetur in adulto, in pede & manu; licet jam in fœtu differat. 33. Demonstratur in præparatâ cuticulâ, post avulsionem a cute. 34. Divisibilis est in lamellas, facile in adulto, difficilior in fœtu, & in tenerâ Epidermide. 35. In omni parte sub cuticulâ Reticulum est, & per illud necitur subjectæ cuti & papillis. 36. Definitur Reticulum. 37. Differt in diversis hominibus, & in morbo. 38. Locus est stigmatum. 39. Differt in diversis corporis partibus. 40. Ut cuticula, ita reticulum mutatur: convenientia inter has membranas notatur. 41. Epidermis cum reticulo de cute detracta fit duplo major, servat omnes eminentias & sulcos, ut in cute: & quisnam horum usus sit. 42. In reticulo ibi sulci, ubi in cute eminentiæ; & contra. 43. A se invicem separata cuticula & reticulum longiora sunt & æqualia, nisi callosa

*losa sint ; demonstratur hoc. 44. Nullo foraminulo pervium est reticulum , sed lacunis plenum. Unde id putasse videtur Malpighius. 45. Res aliter est in homine. 46. In Epidermide tot alveoli , quod in cute eminentiæ, quia reticulum ubique papillas investit. Inde ex iis hæ extractæ perforare mentiantur reticulum. 46. Hoc rite examinanti aliter patet , & demonstratur.*

28. **D**iximus totum corpus expirare in aërem externum, ubicunque Epidermis est, quæ alio loco Epithelium dicitur.

29. *Επίδερμις* Græcis , quasi *ἐπὶ δερμὶ* & *δέρματι* ; ut nostrates optime dicunt *Oppershuid*. Latinis per diminutionem *Cuticula* dicitur. Est membrana singularis, simplex, tenuis, pellucida, densa tamen, integra, sicca, squamosa, candida.

30. Vario tamen invenitur in diversis nationibus colore, si a reticulo separata sola consideratur, cinerea est in *Æthiope* : in *Semi-Æthiope* diluta magis : candida in *Europæo*. Differt & in hominibus, sub eodem climate degentibus, ibi & a sole & ab aëre, magnam ejus color mutationem subit : nec tamen & inde omnis varietas dependet, varius enim color in recens natis deprehenditur, & in abortu. Gemellorum maceravi Epidermidem, quam de utriusque



que dorso detraxi, ut reticulum abscederet. Mira res est! & jam in his color quodammodo differt. Maximus tamen & præcipuus in reticulo ille est.

31. Differt & in diversis corporis ejusdem partibus, colore & crassitie cuticula. Densissimam invenio, & fuscam magis in plantâ pedis, volâ manus, & interiore parte digitorum: quo vero magis in latere, superiora versus tendit, eo fit tenuior pellucidior, donec in dorso manus, pedis, & digitorum, tenuissima sit, pellucida, & candida.

32. Augetur in adultiore illa crassities (31.) in pede, ab incessu; in manu, ab attritu: unde scissilis ibidem in adulto, tamen jam in fœtu hoc obtinet, quo minus læderentur hisce in locis papillæ, attritui vehementiori mox exponendæ.

33. Arte, & patientiâ, de manibus recens natorum integras detraxi has pelles chirothæcarum formâ, de pedibus veros quasi foccos; imo vero de crure, & pede, integras ocrëas, nullo foraminulo, vel minimo pervias. Has intus liquore repletas ligavi, & in spiritu servo; in quibus dicta differentia, (30) non modo, apparet; sed, fere in omni puncto, diversitas conspicitur; crassior enim, quâ calcem, quam quâ parte talum investit, tenuior iterum, quo lo-

co suram, & tibiam succingebat, & quibus locis densior, ibidem magis est opaca.

34. In lamellas divisibilis est, ut Ruyschius jam docuit: facile hoc, ubi crassa est, peragitur; ut in plantâ pedis, & volâ manus, maxime in adulto, si callosa est. ibi enim in vivo absque sensu, ad certam altitudinem, scindi potest. Difficilius vero in fœtu, & imprimis quidem in parte teneriore, separatur. Utrumque curioso cuilibet exhibere valeo, adulti nempe callosam, quam de pede detraxi, epidermidem, lamellatim divisam, & fœtus itidem tenuissimam cuticulam, a quâ, in dorso, pedis, & digitorum, separata hæret pelucida lamella.

35. Habet sub se cuticula in omni parte reticulum Malpighianum dictum, quia primus ille in linguâ, atque in manuum, & pedum interiore parte illud demonstravit. Quod Celeberrimus Ruyschius dein ubique inveniri asseruit. Hujus interventu cum cute necitur: nec usquam illam nuda attingit. Hujus ope epithelium cum subjectis partibus jungitur, & cum papillis.

36. Est reticulum hoc, membrana, tenera, mollis magis, quam cuticula; pulposa quodammodo, in aquâ post macerationem dissolubilis. Est præcipua coloris externi,

in

in homine, sedes. Hinc nigerrimum in Æthiope, fuscum in semi-Æthiope, &c.

37. Diversum & in Europæis est, pro diversitate regionum, & temperamenti, flavum in bilioso Hispano, & in atrabiliario, ut sæpe Africanum colorem superet. In sanguineo candidius, ut sæpe in iis a cuticulâ vix distinguatur. Hinc candida Nais niger Menalcas. Mutat & colorem per morbum: in icterico enim flavedine tingitur.

38. In reticulo hoc stigmata omnia locum habent: Ephelides, sive Lentigines, & Epinuctides.

39. Diversum est & in diversis corporis partibus; crassissimum, ubi densior cuticula: hinc & in manuum palmis, interiore digitorum parte, & in plantis pedum, notabilius est. Quo vero loco crassius est, ibidem & magis coloratum; in puendis vero tenue, sed fuscum ita, ut negares de Europæi cute detractum esse. Ubi cuticulam attingit, colore dilutum magis, & siccius est, quâ vero superficie cui apponitur, intensius coloratum est, & succulentum magis.

40. Et ut cuticula, ita reticulum mutatur; atque conveniunt hæ membranæ ita inter se, ut Celeberrimo Albino placeat has pro unâ eâdemque numerare, diversas tantum superficie; ita ut reticulum, tantum inter-



## 22 DE EPIDERMIDE ET RETICULO.

na sit ; epidermidis superficies : si enim afficiatur Epidermis, ut abscedat ; Reticulum ipsi adhærens, itidem separatur, ubi illa degenerascit, & hoc mutationem subit, ut illa vasis destituitur, nec in hoc quoque detecta sunt. Separantur præterea difficillime.

41. Si de cute epidermis una cum reticulo detrahitur, duplo fere major fit, & amplior: servatque omnes sulcos & eminentias, qui multiplices scatent in superficie ejus, dum cum cute nectitur : quorum usus est ; cuti firmitus annectere epidermidem, tuto ordinare perspirantium vasculorum ultima oscula ; deinde & incrementi adiposæ locum cedere, dum una cum cute expanditur. Hinc in obesitate minores sunt sulci, & glaberrima splendet cuticula ; dum in macilentis sulcata, in emaciatis contracta iterum in rugas abit eadem, ut in senescentibus apparet.

42. In reticulo autem ibidem sulci post separationem, ubi in cute eminentiæ, & contra. Patet hoc in cuticulâ, quam de pollice pedis adulti detraxi, ubi rigidiæ eminentes parallelæ papillarum series, ab impletis vasculis, quâ parte in reticulo sulci sunt, & contra.

43. Si vero, quod difficile fit, a se invicem separantur cuticula & reticulum,  
tum

tum omnes rugæ & inæqualitates disparent, explanantur hæ membranæ, & longiores fiunt. Nisi fuerint callosæ & crassiores, hoc iterum video in iis quæ propriâ manu præparata servo: quam crassissimam dixi, in fœtu, epidermidem, maceravi, ut, quæ Santorinus scribit de abscessione reticuli, experirer, in illâ post maceratum, & abrasum reticulum, nullæ supererant, inæqualitates, sed multo longior facta erat. Idem passim in tenerâ observo epidermide; de plantâ vero adulti detractam eandem separavi in lamellas, & a reticulo abstuli, non solum in reticulo crassiori, sulci & eminentiæ supersunt; verum & in ipsis scalpello divisis cuticulæ lamellis, conspiciuntur adhucdum striæ, & juga a papillis impressa.

44. Nullo autem foraminulo pervium est reticulare corpus, verum excavatur solummodo alvæolis, qui ipsi ab assurgentibus papillis imprimuntur, dum simul cum cuticula reticulum elevant. Unde & illud papillarum figuram servat. Videtur vero Malpighius id afferuisse inde, quod, quæ in homine difficulter apparebant, in animantibus quæsierit, tumque, caute semper, ex analogiâ ad humani corporis partes concluderet, hinc cum in linguâ vitulinâ vidisset, ejusmodi reticu-

## 24 DE EPIDERMIDE ET RETICULO.

lare corpus , veris perforari foraminibus , conclusit , & eandem membranam , quam huic simillimam in pedum , manuum , & digitorum interiore superficie postea detexit, iisdem esse perviam, distinguitur quoniam lacunis similibus.

45. Sed revera res longe aliter sese habet in homine, nec lacunæ illæ, in reticulo , ullâ aliâ de causâ, quam ex sequente, ortum ducunt.

46. Cutis , ut locaret in se organa tactus , scabra est eminentibus papillis, ubique ordine diverso dispositis , quo aptior esset, objectis explorandis. Sed & eadem , quo facilius expanderetur, fulcis & divisionibus , quæ in omni parte , alio modo se invicem secant , ornatur. Sensiles, autem, pulposæ, papillæ, aëra externum ferendo in pares erant, tenerioresque, quam ut objecta dura nudæ attingerent. Hinc illis superinduxit benignus machinæ Constructor membranam, quæ ubi objecta directe tangit, sicca est, & durior, quo vero papillis propior, eo tenerior fit : donec, ubi illas investit, succosa sit & mollissima; illa cuticula , hoc reticulare corpus , est. Cum autem illæ membranæ minus impedimento esse deberent, instrumentis tangentibus , non supertenduntur expansæ , sed velant ubique ita, ut firmissime cuti, ejusque



que eminentiis, sulcis, & foveis adaptentur. Secundo ultimorum exhalantium oscula, & inhalantium in iis locari debebant, per quæ corpus a superfluis liberatur; inde tam supra papillas, quam in interstitiis inter has mediis, & in sulcis hæret: hinc detractum cum cuticula reticulum (quoniam figuræ tenaces sunt, quamdiu junctæ manent hæ membranæ) expanditur quidem, sed servat omnes eminentias, quibus in cute sulcos succinxerat, omnesque cavitates, quæ cutis juga investierant; cumque ex istis vaginulis, extrahantur dictæ papillæ, quali perforatum iis locis apparet reticulum.

47. Quod rite inspicienti aliter patet. Sæpe examinavi, quam de apice digiti, una cum ungue detraxi, fœminæ cuticulam, video, si oculum probe armo, in jugis reticulum, cujus color in hoc objecto satis manifestus est; sed & simul cerno inde reflecti illud atque ingredi sulcos, qui in digito, inter papillas filorum constipatorum speciem referentes, paralleli sunt: tumque animadverto, nisi radii solares, e directo, in objectum incurrant, oriri umbram aliquam in sulcis, ab eminente jugo; quod cum idem in iis fit, ubi papillæ ordine quodam disponuntur disjunctæ: tot foraminula falso apparent, quod cernuntur impressi alveoli. At vero pulcherrime inte-

## 26 DE EPIDERMIDE ET RETICULO.

grum itidem reticulum apparet, si ipsis papillis illud superinductum servatur. A digito separavi in anteriore apice, in laterali, & in posteriore parte, epidermidem ita, ut solum reticulum cutim investiens & ipsi annexum permanserit, nec ibi, licet vascula minima cutanea ad ultimum usque, repleta pigmento ruberrimo sca-teant, ulla apparet, vel minima papilla, perforare reticulum, contra, in hisce omnibus, continua, una, & eadem membrana est. Nec nisi exhalantium & imbibentium orificiis pervia est tam cuticula, quam reticulum, quæ tam parva, ut nullis auxiliis visibilia sint.

## CAPUT QUARTUM.

48. Undenam oritur cuticula? 49. Veterum sententia; & Riolani. 50. Refutatur. 51. Anatomicus celeberrimus a compressione oriri dicit. 52. Refutatur argumentis. 53. Nec placet Malpighii sententia. 54. Hæc describitur. 55. Firmatur ex emplottunicarum nervi optici. 56. Illæ non demonstrantur oculi tunicas efficere, saltem ex dura matre non oritur sclerotica. 57. Si reflexæ membranæ tegumenta efficiunt, nudus erit ultimus nervus, nisi a depositis iterum vestitur; quod nusquam in corpore fit. 58.

58. Huic contraria etiam est tenuitas nervorum subcutaneorum. 59. In aliis partibus a depositis tunicis nervorum teneræ membranæ oriuntur. 60. Nec pertingunt eo usque nervi, ut cuticulam & reticulum efficerent tunicis suis, quia terminantur in papillis. 61. quomodo ipsa res invenitur. 62. Nervi subcutanei in adiposo panniculo decurrunt, ut alia vasa. 63. Ex his cutanei oriuntur, ad papillas tendunt, eo usque distinguere possunt acu & microscopio, & teguntur tunicis; ulterior distributio, nisi ex analoge, haud demonstratur. 64. Non dubium, quin, ubi agunt, ibi nudi hæreant. 65. Non sentit papilla, sed est organum, in quo sentiens hæret. 66. Papilla est elevatio cutis, in qua vasa & nervi locantur. 67. His superincumbit reticulum & epidermis. 68. Conclusio, quod epidermis reticulum & cutis sint singulares membranæ; cum corpore connatæ; cuticula vero & reticulum enervia. 69. In epidermide & reticulo nulla vasa sunt detecta, licet felicissime peragatur injectio: attamen non videntur destitui vasculis, quia nutriuntur & crescunt æque ac ungues & pili, hoc jam scribit Hippocrates. 71. Per has membranas liberatur corpus ab omni superfluo, & ab iis, quæ in intimis hærent, ut iterum notat Hippocrates. 72. Hæc exspiratio superat



*rat omnem copiam excrementorum , ut in homine sano observat Sanctorius , simul annumerans perspirationem , quæ per os fit , quam experimento affirmat.*

48. **U**ndenam autem oriatur cuticula , & reticulum , videndum restat ?

49. Credidit antiquitas , membranam hanc nasci ex humoribus , qui de corpore exhalantes frigore condensantur , ut in lacte ebulliente fieri videmus : hincque , ablatam renasci iterum fingeant , & quidem , ut Riolanus vult , ab eo mucos , qui cuticulam inter & cutim invenitur , si ferro candente admoto , vel fervidâ aquâ , separatur.

50. Verum enim vero quam facile cadat hæc sententia , videbit quisque , qui considerat , vascula ultima exhalantia ordinari in ipsâ illâ membranâ , adeoque exspirare per eam , extrorsum. Præterea mucus ille , qui cutim inter & cuticulam invenitur , dum a se invicem abstrahuntur , nihil aliud est , quam humor , qui integris vasculis exhalantibus & inhalantibus continetur , & dum illa franguntur , effunditur.

51. Sed nec & omni difficultate caret Celeberrimi Anatomici cujusdam sententia , quâ aliud nihil esset , quam ipsius cutis extrema superficies , a compressione , & attritu indurata ; unde insensilem , & mortuam esse putat.

52. Certe obſtare huic quodammodo videtur ſententiæ præſentia ejus in foetu , in utero materno , ubi nullus talis preſſus locum habet : ſed e contrario liquor amnii ab omni parte foetum lambit, atque ſuo calore fovet : nec condenſat vapores , qui exhalant : nec comprimit cutim , &c. ut generet epidermidem ; ſed molles, flexiles, lles, ſervat omnes partes, fovet eas, unde creſcunt melius : prætera illa compreſſio ſolum ibi ageret , ubi inter minima vaſculorum oſcula exhalantium , punctula ſunt , non perforata , & minor eſſet ejus vis , quam quæ tenera hæc vaſcula complicaret, aut faceret per totum corpus, in omni parte externâ, callum.

43. Neque placet , recepta omnibus adeo ſententia Celeberrimi Malpighii , quâ putant eſſe depoſita involucra ipſorum nervorum, tactum efficientium : unde integumenta tria corporis communia ortum ducunt.

54. Nervi , ita perhibent , ex oblongatâ , vel ſpinali medullâ exorti , tribus decurrunt inſtructi meningibus , ubi vero ex ſubjacentibus partibus emergunt, tranſgreſſi panniculum adipoſum , deponunt tunicam extimam , quæ dura mater eſt , hanc undequaque reflectunt , inde oritur cutis. Quæ tunc ſecunda eſt , tunicam, arach-

arachnoideam , statim itidem exuunt , inde reticulare corpus. Denique ex pia matre oritur cuticula , eâdem reflexionis ratione.

55. Hanc sententiam suam ut confirment , adferunt , pro exemplo , nervum opticum ; cujus reflexæ membranæ faciunt oculi tunicas communes.

56. Sed neque hoc (55.) demonstratum est. Saltem dura mater haud efficit scleroticam , id enim facile demonstratur , hancque plane diversam membranam esse sæpiissime vidi , quæ externe durâ matre vestitur.

57. Si vero , ut illi proponunt , reflexæ nervorum membranæ , tegumenta efficiunt : quid quæso fiet de ultimo nervorum fine , qui pulposus semper est , in omnibus , mollis , & medullosus , dum tunicis orbatur ? Hærebit certe aëri externo exposita illa pulpa , nisi benignam misereat epidermidem nudorum , iisque , singulari beneficio , ex depositis propriis pannis , iterum vestes reddat , quod quâ ratione fieret , haud video , nisi ex depositarum meningum margine , exsurgeret undique processus claudens patulum a reflexione foraminulum , in quo hæret ultimus nervus ; cui tamen benevolenti caritati sociam , in toto corpore , vix invenies naturam.



58. Sed & huic sententiæ contraria est filamentosa nervorum tenuitas, qui sub cute in adiposâ membranâ, disperguntur, quam ut ex horum ramulorum, qui nervi cutanei sunt longe adhuc hisce tenuiores, membranulis pusillis oriretur crassa, densa, coreâcea cutis, cuticula porro, & reticulum Malpighii.

59. Et cur ex reliquorum nervorum tunicis, quas antequam munus suum exercent, deponunt in mollioribus partibus, ut omnes assentiuntur, haud formatur cutis vel crassa ipsi similis membrana? cum contra in hisce omnibus quanta non est tenera subtilitas? membranæ enim involventes sunt eadem in omnibus nervis.

60. Præterea eo usque haud pertingunt nervuli, ut a depositis tunicis reticulum, & cuticulam formarent: terminantur enim omnes in cute in papillarum superficie, quas nervosas dicunt: cum contra maxima parte ex vasculis consent.

61. En quomodo comperior, rem sese habere.

62. Nervi subcutanei, ut venæ & arteriæ in omni parte, sub cute dispersi hærent in panniculo adiposo, assurgentes ex partibus, quæ subjacent. Vide Eustach. Tab. XXI. & XXIII. ubi illos notasse videtur.

### 32 DE NERV. SUBCUT. ET PAPIL. CUTA.

63. Hi quo propiores cuti, eo fiunt teneriores, donec ex hisce, minimi, innumeri, adsurgunt ramuli, qui cutim intrant, ad papillas tendunt, & in iis ordinantur. Imo vero has huc usque servare, quibus investiuntur, tunicas, affirmo. Eo usque profectus sum microscopio & acutenuissimâ, cujus attactum, & hoc in loco ferunt. Quæ vero ulterior horum distributio sit, quis demonstrabit? Sed si ex analoge partium liceat ratiocinio quid indulgere, credibile est, eundem illos hic tenere cursum, qui arteriarum est, & venarum: ut in majoribus partibus fieri videmus.

64. Nec dubium tamen, quin, antequam illud punctum attingunt in papillarum superficie, ubi tenuem tactum exercent, medullâ suâ nudi ibidem hæreant, involucris depositis, ut iterum in aliis fieri videmus.

65. Hinc non sentit, ut divulgata sententia est, papilla; sed est ordinans organum, in quo instrumentum sentiens hæret, quo facilius applicaretur, corpori cuivis explorando. Nec nervosa tota papilla est; id enim docuit aliter dudum injectio. Imo vero minimam ejus molem nervi constituunt, cum contra maximâ parte vasculosa sit.

66. Hinc concludo, papillas esse cutis  
ele-

elevationes, in quibus nervi sentientes, vascula irrorantia hosce, de quibus postea (80.) dicemus, & inhalantia, certo ordine locantur, firmanturque.

67. Hisce (66.) jam super incumbit, quod descripsi reticulum (36.), ideo hoc in loco, tenue, succulentum, molle, ne teneram læderet nervulorum pulpam (46.), cui dein imponitur durior, siccior, cuticula; ne scilicet ab objectis durioribus explorandis, facilem læsionem acciperet.

68. Hinc & iterum concludo, cutim, cuticulam, ut & corpus reticulare, esse singulares, organicas, cum corpore connatas membranas, inter se diversas: cuticulam vero & reticulum, esse enervia; quod & insensibilitas docet: dolor enim qui post usionem, vel ab applicatis cantharidibus oritur, non est in cuticula, vel quia nervi franguntur, sed quia vascula minima, quæ rumpuntur, suis forte gaudent nervulis: secundo, quia collectus humor cutim inter & cuticulam, premit nudos nervos, denique tum maximus demum dolor est, quando rupta epidermide, a nudo aëre tanguntur papillæ: sed & secundo docet nullos venire a cute, ad epidermidem nervos, unde nec horum involucra, facilis ejus a cute separatio, post macerationem, vel in fervidam aquam immiſsionem, quantum e-



### 34 DE EPIDERMIDE ET RETICULO.

nim vel minimi nervi, in separandis partibus resistentiam scalpelli aciei efficiunt, docet cutis a cellulosa detractio.

69. Porro in hisce membranis, Epidermide & Reticulo scilicet, huc usque ars nulla vasa detexit, contra eos, qui illud præstare posse asserunt: vide de hisce celeberrimum Ruyschium advs. anat. III. Dec. VIII. imo vero licet tam feliciter injectio peragatur, ut cera ex vasculis Sanctorianis, quæ perspirationi dicata sunt, exsudet, nulum tamen in iis, si a cute detrahantur, tunc vasculum apparet, uti Clarissimus Albinus annuis Physiologicis Demonstrationibus testatur; hinc partes siccissimæ habentur.

70. Attamen cum renascantur, crescant, & nutriantur, probabile admodum est, haud omnino vasculis destitui, non secus ac unguis & pili, qui vasculosi, itidem huc usque nondum apparuerunt: quos tamen & alimentum accipere, uti nutritur cuticula, jam docuit summus Hippocrates de aliment. Aphorif. XII. Ἐς τείχεα τροφοῖ, καὶ ἐς ἀνυχας, καὶ τὸ ἐξ ἁπλῶς ἐπιφανείων ἐνδοθεν ἀφικνέσται. *In pilos alimentum, in unguis, & externam superficiem, ab internis pervenit.*

71. Per hasce membranas, uti sæpius jam monuimus, liberatur corpus ab omni,  
quod

quod tenue superfluit de humoribus : imo vero & ab iis , quæ in intimis permista prius adytis , jam expellenda sunt : uti & eodem loco Hippocrates notat : de aliment : scilicet aph. XII. ἀρχὴ μεγάλη εἰς ἕνα πιν μέρ<sup>9</sup> αἰ-  
φικνέεται principium magnum ad externam partem pervenit. Unde quod postea in aëræ expellitur , prius in corde hæsit.

72. Hæc autem exspiratio ex calculo Sanctoriani , superat omnem excrementorum copiam : ita quidem , ut si octo librarum cibi & potus pondus assumatur , transpiratio circiter adscendat ad quinque libras : hoc in homine , ille , vegeto , sano , juvene , vitâ beatâ , victu moderato , aëre utente Italo , observat. de Med. Staticâ Aphorism. VI. addit autem varietatem in hac obtinere , varietate naturæ , regionis , temporis , ætatis , morborum , ciborum , aliarumque rerum non naturalium. ibid. Aphorif. VII. annumerat autem illam simul perspirationem , quæ fit per respirationem , quæ illa est , quam supra diximus , provenire illis de partibus , quæ internæ Epithelio succinguntur , (13.) quamque ad se- libram circiter adscendere consuetam esse , affirmat , additque simul experimentum : quod nempe , guttæ in speculo ori , dum aërem efflamus , apposito , illam indicent. Ibid. Aph. V.

## CAPUT QUINTUM.

73. Magni Viri incubuere, ut fontes & vias perspirationis invenirent, & describerent.
74. Malpighius & alii a glandulis fieri perhibent, ex quibus excretoria vasa emergunt, pelliculâ tectâ.
75. Operculum hoc constare ex quatuor cucullis demonstrat Du Verney in elephante, apparet & in camelo.
76. Ruyschius non negat glandulas cutaneas, sed se invenire non posse affirmat, ut pro glandulis describeret, negat has esse sudoris fontes. Sed arteriolarum extremitates esse fistulas dicit, quibus humores emergiti, & sudor transmittitur.
78. Nec tamen vasa majora adsunt, quæ prius descripsit Ruyschius, postea correxit: unde ille error?
79. Arteriæ subcutaneæ describuntur, & earum decursus.
80. Ex iis oriuntur cutaneæ: quæ cutim intrant, & ad papillas tendunt.
81. Has pulcherrime demonstrant præparata vexilla cutis Humanae, quæ servantur in Thesauro Anatomico Boerhaviano, a Ruyschio in usum ejus confecto.
82. Idem demonstrat Celeberr. Albinus.
83. Et cutis humana impleta, præparata, & exsiccata ab auctore.
84. Illa vasa, quæ in cute tenerrima, non sunt habenda pro vasis perspirantibus. Sed ex iis  
mi-



*minora oriuntur , horum subtilitas a Leeuwenhoekio definitur. 85. In separatione cuticulæ a cute occurrunt filamenta. Quænam in vivis docent hæc esse vasa: humor qui inter separandum in cute invenitur mucosus est. 86. Dubium, an illa filamenta non sint trunci, ex quibus iterum rami oriuntur? 87. Ob crassitiem humoris (85.) videtur emitti simul smegma cryptarum tenuius: dum quod crassius in ruptis emissariis manet. 88. Id docere videtur immissio cuticulæ in liquorem spirituosum. 89. Hic est mucus, quem Ruyschius putavit medullasam cerebri substantiam esse, in papillis nervosis. 90. Hirsuta est cuticulæ superficies interior, æque a ruptis filamentis, quam a pilorum radicibus. 91. Si cuticula maceratur, æque videtur abscedere mucus. (85.) quam reticulum. 92. Affirmat hoc macerata cuticula, sæpius mucosa, integro reticulo. 93. Arteriolas ultimas esse, quæ expirant docet injecta in arteriam aqua. 94. Adfertur experimentum immissæ in axillarem arteriam aquæ, unde brachium sudavit transeunte aquâ ex trunco in ramos minores, & minores: exeunte eâdem ex minimis. 95. Apparet in integrâ Epidermide post experimentum (94.) detractâ aquam naturalem viam quæsiuisse 96. Cera transudat colorata in infante; alba in adulto. 97. Inde conclu-*

dit Albinus cum Ruyschio esse arterias, quæ perspirantem humorem & sudorem transmittunt. 98. Est (94) præcipua pars perspirationis quam Sanctorius per corporis poros fieri dicit. 99. Obtinet ubique, nisi quo loco callus, vel cicatrix est. 100. Quid callus sit? 101. Excrescit sæpe in tantam crassitiem, ut uri, scindi possit sine dolore, hoc exemplis demonstratur. 102. Quid sit cicatrix? 103. In ea nunquam Epidermis recrescit, patet in Æthiope: sed tegitur splendente superficie, quæ cutis callosa est, unde nulla ibi perspiratio.

73. **M**agni postea Viri incubuere ut fontes demonstrarent, & vias invenirent, per quas insensibilis ille humor toto de corpore perspirat, & eliminatur, ubi cutis est, hocque describerent.

74. Malpighius, Steno, aliique Viri egregii a glandulis fieri perhibent; quæ in homine in volâ manus copiosissimæ, & in reliquâ corporis superficie, dispersæ hærent, in cute: quas & sensus officinas, & sudoris fontes, putat Malpighius. Ex hisce affirmat emergere vasa excretoria, quæ orificiis suis sub Epidermide patent, atque teguntur pelliculâ quâdam, quæ interiora versus convexa est, nec cucurbitæ, absimilis, forte & valvulæ ministerio fungi suspi-

suspiciatur; ut scilicet laxata, emittat humorem perspirabilem; & sudorem: intensa vero, eosdem retineat.

75. Operculum hoc ex tribus quatuorve cucullis constare, ut in cantharis habemus, demonstravit Celeberrimus Du Verney in Elephante, uti quoque optime conspicitur in Camelo.

76. Omnia vero in humano corpore scrutatus Ruyschius, nisi probe perspectae rei haud facile calculum adjecit, nec & nisi certior, aliorum sententiæ contrarium opposuit, hinc & non negat, dari ejusmodi glandulas cutaneas, sed sese nunquam has invenire potuisse, ut describeret, affirmat; & post examinatas, non glandulas esse putat, sed epermidis elevationes, negatque prorsus, has esse sudoris, & perspirationis fonticulos.

77. Sed arterio'arum extremitates, dicit, ultimæ, quæ tomentosæ, gossypii tenuitatem longe superant, sunt fistulæ, quibus emeritæ humorum particulæ, extra corpus eliminantur, fumi instar: atque illi sunt canales, quibus dilatatis, sudor transmittitur.

78. Attamen nec adsunt vasa illa majora, quorum reptatum primo affirmaverat, postea in ultimo thesauro correxit, castissimus in Anatomicis Ruyschius, decepe-



rant Virum optimum, subcutanea vasa, quæ collapsâ & exsiccâtâ, in macilentioribus, cellulofâ, per quam decurrunt, eutim intrare mentiuntur.

79. Verum subcutaneæ arteriæ, ortæ ex arteriis partium subjectarum, truncis notabilibus, fatis magnis, repunt sub cute per cellulofam, & in ramos disperguntur, vid. Eustach. tab. xxii & xxv.

80. Ex his autem ubique oriuntur, minimæ, subtiles, tomentosæ, tenues, cutaneæ arteriolæ: ipsam illæ cutim intrant, perforant hanc, tendunt ad papillas, in iis, & in omni cutis superficie, hiant: cutim, papillas, nervulorum pulsam medullosam, sub cuticulâ, irrorant, flexilem, tenuem, mollem, actioni aptam conservant.

81. Hasce luculentissime demonstrant pulcherrimæ, & incomparabili ejus arte præparatæ demonstrationes cutis exsiccætæ, si post impleta vascula, a cellulofâ accuratissime separantur: quales cernere de die & examinare mihi contigit, in opulento anatomico thesauro, quem, maximâ parte, præparavit dexterrimus Ruyschius in usum Avunculi mei celeberrimi H. Boerhavii: reponuntur ibidem vexilla diversa, ex diversæ ætatis humanâ cute nitidissime præparata, ita: ut, si oculo armato, & ab  
interna

internâ parte conspicias, quâ scilicet cum cellulosa juncta fuit cutis, vel ab externâ parte consideres, quâ reticulo & epidermide tecta fuit; cernas vascula tomenti instar, tenuia rubra tamen, ab injectâ cerâ; haud secus ac punctula totidem colorata apparentia, ut in papillarum, ita & totâ in cutis superficie inter has, splendentia.

82. Docet idem in Anatomicis hodie facile princeps, Clarissimus Albinus, annuis physiologicis demonstrationibus, in quibus a cute dexterrime separatum panniculum adiposum ostendit, exsiccatum, in quo trunci subcutanearum arteriarum majores ramis suis disperguntur: dum in cute, a quâ separata est illa cellulosa, itidem exsiccata, nulla, nisi minima, tomentosa, vascula demonstrat. Objecta certe Præparatore Artifice digna, nec Ruyschianis cedentia.

83. Ipse servo, quam post inpletionem detraxi de adiposâ tunicâ cutim, in quâ apparent vasa itidem, cutanea, minima, dum in margine, ubi reliqui, de industria, cellulosæ aliquid adhærere, majora subcutanea mentiuntur ipsam cutim intrare: interim in cellulosâ, quæ separata, crassissima, ab eâdem cute est, innumeræ vasorum myriades, omni in loco, per anastomoses junctæ, locantur.

Nec

84. Nec tamen illa vasa, quæ visibilia in cute tenerrima, habenda sunt pro vasis perspirantem humorem emittentibus; sed ex iisdem iterum minora oriuntur, sunt enim tantula hæc, ut oculatissimus Leeuwenhoekius centum & viginti quinque millia, sub spatio unius grani fabuli, osculis suis, hiare oblique, sub squamulis, computaverit.

85. Dum cuticula a cute separatur milena occurrunt filamenta, tenuia, & quæ facile rumpuntur. Hæc esse vascula, docet in vivis ustio, applicatio cantharidum, vel causa quæcunque Epidermidem a cute lente elevat, illa disrumpit, & humorem colligit. Quæcunque methodo separatur cuticula, rupta hæc effundere videntur humorem, (49.) qui Epidermidem inter & cutim, tum deprehenditur; nec tenuis quidem: sed mucosus, & lubricus: ita, ut eo madida cutis, attactum quodammodo eludat.

86. Cum præterea filamenta illa (85.) Sint satis visibilia, dubito an non trunculi sint, ex quibus iterum ramuli oriuntur illi tenues minimi, (84.) qui in cuticulâ hiant.

87. Sed cum humor ille (85.) ipso sudore sit multo crassior confido ex ruptis emissariis cryptarum (215.) cutanearum emitti smegma (219.) nondum elaboratum; sed



fed tenuius. Cum interim, quod crassius est, in iis permanet. Quæ etenim extensa fuere, & rupta emissaria sese æque cutim versus, quam cuticulam, retrahunt; & contrahunt.

88. Id certe doceri videor, si ejusmodi separatæ cuticulæ frustum liquori spirituofo immitto, tum enim durescit cuticula, contrahitur, ut facile patet, quia in fortiori alcohole inflectitur, contrahuntur & simul emissaria rupta folliculorum; & quem continent adhucdum, mucum exprimunt: qui tunc coagulatur, & spiritui innatat.

89. Hunc esse mucum monet subtilissimus B. S. Albinus, qui Celeberrimum Ruyschium fallebat, dum putabat Vir optimus, sese diluere ex papillis nervosis, ipsius cerebri medullarem substantiam; aquæ enim si imponatur ejusmodi cuticulæ frustum, maceratione & itidem secedit idem mucus (87.); & multo minus mutatur: quamquam hæc omnia longe pulchrius apparent si cutis eadem ratione tractatur.

90. Hinc & hirsuta semper interior cuticulæ superficies; non modo a pilorum radicibus (314. 321.) quæ ipsi inhærent: verum & a ruptis vasculis (85.) & folliculorum emissariis (218.).

91. Hoc denique hac occasione addo, quod si cuticula maceratur, ut reticulum absce-

abscedat, uti Santorini aliique monent, forte omne, quod mucosum innatat aquæ, haud esse reticulum, sed magnâ ex parte constare ex cryptarum humore, (85.) qui longe citius diffluit, quam reticulum.

92. De naïbus infantis, ubi convergunt, & de dorso, ibi etenim cryptæ notabiles, detraxi cuticulæ portionem integram: hanc aquæ purissimæ immisi, ut macerarem, post horam vidi, interiori superficie, quæ hirsuta satis erat; adhærere flocculentum jam quid, mucosum. Concussi lente epidermidem, ut abscederet hoc: depuratam iterum aquæ puræ imposui; paulo post, ut ante flocculenta erat, quâ parte reticulum est. Iterum depuravi. Idque donec nihil abscederet amplius, tum adhuc integrum examinavi reticulum, quod tamen postea in mucum versum, integram reliquit & nudam cuticulam.

93. Arteriolas autem ultimas esse, (77.) quæ ex'rorsum patent, & tenuem humorem exspirant, docet aqua tepida in arteriam subcutaneam quamcunque immissa.

94. Per tubulum arteriæ axillari illigatum, ope siphonis immisi aquam puram, calidam; impletis arteriis eâdem, mox totum cadaveris brachium sudare percepi, dum major copia immissæ aquæ ex venâ rediret. idem verum & in pede. & in omnibus

bus corporis cute tecti , partibus. aqua scilicet transit ex arteriâ majori, in minores, & minores ramos, donec tandem ex minimis transudat extrorsum, quæ in cuticula patent.

95. Hoc (94.) apparet in Epidermide, quam, post captum hocce experimentum (94.) integerrimam de brachio, & manu fœtus detraxi, unde & simul patet aquam nullam, nisi naturalem, sibi quæsisse viam.

96. Si recte memini, in physiologicis demonstrationibus, ubi de perspiratione tam diserte agit, Celeberrimus Albinus affirmat, quod ceracea injecta apta materies ex ipsâ superficie externâ transudet, & quidem colorata in infante, admoto fortius siphonis embolo, ob vasa laxiora; in adulto vero, pars ejus alba tantum, ob eadem strictiora.

97. Hinc & concludit Vir dexterrimus cum clarissimo Ruyschio, hæc esse vascula, quæ in statu sano in homine, omni momenti articulo, exhalant invisibilem, volatilem, tenuem, halitum, subtilem: quæ perspiratio Sanctoriana audit: dum ex iisdem, aucto motu, vel laxatis vasis, exit humor, copiâ visibilis, sub formâ sudoris.

98. Est autem hæc (93.) præcipua per-



## 46 EXSPIRATIO PER EPIDERMIDEM.

perspirationis pars, quam Sanctorius per corporis poros fieri annuit, quod transpirabile totum, & cutim tanquam nassam circumpositam habere, affirmat. aphor. v.

99. Obtinet autem (93.) omni in loco Epidermidis proprie dictæ, nisi quâ cuticula in callum abit; aut cicatrix in cute hæret.

100 Est etenim callus nihil aliud, nisi cuticulæ incrassatio, a lamellis, sibi invicem appositis; dum vascula, per *ῥαίσις* a quâcunque causâ, cujus effectus pressio est, & compressio, concresecunt: & sibi invicem apponuntur indurata.

101. Excrescit autem ille (100.) tantam sæpe in crassitiem, ut radi, uri, scindi possit, absque ullo dolore; sic qui Amstelodami in ardenti Vuclani officinâ, Cyclo-pum instar, anchoras cudunt, quæ vastissimas vectigalium, & bellicarum navium moles, mediis tumultuantibus in undis, tutas retinent, a perpetuo malleorum amplexu, & reperiçionis iteratâ vi, dum inter sese magnâ vi brachia tollunt, atque ferrum candens ad incudem, robore inexhausto, extendunt; manuum interiorem Epidermidem, tam crassam & callosam accipiunt, ut duritiem ungularum in animalibus facile adæquet; & nudæ illi ignitum de foco arreptum ferrum imponant, sine

## EXSPIRATIO PER EPIDERMIDEM. 47

sine læsione minimâ ; adeo quidem , ut quasi exulti equorum calcei , fumet , atque odorem spargat incensa. hinc ut crassissima crusta , solida , tenax , cuti imposita , exspiranti humido omnem transitum impedit. Nec & sunt in pedum digitis aliud quid clavi , qui subjectos nervos premunt , & tantum dolorem efficiunt.

102. Est vero cicatrix solutionis continui restauratio & concretio , per filamenta vasculosa descissa prius : horum retractorum elongatio , dispositio , ordinatio & ad centrum concursus.

103. In hac ( 102. ) recrescit nunquam Epidermis , vel reticulum , patet hoc facile in Æthiope & in iis , quibus color obscurior est ; sed succingitur superficie quâdam , splendente , candidâ , siccissimâ. quæ vera cutis callosa est , hinc vel in minimâ cicatrice , milliones vasorum destruuntur. unde & aboletur horum actio , quæ est transmissio tenuissimi humoris.

## CAPUT SEXTUM.

104. Ubi Cuticula pergit , quo loco cutis non est , *Ἐπιθήλιον* dicitur. est , quæ cuticula , eadem membrana , nisi tenuior. habet sub se ubique reticulum. 105. demonstratur in palato canino , a quo separatum Epithelium est.

est, & reticulum. 106. Malpighius primus reticulum detexit in lingua bovina: adest in homine: estque in omni loco, in quo papillæ, & vasa patula. 107. per Epithelium exspirat homo, ut per Epidermidem. nisi quod in illo adsit semper sudor. 108. quænam sunt partes in vivo visibiles, quæ Epithelio teguntur? 109. est & in primis viis, aëri contiguus. 110. ratio & via humidi in his (108.) facile investigatur. 111. ratio est secretio & excretio. via sunt arteriæ Experimenta demonstrant. 112. in carotidem externam superiora versus injecta aqua facit sudare omnes capitis partes, quæ ab illâ ramos accipiunt. idem præstat cera. 113. buccas villosas affirmat Albinus. patet post injectionem tantum. vidit & sudare palpebras internas ceram. inde patet via ex carotide in aëra externum, patula. 114. per respirationis organa perspirare hominem observat Sanctorius, & demonstrat. 115. loca, in quibus inspiratus & exspiratus aër moratur, numerantur. 116. hæc sudare semper docet pulmonis recentis dissectio. ubi omnia madida inveniuntur. 117. Humor ille duplex est, vel ex cryptis, vel ex arteriis ultimis secretus, qui aërem siccum inspiratum humectat. 118. hoc affirmat experimentum dum aqua in arteriam pulmonalem immittitur; simul imitando respi-



*spirationem vitalem. 119. pellitur tunc aqua ex arteriis in venas & in cor sinistrum, & ex aortâ exit. purgat vasa a sanguine*  
*120. intrat simul bronchia & trachæam, ex iis redit, spumosa, mucosa, cruenta primo; dein spumosa, mucosa limpida. cum murmure eodem, qui in moribundis est. 121. est illa spuma perfecte eadem, quæ in Epilepticiis os obsidet. quam ex pulmone venire notavit jam Hippocrates. 122. hoc experimento (117.) patet via, quâ aqua immissa, & in vivo exhalans ros, veniat in cava bronchiorum & vesicularum. 123. nec aqua venit in bronchia, ob fracta vascula, vel vesiculas. dilatantur quidem vasa. in statu sano enim tantum rorem, hic vero salivam fœtidam reponunt, ut animalia in calore proprii corporis vel maiore retenta. citatur experimentum a Boerhavio captum in calore 146 graduum. 124. idem obtinet in experimento (117.) nisi quod nullus fœtor adsit. secundo quod pressio sit humori a tergo. 125. non destructas esse vesiculas vel vascula pulmonum fracta, docet injecta cera ita, ut vasa rite impleat. 126. conspiciuntur tunc extrema vasa integra coronare integras vesiculas. 126. propius affirmat, nihil hic factum præternaturale, nisi dilatationem, demonstratio pulmonum, in quibus post impletionem hac methodo (124.) fa-*  
*D* *etiam,*

*etiam, cera alba vel subrubella in bronchiis invenitur. 128. docet hoc viam patere ex sanguiferis in aërifera subtilem adeo, ut nisi tenuissimam ceræ partem, nihil admit-  
tat. 129. si destructæ essent partes, crassa, rubra, materies hæreret extra vasa. 130. ut facilius intelligatur ita instituti experimen-  
ti (124.) eventus; sequente capite, quædam de pulmonum fabricâ sunt præmittenda.*

104. **U**Bi vero cuticula pergit supra illa loca, in quibus nulla cutis, sed innumeræ papillæ sunt, *Ἐπιθήλιον* dicitur, quasi *Membrana papillas succingens*. cum tamen perfecte eadem sit, quæ cuticula, membrana; nisi quod tenuior sit & subtilior (29.) in quibusdam tamen crassior est, ut in linguâ. Habet & sub se, ut cuticula, ubique reticulum, perfecte idem, in omni parte; nisi, quod & hîc magis pusillum sit, quam sub cuticulâ.

105 De palato canis molossi minoris, *Steendogge*, detraxi crassum periosteum, quod singularis prorsus naturæ, fulcatum, ossum maxillarium, & palati superficiem inferiorem investit, & cum periosteo superficiem eorundem ossum in naso cingente, efficit velum, pendulum, palatinum, & uvulam. Ab eo separavi *Ἐπιθήλιον* & reticulum ita, ut partim illud nudum,  
par-

partim hoc tectum conspiciatur. Cumque in hujus animalis palato color pulcherri-  
me splendebat ater; apparet periosteum  
candidum, epithelium griseum, nigerri-  
mum vero reticulum.

106. Malpighius primus reticulum de-  
texit in linguâ & quidem in bovinâ: adest  
& homine. A linguâ humanâ in fœtu,  
separavi epithelium tenuissimum; tamen  
& reticulo internâ suâ superficie illud or-  
natur & figuram papillarum servat conca-  
vam, quæ in linguâ est convexa. ne lon-  
gus sim: omni est in parte, aerî contiguâ,  
ubi papillæ, & vasa patula sunt.

107. Per illas jam membranas (104.) ex-  
spirat homo, eâdem prorsus ratione in hisce  
partibus (105. & 106.) ac ubi cutim tegunt,  
nisi quod 1°. haud fiat a vasis cutaneis;  
sed a vasculis majoris diametri partium  
subjacentium, & papillarum. unde 2°.  
hisce in locis perpetuo adest sudor, seu  
humor notabilis, visibilis: dum, quo loco  
cutis hæret, vasa perspirant tenuem, vo-  
latilem, invisibilem, odorum, falsum, fu-  
mum; nec sudorem; nisi in stâtu præter-  
naturali, dilatatis horum diametris, & o-  
rificiis.

108. Partes autem, quæ epithelio in-  
vestiuntur sunt in vivo visibiles; palpebræ  
internæ, nares, cavum oris, lingua, præ-



## 52 DE PERSPIRATIONE PER EPITHEL.

putii interiora, glans penis, initium urethræ, in fœminis vero pudendum internum, clitoridis caput, nymphæ, initium vulvæ, orificium urethræ; quas partes omnes supra jam notavimus sudantes. (18.)

109. Est præterea Epithelium iis in locis, qui aëri contigui, viæ primæ dicuntur; quas intelligimus hic a faucibus ad finem intestini recti: quibus annumeramus respirationis, organa passiva, utpote quæ superficie internâ aërem, omni momento novum accipiunt. (13.)

110. Omnes autem hæ partes, (108. & 109.) madore inquinantur semper: ratio autem & via hujus humidi in hisce, facile investigatur, atque experimentis demonstratur.

111. Ratio enim, ut in omnibus, est tenuissimi humoris, ex ramis majoribus, in minimos secretio, & ex iis excretio; adeoque tota circulatio: via vero sunt ipsius arteriæ rami minores, & minores. Experimenta autem confirmantia hæc, sunt sequentia.

112. Ligatâ carotide externâ alterâ, in alteram immissa aqua, per siphonem, superiora versus, facit sudare ex ultimis patulis vasorum orificiis omnes capitis partes, externas, & internas; superficiem omnem palpebrarum, nasi, oris, buccarum, labiorum, gingivarum, palati, faucium, tonsillarum, & totius linguæ. Utpote

pote, quæ omnes ab eâdem arteriâ, ramis ornantur. Ceram, secundum artem injectam expertus sum naribus & ore exire, per ultima vascula in circinnos actam.

113. Buccas villosas in homine, affirmat Celeberrimus B.S. Albinus; non secus, ac est intestinorum tunica interna, licet villi minores in vivo, & recenti in humore non conspiciantur; aliter, quam si cerâ injectâ, rigidi apparent. vidit & sudantem palpebrarum superficiem internam ceram, hancque ex minimis vasculis sanctorianis. est ergo via ex carotide externâ per ramos minores & minores, externe in omni puncto captis patens.

114. Per respirationis organa perspirare, sanum, vivum, hominem, observat subtilis Sanctorius aph. v. & affirmat experimento halitus oris, speculo excepti, dum aër inspiratur ficcus.

115. Loca autem, in quibus moratur præterlapsus aër, dum inspiratur, & expiratur; præter os & fauces, sunt aspera arteria, Bronchia, & horum fines membranacei; expansæ scilicet vesiculæ Malpighianæ pulmonum, in quibus pro lubitu retineri, foveri, emitti aër potest.

116. Hæc autem omnia sudare semper, docet; primo dissectorum mador, qui in iis ubique & in omnibus invenitur. incani-

no recenti, sano, pulmone, subtili sectione, ad ultima usque profecutus sum organa pneumatica.

117. Inveni madida eadem & submucosa, in omni puncto: humor autem ille duplex est: vel ex cryptis Morgagnianis depositus, lubricus; (de quo postea (244.)) vel qui ex arteriis, & quidem pulmonalis & bronchialis ramorum ultimis osculis, in bronchia apertis, secernitur subtilis, tenuis, volatilis: partes hasce inungit, & madefacit, quique cum aere inspirato sicco mistus, eundem reddit, humidum, nebulosum, visibilem, polita corpora obfuscantem.

118. Hoc (116.) affirmat sequens, sæpius captum, & utile, & jucundum experimentum; quod hac methodo institui. In arteriam pulmonalem per siphonem immisi tepidam, leniter & continuatim: dum eodem tempore, arte imitabar respirationem vitalem.

119. Pulchrum erat tum, videre aquam pelli per pulmonem; ex arteriis penetrare in venas, venire ex iis in sinum, auriculam, & ventriculum cordis sinistrum; tandem per aortam exire. Et quidem redibat cruenta primo, dein dum immittere pergebam; loturæ carnis instar rubella, tandem limpida prorsus. Purgabat sic ab omni sanguine vasa, aqua injecta pura, ut lin-



tei instar albescerent pulmones.

120. Sed quod inprimis tunc utile observatur ad propositum meum in hisce, intrat simul in bronchia & asperam arteriam, atque ex eâ exit aqua: primo minus, pergendo magis, tandem eâdem fere facilitate, & copiâ, ac per finum pulmonalem venosum, mucosa, spumosa, & primo cruenta; mox limpida, & spumosa, ab admissu scilicet aeris, in bronchiis errantis, cum murmure perfecte eodem, ac in moribundis, nostrates ronchum *de reutel* vocant.

121. Spuma autem, quæ ex aquâ injectâ, mucosâ abraſa, & aëre, permixta orta, ex trachaeâ redit, est perfecte eadem, quam in Epilepticis os obsidere videmus; quæ eâdem fere ratione, quæ vis circulationis, & pressionis humorum in aucta vasa est, ex pulmone venit. Uti jam notat Magnus Hippocrates de morbo sacro dum inquit: ἀφ' οὗ ἐν τῷ σώματι προέρχεται, ἐν τῷ πνεύμονι, *Spuma ex ore provenit, ex pulmone.*

122. Hoc vero experimento (117.) patet via, quâ immixta pura veniat in cava vesicularum, & bronchiorum; & per quam, in sano, vivo, ex vasculis rectis ultimis exhalat tenuis ille ros, qui partes hasce inungit. (119.)

123. Ne vero quis objiciat, aquam vi

impulsus & copiâ, quæſivisse sibi viam, ultimisque forte tam teneris vesiculis pulmonalibus, vel vasculis minimis in bronchiis, diffractis, ire in trachæam & ex eâ exire; fatemur: sunt ultima quidem vascula, ob perpetuum aquæ impulsus, dilatata præter naturam; in statu, etenim sano, nunquam, nisi specie vaporis, expirant humores suos; hic vero spumofam, sanguineam salivam excernunt: non secus ac animalia sana, in calore proprii corporis, vel majore retenta salivam, rubellam, foetidam deponunt. vide, quæ enarrat, phænomena, Clarissimus Boerhavius elem. chem. part. 1. p. 275. rite capti & instituti experimenti, in camerâ, quâ panes saccharini conici exsiccantur, dum notabat thermometrum, quod ex argento vivo erat accuratissimum, centesimum quadagesimum sextum gradum: tum enim impeditur respiratio, vasa, sublato elastico aeris refrigerio, aperiuntur, dilatantur, humores crassiores, alienos, sanguineos ipsos, accipiunt & emittunt: qui omnes a calore adeo mutantur, brevi temporis momento, ut foetor sit intolerabilis: hinc putrefacti ad minus resistentia loca salivosa feruntur.

124. Hoc & revera in dicto experimento (117.) fit, nisi quod pura sit aqua, quæ in vasa fertur, nec foetor adsit humori,  
qui

qui tantâ copiâ spumofus ex trachæâ exit : secundo, quod refiftentia aufertur in vafis, quia vis emboli fiphonis a tergo premens illa dilatet, idem tamen effe an in unâ parte refiftentiam tollas, an in alterâ motum augeas, ut actio actionem superet, axioma in phyficis eft.

125. Minime vero deſtructas effe veſiculas Malpighianas, aut diffractâ vaſcula, patet; ſi poſtquam a ſanguine purgatus eſt pulmo per injectam aquam; in arteriam pulmonalem immittatur apta cera ita, ut rediens per venas omnia vaſa pulmonum ſanguifera impleat.

126. Tum quidem conſpiciuntur extremitates horum vaſorum integræ mirum in modum ultimas veſiculas Malpighinas coronare integras.

127. Quod vero quam proxime affirmat, nihil in hiſce factum præternaturale, niſi dilatationem; demonſtrare poſſum mihi præparatum, pulmonem caninum, exſiccatum, & in liquore conſervatum alium, ubi reſpirationem vitalem, & circulationem imitando & reſuſcitando, injeci ceram ita, ut non ſolum omnes arteriarum, & venarum pulmonalium ramos, ſe invicem comitantes, repleverit ita, ut rubro ſplendeant colore, in omni puncto: verum & hinc inde, bronchia ipſa penetraverit ce-



## 58 DE PULMONIBUS PERSPIRANT.

ra; sed subtilissimâ tantum, albâ, vel subrubellâ materiei parte.

128. Nonne hoc clare demonstrat, vascula naturaliter patere in hæc, & quidem subtilia adeo, ut aditum negent pigmento, quod ceræ colorem conciliat, nec admittant, nisi albam eandem, & colore orbatam, tenuem? quod felicioris injectionis eventum optatum esse, affirmat, ut in anatomicis, ita in arte injectoriâ, hodie princeps facile Clarissimus Albinus.

129. Si vero fractæ hic, vel destructæ essent partes, non alba, non subtilior ceræ; sed rubra, & crassa, colorata, pars, extra arteriolas in bronchiis hæreret, imo, si vel minimum ruptum esset vasculum, vel fracta forte pateret vesicula, eo ferretur omnis immixtæ ceræ copia, quod sciunt, qui arti huic incumbunt, quam facile, vel minimo læso, eveniat, ut in uno loco ablatâ resistantiâ, felicissima secus injectio, irrita reddatur.

130. Ut autem facilius intelligatur experimenti ita instituti (118.) eventus; paucissima de pulmonum fabricâ sequenti capite præmittere cogor, ut via indicetur, quâ hac methodo solâ humor & cera (125.), ex ultimis arteriolis, in bronchia (127.) deponitur; quidquid enim in inflatis, vel collapsis pulmonibus tentes, frustraberis eventu optato.

C A.

## CAPUT SEPTIMUM.

131. Pulmo constat duplici vasorum genere.

132. Aërifera omnia oriuntur ex trachæâ.

133. hujus (132.) rami tendunt tres ad dextrum, bini ad sinistrum pulmonem: bronchia dicuntur, disperguntur in ramos minores & minores: oriuntur hi respectu truncorum ad angulos valde obtusos. 134. rami pulmones ingressi descendunt, recti procedunt, adscendunt: hoc solus notat Eustachius. 135. ultimi rami expanduntur in vesiculas, ex quibus lobuli, & pulmonum lobi fiunt. 136. comitantur aërifera vasa sanguifera, quæ oriuntur ex arteriâ pulmonali, cujus ortus, decursus, divisio, ingressus in pulmones, describitur. 137. vel oriuntur ex arteriâ Bronchiali Ruyschio inventâ, descriptâ, & delineatâ., 138. arteria pulmonalis (136.) coronat vesiculas Malpighianas; reflectitur in continuatas venas, quæ simili decursu, texturâ, loco, ac arteriæ, ex pulmonibus redeunt; & cordi sinistro inseruntur. 139. junguntur pulmonum vasa per cellulofam, quâ ratione hæc demonstratur. 140. involvuntur pulmones membranâ crassâ, quam a pericardii membranâ extimâ accipiunt, quæ pleuræ propago est. 141. quoniam de hac membranâ

in

in sequentibus agitur, & lis de eâ est, hanc delucidare, conamen est. 142. thorax internus in omni parte succingitur membrana continuâ, quæ pleura dicitur. 143. huic succumbit cellulosa, in saginatis adiposa; quæ morbos sæpe creat. 144. uberrima pinguedo in hac ad musculos intercostales, ibi tunc facilis separatio pleuræ. In inflammatione laterum elevatur sæpe. 145. in macilentis & tabidis evanescit. 146. sub hac (143.) decumbit priosteum, omnes partes æquabiliter cingens, a jugulo ad ensiformem cartilaginem. A primâ ad duodecimam dorso vertebra descendunt hæ membranæ, nisi augeatur vel minuatur illarum numerus. 147. visa fuit pleura, & sub eâ cellulosa descendere ad decimam tertiam dorso vertebra & costam in fœtu, in utroque latere. 148. pleura retro, ad vertebrarum dorso corpora, elevat se, tendit sternum versus, connivet, cum oppositâ ab altero latere jungitur, facit mediastinum dorsale. 149. ad latera sterni elevatur pleura, tendit spinam versus, connivet, facit mediastinum pectorale. 150. oritur in mediastinis, cavum trilaterum, quod impletur assurgente cellulosa. 151. a diaphragmate, in ambitu tendinis ejus, assurgit cellulosa, & supra eam membrana obducens partem ejus musculosam, inde pericardium oritur.



152. pericardium internum obducitur membranâ tenui, quæ membranæ cordis, propago est. 153. vasa, quæ corde egrediuntur, secum sumunt vaginam a cellulosa, & supra eam vaginam a membranâ cordis, hanc deponunt, ubi se pericardio applicant, & reflectunt, inde nascitur pericardii membrana interna sex locis, ubi vasa egrediuntur.

154. vasa, quæ pergunt extra pericardium, secum sumunt vaginam, a membranâ ejus extimâ. Pulmonalia, ubi se pulmonibus applicant, hanc reflectunt, supra pulmones.

155. hæc sese ita habere, docent experimenta, per macerationem  $\alpha$ . in thorace.  $\beta$ . in pulmonibus.  $\gamma$ . in corde. 156. methodus per fervidam aquam.  $\delta$ . in thorace.  $\epsilon$ . in corde.  $\zeta$ . in pulmone. 157. duplicatura pericardii demonstratur a vasis ejus, post injectionem, cellulosa ejus post exsiccationem, si secundum artem microscopio examinatur, tunc vesiculæ, in membranâ cellulosa apparent, quod idem apparet in parte neurode diaphragmatis. 158. quæstiones, an mediastina divergunt, & pericardium faciunt cum processu, qui a diaphragmate assurgit (151.)? respondetur ex Hippocrate. an tunica extima omnium arteriarum sit ex pericardio? an & cellulosa arteriarum, ex cellulosa cordis? an membrana investiens nervosum diaphragma, est intima membrana pericardii?

an

*an pleura ibidem sub pericardio pergit? prior sententia magis analogæ.*

131. **C**onstat pulmo duplici vasorum genere, aëriifero scilicet & sanguifero.

132. Aëriifera omnia vasa ortum ducunt ex unâ trachæâ, quæ mox a faucibus initium capiens, ante œsophagum, descendit, thoracem post thymum intrat; & post cavam descendentem, & pericardii apicem, ad quartam thoracis vertebra, (quæ est a superiore una tertia pars ipsius pulmonum longitudinis) divaricatur.

133. Hujus dein crura tendunt ad utrumque pulmonem, & statim dividuntur, in homine, dextrum in tres, sinistrum in binos ramos, qui tunc bronchia dicuntur, ad totidem pulmonum lobos, quos ubi ingressa sunt, disperguntur statim in ramos minores, & minores; qui omnes ad obtusum angulum, respectu truncorum, oriuntur.

134. Rami autem majores ingressi pulmones, pro maximâ parte, descendunt, pauci recti procedunt, ubi ingrediuntur; alii vero adscendunt ad illam loborum partem, quæ supra divisionem aëriiferorum truncorum, & horum ingressum est, quod præter Eustachium neminem observasse video

deo: examina nunquam fatis laudati Anatomici tabulam XXVII. Fig. XIII. ubi omnia ad veram geömetricam dimensionem sunt depicta.

135. Ultimi autem ramuli amittunt cartilagineam indolem, & expanduntur in vesiculas oblongas, membranacëas, cavas, quæ Malpighianæ dicuntur, ex quibus fiunt arëæ, & lobuli, qui tandem pulmonum lobos efficiunt.

136. Comitantur aërifera hæc vasa, in omni decursu, ad vesiculas (135) usque, vasa sanguifera, quæ omnia oriuntur ex arteriâ Pulmonali, quæ cordis dextro ventriculo egressa, quâ parte superiore ventriculo sinistro jungitur, adscendit, mox se incurvat, arcum facit, & sub aortâ decurrit. Descendit deinde fatis notabiliter ante divisionem trachææ, & infra eam; diffilit ibidem in binos magnos ramos, ad angulum, respectu trunci, valde obtusum; qui statim in homine dividuntur, dexter in tres, sinister in duas arterias, ad totidem pulmonum lobos, eâdem prorsus ratione, ac asperæ arteriæ rami (133.) cum quibus pulmones intrant.

137. Vel ortum ducunt ex arteriâ bronchiali, Celeberrimo Ruyschio primo inventâ, & descriptâ observat. anat. XV. Delineata autem ea est ibidem fig. IX.  
lit.



lit. D. & resp. ad Epist. probl. vi. Tab. 7: Hæc ramis suis ubique comitatur arterias pulmonales (136.) cum quibus communicat, & bronchiorum ramos (133.) nec ex eâ rediens vena huc usque demonstrata est. Quam haud magis necessariam putat Celeberrimus Ruyschius, quam in Jecore, ubi nullam venam comitem Hepatica arteria habet. respons. ad Epist. prob. vi.

138. Arteria vero pulmonalis (136) comitem se jungens trachææ ramis, (133) ad expansas vesiculas Malpighianas (135) usque, quas miro reptatu undique coronat, reflectitur in continuatas venas, quæ latiores & latiores factæ, simili decursu, texturâ, & loco, ac arteriæ, ex pulmonibus redeunt, & cordis antro sinistro inferuntur: seu potius, truncis quatuor insignes, intrant binis ramis, ex utroque pulmone redeuntibus, pericardium: atque in ipso introitu coalescunt, in unum truncum, qui, cum opposito, format expansum sinum pulmonalem, & auriculam cordis sinistram.

139. Jungitur triplex hoc vasorum genus aëriferum scilicet, arteriosum, & venosum, cellulosâ notabili, quæ adiposa nunquam; hæc pulcherrime apparet, si levissime vulneratâ membranâ pulmonum extimâ, inter binas loborum aréas, tubulo prudenter immisso, inflatur aër, tum enim  
assur-

## DE PULMON. MEMBRANA EXTIM. 65

assurgit pulmo, intactis vasis, aëre pererante omnes vasorum, & vesicularum conjunctiones, sicque implet cellulofam, hanc extendit, visibilem reddit.

140. Involvuntur autem pulmones, membranâ forti, externâ, neurode; quam a Pericardii membranâ externâ accipiunt, supra arteriam & venas pulmonales expansâ, hæc autem ipsius pleuræ (sit venia usitato vocabulo) propago est.

141. In sequentibus quoniam de hac membranâ (140.) ut & de pericardio, atque membranâ thoracem succingente, verba faciemus; utpote quæ in cavum hoc, omni momento, expirant laticem tenuem, & ex eo hunc inspirant; atque inter summos, in arte, Viros haud convenit, quâ ratione pericardium & pleura in hisce sint continua, uti ipse rem percipio, dilucidare conabor, quæque capta ad hæc experimenta lucem adferunt, enarrabo.

142. Interna, tota, cava, thoracis superficies, ad costas, costarum cartilagine, & diaphragma, ubi illud extra, pericardii basin ambium, convexum est, obducitur, unâ, continuâ, tenui, nervosâ, forti valde, membranâ, interne politissimâ; hæc pleura dicitur.

143. Huic (142.) succumbit ubique membrana cellulosa, ad externam superficiem;

ciem; hæc in faginata opimo refertur adipe, in omni parte; supra corpora vertebrarum dorsi, costas, illarum cartilagine, sternum, diaphragma musculosum: ita, ut elato tumore pingui, sæpe thoracem arctet, & obesitas angat organum respirationis, & pleuram a costis, interiora versus, recedere faciat. quin & in pinguibus, flatu inde distendi potest pleura. hinc quatit ægros tussis anhela fues; & faucibus angit obesitas.

144. Nusquam uberior hæc pinguedo, (143.) quam ad loca intercostalia, in pectore: ibi muscoli semper agentes, hanc naturaliter requirunt. Ibi aggeritur, pinguibus maxime, quasi squamatim. ibi tum facile separabilis pleura; (142.) in inflammatione laterum, elevatur sæpe, & in abscessus mutatur.

145. In macilentis & tabidis evanescit prorsus, ut nullum ejus (143.) vestigium supersit: eadem ratione, ut in aliis partibus fieri videmus.

146. Sub hac membranâ cellulosa (143.) succumbit periosteum, costis, costarum cartilaginibus, vertebrarum corporibus, harum ligamentis, & sterno ubique accretum. omnes hæc partes cingit æquabiliter. dein cellulosa, & pleura, supra hoc, perfecte eadem ratione ponuntur, antè, postè-



posterius, lateraliter; & quidem a jugulo ad cartilaginem ensiformem sterni, & a primâ ad duodecimam dorsi vertebram, post diaphragma. nisi in hisce ludat natura, augendo, vel minuendo costarum & vertebrarum numerum.

147. In humano foetu descendere vidi, membranam costas succingentem (142.) & sub ea cellulofam (143.) ad decimam tertiam vertebram in dorso, & ad costam, quæ in utroque latere, ultra duodecimam erat pusilla; attamen musculo intercostali interno, & externo instructa, ipsi a duodecimâ costâ datis. habebat & levatorem breviorum, a processu transverso duodecimæ vertebræ, in dextro latere; in utroque vero, a levatore longiore dabatur tenuissimus, membranaceus, processus, ab illâ portione, quæ duodecimæ costæ inferitur.

148. Ubi membrana thoracem succingens, quæ pleura dicitur (142.) supra cellulofam pervenit retro, circa latera corporum vertebrarum dorsi, elevat se inde perpendiculariter, tendens ferme oppositum sternum versus; nisi quod conniveat parum assurgendo: dumque ab alterâ parte idem fit, occurrunt sibi invicem. hinc duplicata pleura, & concreta facit tenuem, firmam, densam, membranam, tendentem sternum oppositum versus: vo-

catur hæc mediastinum dorsale.

149. Ubi vero membrana thoracem succingens, quæ Pleura dicitur, (142.) supra cellulofam, pervenit ad latera sterni, ibi quoque simili modo se elevat, ut ad dorsum (148.) & cum illâ membranâ, quæ ab alterâ parte itidem affurgit, connivet. hinc duplicata, & concreta facit tenuem, firmam, densam, membranam, tendentem dorsum oppositum versus; vocatur hæc mediastinum pectorale.

150. Cum vero corpora vertebrarum & sterni pars media, fere plana, faciant superficiem rectam, planam; atque ab utrâque parte elevetur pleura oblique & conniveat (148. 149.) oritur necessario cavum trilaterum: quod tamen vacuum neutiquam est: Sed inpletur cellulosa (143.) quæ sub pleurâ, eâdem ratione, affurgit, & cavum hoc implet: ut sedulis dudum Anatomicis detectum est.

151. Denique in ambitu septi affurgit cellulosa (143.) ad nervosum septi circulum; & supra hanc affurgit illa pleuræ membrana, quæ musculosam diaphragmatis partem investit, ad eundem orbem. (142.), tum denique affurgens undique ab orbe septi, dorso (148.) & sterni (149.), facit pericardii exteriorem membranam; quæ tertia in thorace cavitas est, media inter saccos pleu-

ræ cavos, qui pulmones continent: atque ab eorum conjunctione oritur.

152. Hæc vero pericardii membrana (151.) succingitur, tenui, internâ, superficie, quæ est propago membranæ extimæ, quæ totum cor extrinsecus, undique perfecte includit, & vasa quatuor cordis magna & binas auriculas eâdem continuitate porrectionis, similiter perfecte investit. en quomodo sese res habet.

153. Quando vasa magna e cordis basi egrediuntur, secum sumunt supra cellulofam, quæ istius, quæ cor ambit, propago est, membranæ cor includentis extimæ (152.) vaginam ubi verò pericardio (151.) se applicant intrinsecus, tum membrana hæc non penetrat se per pericardium, ut canalis per foramen: sed deferens suum canalem, quem huc usque involverat, reflectitur ab eo, & expanditur in membranam pericardii internam extimæ nexam ita, ut hæc sit nata sex locis, ubi sex magna vasa exeunt pericardio; duæ scilicet arteriæ, & Venæ quatuor.

154 Ubi vero illa vasa (153.) transeunt per pericardium, & pergunt extra illud, secum sumunt vaginam, supra cellulofam a membranâ pericardii extimâ (151.): & quidem pulmonales arteriæ & venæ, ubi se pulmoni applicant extrinsecus, hanc un-



dique reflectunt, & expandunt in membranam extimam pulmonum, supra cellulofam, & ipfæ nudæ ingrediuntur.

155. Hæc autem omnia in thorace (141.) in pulmone, (154.) pericardio, (151.) corde (152.) & in vasis (153.) fic feſe habere, rëiteratis ſæpius experimentis, facile doceor; quæ hac ratione inſtitui.

α. Thoracem in cane juniore, in fœtu humano, & ovino maceravi ad levem putredinem uſque: tum facile ſeparabatur pleura (142.), ſupra cellulofam (143.), a coſtis, illarum cartilaginibus & locis intercoſtalibus, ad vertebrarum corpora, & ad ſterni latera uſque, quibus tamen firmius adhærebat; attamen, & ibi ſeparabilis. Apparebat tum mediæſtini utriusque (148. 149.) duplicatura; quam tamen, licet per ſeptimanas putrefieri fere ſinerem, ſeparare haud potui ibi, ubi pleura juncta illa efficit.

β. Pulmones eâdem encheireſi tractavi; tum levi vulnuſculo membranæ exteriori (154.) inſiſſicto, ſub eam immiſi tubulum, atque inflavi aërem. deinde arreptam eandem acu tenui, ſeparavi a totius pulmonis ambitu & quidem ſupra vaſa pulmonalia ad illum pericardii locum uſque, quo vaſa ex eo egrediuntur ad pulmones.

γ. Poſt diutius cor maceratum, ſæpius  
inte-

integram separavi, tenuem membranam extimam (152.) & quidem supra arterias auriculas & sinus, ad illum locum usque, ad quem pericardio applicantur, (153.) atque ex eo exeunt vasa magna.

156. Est & alia methodus quæ nempe fit per aquam ebullientem; iis, qui a fœdâ magis hâc anatomê (155.) abhorrent, faciliior.

δ. In thoracem apertum immisi fervidam; hac ablatâ frigidam, mox iterum calidam, hocque sæpius repetivi. Nec difficilior tum erat pleuræ (142.) separatio, quam post macerationem in aquâ (α).

ε. Cor, cum pericardio, una & vasis exemi, incisum cordis amictum abscidi ita, ut reliquiæ hujus fatis magnæ, vasis adhererent: tum totum aquæ ebullienti immisi: mox extractum frigidæ imposui: oculi nictu iterum fervidæ injeci: idque repetitis vicibus. Tum vero suspensâ manu, cultello acutissimo Cordis ipsius membranam (152.) incidi, inflavi tubulo immisso, atque obturato circa eum digitis vulnuscule. Surgebat a cellulosâ magis & magis tenuissima membrana. Hanc arreptam acû, ut potui, subtilissime separavi, & quidem supra aortam, & pulmonalem arteriam, venasque cavaas & pulmonales ad illum locum usque, ubi perforare Anatomicis dicuntur peri-

cardium. ibidem absque læsione partium vix progredi licebat: attamen reflecti membranam hanc quodammodo apparebat: & quidem hoc in loco progredi videbatur, sub eâdem reflexione, cellulosa, supra vasa, ad pulmones, & ad reliquas partes; arterias & venas involvens, sub tunicâ harum extimâ.

§. Pulmonum eâdem methodo fervidæ & frigidæ immisforum membranam extimam (154.) a cellulosâ, supra arterias & venas ad pericardium usque, separavi. reflexam quidem vidi quodammodo, & nexam cum interiori pericardii membranâ, (152.) distantiam vero, nec definire, nec demonstrare valeo.

157. Ne tamen nimis audax: videar affirmare ea, quæ hac methodo (155. 156.), quæ in aliis tam pulchrè procedit, haud demonstrantur: duplicaturam scilicet dum perhibeo pericardii: (153.) sæpius examinavi foetus humani cordis capsulam, cujus vascula repleta sunt, quæque, exempto corde, siccata & dissecta, diaphragmatis orbi nervoso naturaliter nectitur. hæc si luci opponitur. oleo terebinthinæ fucata, atque oculo rite armato conspiciatur, ab interiore parte & exteriori, tum non solum vascula apparent reptantia, sub politâ ipsis superinductâ membranâ, intime,  
&



& extime; ita ut ipsa vasa has superficies a se invicem distinguant; verum & simul spectantur pellucidæ, inter siccatas has membranas, arachnoideæ vesiculæ tunicæ cellulosæ, idem & perfecte apparet in illâ parte, quæ neurodes in diaphragmate, eodem in objecto pulcherrime videtur.

158 An ergo mediastina (148. 149.) ad pericardium iterum divergunt? & cum assurgente membranâ, quæ musculosam diaphragma is partem obducit (151) sibi invicem occurrentia pericardium efficiunt? Huic respondeo cum Hippocrate περὶ τέπων καὶ ἀνθρώπων. de locis in homine. Ἐμοὶ δοκεῖ ἀρχὴ μὴ εἶναι ἢ μία εἶναι ἡ σῶμα, ἀλλὰ πάντα ὁμοίως ἀρχὴ καὶ πάντα τέλος. κύκλος γὰρ λαφέντος ἀρχὴ καὶ τέλος. *mibi videtur Principium quidem, nusquam esse in corpore, sed omnia similiter principium, & omnia finis. Circuli enim descripti principium non invenitur.* hinc omnes partes simul nascuntur & in thorace sunt una continua, in utroque latere tamen distincta, membrana, a quâ processus oriri magis doctrinæ causâ Anatomicis dicitur: ita quidem, ut processus, qui a mediastino oritur, fiat extrema pericardii membrana, ad diaphragma iterum reflectatur, adscendat ab eo, & thoracem succingat, rediens eo, unde initium cepit. quod in omnibus partibus obtinet. in-

## 74 DE PLEURA ET EJUS PROCESS.

de & ὅλον τὸ σῶμα κύκλῳ ἐστὶ. *Totum corpus circulus est: id est: nec principium habet, nec finem.*

An extima tunica, quæ tenuis, neurodes, invenitur in omni arteriâ, quæ ex aortâ oritur, est propago ipsius membranæ pericardii extimæ? an vero hanc, ab adjacentibus partibus accipit: ut illæ arteriolas largiuntur?

Et an cellulosa, quæ in illis sub extimâ tunicâ in toto corpore invenitur, est ipsius cordis membranæ cellulosæ propago?

An & illa, quæ in pulmonalibus invenitur?

An membrana, investiens partem neuroden diaphragmatis convexam in homine, est membrana pericardii interna, reflexa?

Et an ita cor directe nullam partem tangit, nisi propriam membranam, ut in pulmonibus obtinet?

An vero pleura, ubi diaphragma convexum musculosum obducit, & ad ambitum basios pericardii in homine pervenit, sub eo pergit, & partem neuroden itidem investit?

Dictu est difficile; quia adeo arcte accrescunt his locis membranæ, ut vel putredo nequidem separet: prior tamen sententiâ analogiæ propior est.

## CAPUT OCTAVUM.

159. *Reditus ad propositum, cur aqua methodo (118.) injecta, & cera, redeant in bronchia?* 160. *collapso pulmone difficile implentur arteriæ, liquor injectus difficile redit per venas, nec venit in bronchia.* 161. *distento pulmone, implet arterias & venas, nunquam venit in bronchia.* 162. *si tractas pulmones, ut in respiratione vitali fit, redit ex venis, & ex bronchiis in asperam arteriam aqua, & cera tenuior.* 163. *Ratio patet. describitur pulmonis status, si collabitur.* 164. *auget. (163.) contactum aërisferorum ad se invicem, & aërisferorum in sanguifera, inde difficilior transgressus humoris* 165. *pulmo in fœtu, qui nondum respiravit, tam ponderosus est ac musculorum caro. aquæ immissus fundum petit. inde, respectu effectus, homo vivit tum sine pulmone, attamen larynx, bronchia & vesiculæ cavæ; sed implentur muco. undenam ille? id in brutis & in homine.* 166. *pulmonis status describitur si extenditur per aërem, in tracheam immissum.* 167. *minuit (166.) contactus puncta aërisferorum in se invicem, & in sanguifera. hinc facilis ingressus aquæ vel aptæ materiei in venas; 168.*  
*simul*



*simul ac foetus respiravit, humor ille (165.) abest. 169. sanguis pulmonalis post respirationem redit in ventriculum cordis sinistrum, obturat foramen ovale, inde crescit. quod apertum tamen in adulto inventum fuit 170. si vitalem respirationem resuscitas. (118.) varios gradus dilatationis, & contractionis sanguifera patiuntur. humores facile propelluntur. 171. hinc facilitatur via ex arteriis in venas, & bronchia. 172. in vivo, sanguis in pulmone semper mutationes subit, vasa nunquam æquabiliter premuntur: sed reciproce. laterales minores rami derivant, & ex ultimis arteriis excernunt humorem in bronchia. 173. cujus utilitas patet. 174. inde & plurima explicantur phænomena in morbis. 175. apparet & simul ex conspectu præparati pulmonis (127.) quotuplex sit peripneumonia.*

159. **I**lluc, unde abii, redeo. ut scilicet declarem, quare hac methodo solâ (118.) aqua & ceræ tenuior pars, non tantum redeat ex arteriis in venas pulmonales, sed & simul intret ex ultimis vasculis in bronchia & tracheam.

160. Collapso pulmone, difficile implentur sanguifera ejus vasa arteriosa (136.) liquo-

liquore (118.) vel aptâ cerâ (125.): difficilius redit ex iis, per easdem venas (138.) in antrum cordis sinistrum, nisi vi majori materies adigatur; nec venit ulla pars aquæ, vel ceræ injectæ ex ultimis ramulis patulis, in bronchia, (133.) vel asperam arteriam (132.).

161. Distento per aërem pulmone, aqua (118.) vel cera (125.) per pulmonalem arteriam injecta, implet non modo hujus ramos, sed & facile redit in venas, & sinum pulmonalem, nunquam autem in bronchia venire ex ultimis patulis vasculorum orificiis, sæpius expertus sum, multo minus ex iis, & trachæâ (132.) exire, si vero vi uti velis siphonis embolum premendo, orta resistantia non superatur: nisi destructione partium.

162. Si vero pulmones ita tractes, ut naturali respiratione fit, (118.) redit ex venis (138.) & ex bronchiis (120.), uti narravimus, injecta aqua, & cera alba tenuior in bronchia & ex ultimis vasculis deponitur.

163. Horum omnium ratio, facile consideranti patet, dum enim emissio aëre colabitur pulmo, bronchiorum rami (134.) in minimum adiguntur, in quem contrahi possunt, circulum; hinc minuitur horum capacitas: segmenta vero illorum cartilaginea

nea magis ad se invicem accedunt, actione musculorum mesochondriacorum, quorum contractio superabatur ab inspirato aëre, unde & longitudine minores fiunt, horum rami omnes contracti convergunt in angulos minores, & acutiores, Vesiculæ (135.) autem membranaceæ, plicatiles flaccidæ elongantur, & planiores fiunt.

164. Hæc omnia dicta phænomena augment contactus puncta aëriferorum (132. 133. 134. 135.) ad se invicem, cumque, uti ante diximus, ubique hæc in decursu suo comitantia habeant sanguifera: (136.) aëriferorum contactus in illa major fit: hinc premunt interpositas arterias, & venas; minimas comprimunt, augmentque resistantiam in immissum fluidum, inde peripneumonia, inde difficilior transgressus, ex ultimis arteriarum ramis, in initia venarum.

165. Hinc in fœtu, quamdiu in utero materno nondum respiravit, pulmo contractus, tam ponderosus est, ac musculorum caro, & aquæ si immittitur, exemptus de corpore, statim fundum petit, resistens actioni cordis adeo exquisitè, ut reliquæ corporis partes; nec ratione molis plus, quam illæ, sanguinis accipit, ita quidem ut si vigesima sit corporis pars, vigesima totius sanguinis pars a corde ad illum feratur, neque



neque tunc ab aliâ causâ movetur pulmo, quam a motu sanguinis arteriæ pulmonalis, & bronchialis: hinc eo tempore, homo vivit, sine pulmone, respectu effectus. Attamen & tunc jam larynx, trachea, bronchia, vesiculæ cavæ sunt, ut in illo, qui respiravit, sed implentur; aliter enim foret massa aquâ levior, ipse enim calidus sanguis aquâ non est multo ponderosior; & quidem liquore viscidulo, vix odoro, mucum inter & salivam medio, fere insipido, leviter falso: estque crassior hic liquor, quam amnii humor, separatus jam & tunc ex cryptis in trachæâ, & in bronchiis sitis; & ab arteriis pulmonali & bronchiali, ex quorum humorum miscelâ, liquor ille fit: quem in brutis, quæ nondum respiraverant, æque quam in humano fœtu inveni.

166. Distento pulmone per aërem in trachæam (132.) immisso, bronchiorum rami (134.) adiguntur in majorem, tandem in maximum, in quem extendi possunt, circulum; majores capacitate fiunt: segmenta cartilaginea magis a se invicem recedunt, superatur musculorum mesenchondriacorum actio ab aëre; bronchia assurgunt in majores angulos, vesiculæ (135.) ex planiori extenduntur in rotundio rem figuram; hinc lobuli ex illis, & tandem lobi pulmonum magni eriguntur.

167. Omnia hæc dicta phænomena minuunt contactus puncta aëriferorum (a 132. ad 137.) in se invicem, fit & minor horum attactus ad sanguifera, (136.) spatia, quæ sunt media inter illa, liberantur a pressione, minuitur resistentia, hinc injectæ aquæ, (138.) vel aptæ materiæ (125.) transitus facilior ex ultimis arteriolarum ramulis in initia venarum (138.) bronchia vero extensa, (134.) longiora fiunt, explicant minima arteriarum oscula, quæ in illa patent; hinc hæc, aperiuntur, unde facilior ex ultimis, rectis, cylindricis, vasculis, materiei injectæ depositio in bronchiorum cava.

168. Hinc simul ac fœtus respiravit, liquor memoratus (165.) abest ex trachæâ, & ex bronchiis, aër enim transiens illum averrit respiratu, ejulatu, tussi, sternutatione.

169. Sanguis arteriæ pulmonalis (136.) & bronchialis, (137.) ablatâ resistentiâ per respirationem, fertur in pulmonem, transit facile in venas, redit in ventriculum sinistrum, obturat foramen ovale; minori resistentiâ in pulmone, quam in aortâ, natâ, præterlabitur canalem arteriosum, inter pulmonalem & aortam medium; nec amplius illum distendit; hinc hic collabitur, & concrescit; nisi forte vis cordis  
dextri

dextri superaverit ventriculi sinistri contractionem, tum enim in adultis, imo in senibus fuit inventum apertum foramen ovale, & a dexterrimo Albino in vetulâ demonstratum vidi in collegio Anatomico. tunc & expediatur via aperta ex pulmonali & bronchiali arteriâ, in ipsa bronchiorum, & vesicularum cava.

170. Si vero arte resuscitas respirationem, in pulmone, vitalem (118.): omnia aërifera percurrunt varios gradus dilatationis, & contractionis, interposita sanguifera patiuntur varios gradus pressionis, & dilatationis. hinc pressa hæc pellunt & propellunt, immissi liquidi copiam, artificioso respiratu; mutantur omni momento in punctis contactuum.

171. Hinc expeditur maxime via ex ultimis arteriolis in continuatas venas, hinc hoc experimento, (118.) duplex actio pulmonum restauratur, respiratio scilicet, & actio vasorum sanguiferorum in liquida, adeoque tota circulatio. tum simul ultimorum vasculorum in bronchiis & vesiculis, recte patientium oscula, motu & pressione communicatis, uno momento explicantur, altero complicantur, dum extenduntur & contrahuntur asperæ arteriæ rami; sicque assiduo illa evomunt injectam aquam, & materiæ ceracæ partem subtilissimam.



172. Hac ratione in vivis, sanguis in pulmone in omni puncto, semper mutationes subit; arteriæ & venæ, duobus momentis successivis, nunquam æqualiter vel similiter, sed reciproce, distenduntur & contrahuntur; premuntur ab æriferis; humores pelluntur, conquassantur, remittuntur, atteruntur, minuuntur, resolvuntur; canalibus trajiciendis adaptantur; ex arteriis ultimis angustis fluunt citissime in venas latiores: humores subtiles, tenues, lateraliter derivantur in vasa minora, quæ tandem minima, recta, patula, secernunt in bronchia, rorem tenuem, volatilem.

173. En quâ ratione experimentum, ita (118.) institutum, doceat facilem viam, ex ipso sanguine, extrorsum patentem, in pulmone, & quidem in parte ejus æriferâ, cujus humoris in vivo utilitas, & necessitas sponte patet, dum tenera, nervosa, intima membrana, omni momento, novum accipere necesse habet frigidum aërem, jam calidum, jam humidum, jam siccum &c.

174. Hinc & patet, cur abraſo hoc liquore, simul cum muco cryptarum (244.) obliniente has partes, irritati nervi tussim faciant? quidque sit gravedo? quid catharrus? cur a vulnere thoracis, collapsio pulmone peripneumonia? cur, utroque thoracis late re perſoſſo, ilico exſpiret animal? cur  
tan-

tantus metus, a retento aëre in pleuritide & peripneumoniâ verâ, dum ob dolorem negat respirare æger? quid sit, per resolutionem sanare inflammationem pulmonis? cur a dyspnœa Hæmoptœe? & contra? ut & differentia Hæmoptœes? cur a rupto vase lethalis? a dilatato sæpe curatur? cur risus, tussis, vociferatio, sæpe sanguinem excreant? Cur a duiturnâ gravedine, post mucosa phlegmata, sæpe sanguinolenta? quid sit spuma os obsidens in epilepticis? cur hæc augeatur, auctâ circulatione, in iratis?

175. Patet simul examinanti pulmonem per ceram injectam, & respirationis imitationem, præparatum (127.), diversitas peripneumoniæ, & quot numerantur ejus species. 1<sup>a</sup>. enim est, si sanguis arteriosus, vel nimis crassus, vel copiâ peccans dilatat arterias, quæ tum aërifera premunt. uti in ejusmodi objecto cera effecit. 2<sup>a</sup>. species est ab errore loci, dum sanguis intrat vasa tenuiora liquida vehendo, dicata: uti iterum hic patet. 3<sup>a</sup>. species oritur ab effusione sanguinis, vel humoris alieni in cellulofam. 4<sup>a</sup>. denique species est, si humor tenax, polyposus, in bronchia venit, & illa obstruit, uti in hoc objecto pulchre docet tenuior ceræ pars, excolor in vasis acriferis.

## CAPUT NONUM.

176. *Per membranam succingentem primas vias eâdem ratione transpirat humor.*
177. *œsophagus internus, madidus est semper.* 178. *ille humor præparatur, ab arteriâ œsophagæâ, tenuis per vascula ultima, lubricus per folliculos.* 179. *docet abstersio, & pressio a tergo, quibus humor idem redit. secundo, injectio aquæ vel ceræ per arteriam œsophagæam.* 180. *ventriculum irrigant innumeræ arteriæ, quæ hiant in cavum ventriculi, & humorem deponunt.* 181. *animalium juniorum ventriculus madidus semper humore, qui deterfus renovatur.* 182. *hujus humoris quantitas patet ex infinito arteriolarum numero, quæ in omni puncto villorum hiant.* 183. *cur arteriæ quatuor ventriculo inseruntur?* 184. *cur anastomoses innumeræ vasorum in eo?* 185. *humorem gastricum ex arteriolis in ventriculum sudare, docet aqua in cœliacam injecta. quæ implet, & purgat totum ventriculum, & intestinorum tractum.* 186. *idem cera injecta demonstrat, quæ ingreditur venas, egreditur ultimis arteriolis, & servat frigefacta figuram tubulorum, quos transit.* 187. *puncta tunc inveniuntur ceracea, rubra; & minora alba, in circin-*  
nos



nos acta. 188. credibile est, ventriculum nostrum in vivo irrorari simili humore, ex arteriolis secreto: quod apparet in frusto intestini inverso, post impletionem. 189. aliud experimenti genus, quod quiete partium docet transpirare ventriculum. 190. quo tamen experimento (189.) haud statuitur venas minus, quam arterias aquam bibisse, unde aliâ iterum methodo instituitur. 191. omnia perfecte eadem obtinent in intestinis: quæ ad fabricam & vasa cum ventriculo conveniunt. est œsophagus, ventriculus, intestina, unus conalis, continuus; ingesta retinens, secernens, excernens. 192. in intestinis opus erat humor chylum dissolvens. 193. hinc dantur ipsis binæ arteriæ. mesenterica inferior mesocolica vocanda est; cum mesentericâ superiore communicat: unde unâ impletâ, altera quoque impletur. 194. aqua immissa exit ex ultimis, patulis, arteriis in intestina. 195. in cane in mesentericam arteriam aqua immissa, purgavit a contentis intestina: rediit in mesentericas venas, inde in portarum venam, & per eam ex cavâ exiit. 196. cera per mesentericam arteriam immissa intrat venas, egreditur ex ultimis osculis in cavum intestinorum. & idem quod in ventriculo (187.) hic obtinuit. 197. dubi-

F 3

tatur,

*tatur, an non cylindri rubri a venis, minores ab arteriis, sint secreti?*

176. **P**er membranam porro succingentem primas vias, quæ ab aëre tanguntur, eâdem prorsus ratione, transpirat ex ultimis vasculis, subtilis, tenuis humor.

177. Totus quippe œsophagus, cavitate suâ internâ, per quam, omni momento, aër transit, communicans cum atmosphærâ externâ; madidus est semper humore, qui crassior, pinguior, & magis lubricus est, quam saliva.

178. Præparatur hic ab arteriâ œsophagæâ, & deponitur pars ejus tenuior per ultima hiantia, recta, vascula: dum qui smegmaticus, lubricat, inungit, oblnit internam ejus superficiem, secernitur ex eâdem arteriâ in cryptas positas in secundâ œsophagi tunicâ, quæ inde glandulosa dicitur, per quarum emissariola præparatus ille humor in cavum tubi exprimitur: de quo in sequentibus agemus.

179. Docet hoc primo in recens mortuis absterfio, si enim a superficie hac internâ (177.) prudenter auferatur humidum, dein a tergo prematur œsophagus, mox redit ex vasis, quod præsto est, liquidum; idque

que sæpissime. secundo, id pulchre demonstrat injecta in œsophagæam arteriam aqua, vel ceracea materia; quæ ex ultimis vasorum finibus in cavum œsophagi transfundat.

180. Universum ita ventriculum internum, qui œsophagus quasi in saccum expansus est, irrigant arteriolarum innumeræ, quæ omnes oriuntur ex epigastriâ, & ex aliis tribus, quæ itidem ex cœliacâ nascuntur. omnes hæ arteriolarum osculis apertis hiant in cavum ventriculi, deponunt humorem copiosum, blandum, aqueum, salivæ omni dote similem. illud evincunt experimenta certa.

181. Si enim animalium juniorum, sanorum, maxime quæ violentâ morte extinguuntur, inspicias ventriculum, invenies madidum semper, & quidem in omni puncto interno. si detergis, dein premis, redit semper ex ultimis orificiis vasorum latex, renovaturque hic in recenti, vel sponte: hunc ab omni ævo dixerunt succum gastricum.

182. Hujus quantitas facile supputatur consideranti infinitum arteriolarum numerum, quæ in omni puncto capacitatis ventriculi ordinantur in villis omnibus, osculis apertis hiant, & humorem eructant: quorum villorum tanta hic frequentia, ut



forte ad duas tertias partes superficiem au-  
geant ventriculi internam.

183. Hinc & patet, cur quatuor diver-  
sæ arteriæ, ortæ omnes ex cœliacâ, di-  
versis in locis, ventriculo dantur? & cur,  
haud unicus tantum ramus ipsi inseritur,  
& ut in plurimis aliis partibus fieri vide-  
mus, in minimos dispergitur, per ejus su-  
perficiem? ut nimirum, unâ forte com-  
pressâ a ventriculo distento, vel aliâ quâ-  
cunque causâ, per reliquas suppeditaretur  
tam necessarius humor.

184. Sed & simul apparet, cur tam  
exquisite anastomosibus innumeris inter se  
communicant ramuli minores? ne forte  
compressio uno trunco, partes, quæ ab eo  
arteriolis ornantur, humido tam necessario  
destituerentur.

185. Tenuissimum gastricum humorem  
(181.) ex arteriis cœliacis per ultima patula  
oscula sudare in cavum ventriculi: pulchre  
docet injecta in truncum majorem arteriæ  
cœliacæ (183.) aqua, quæ mox per anastomo-  
ses infinitas omnia vasa implet, dein ex ulti-  
mis rectis patulis arteriolis exsudat; & qui-  
dem in omni puncto tunicæ ventriculi vil-  
losæ: ita, ut per aquam, lente in cœlia-  
cam immissam, sine læsione minimi vascu-  
li, prorsus impleatur totus ventriculus: imo  
vero, hac methodo purgavi a contentis non  
hunc

hunc tantum, verum & intestinorum tractum universum; ut pura tandem aqua ex inciso recto exiret, pressa scilicet, per pylorum, in intestina.

186. Nec minoris ponderis est experimentum idem, per ceram injectam institutum: implet enim, non solum omnes inter se communicantes in ventriculo articularum ramos; verum & ex iis ingreditur venas, has comitantes; dum simul ex ramis minoribus lateralibus & quidem ex harum ultimis patulis osculis egreditur, si fortius cera propellitur; servatque tum egressa materies tenacitate suâ, dum frige fieri incipit, figuram tubulorum, quos transiit, secus ac in humoribus fit.

187. Gnarus, quid pulcherrime in hisce præstitit, & descripsit Ruyschius Th. II. af. III. N. 14. n. 2. Th. VI. N. 33. n. 1. & memor fidelium monitorum, quæ a magnis Præceptoribus in anatomicis accepi; quod nempe, si arte injiciatur cera in arteriam gastricam, guttatim transudet ex ultimis rectis ramulis, qui aperti in villis hiant in ventriculum, inquisivi, postquam feliciter systema cœliacum inplevissem cerâ, quidnam in cavo ventriculi conspiciendum se offerebat, inveni autem puncta seu frustula minima, ceracea, colorata, quæ contentis erant mista. hæc exemta cum

F 5

iis,

iis, quæ supererant ab ingestis in ventriculo, parvâ portione, aquâ dilui, tumque, adhibito microscopio, examinavi. haud ingratum erat, videre omnia dicta punctula rubra, esse reverâ cylindros, quorum alii longiores circinnos faciebant: plurimi erant colorati. Sed & tum demum, alios videbam excolores, tenuiores.

188. Patet autem (ex 187.) uti Celebrissimus Ruyschius monet. quod nempe credibile sit, in vivo, sano, ventriculum nostrum irrorari humore seroso, ex iisdem ultimis arteriolarum extremitatibus deposito; quod & apparet, si ejusmodi ventriculi frustum inversum, liquori impositum, rite examinas: tum enim vides, ceram ultimis egressam vasculis, nudam iis adhærere. est ergo iterum via ex cœliacâ in aëre patula.

189. Propono tandem & aliud experimenti genus, quò quiete partium transfusio humoris per vasa in cavum ventriculi demonstratur. Sumsi scilicet, ventriculum ovinum, dein & caninum, in inversos hosce ita, ut villosa tunica extima, exterior a peritonæo intima redderetur, immisi tepidam per œsophagum, ligato pyloro. Ligato dein & œsophago, suspendi ventriculum, bene absterfi. Post semihoræ

horæ quadrantem madidam vidi totam villosam tunicam, in omni puncto. Deterfi eandem lenissime & prudenter, ne facile lædenda tunica hæc vulneraretur; mox leniter premendo, ope microscopii vidi, ex omnis superficiei parte exire innumeras guttulas, minimas, specie sudoris; quæ mox confluentes totam iterum superficiem ventriculi humectabant; & quidem tantâ humidi copiâ, ut ad centrum ejus, concurrentes majoris guttæ specie continenter deciderent. Sic per viginti quatuor horas reliqui suspensum; transfudavit autem ille eo temporis spatio incredibilem aquæ copiam, quæ suppositâ patinâ colligebatur. nec dubito, quin, si sic fuisset relictus, si non omnis, saltem maxima fluidi pars fuisset transcolata: quod anni tempestas haud permittebat.

190. Attamen hoc experimento minus statuo, per solas transiisse arterias aquam immissam; dum enim abscindebatur, ante inversionem ventriculi, omentum, vulnerata æque sunt vasa venosa, quam arteriosa, nec minus illa, quam hæc aquam biberunt. Hinc, iterato hoc experimento, in ventriculo canino, quam potui subtilissime, prudentissime, & sollicitè involvi omentum simul cum liene: & qua parte  
ab



ab Epate abscindendum erat, & a Lumbis, fasciâ latâ arcte ligavi prius. Effectus nihil a memorato ante (189.) differebat experimento.

191. Omnia perfecte eadem (ab 180 ad 191.) obtinent phænomena in intestinis, iisdem captis experimentis. Est & horum fabrica, tam ad membranas, quam ad vasa, perfecte eadem, quæ ventriculi. Ita ut œsophagus, ventriculus, & intestina, sint unus, continuus, mire intortus, canalis, ingesta recipiundo dicatus, atque illa vasis adaptando. Varius figurâ, & capacitate in variis locis, ingesta varie retinet, fovet, mutat. variis perforatur fistulis recipientibus: hinc, sive esculenta fuerint eo recepta, sive potulenta, morantur, mutantur, atteruntur, dividuntur, separantur, apponuntur, secernuntur, denique & excernuntur.

192. Hinc in intestinis, haud minus opus erat tenuis liquidi copia, quam in œsophago, & ventriculo; quod menstrui loco, solveret & attenuaret crassiolem chylum, quo facilius apertas venulas intraret.

193. Hinc dantur illis binæ notabiles arteriæ, mesenterica scilicet, superior & inferior, quæ proprie mesocolica dicitur. hæ inter se communicant anastomosibus notabi-

tabilibus, unde in alteram immissa tepida vel cera, ambas implet.

194. Sed & simul tunc ex ultimis, minimis, rectis, ramulis, in tunicâ villosâ dispositis, patulis, exit aqua immissa ita, ut totum impleat intestinorum tractum, & recto exeat.

195. Sic in mesentericam arteriam immisi aquam in cane, integris abdominalibus; nec tantum a contentis purgabam intestina; verum, & premendo, motumque intestinorum quodammodo resuscitando, intrabat pura in venas mesentericas, ex quibus in portarum venam; ita, ut Epar transgressa aqua, limpida tandem ex incisâ cavâ exiret, sanguine eloto.

196. Ceracëam materiem eodem, quo in cœliacam, successu immisi, per siphonem in mesentericam superiorem ita, ut implerentur vasa intestinorum, mesenterii & mesocoli: ingressa tum cera ex arteriis in venas, pulchrum dabat harum se invicem in mesenterio, & mesocolo comitantium adspectum. ex ultimis autem egressa patulis arteriis in intestinorum cavum idem obtinuit, quod in ventriculo memoravi (187.) colorati scilicet apparebant microscopio alii cylindri, ceracei, majores, in circinnos acti, alii vero minores, pigmento rubro orbat, albi. omnes secreti erant ex  
ulti-

ultimis vasculis patulis. id quippe apparebat in intestini frusto inverso, ubi ultimis egressura patulis vasorum orificiis cera, iisdem integris adhærebat frigefacta.

197. Cum vero cera immissa, in mesenterio jam ex arteriis in venas transierit, venarumque systema in hisce omnino valvulis careat & resistantia fere nulla in intestinis; (ligaveram enim venam mesentericam, quæ se portarum venæ inserit, ne eo rediret immissa cera, utpote ad locum minus resistantem, quam vasa ad intestina, minima) confido, majores, coloratos, cylindros a venulis, esse secretos; dum minores ab arteriis, ob angustias viarum, emissi sunt excolores. verum & simul glandulas, seu folliculos Peyëri deposuisse maximos eosdem rubros, ubi de hisce agam, demonstraturum facile spero.

## CAPUT DECIMUM.

198. *Ærem præterea attingunt, vel attingere possunt pudenda & vesica urinaria* 199. *uterus, pudendum totum in fœminis sudat blandum humidum. Arteriolæ dilatatæ omni mense sanguinem emittunt in adultis; iterum se contrahunt.* 200. *scaturigines menstruorum ex Morgagno, in uteri fundo, & proxima, cervicis parte, ibidem*

*rubræ distinctæ maculæ, ex his guttulæ eliciuntur sanguinolentæ. 201. immissa aqua vel cera in arteriam exit in cavum uteri. 202. vesica urinaria, internâ suâ superficie aërem attingit vel attingere potest, perspirat. 203. constat quatuor membranis de internâ sermo est; quæ aëri contigua. 204. recens ex ove & cane examinata, inversa, inventa madida, humore mucoso, fere ut in palato & faucibus. exsiccata eadem, iterum præsto est humidum. 205. a parte posteriore pressa, videtur sudare aliquid mucosi. 206. aquæ immissa leniter villosa est. qui villi disparent, si illa inflatur. 207. arteriæ accedunt ad hos villos. quæ ut in intestinis & ventriculo ex subjectis tunicis emergunt. In tunicâ musculari vesicæ arteriæ, ut fibræ, decurrunt. 208. talem præparavit vesicam Ruyschius, in quâ infinitæ arteriolæ apparent. talem demonstrat Albinus. 209. arteria ex puncto demittit radios, qui cum aliis communicant. unde præcavetur obstructio, inflammatio. 210. ex his (209) recti ramuli procedunt ad villos, aperti locantur, ordinantur in villis, hiant in cavum ventriculi. 211. ortus vasorum vesicæ in viris. arteriæ umbilicales apertæ demonstratæ in adulto. 212. arteriæ præterea in fœminis accedunt ad vesicam, quæ cum (211,) & arteriis ute-*



*ri cervicis, mire communicant. 213. materies ceracea per arteriam immissa, stillavit in vesicæ cavum. 214. Liquidum, quod in vivo secernitur, blandum est, vesicam internam oblnit, acridinem urinæ minuit.*

198. **Q**uæ præterea, aërem attingunt, vel attingere possunt externum, sunt, uti monuimus, in utroque sexu pudenda, & vesica urinaria.

199. Uterus, vagina, totum præterea in fœminis pudendum, assiduo sudant, ex apertis, ultimis, rectis, arteriis, humorem tenuem, blandum, aquosum, ferosum: imo vero arteriæ hæ in fundo uteri dilatatae, omni lunari tempore, stillant merum, sanguinem, arteriosum, in virgine, quæ incrementi sui ἀκμὴν accepit. quæ, post debitum Lunæ solutum, se iterum contrahunt; nec nisi humorem tenuem, ferosum, loco sanguinis, transmittunt. notante Hippocrate de genit: ἐπὶ τῇ αὐξωντικῇ καὶ παρθένῃ καὶ παῖς, αἱ φλέβες, αἱ ἐς τὸ αἰδοῖον τένεσται ὁ παιδὸς, καὶ τὴν παρθένα, καὶ ἐπὶ τοὺς μήτρας, εὐρεῖαι γίνονται ὑπὸ τῇ αὐξῇ, καὶ σπέννεται, καὶ ὁδὸς καὶ διὰ τῶν διὰ σενῶν γίνεται, καὶ τὸ ἐγγὺς κλονήσιν τότε ἰσχυρῶς. Εὐρυχωρεῖν γὰρ οἱ τότε γίνονται, ἐνθα κλονήσεται, καὶ τῷ παιδί χωρεῖ, ἐπὶ τῷ αἰδρὸς

ἀδρός ἐν, διὰ τοῦδε, καὶ τῇ παρθένω τὰ καταμύωια.  
Postquam autem adoleverint & virgo & puer,  
venæ ad pudendum pueri & virginis tenden-  
tes, & ad uterum, melius transmittentes fiunt  
ab incremento, & oscula aperiuntur, & via  
& transitus per angustias contingit, & hu-  
midum tunc commotionem habet. melius enim  
aperta, in quibus movetur, fiunt vasa. &  
puero, si adultus erit, ideo prodit semen, &  
virgini menses.

200. Pulcherrima certe sunt & dignissima exempla, quæ de hisce profert Celeberrimus Morgagnus advers. anat. 1. §. 33. p. 45. narrat ibidem fidelissimus observator quod in virgine, quæ capitis ictu, fluente adhuc menstruo, moriebatur; ut & in aliis binis mulieribus, quibus aut instabat, aut mox ante obitum desierat fluxus; invenerit maculas rubras, distinctas: & quidem in eâ, in quâ sanguinem fluxisse, certus erat; fundum uteri universum vidit iisdem scaturientem; in aliis vero, in alterâ totus uteri fundus, exceptâ parte ejus supremâ, in alterâ vero, & fundus totus, & proxima cervicis pars, iisdem obsidebatur. ibid. Tab. III. lit. MM. nec negotii quid affirmat, ex iisdem maculis guttulas pressione elicere cruentas: cum interim nec in vaginâ, nec in uteri cervice, quicquam erat, quod cruorem ex iis fluxisse indicabat; unde, & pressione tentatâ,

tatâ, nihil ex hisce eliciebatur sanguinis. Addit præterea Celeberrimus auctor in plurium cadaveribus, quibus fortasse haud ita pridem profluxerat sanguis menstruus, conspexisse se maculas similes quidem, sed longe dilutiores, non in vaginâ, non in uteri cervice, sed in ejus itidem fundo: ex quibus eâdem ratione prolicuit, uti ex illis, subcruentas guttas.

201. Experimenta sunt & iterum eadem, quæ affirmant, vias ex arteriarum truncis patulas esse in ipsum uteri cavum, impletio nempe arteriarum per aquam, vel aptam ceram, quæ immissa exeunt tandem in ipsam uteri cavitatem, ex ultimis osculis apertis.

202. Superest tandem vesica urinaria, *κύστις ἐροδόχου* græcis dicta. Quatenus internâ suâ superficie aërem tangit vel attingere potest, perspirante per vasa.

203. Constat hæc quatuor membranis, extimam a supertenso *Peritonæo* accipit, intima dicitur *Glandulosa*; inter has media hæret tertia *Muscularis*, extimæ junctâ, per *cellulosam*, quæ quarta est. De intimâ utpote aëri contiguâ dicendum jam est, de extimâ perspirante in sequentibus agemus.

204. Recens ex ove & ex cane exemptam vesicam urinariam, inversam exami-  
navi:

navi: inveni madidam mucosam; fere ut est membrana, quæ palatum, fauces & œsophagum investit, humore quasi ex aquâ & oleo, misto. post absterfionem prudentissimam, mox redire vidi humorem; ex siccavi iterum & repetivi, præsto erat paulo post, quo perfunditur interne, humidum.

205. Supposito digito, a posteriore parte, si premitur vesica, facile oculo nudo apparent guttulæ distinctæ, videbaturque tum sudare & simul aliquid mucosi.

206. Aquæ immissa inversa vesica leviter villosa apparet; quô magis per aërem inflatum distenditur, eô magis villi disparent, qui minimi & breves sunt.

207. Innumeræ arteriæ accedunt ad hanc tunicam (204.) & venæ; hæ omnes emergunt ex truncis majoribus per vesicæ tunicas dispersis, eâdem prorsus ratione, ut in intestinis & ventriculo fieri videmus: ubi ex nervosæ dictæ membranæ arteriis ramosis, assurgunt minimi, breves, recti ramuli, & in villosâ ordinantur patuli; vel potius villos juncti efficiunt. Sic in vesicâ urinariâ innumeræ disperguntur arteriæ, utque magnus Ruyschius docuit Thef. X. eodem modo ac fibræ in tunicâ musculari decurrunt, dispersæ ex puncto in radios.



208. Talem servat a Ruyschio ipsi præparatam in Thesauro suo anatomico Celeberrimus Boerhavius vesicam (207.), quæ ex infante desumpta, tam nitide repleta est, ut ne vel minimæ acus cuspidem immitteres, absque læsione vasorum. talem (207.) & in annuis, physiologicis lectionibus demonstrat incomparabilis præparator Albinus, quæ eadem ratione, ac illa inflata, absque ullis rugis siccata est, cujus nec vasa pauciora, quam illius, quam a Ruyschio præparatam examinavi.

209. Plurimis scilicet in locis arteria major ingressa tunicam muscularem, dispergitur a centro in radios (207.), qui omni in puncto cum radiis alterius similis arteriæ communicant; unde obstructionis & inflammationis perpetuus metus præcavetur.

210. Ex hisce jam (209.) recti, ramuli, aperti, procedunt, ad tunicam intimam, quæ, uti dixi, leviter est villosa; atque in villis locantur & ordinantur: hiantque in cavum vesicæ, non secus ac de ventriculo (180.) & intestinis (194.) dictum est.

211. Oriuntur autem omnia illa vasa ex hypogastricis & hæmorrhoidalibus in viris: atque inferuntur vesicæ, ad collum ejus; inde ad fundum decurrunt, permiscentque se ramulis suis, cum vasis intestini recti:

eti: accedunt præterea vasa arteriosa, ex umbilicalibus, quæ in fœtu ex iliacis internis oriuntur, & ad latera vesicæ decurrunt. hæ vero arteriæ, cum in adultioribus, post ligatum funiculum umbilicalem, exsiccantur & concreescunt, ramos ex iis ortos itidem cavitate suâ privant. hæc tamen patulas in adulti vesicâ, in collegio physiologico Celeberrimus Albinus demonstrat.

212. In fœminis præterea accedunt a spermaticis arteriæ frequentissimæ, quæ cum ante numeratis in viris (211.) & cum arteriis cervicis uteri, mirum in modum, junguntur.

213. Materies ceracea majori vi per arterias vesicæ cum successu optato protrusa, sæpe stillavit per harum ultima oscula, in ipsum vesicæ cavum, uti dexterrimus Ruyschius Thes. X. affirmat.

214. Liquidum autem arteriosum, quod in sano, vivo, ex ultimis patulis arteriolarum ramulis excernitur, blandum est, & tenue, linit superficiem vesicæ internam, acredinem urinæ minuit.

## CAPUT UNDECIMUM.

215. *Exsudatio alia obtinet in cute & in locis ubi supra papillas cuticula, ope folliculorum,*

qui in omni parte corporis sunt, nisi in pede, manu, & digitis, internis. 216. in cute considerantur cryptæ Boerhavianæ. 217. observatio Cl. Boerhavii. describitur figura cryptarum (216). 218. constat membraná & emissario. quam membranam innumeræ arteriolæ perforant, & humorem effundunt. 219. Humor arteriolis effusus blandus est. stagnando & resorptu fit crassior. venulæ comitantur arteriolas. videntur hi folliculi occasionem dedisse scribendi de poris cutaneis & subcutaneis. 220. crypta basi inhæret cuti, ex eâ emergit emissarium, quod hiat in epidermide. dum separatur a cute cuticula, rumpitur emissarium, trahit tenacem mukum ex folliculo, hinc hirsuta epidermidis interior superficies. 221. dubium, an non cuticula emissarium intret, & folliculum succingat? 222. quomodo exprimitur smegma, cute & cuticula integris. tum seta immissa docet emissarium. subtilitas vetat justam inquisitionem. 223. materies quamdiu in folliculis hæret, nullum præstat usum. expressa inungit cutim. maxime est in partibus, aëri vel motui expositis. 224. caput unctuosum semper, axillæ, pubes. 225. oscula folliculorum in facie, ad articulos maxime conspicua. 226. materies (223.) exsiccata sub furfurum specie decedit. 227. frigore, a defectu materie (223.) labio-

*labiorum fissuræ, perniones &c. 228. eadem materies (233.) stigmata facit, quæ diversa. 229. cryptæ hæ (216.) sedem præbent omni generi tumorum cutaneorum. 230. facile, laxatâ cute, delentur: pressis inter digitos, materies vermis specie exit, servans tenacitate sua figuram emissarii. 231. pars ejus prima nigra vel flava, aëri exposita, caput, reliqua corpus & caudam vermis refert, hinc plurimi vermes cutaneos putavere. 232. Cryptæ ejusmodi (216.) in omni parte corporis, nisi in volâ manuum, plantâ pedum, & digitis internis.*

215. **E**st præterea aliud exsudationis genus ab interioribus extrorsum, quod æque obtinet eo in loco, quo cuticula pergit supra papillas, ac ubi cutim invellit; quod scilicet fit ope folliculorum, qui ubique in cute hærent, nisi in interiore parte manuum, pedum, & in digitis.

216. Et primo quidem ibi, ubi cutis est, considerandæ veniunt cryptæ Boerhavianæ, sic eas vocare amat Celeberrimus Ruyschius, potius quam glandulas, apud quem descriptæ leguntur advers. anat. i. p. 11. 12. vocari posset exsudatio hæc, *smegmatica*.

217. Observaverat scilicet Clarissimus Boerhavius, receptacula quædam, parva,



subrotunda, cava, collo angustato conniventia, quæ osculo aperto, nec quod facile humorem intus in folliculo contentum eructat, in epidermide patent; atque ibidem poros cutis formant, satis conspicuos; vocat folliculos seu cryptas, figuram videbis delineatam in Epistola Magni H. Boerhavii pro Malpighio, ad Optimum, F. Ruyschium: elique ea perfecte granati bellici, quod manu mittitur, belgice *een handgranaadt*.

218. Constat (216.) autem membranâ propriâ, quæ cavâ suâ parte format folliculum, & ex eo egreditur emissarium. hunc folliculum in omni puncto perforant arteriolæ, quæ ab omni parte ad illum tendunt, & in hunc humorem suum effundunt, præparatum.

219. Humor ille (218.) arterioliis effusus, tenuis est, blandus, haud statim exit per emissarium; sed stagnando & resorptu per venas, arterioliis comites, & patulas itidem, crassescit; fit magis oleosus, plasticus; retinetur ad cutim inungendam; dumque emittitur, eandem lenem, & flexilem conservat. Verosimile est, hos esse folliculos, qui occasionem dedere tot scribendi de poris cutaneis, & subcutaneis, qui revera nihil aliud sunt, quam horum oscula.

220. *Crypta talis, basi suâ inhæret ipsi cuti, & ex eâ emergit emissarium tendens per reticulum ad epidermidem, in quâ hiat. hinc dum separatur a cute epidermis, ejusmodi emissarium necessario rumpitur, cumque mucosum smegma, tenax æque adhæreat illi portioni emissarii, quæ cuticulæ adhucdum adnexa manet, quam cryptæ, cuti innexæ; imo. vero ex ejusdem cavo sæpissime extrahatur, hirsuta apparet mucosa cutis interna superficies.*

221. *Dubitavi diu & sedulo inquisivi, an non ipsa cuticula folliculos (218.) per emissarium intrat, & succingit, ut epithelium in majora cava ingredi diximus.*

222. *Revera subtilis res est. post lente & prudenter expressum ex folliculo mucum, quod optime fit cutis portionem tepidâ aquâ vel lixivio calido macerando, si in majoris emissarii porum subtilissima seta equina immittitur, imprimis nigra, dein cuticula ad hunc locum usque separatur, tuncque microscopium adhibetur: apparet quidem emissariolum ex epidermide in folliculum hunc transire, simulac vero, hujus progressum in ipso cavo prosequi velis, ob subtilitatem, & parvam, quæ cutim inter & cuticulam, distantiam, & ob partium teneritatem, destruitur tota fabrica.*

223. Notamus præterea, quod folliculorum materies spissior nullum præstat officium, quamdiu in folliculo hæret (219.); verum expressa lubrico humore inungit cutim, & quidem ad illas partes inprimis, quæ aëri externo, vel motui maxime sunt expositæ, vel pilis ornatae.

224. Hinc caput unctuosum semper, & quidem eô magis, quo sanitate perfectiore, fruatur homo, & juxta capillos defluit humor iste pinguis, sic & ad axillas, pubem &c.

225. Patent dein oscula horum (217.) ibi maxima, ubi aëri expositæ partes semper sunt; unde in facie conspicua; ut & ad partes maxime movendas, hinc ad articulos inprimis, & nates ubi convergunt.

226. Estque hæc (223.) ea materies, quæ inspissata & exsiccata, sub furfurum specie decidit: dum enim hæc deest, desquamatur arefacta cuticula.

227. Hinc dum frigore contrahuntur oscula folliculorum (217.), quo minus exprimitur smegma illud, hyeme labiorum fissuræ, perniones, &c. oriuntur: non secus, ac calcei ex bubulo corio confecti, oleo inuncti, flexiles fiunt, sin minus, indurescunt, finduntur.

228. Eadem est illa materies (226.), quæ frigidis hisce in borealibus locis frequentia adeo

adeo efficit stigmata in facie, maxime in iis, qui minus nitidi raro cutim lavant. differunt hac stigmata: primo enim flava, dein fusca, tandem nigra evadunt, puncta ejusdem diversitatis relinquentia.

229. Cryptæ hæ obstructo vel concreto emissario, (216.) in quibusdam tandem in aliquam molem assurgunt, unde & sedem præbent omni tumorum cutaneorum generi, atheromati, steatomati, meliceritidi.

230. Facile autem, cute laxatâ aquâ tepidâ, vel lixivio ex sapone calido, pressa inter digitorum ungues hæc stigmata (228.) delentur: tum enim vermis specie exit materies, in ejusmodi folliculo stagnando, crassior, ceracea reddita, & lenta: dum enim premendo lentam & ductilem materiem, per angustum collum cylindricum eliminatur eadem: facillime tenacitate sua servat figuram, crispatur.

231. Cumque ejus pars prima (228.), quæ aëri exposita fuit, acceperit colorem fuscum, vel nigrum, dum reliquum, quod in folliculo hærebat albo-flavescit, refert perfectissime vermem, capite fusco vel atro, corpore & cauda candidiore, præditum. Hinc plurimi docti, & vulgus vocavere vermes cutaneos.

232. Ejusmodi autem cryptæ cutaneæ  
Boer-



Boerhavianæ (216.) inveniuntur in omni corporis superficie, in quâ cutis adest, plantas pedum, volas manuum, digitorum interiorem superficiem, & pulpam si excipias.

## CAPUT DUODECIMUM.

233. *Cryptæ inveniuntur sub Epithelio, ut sub Epidermide, ubi partes aërem contingunt. 234. exhalant perfecte eadem ratione. 235. in areolis mammarum, in utroque sexu. observat Morgagnus, humorem exprimi ex iis. 236. in limbo palpebrarum Meibomianæ sudant smegma, unde minus concretescunt palpebræ. 237. ut motus, ita hic humor augetur. post lucubrationes colligitur ad cantum oculi. 238. sunt in meatu auditorio ceruminosæ glandulæ, oleum deponunt blandum, quod stagnando, crassescit, flavescit, cerumen fit: quod aurem defendit internam. 239. in naso cryptæ in tunicâ Schneiderianâ mucum secernunt. 240. sunt in oris totius internâ superficie, nisi ad anteriorem partem, fundunt ibi humorem lubricum. 241. deterfus humor (240.) cito renovatur; usus ejus in deglutitione. 242. quid tonsillæ sunt? pressæ hæ a bolo deglutendo, eructant mucum. 243. notabile est foramen in linguae dorso, ex Morgagno descrip-*

descriptum. 244. ponuntur ad laryngem arytenoidæ glandulæ, hærent in trachæâ sub membrânâ intimâ, ibi suum humorem deponunt. 245. in cadavere pressæ eundem eructant. 246. hinc madida semper interior trachæa. si nimius vel nimis aqueus deponitur mucus, screatu, & tussi excernitur. 247. descriptio morbi, de quo Ruy-schius ep. prob. vi. 248. descriptio polyporum, e pulmonibus rejectorum. 249. polyporum in bronchiis causa, & ortus videtur tantum hæere in cryptis, nimia copia humorem secernentibus. 250. arteriæ videntur tenui exhalante vapore efficere, quo minus materies tenax polyposa bronchiis internis adhæreat.

233. **N**Ec tantum cryptæ hæc inveniendæ, ubi sub cuticula corpus aëri externo per cutim contiguum, verum & conspiciendæ, si non eadem; illis saltem simillimæ, iis in partibus, quæ orbatae cute, epithelio teguntur, & aëri exponuntur.

234. Et revera, ut per vascula exhalare partes diximus in interioribus, ubi nulla cutis, perfecte ac ibi, ubi δέρμα: eadem ratio in folliculis, iisdem in partibus obtinet.

235. In areolis mammarum in utroque  
sexu

sexu haud modo glandulas, uti ille vocare amat, sebaceas invenit Celeberrimus Morgagnus: sed & non raro ferofum lac ex iis expreffiffe affirmat in ipsis viris, & a nutricibus expreffum vidit. adv. anat. 1. §. 12. p. 10. sunt hæ illæ glandulæ, quas Benivenius & Massa jam notaverunt, inficere infantes fugentes papillam nutricis lue venereâ infectæ.

236. Demonstrantur in limbo palpebrarum sebaceæ illæ, vel ab inventore Meibomianæ, dictæ glandulæ, subpinguem, oleofum, faponaceum humorem osculis eructantes, ad lubricas, flexiles, & a concretione liberas servandas hæce partes, cæterum facile concrefcentes: ut trifti casu contingit, post defectum benigni hujus humoris, ab inflammatis, ut in variolis sæpe contingit, obstructis, vel scirrhis & cancerosis hæce redditis. lenit & tritum atque attritum, milliones motuum unâ horâ dum peragunt nictitando hæce partes.

237. Ut motus, ita & humor augeatur. post intensas lucubrationes etenim, quasi pultaceus hicce (236.) colligitur pinguis & crassior ad canthum oculi majorem, motu perpetuo partium, tenuiori resorpto.

238. Inveniuntur & ejusmodi folliculi in meatu auditorio, exigui, sub membrana ceruminosâ; vocantur glandulæ cerumino-

minosæ, quæ excipiunt humorem blandum, oleosum, olei amygdalarum instar, separatim a sanguine arterioso: Hæ per ramulos exterioris carotidis adlatum hunc, cavitatibus suis excipiunt, continent, fovent, dein exsudent; qui tum humor in loco hoc calido, aëri expositus, stagnando, crassescit, rancescit, flavescit, amarescit: atque cerumen vocatur: hoc a frigore defendit, & a siccitate conservat membranam tenerrimam nervosam, quæ aurem internam investit.

239. Hærent & in naso, in tunicâ Schneiderianâ ubique, ut & in sex sinubus cavis cryptæ hæ innumeræ, deponentes ab allato sanguine arterioso separatim humorem, tenuem blandum, qui partes inungit, flexiles conservat, ac postea resorptu tenuioris, & stagnatione crassescit, sub nomine muci: imo & in squammas quasi coreaceas siccatur sæpe.

240. Inveniuntur & ubique ad radicem linguæ, ad orificium tubarum Eustachianarum, glottidem, arytenoidum cartilaginum superficiem, in asperiâ arteriâ, larynge, pharynge &c. in ore ubique, nisi in anticâ parte, ad fauces, palatum, uvulam, eructantes assidue humorem satis tenuem, haud viscidum vel tenacem; sed lubricum, ex oleo quasi & aquâ mistum, unde partes hæ in cadavere tractatæ Anatomici arripien-



patientis manus & hamulos, ut cauda anguillæ, mucosæ eludunt.

241. Deterfus hicce humor, (240.) cito renovatur, maxime pressis hisce partibus: hinc deglutionem manducati boli, & descensum pulchre faciliat, copia præsto, dum deglutiendum est; unde & satiatis difficilior hæc actio, ob defectum hujus muci. has Clarissimus Morgagnus expansiones glandulosas vocat.

342. Nec sunt Tonsillæ aliud quid, quam ejusmodi cryptarum aggregatus. hinc, faucium ingressum dum angustant, pressæ a deglutiendo bolo, repressæ a musculis agentibus, copiosiore idoneum hunc eructant humorem, eodem momento.

243. Notabile est & foramen Morgagno in linguæ dorso ad radicem ejus descriptum, advs. anat. 1. §. 8. & delineatum Tab. 1. Lit. l. Situm ad expansionem glandulosam, quæ postremam linguæ radicem occupat; in quod immissus stylus docuit ad binos transversos digitos aditum patere, ad basin ossis yoidis usque. canalis autem ille, juxta longitudinem apertus, mucosâ scatebat salivâ.

244. Ponuntur ubique ad Laryngem, Arytenoïdææ glandulæ eidem auctori descriptæ: ibid. §. 2. ut & in Epiglottide ibid. §. 3. Hærent sub interiori tracheæ membranâ

branâ in intimâ parte, folliculi glandulosi Celeberrimo Morgagno & descriptæ & delineatæ advs. anat. 1. Tab. 2. fig. 1. ubi interiore tunicâ detractâ occurrunt in secundâ: sub litt. oo. *Suntque*, ut vocat acutissimus Auctor, *glandulæ figurâ subrotundæ, & ovales; sed compressæ, variâ autem magnitudine, & miliaribus pleræque majores.* Hæ subjectæ sunt carneis fibris, quas & ibidem delineatas conspicias: In trachææ cavum per emissaria transmissa, deponunt humorem suum, blandum, mucosum, aëris asperitatem demulcentem.

245. Subtus digito pressæ in cadavere hæ glandulæ eructant humorem suum mucilaginosum. *ibid.* & horum oscula, per membranam internam hiantia conspiciuntur. *ibid.* Tab. 1. ad lit. e.

246. Hinc semper madida, mucosa, interior trachea: si vero glandulæ hæ vel nimium, vel nimis aqueum, deponunt mucum, ut fit in gravedine, scretu & iussi excernitur ille.

247. Visis, qua ratione & quibus viis arteriæ (136.) & cryptæ (244.) exhalant in bronchia humores, qui misti, tunicam horum internam obliniunt, & defendunt, ab asperitate aëris, qui cæterum nervosam membranam hanc convelli facit, ut patet in gravedine, quâ ad unamquam-

H

que

que respirationem fere, tussire cogitur homo; non possum, quin leviter attingam illud morbi genus, de quo in VI. probl. Ep. Ruyschius memorat. ut ex hisce hujus sedem quodammodo demonstrarem; quod malum cum antea infestasse scirem pulmones Expertissimi Di. E. Dringenbergii chirurgi dexterrimi, atque ante annos mihi semel demonstrasset ille ejecta pseudo-bronchia: petii, certum me faceret casus hujus rarioris. Nec hoc tantum, verum ex connatâ ipsi humanitate, morumque suavitate & ob, quæ inter nos est, amicitiam misit lagenulam, in quâ conspiciere, & examinare iterum licuit polypos pulmonum; addidit & simul, datis ad me litteris humanissimis, totius morbi historiam, quam non possum, quin ipsius Optimi Viri latinissimis verbis tradam.

*Mitto ad te (hæc sunt ejus verba) vitrum, quibusdam ejectionibus pulmonalibus repletum, quas ipse anno 1724 ejeci. A mense nempe Januario ad Junium usque; copiam fere incredibilem expectoravi, sine febre, orthopnœâ, dolore, vel ullo symptomate, tussiculâ exceptâ. Interdum, imo quotidie fere, materiem, albam, lacteam, saporis dulcis, amygdalarum dulcium instar ejeci, semperque mihi tunc temporis pectore coarctando, & tussiculâ factitiâ licuit materiem dictam expectorare: matutino*

autem tempore, surgens post somnum e lecto, materiem ramosam in bronchiis pulmonum, tempore nocturno concretam, rejeci. sicuti tibi in vitro præsentì videre licet. plura de his vide in Epist. anat. probl. Doct. Grætz ad Ruysch. & Respons. Cl. Ruyschii de arteriâ & venâ bronchiali & de polyp. pulmon. Tulpius observ. lib. II. cap. 13. polypum bronchiorum ostendit: & quamvis autemet venam integram pulmone rejectam, mihi tamen istius. modi substantiam fuisse polyposam, videtur. Ut vero brevis sententiam meam explicem. humorem in tunicâ glandulosâ & vasculosâ bronchiorum, abundanter excretum, condensatum, ad formam bronchiorum relatum causam esse proximam, puto. Paucis hisce sententiam addere consultum duxi, neque hoc in malam accipias partem, quæso? Te vero tutelæ Divinæ, me vero tuo commendo favori. Vale!

248. Erant autem, quos examinavi, polypi ramosi, & in parvis quidem bronchiorum ramulis hæserant: id indicant eorum ramuli pusilli; quibus tamen adhuc multo teneriores reliquiæ hinc inde adhærent, quæ ob teneritudinem, & vi ejectionis, diffractæ sunt. omnes autem apparent servantes figuram convexam, quæ est in bronchiis concava. Porro ut in bronchiis (120.) ita & in his, rami omnes oriuntur, respectu trunci, ad



angulum valde obtusum : ita ut prorsus convenient cum Ruyschianâ figurâ 4. Tab. 7. Ep. prob. vi.

249. Videtur autem omnis humoris polypoï in bronchia secreti ortus esse & causâ ; quod folliculi glandulosi , tunicâ secundâ asperæ arteriæ , & bronchiorum basi suâ infixi ( 244. ) , a vasculis adferentibus , plus solito a quâcunque causâ dilatatis , acceperint humorem copiâ majorem , quam quæ naturaliter secernitur , hinc & eo citius per oscula , quæ in intimâ tunicâ patent , expressum , unde tenuior , & lactea fuit materies , quæ cæterum resorptu subtilioris , dum stagnat in folliculis , mucosa secernitur posse.

250. Nec arterias ( 117. ) quicquam huc attulisse alieni , inde concludo ; quia materies hæc tam facile eruētata fuerit *pectore arctando*, & *tussiculâ factitiâ*. sed e contrario humor illarum tenuis exhalans ( 118. ) inungens superficiem bronchiorum effecit , quô minus materies hæc ( 249. ) adhæreat eidem . cum autem nulla aderat orthopnoea , haud dubium , quin hæserit hoc malum Viri doctissimo tantum in altero pulmonis lobo , vel in parte ejus , vel in parte utriusque : inde & *tussicula*. τὸ γὰρ πνεῦμα τὸ Ἀγρὶ τὸ Φάρυγγι & Ἀπνεόμῳ ἐς τὰ στήνα βαδίζει , καὶ πάλιν ἐξέρχεται Ἀγρὶ τὸ ὁδὸ ταύτης . ὅταν δὲ συμβῇ ,  
τῷ

τῷ πνεύματι τὸ ρεῖμα καί τωθεν τῷ αἰνόνῃ, βῆξ θῆ-  
 γινεται ἢ ἀναρρίπτεται ἀνὰ τὸ φλέγμα. Spiritus  
 enim perveniens ad fauces ad pectus usque pro-  
 cedit, & iterum effertur per viam eandem.  
 quando vero occurrit spiritui inferne adscen-  
 denti fluxio, tussis oritur, & repellitur sursum  
 pituita. Hipp. de flatib. hinc & tussiculâ fa-  
 cilitiâ & coarctando pectore facilis expulsi-  
 onis materiae lacteae, ex bronchiis.

## CAPUT DECIMUM TERTIUM.

251. Cryptae inveniuntur in œsophago in tu-  
 nicâ glandulosâ dictâ. hæc humorem eructant  
 lubricum, illinientem œsophagum, pressæ  
 in cadavere sillant eundem. 252. sunt in  
 ventriculo folliculi Brunneri, vel Peyëri.  
 eromunt hi tenacem mucum, quo obducitur  
 ventriculus internus, ne lædatur, vel te-  
 nacia ipsi adhæreant. 253. in intestinis po-  
 runtur (252.) similes, qui ex texturâ  
 vasorum oriuntur. Hi mucum deponunt,  
 quo abrafo divi excitantur dolores inde post  
 diarrhœam diuturnam, dysenteria. 254.  
 ponuntur solitariae hæc cryptae (253) in  
 jugis & intervallis intestinorum. infigun-  
 tur basi suâ nervosæ tunicæ, velantur vil-  
 losâ. interdum confertæ, magnæ, conspi-  
 cuae sunt. 255. arterias habent a mesente-  
 ricis, inde injecta in cœliacam & mesen-  
 teri-

tericam arteriam cera transfundat. ex iis in  
 cavum ventriculi & intestinorum. 256.  
 post impletionem apparent pulcherrime hi  
 folliculi, & osculum demonstrant. 257.  
 inveniuntur ejusmodi fere cryptæ in puden-  
 dis utriusque sexus. Morgagno sebaceæ  
 describuntur. 258. in glande penis vix, in  
 aliis nullo modo, conspiciuntur folliculi,  
 inde minus respondent semper eodem nume-  
 ro esse, sæpe plures, sæpe omnes in sum-  
 mo præputio sunt: sæpe aliquot ad latera,  
 aut finem freni, in eodem objecto hærent.  
 259. licet numero varient, constant tamen  
 in eo, quod, cum frenum appropinquant,  
 prius rari, dein nulli existant. nunquam hu-  
 midum quid, vel materiæ albæ ex iis (258.)  
 exprimi potest. 260. videntur potius hæ-  
 cryptæ ex Ruyschianâ sententiâ habendæ  
 esse pro papillis, in quibus voluptatis, &  
 doloris sedes. 261. urethra interna in viro sca-  
 tet foraminulis in rectâ lineâ dispositis, eorum  
 numerus, initium, finis. 262. qualem hu-  
 morem emittunt. horum apertura: quomo-  
 do hæc apparet? 263. humor (262.) ob-  
 tundit urinæ acrimoniam, & seminis. est  
 qui in gonorrhœâ rheuma suppeditat. unde  
 tunc dolor? quænam secunda gonorrhœæ spe-  
 cies. foramina (261.) communicare inter  
 se demonstrat Cocburn. 264. præter forami-  
 na majora (261.) passim ad latera ho-  
 rum

rum inveniuntur minora, quæ similem humorem emittunt. 265. eædem sebaceæ glandulæ dantur in muliebribus, in alis, nymphis: ex his exprimitur tenue filum. 266. inveniuntur itidem circa meatum urinarium lacunæ, quæ sedem præstant gonorrhœæ in fœminis. 267. observat Morgagnus sub glande clitoridis foramen, inde ductus. 268. in fossâ muliebri ponuntur nullo ordine dispositæ cryptæ; quæ sæpe operiuntur: in has facile seta crassior immittitur. ex his ductibus sæpe unus pertingit ad glandulam magnam. 269. sunt muci fontes ad uteri cervicem; ex aliorum opinione hydatides: contrarium demonstrat Morgagnus. 270. in vesicâ urinariâ, ut arteriolæ apertæ, ita folliculi exsudant mucum, quo vesica interne oblinitur contra urinæ acrimoniam. Hoc abraso, dolor, ut in calculosis. qui cum urina mucum hunc deponunt. 271. in vesicæ collo maxime conspicuas ait Heisterus. Graßius notavit has. 272. Morgagnus semel tantum vidit. (270.) nec, nisi in vesicis male se habentibus affirmat. 273. intima membrana vesicæ a reliquis separata, & excreta fuit sine vitæ discrimine; quod iterum ex signis describit Hippocrates.



251. **T**ales cryptæ in œsophago, in secundâ tunicâ, sub internâ decumbente, quæ glandulosâ dicitur, innumeræ inveniuntur ad omne punctum, quæ eruçant humorem, lubricum, mucosum, has partes illinientem; pressæ autem, supposito digito, stillant in cadavere eundem.

252. Sunt & in ventriculo iidem folliculi in tunicâ glandulosâ, Brunneri vel Peyeri, tenacioris muci speciem evomentes, quâ obducitur ventriculi superficies interior, ne lædatur tenera hæc a calidis, vel acribus ingestis; unde & nunquam tenacia ingesta huic adhærent.

253. In intestinis, in omnibus, cum ventriculo analogis, eadem inveniuntur, ejusdem nominis (252.) glandulæ: has inveni, postquam intestinorum vasa impleveram, compositas ex texturâ vasculorum minimorum, folliculum medium coronantium, qui folliculus superne quasi abscissus per tunicam villosam patet in cavo intestini, ibique humorem deponit, quo abrado, ut per fortius sæpe purgans fit, diri excitantur dolores, qui, dato oleoso, ut oleo amygdalino, vel simili, facile cessant, obliniente hoc scilicet, muci loco, has partes. hinc & post diarrhœam, eodem muco orbata patiuntur dysenteriam intestina.

254. Ponuntur autem cryptæ hæ solitariae ubique, in intervallis & jugis intestinorum sub tunica villosâ, infixæ basi suâ, quantum videre potui separatione, nervæ tunicæ, ut cutaneæ cuti, velatæ intimâ, quæ villos facit: quam osculis suis patulis perforant. interdum conferræ minimæ, sæpius satis magnæ & conspicuæ sunt. pauciores, sed majores in crassis inveniuntur.

255. Arterias habent a mesentericis, per has injectam ceraceam materiem, transfudant rubram: unde, in memorato, experimenti eventu, injectæ materiei per celiacam (187.) & mesentericam (196.) arteriam, haud dubito, quin excolores cylindri, ex angustis osculis arteriarum emissi sint, dum colorati ex cryptarum, & venarum magis patulis orificiis, transfudaverint in ventriculum & intestinorum cava.

256. Apparent pulcherrime folliculi hi post impletionem, ut in jejuno canino demonstrare possum inverso, inflato, & exsiccato: quia cera distenti apertum demonstrant osculum eâdem repletum.

257. Inveniuntur & ejusmodi fere cryptæ in pudendis utriusque sexus, Clarissimo Morgagno descriptæ & delineatæ sub nomine glandularum sebacearum: in tauro, atque in canis præputio, & glande, facile demonstrantur hi folliculi secretorii:

H 5                      sed

sed in homine, non nisi in glandis coronâ posse ostendi has glandulas, solertissimus apud Parisienses Anatomicus observavit Morg. advf. anat. I. §. 11.

258. Affirmat autem sedulus idem Observator ibidem, in aliis penis glandibus vix, in aliis nullo modo, conspici posse; hinc minus respondere dicit, semper eodem circiter numero esse folliculos hos, & minus, quod nunquam se in præputio ostendant; cum addit conspexisse se sæpius plures, nonnunquam fere omnes, in summo præputio, sæpe aliquot ad latera, aut ad finem freni in eodem pariter præputio, hæsisse.

259. Hoc potius animadvertisse annuit, quod licet varient corpuscula hæc, quod modo unâ modo tribus, modo pluribus feriebatur coronam ambient, in eo tamèn ut plurimum constare, quod cum frenum appropinquare incipiant, primum rara utrinque, post, ad certum intervallum, nulla omnino conspiciantur. Fatetur præterea, quod majoris momenti ipse affirmat, nunquam se quid ex hisce humidi vel materie albæ exprimere potuisse, quæ egrediens in fila formatur; sed & neque foraminulum, vel minimum hujus vestigium, in eo loco visu attingere potuisse, fatetur. delineat autem Tab. IV. f. 4. litt. K.

260. Licet maximus auctor neget, in eorum sententiam ire, qui corpuscula hæc non glandulas, sed papillas perhibent: videtur tamen hoc affirmare incomparabilis Ruyschii sententia advs. anat. dec. 1. adv. v. qui, salvâ Morgagni egregii auctoritate, sibi apparere dicit, eminentias in aversâ penis virilis glandis parte fitas, habendas esse pro papillis nervosis, ultra superficiem, in limbo coronæ glandis assurgentibus, voluptati sedem præbentibus in actu venereo; & quæ dolorem excitant, quoties impuri scorti veneno afficiuntur.

261. Interior urethræ virilis superficies scatet foraminulis, seu osculis excretoriis, eidem acutissimo Morgagno observatis & descriptis, in rectâ lineâ secundum urethræ longitudinem dispositis majoribus, raro decem vel undecim, pluribus; raro tribus, vel quatuor, paucioribus: in plurimis ab extremo meatu urinario, pollicem unum, se ostendere incipiunt, id est, ubi frenum desinit. finiuntur autem septem vel octo transversos digitos ab eodem. adv. an. 1. Tab. iv. f. 4. C.

262. Pressione emittunt guttas liquoris subalbidi, crassiusculi, & lenti; aperiuntur oblique aperturam meatus urinarii versus: quod pressione, & specilli vel setæ immisione patet: quam facillime etenim sursum, id est, vesicam versus; difficillime ad latera,



tera, vel glandem versus, eam duces. quamquam oppositum, & utrumque simul, observavit Morgagnus.

263. Hicce humor (261.) est, qui blanditiæ suâ, urinæ & feminis forte acrimoniam obtundit, liniendo partes mucosâ suâ indole. est & idem, qui in gonorrhœâ rheuma verum suppeditat, in quo virulenta veneni materies hæret; unde & tunc dolor maximus eo in loco, ubi glans deficit; quo vero plures horum folliculorum (261.) inficiuntur, eo peior hic morbus, & contra; cumque injecto liquore communicare inter se demonstraverit Cocburnius, facile proserpit ex uno in alium malum, unde postea secundæ speciei gonorrhœa.

264. Præter majora (261.), innumera foraminula minora passim, ad latera majorum inveniuntur, liquorem descripto (262.) simillimum eructantia. adv. an. I Tab. iv. f. 4.

265. Observavit & idem subtilissimus auctor easdem dari, ut ille vocare amat, glandulas sebaceas in muliebribus: in alis scilicet, seu nymphis confertissimæ sunt ubique, earum extremum limbum modo, supremamque partem excipias. Parvulæ sunt, sic tamen, ut leniter extensis alis, in singulis appareat foraminulum, & ex eo proflans videatur, glandulis concolor, subalbum, & pertenuè filum. observa-  
vit

vit & idem in muliebris pudendi labiis.

266. Circa orificium meatus urinarii inveniuntur plurimæ ejusmodi cryptæ, quas lacunas vocat Morgagnus, quasque notavit, licet haud descripserit, jam De Graffius in tract. de org. mul. genitalib. Tab. VII. ad lit. SS. duabus plures se invenisse affirmat Morgagnus, sæpe & quatuor, singulis lateribus, se numerasse addit; quæ emittunt, non prolificum, quod semen muliebre vocant; sedem præstant gonorrhœæ virulentæ in fœminâ.

267. Observat idem memoratus, & sæpius laudatus auctor, sub ipsa ferme clitoridis glande foramen unum, in quo brevis ductus, transversim positus desinebat: quali ductu Matronam deceptam opinatur, quæ cum Diemerbroeckio, sibi de clitoride semen profluere opinabatur.

268. In fossæ muliebris latere ponuntur, nullo ordine dispositæ cryptæ, quarum aliquot, carunculis antrorsum sæpe concidentibus, operiuntur; unde plurimis Anatomicis latuisse suspicatur; tamen cuicunque earum, vel crassiorē immittere setam, nihil prorsus negotii affirmat: atque ex his ductibus, qui medii a lateribus, vidit aliquoties ab utroque latere unum pertingere ad magnam satis glandulam subrotundam. Tab. 3. \*. \*. & lit. H.

269. Narrat & cellulas binas semel sibi visas infimam vaginam inter & anum; de quibus unus, atque alter ductus proveniebat. memorat tandem de fontibus muci cujusdam ad uteri cervicem, & delineat ibidem vesiculas Tab. 3. lit. LL. quas quidam putant hydatides: testatur autem sese invenisse humorem ex illis expressum, lentum, viscidum & magnopere dissimilem, si cum liquore hydatidum comparatur, quæ circa testes, & tubas occurrunt.

270. In vesicâ urinariâ tandem, ut in villis ordinantur & hiant arteriolæ ultimæ apertæ (210.); ita & exsudant folliculi, vel ut Santorini vocat, glandulæ smegma aliquod, lentum, tenax, spissum, quo interna hæc superficies oblinitur: ne mordax acrimoniâ suâ urina læderet tenerrimam, & ob infinitorum nervulorum accessum, sensilem adeo membranam; qualem experiuntur dolorem, intolerabilem fere, miseri calculosi: dum scilicet attritu duri corporis, ad teneram hanc partem, abraditur mucus, & nudæ nervosæ papillæ fricantur ab aspero calculo: qui & tunc, quando urinam deponunt, ingentem dicti muci abradi copiam simul excernunt. est etenim smegma hoc urinæ miscibile; estque hujus in urinâ præsentia unum ex signis calculi, in vesicâ præsentis.

271. Glandulas has, maxime in vesicæ collo, conspicuas ait Heisterus &, ut ex citatione patet, recensentur ipsi illæ, quas de Graavius oscula ductuum corporis glandosi vocat: quæque, nisi inflentur, punctis quibusdam solummodo conspicua esse dicit: de org. viror. gen. Tab. v. L. L.

272. Morgagnus autem Epist. 1. N<sup>o</sup>. 63. refert semel tantum se ostendisse, firma, albidâ, subrotunda, disjectâ granula, alias autem ejusdem figuræ vesiculas, magnitudine inæquales, sed omnes parvulas, & ex fusco flavas, quæ, illo expresso, quo distendebantur, humore evanescebant: hæc sub tenui intimâ vesicæ lamellâ consistæ erant. addit præterea; se neque illorum granulorum, neque harum vesicularum ulla oscula videre potuisse, neque aliquid istiusmodi alio in loco, quam in cervice, neque in aliis demum vesicis præter in illis, quæ certe secundum naturam non prorsus se habebant: intus enim vel rubebant, vel erodi etiam alicubi cœperant. frustra autem quæsiuisse, demum affirmat, in vesicis recte habentibus, separatâ tunicâ intimâ, an huic subessent, in areolis consistæ.

273. Intima hæc membrana interna (270.) a reliquis separata, exulcerata visa fuit, & per urinæ vias excreta absque ullo vitæ discrimine in puerperâ. Ruysch. adv. anat. 11. pag. 25. estque fere idem, quod dicit



dicit Hippocrates aphorif. ſect. iv. aph. 81.  
 Ἦν αἷμα ἢ πῖον ἐξή, ἢ λεπίδας, ἢ ὀσμὴ βα-  
 ρεῖν ἢ, ἢ κίσις ἐλκωσιν σημαίνει. Si sangui-  
 nem & pus mejat (quis) & squamulas, &  
 odor gravis, vesicæ exulcerationem denotat.

## CAPUT DECIMUM QUARTUM.

274. *Exsudationi ab interioribus extrorsum  
 annumeratur saliva, sex locis in os excre-  
 ta a glandulis, humor pancreaticus, bilis.  
 qui humores functi officio, novo circuitu e-  
 mendantur.* 275. *Glandulæ Parotidis si-  
 tus.* 276. *vasa, ductus, ejus nomen ab in-  
 ventore Stenone, decursus, apertura.* 277.  
*motu partium, loquendo, buccas, labia, lin-  
 guam agitando, copia salivæ colligitur & in  
 deglutitione.* 278. *ductus (276.) ex trans-  
 verso decurrit. hinc difficulter expellitur sa-  
 liva sponte, sed juvatur ab adjacentibus  
 partibus, quæ ipsi motum imprimunt.* 279.  
*Musculi masseteres duplices sunt.* 280. *Exte-  
 rior describitur: ejus principium, decursus, in-  
 sertio, actio.* 281. *Interior describitur, ejus  
 principium, decursus, insertio, actio.* 282.  
*Principio sæpe confluunt; in decursu, & fine  
 distincti sunt.* 283. *cum mustuli (279.) hi a-  
 gunt, premunt ductum inferne, superne resistit  
 cutis.* 284. *a lateribus habet ductus (276.)  
 arteriam & venam, quæ motum ipsi com-  
 municant, inde saliva, propellitur.* 285.  
 pre-

premitur ab omni parte sine compressione ductus. hinc facile exit saliva. premitur ipsa etiam Parotis. 286. ductus aperturæ apponitur valvula. 287. glandulæ submaxillares, alterum par sunt. harum situs. 288. sub linguâ humorem emittunt; ad frenum. 289. Rivianæ vel Bartholinianæ a situ sublinguales dicuntur. harum situs. semper fere cum prioribus, eodem loco humorem emittunt. 290. in brutis aliæ adhuc sunt; nunquam in homine demonstratæ. 291. omnes hæ glandulæ sic sitæ, ut semper motu partium premantur. inde facilior deglutitio in esurientibus, difficilior in satiatis, ob defectum salivæ. 292. dantur dispersæ minimæ, quæ veram salivam effundunt. 293. inversis labiis apparent. dentibus arreptæ, sæpe dira symptomata efficiunt. 294. pancreatis situs, arteriæ; ductus ab inventore Wirsungianus dicitur. hujus insertio. 295. pancreas; a corde distat, ut parotis. an inde humorum similitudo? 296. porus hepaticus & cysticus exsulant bilem in duodenum, per communem.

274. **E**Xsudationi porro ab interioribus extrorsum, forte annumerare possumus humorem, qui sex diversis locis in homine, sub nomine salivæ, a glandulis deponitur in oris cavum, ut & qui

I in

in duodenum, ex pancreate deponitur, epate & vesicâ felleâ, qui humores omnes functi suis muneribus, ni saliva consuetudine malsuadâ expuatur, sed deglutiatur, novo circuitu emendati, meliores resurgunt.

275. Parotis scilicet glandula conglomerata, sita est in cavo, quod intra processum mamillarem ossis temporum, condyloidem maxillæ inferioris, & jugum, ab iis concurrentibus fit, in cellulosâ membranâ.

276. Hæc (275.) a carotide externâ accipit ramum insignem; præparatam salivam ab arterioso sanguine secretam in os infundit, per ductum suum excretorium, qui ab inventore Stenonianus dicitur, & ex pluribus fistulis lateralibus ortus, per genam ex transverso decurrit, buccinatorem ad dentem molarem tertium superiorem, demum & oris membranam internam, perforat: sanguinem vero post secretionem salivæ superfluum per venas minores reddit jugulari externæ.

277. Hinc in motu harum partium, manducando, loquendo, buccas, labia, linguam, agitando; tanta salivæ copia colligitur, & in deglutiendo.

278. Cum vero ejus ductus ex transverso decurrat per genam, in transitu notamus, quanta foret, maxime in hominibus, quibus os sublime dedit, cœlumque tueri  
jussit

jussit summus rerum Arbiter, promovendæ atque expellendæ salivæ difficultas, per huncce ductum (276.), per se forte contractilem quodammodo, mediæ, ut videtur, arteriam inter & venam, fabricæ, ni juvaretur ab adjacentibus partibus, quæ motum ipsi imprimunt.

279. Inferne scilicet, hærent buccinatores & masseteres musculi; quos ultimos hac occasione noto, me semper, & in omnibus, quæ dissecai animalibus, imo & in pisce invenisse duos ab utroque latere; quorum alter *Exterior* sive *Major*; alter *Interior* sive *Minor* non incongrue vocatur.

280. Exterior sive major oritur in homine crassus, tendineus, mox carneus, lato & crasso principio, a parte anteriore, exteriori, inferiore ossis maxillaris, statim ubi in processum abit, ad formandum cum processu ossis temporum *Zygoma*: tum a toto margine ossis jugalis, exteriori, inferiore, usque ad processum, in osse temporum, ante foveam, cui interventu, meniscoidis cartilaginis, utrinque excavatæ, articulatur, maxillæ inferioris processus condyloides: descendit fibris, oblique posteriora versus decurrentibus; inseriturque angulo maxillæ inferioris exteriori, inferiori, latitudine versus mentum, trium quatuorve digitorum:



altitudine, a margine maxillæ ad insertionem interioris, seu minoris (281.), per majus, quam pollicis, spatium.

Hinc actio ejus, maxillam inferiorem depressam, sursum, & paululum antrorsum agere, dentes dentibus apprimere.

281. Interior sive minor oritur tendineus, mox carneus, ab interiore, superiore, toto margine ossis jugalis, ut & ab aponeurosi, quæ crotaphiten obducens, ossi huic inseritur: hinc latitudine minor, quam exterior (280.); circumferentia enim Zygomatis externa major multo, quam interna.

Carneus, fibris magis rectis, quam majoris decurrentibus, sub exteriori descendit, crassior factus: mox extenuatus rursus, tendineus inseritur, supra insertionem exterioris, altâ implantatione, toti isti, excissæ quasi cavitati, quæ fit ab assurgentibus radicibus duorum processuum, condyloïdis nempe, & coronoidis maxillæ inferioris: unde inter illos compressa magis, tenuior, & gracilis maxilla.

Rectius quam præcedens, (280.) sursum attrahere depressam maxillam inferiorem videtur.

282. Notavi autem sæpius in separandis hisce musculis, principio quasi conflueret fibris carneis sibi invicem datis; in decursu

curfu vero, & fine distinctissimos esse semper. Interior enim obducitur splendenti aponeurosi forti, quâ maxime distinguitur ejus venter a ventre exterioris.

283. Cum hi muscoli maximâ sint in actione eo tempore, quo requiritur salivæ copia, inferne omni momento premunt hunc ductum (276.); dum a superiore parte, cutis resistens, coreacea, motui muscularum obsequiosa, & reagens, reprimat illum.

284. A lateribus autem comites habet (276.) arteriam, & venam, fatis insignes, quarum motu, maxime alternâ arteriæ contractione, & expansione, ut in aliis partibus fit, motus illi conciliatur, & saliva propellitur.

285. Hinc ab omni parte, æqualis est pressio in illum absque compressione, dum ipse in cellulosâ liber hæret. Hinc per longiorem hunc ductum (276.) facilis exitus præparatæ salivæ (274.) ex parotide glandulâ in oris cavum: premittitur autem, omni momento, & in suo cavo glandula hæc, motu omnium partium manducationi & deglutationi destinatarum.

286. Ductus aperturæ apposita est in ore valvula, carunculæ speciem referens, in semilunam excavata: convexâ & gibbâ

parte aperturam oris versus posita, concavâ vero & excissâ sui parte, fauces spectat. Hinc facilis salivæ in os ingressus elevatâ hâc (286.); uti in recenti cadavere patet, pressâ leniter parotide & ductu: tunc enim profilit una vel altera salivæ gutta. retrogressus vero humorum ex ore in ductum, impossibilis est.

Hæc caruncula scirrhusa facta, dira sæpe excitat symptomata.

287. Alterum harum glandularum (274.) par, submaxillare dictum, utrimque inter processum coronoiden maxillæ inferioris mentumque medio fere loco delitescit.

288. Utraque harum glandularum (287.) jacet extrinsecus supra musculum digastricum, maxillæ inferioris, stylo- & mylo-yoideum, tegitur tantummodo colli latissimo, & tegumentis communibus: denique & suo ductu utraque utrumque stylo-yoideum perforat, ut & membranam oris, sub linguâ, ubi frenum inferne incipit; & in apposis ibidem carunculis hiantes salivam effundit; quæ, mane inprimis inter loquendum, quasi ex siphunculâ sæpe exit.

289. Quinta vero, & sexta, Rivinianæ, seu Bartholinianæ dicuntur, vel a situ sublinguales. Jacent ac reliquæ longe profundius, inter mylo-yoideos & genio-glossos: omnium sunt minimæ & fere

fere semper cum prioribus (288.) eodem sub linguâ loco, humorem suum eructant.

290. In superiore buccarum parte, in brutis, in homine nunquam, alias adhuc Steno demonstravit, & Nukkius.

291. Hinc omnes hæ glandulæ (275. 287. 289.) sic sitæ, ut semper in partium motu premantur: hinc quo fortior, & brevior manducatio, eo major earum pressio, & copiosior salivæ (274.) effusio; unde & minus manducati boli facilior deglutitio in esurientibus, cui copia salivæ adest, & in parasitis helluonibus: cum contra satiatis manducatio difficilis & deglutitio ob ejusdem defectum.

292. Dantur præterea aliæ, sed parvæ, dispersæ in ore, nec conjunctæ, ut priores, glandulæ, veram salivam effundentes: v. g. in membranâ labia investiente, quam perforant.

293. Optime in inversis labiis conspiciuntur (292.): suntque illæ, quæ inter mordendum, dentibus arreptæ, postea sæpe dira efficiunt, in labiis symptomata, scirrhis nimirum & cancris.

294. Glandula magna conglomerata sub posticâ inferiore ventriculi parte sita, inter duplicatum omentum, Pancreas dicitur. Hæc a celiacâ accipit sanguinem



## 136 GLANDULÆ SALIVALES.

arteriosum, a quo humorem salivæ (274.) simillimum ope suæ fabricæ secernit, fistulis lateralibus infundit, qui se uni majori ductui inferunt, qui ab inventore Wirsungianus dicitur. hic se in duodenum inferit, ibidemque apertus humorem pancreaticum effundit.

295. Si mensura corporis bene perpenditur distantia glandulæ parotidis (275.) ab orificio arterioso Cordis sinistri, ubi aorta ex eo exit, congruit cum illâ, quæ pancreas (294.) inter est & idem illud orificium. an hoc quid facit ad similitudinem utriusque humoris?

296. Tandem & in duodenum exsudat Bilis utraque, valde diversa † per ductum communem ex poro biliario & cystico ad angulum valde acutum concurrentibus, orto; quorum hic fel ex vesicâ felleâ, ille bilem in Hepate secretam, lateralibus fistulis exceptam, in cholidochum sive communem infundit.

† Vide Institut. medic. H. Boerhaave §. 89. & de actione Hepatis a §. 343. ad 350.

## CAPUT DECIMUM QUINTUM.

297. *Præter exhalationem corpori communem, singularis est in epidermide, per ductus adiposos, pilos, ungues.* 298. *ductus pingui-feri exhalant omni in parte, quâ cutis est.*

299.

299. *apparent in facie.* 300. *puro vitro si tangitur mane post somnum facies, veri olei limpidæ guttulæ conspiciuntur.* 301. *cernuntur simul squammæ cuticulæ mortuæ secedentes.* 302. *idem (300.) apparet, si panno nigro facies fricatur.* 303. *usus pinguis exhalantis in cute.* *Videtur ex ipso oleo membranæ adiposæ ortum ducere. nunquam pingue in homine sebi instar durefcit. sed molle & fluidum est.* 304. *nec stagnat, sed resorbetur, sanguini miscetur.* 305. *affirmatur hoc Ruyschii auctoritate.*

297. **E**st, præter exhalationem, quæ communis est corpori, quatenus aërem attingens, intime & extime exsudat, per arterias & cryptas, aliud expirationis genus, ubi cuticula cutim tangit, per ductus nempe adiposos, per pilos, & per ungues.

298. Et quidem exhalant ductus pingui-feri omni in parte, quâ cutis est; fessi messorum æstu & labore indusia oleo limpi-do rigida accipiunt, ex pinguiferis ductu-bus transpirante, simul cum humore smeg-matico, quem folliculi secernunt; quam-quam & huc ipsa materies perspirans, in sudorem versa, haud parum affert.

299. In facie tamen, mane post salu-brem & moderatum somnum, facile de-

monstratur exsudatio oleosa: tum enim tota ejus cuticula splendet, maxime ad radicem nasi, & in regione, quæ est a cantho oculi majore, sub palpebra inferiore, ad genam, & juxta nasum ad angulum labii superioris, non secus ac si oleo foret inuncta.

300. Hasce tunc partes si tangis sicco, frigido, puro vitro: atque illud mox microscopio examinas; observabis politi vitri superficiem inquinatam veri olei limpidis guttulis, imo & striis innumeris, & quæ distinctæ sunt.

301. Sed & ne decipiant, quas simul cernes, parvæ, candidæ, furfuraceæ squamulæ, quæ nihil aliud sunt, quam epidermidis extimæ & emeritæ squaminæ mortuæ; quibus adeo parvis, ut incredibile, constare illam docuit oculatissimus Leeuwenhoekius.

302. Idem (300.) apparet, si e lecto surgens panno, nigro, puro easdem partes tangis & fricas, atque dein oculo armato examinas.

303. Pingue hoc exhalans cutim lenit, laxat, humectat, calefacit, & a nimia exhalatione præservat. Nec dubium, quin ex ipso oleo, quod in cellulis membranæ adiposæ ab arteriis adlatum & secretum hæret, ortum ducat; cum illud calore & motu pre-

premitur in ductus hosce, & ex iis extrorsum halat per poros. vide Clarissimi Boerhavii Epist. pro Malpigh. ad Celeberrimum Ruyschium pag. 8. 9. Nunquam enim in homine vivo, pinguedo sebi instar indurefcit, sed olei mollitiem fere & fluiditatem habet, uti testatur Celeberrimus Ruyschius, vel circa ipsos renes fieri.

304. Nec & stagnat; sed interim quod crassius est, venulis redditur adiposis, & defertur ad loca requisita, atque sanguini motu & secretionem acris reddito, temperamento est.

305. Hoc & affirmat summi Ruyschii auctoritas; ille enim cum juvenis sordidâ indutus veste comitabatur vespillones, & sibi sandapilas aperire sinebat nocte intempestivâ, ut indagaret, quidnam a morte mutatur corpus, an pili crescant, & ungues? observavit mutari pinguedinem, in formam sebi: cum, uti mox diximus, in vivo sit pinguis humor olei fere fluiditatem adæquans. *inde, inquit Vir Optimus, æstivo tempore exercitatis valide corporibus unctuosus sudor lineamenta flavâ pinguedine afficiens.* adv. dec. 11. pag. 46.

## CAPUT DECIMUM SEXTUM.

306. *Exsudat corpus per pilos. qui nusquam,*  
*nisi*



nisi ubi epidermis, sunt. 307. præternaturales quinam? cor pilis hirsutum visum fuit. 308. pilorum definitio. varii sunt in variis. notat id Hippocrates. 309. Malpighius putat esse extremitates nervorum. quare? 310. Ruyschius idem affirmat. quare? idem videtur Hippocrates docere. 311. videntur singularia esse corpora, orta ex folliculis cutaneis, vel ex membrana cellulosa. 312. ut epidermis & reticulum diversæ sunt connatæ membranæ, ita pili sunt singularia corpora. 313. pili divisio. radices ortus distinctus. 314. Radix vestitur membranula. 315. pilus in ortu mucosus, quo propior epidermidi, eo durior, extra cutim durus. 316. firmiores pili ex cellulosa orti, cutim perforant, vestiuntur vaginâ epidermidis. 317. ad pili radicem arteriæ, venæ, & nervi accedunt: horum usus. 318. crescit pilus propulsione, pars intra cutim postea pilum facit. abscissi renovantur; conveniunt cum cuticulâ, reticulo, & unguibus. 319. examinati in homine. 320. separatâ cuticulâ, & elevatâ, pilorum radices trabuntur ex folliculis, apparent breviores, quam quæ cutim perforant. 321. ex præparatæ cutis inspectione, videntur pilorum radices tam longæ, ut cutim perforarent, si applicarentur. 322. hujus rei ratio explicatur. 323. ablatâ cellulosa ab

(321.),

(321.), apparet nulla pili radix perforans cutim. 324. contrarium obtinet in cute de capite detractâ, ubi radices pilorum in celulosâ hærent; a quâ, & a cute separata ita est epidermis, ut pili cuti infixi manserint. comparatio inter hanc & (321.) 325. quomodo sese in animalibus habeat pilorum ortus. 326. ex historiâ pilorum patet, non esse productiones nervosas. 327. sententia Malpighii prior refutatur. 328. argumentum secundum solvitur. 329. si pilus productio nervorum, cur insensilis est? 330. objectio, quod cuticula & ungues sint æque insensiles ac pili, solvitur. 331. Ruyschius idem, quod Malpighius, affirmat; idque ex papillis non impletis nervosis, post injectionem. 332. dubium, an non fefelleret folliculi, vel ipsa elevata cuticula. 333. Ruyschius pulpam cerebri in papillis ostendit, quam Albinus cryptarum mucum demonstrat. 334. ubi copiosissimæ papillæ, nec folliculi, nulli pili: ubi copiosissimi folliculi, copiosissimi pili inveniuntur: inde conclusio. 335. usus pilorum in capite, in reliquâ corporis superficie. causa calvitiei in senectute. 336. pili obliqui ex vaginulis oriuntur. 337. pilorum fabrica videtur perspirationem demonstrare, quia fibris constat inter se nexis. 338. quod pilis nutritionem affert, vascula sunt. inde perspiratio manifestatur.

tur. 339. lineas fuscas putat Senacus esse vasa nutrientia: inde iterum excretio affirmatur. 340. maxime affirmat perspirantes pilos Leeuwenhoekiana sententia de pili robore. 341. est in membranâ (317.) pili bulbum investiente humor: nutrit ille forte materiem necentem pilosas fibras. 342. veteres per pilos tertiæ concoctionis excrementa expelli putant 343. Tres illi concoctiones statuunt. 344. prima. 345. secunda. 346. tertia princeps, ex Hippocrate describitur. 347. Hanc Timæus Locrus jam describit; ut Hippocrates. 348. est (346.) cum secretionem. 349. Facultates principes Galenicæ: duplex harum species. 350. Hippocrates notat pilos colligere superfluum. 351. ubi faculentum, ibi glandula, ibi pilus. usus idem utrisque. Hippoc. 352. prior species, (349.) est nutritio: altera, exhalatio.

306. **A**lterum, per quod cutis sola exsudat, organum pili sunt: qui naturaliter adsunt nusquam, nisi quâ parte cutis cuticulâ tegitur, exceptâ carunculâ lacrymali. id iterum notat Hippocrates de natura puer. φύονται μὲν καὶ (αἰτεῖχες) μέγιστος, καὶ πλείστος, ὅκως ἐν σώματι ἢ ἐν πιδερμὶς ἀραιωτάτη ἐστὶ. Oriuntur quidem (pili) maximi & copiosissimi, ubi corporis cuticula rarissima est. ipsæ etenim vibrissæ ad illam

lam altitudinem nares internas ornant & defendunt, ad quam reflexa in illas cutis intrat.

307. Præternaturales in atheromate inventi sæpius sunt, ut & per vias urinarias ejecti : fasciculum servabat Celeberrimus Ruyschius pilorum, qui variis locis substantiâ lapideâ oblitus erat, & cum urina excretus Th. IX. N. 50. manipulum illorum in omenti repertum ostendit Cat. Rar. p. 129. Adv. dec. III. p. 2. Cor Aristomenæ Messenio pilis hirsutum fuisse, scribit Pausanias. At vero cum de iis sermo nobis sit, qui secundum naturam externo in corpore occurrunt, illos sicco transimus pede, utpote qui præternaturales nihil ad scopum nostrum faciunt.

308. Pili sunt corpora tenuia, oblonga, teretia, acuta, maximâ sui parte extracutim eminentia, varia in variis corporis partibus; varia in sexu, ætate, natione, temperamento. *ὁκοῖν ἂν ἡ σὰρξ ἰκμάδα ἔλκη, ὡς τε λευκὴ, ὡς τε πυρρὴ, ὡς τε μέλαινα, πικρῶτι πλὴν χειρὶν ἢ ἡ θύξ γίνεται* *qualem humiditatem caro atraxerit, sive flavam, sive nigram, tali colore etiam pilus inficitur* Hipp. de nat. pueri.

309. Acutissimus Malpighius statuit, esse extremitates nervorum; idque, quia ubique supra cutim ponuntur, ubi meras credidit



didit esse papillas nervosas; secundo: ob acutum dolorem, qui excitatur, dum sensim & lente evellitur pilus.

310. Huic sententiæ calculum adjicit Celeberrimus Ruyschius, & quidem affirmat ortum ducere ex iis papillis, quæ profundius sitæ sunt. idque demonstrat post inpleta vasa cutanea, in crure perfectissime, in iis locis, ubi eminentia, alba, rotunda, corpuscula, papillæ sunt nervosæ, quæ non implentur. secundo propter evulsionem illorum dolorificam. Cum nervis eandem habere nutritionem pilos, ait itidem Hippocrates de principiis *Αἱ τείχες φύονται ὡς ὅτι εἰσὶ καὶ ἐν κεφαλῇ. ἀπὸ ὧν ἡ τοιαύτη αὐξησις, ὅτι ἔτι περὶ κοιλώδεα, ὅπως περ τοῖσι νεύροις.* *Pili vero nascuntur ita. ossa sunt, & cerebrum, a quibus illud augmentum. quia circumcirca gluten, quemadmodum & nervis (fit).*

311. Attamen videntur potius esse corpora singularia, quæ omnia oriuntur vel ex folliculis cutaneis, vel si firmiorem basin requirunt, ut in barba, capite &c. ex ipsâ membranâ cellulosâ, ut ipse Celeberrimus Ruyschius dicit Ep. prob. 1. p. 8. *αἱ τείχες, τὸ ἀπὸ τῶν ἀδένων ὁρμητικῶς ἔχουσαι, φύονται καὶ αὐξοῦνται* *Pili vero ex glandulis occasionem habentes, nascuntur & augentur* Hippocr. de glandul.

312. Quam potero ergo brevissime descri-

scribam pilorum historiam, quoad situm fabricam & usum: dein ex hisce demonstrare conabor, ut epidermis & reticulum diversæ sunt connatæ cum corpore membranæ (68.); ita & pilos esse corpora prorsus singularia, nec a nervis solis orta.

313. Pilus dividitur in corpus sive truncum, & radicem seu bulbum, qui plerumque in cutis hæret folliculis (313). Oritur, uti subtilis Leeuwenhoekius observat, non singulatim, sed per fasciculos, & illi præditi sunt radicibus ab octo ad duodecim, & ex harum majoribus crassi protruduntur pili.

314. Radix sive bulbus (313.) semper crassior est, quam pili corpus; extrinsecus vestitur specie quâdam membranulæ.

315. Ubi oritur pilus, est mucosus, pultaceus, pellucidus; quo magis cuticulæ appropinquat, eo fit durior, magis tenax, & minus pellucidus, donec ubi transit extra cutim, & cum epidermide pergit, durus, tenax, opacus, verus pilus est.

316. Illi vero (311.), qui in capite, barba &c. firmiores sunt, eâdem prorsus ratione oriuntur ex folliculis oleosis membranæ cellulosæ, cutim perforant, & omnes, ubi ad cuticulam (29.) perveniunt, & ex eâ emergunt, vaginam mu-

tuantur, quæ ipsis ad finem adhæret quam firmissime, ut iterum omnium primus Ruyschius docuit.

317. Ad pili radicem (314.) accedunt arteriolæ, venæ minutissimæ, & nervuli. Arteriæ adferunt humorem ad vitam & nutritionem necessarium: & quidem partim, ut Winslous animadvertit, ad membranam (314.), quam duplicem dicit involvere pili radicem: & in cujus cavo humidum ab arteriis secretum observavit. Venæ liquidum superfluum reducunt. Nervi vero sensum acutum ibidem largiuntur; forte & nutritionem, quam iterum notat Divus Hippocrates de nat. puer. ὅκκ ἡ-  
θειξ μετελλυ ἰκμάδα ἐς τὴν προφίω ἔχει *ubi pilus moderatum humorem ad nutritionem habet.*

318. Crescit ita pilus (308.) non ut aliæ partes vegetatione, sed propulsione, ita ut particula, quæ hodie intra cutim ut radix hæret, post unum alterumve diem, extra cutim pili trunci partem constituat: hinc capilli abscissi renovantur, nec cessat id, nisi locus, unde emanant, cauteriis aduretur, atque tota fabrica destruat: ut in Trichiasi fit. εἴ τις ἐθέλοι ὀπικαῦσαι τὴν ὀπιδερμίδα. ἢ φλυκταίνειν μόνον ποιῆσαι, ἢ ὑγιῆναι, πυκνὴ γρομφὴ ἡ ὀπιδερμὶς, καὶ τὴν ἐλὺν τὰς τεύχας ὥστε ἐκφύσεται *Si velis inurere epidermidem, & pustulam solummodo facere, & sanare*

*nare, densa reddita est epidermis, ad cicatricem pilos non producet.* [Hipp. de nat. puer.] *re-*  
*crefcit & simul quam a cuticula habent, va-*  
*ginula (316.) In hisce conveniunt perfecte*  
*cum epidermide (29.) reticulo (35.), &*  
*cum unguibus (353.)*

319. Ut in his certior fierem examina-  
 vi, omni datâ occasione, in plurimis ani-  
 malibus integumenta & pilos: & quidem,  
 in homine, quæ vidi, exhibeo.

320. De quâcunque fere parte corporis,  
 quâ lanugo tenuis est, & brevis; detraxi  
 cutim cum pinguedine, unâ & epidermi-  
 de, idque in infantibus: juxta methodum  
 Ruyschianam, frustum supra tabellam ex-  
 pantum, fervidæ immisi, aliud maceravi: ab  
 illo dein epidermidem separavi ita, ut ipsi  
 pili adhæreant (308.). admoto vero mi-  
 croscopio, dum subtilissime elevarem cu-  
 ticulam (29.), facile vidi, sensim extra-  
 hi ex poris cutaneis (313.) omnes pilos,  
 eorumque radices (314.) albicantes,  
 mucosas, multo & breviores; quam quæ  
 cutim perforarent.

321. Si vero, quam servo, cutim te-  
 neram de fœtus tibiâ detractam quis con-  
 siderat, a quâ separata dependet tenerior  
 cuticula, & a cujus averfâ parte ablata  
 est tunica adiposa; simulque examinat pi-  
 lorum bulbos, qui ex folliculis extracti,



internæ superficiæ cuticulæ, quæ reticulum est, inhærent: dein hæc inter se comparat, ille putaret, radices illas, si cuti applicarentur, non intrare tantum, sed multum perforare illam; & longitudinem horum sufficere, quâ cellulosæ (316.) infigantur.

322. Ratio vero hujus rei est, quod, dum elevatur cuticula a cute ita, ut pilus (308.) ipsi infixus ex folliculo (311.) extrahatur, quædam resistantia sit ibi, ubi pili bulbus cuti hæret infixus, & quod ea, antequam destruat, superet quodammodo, cohæsionem ipsius pili cum vaginulâ (316.), quam ab epidermide accipit. hinc elevatur ad parvam distantiam vaginula (316.), a pilo deglubitur, & invertitur: laxior enim ambire videtur initium pili, mox ubi e cute ille emergit, quam eâ in parte, ubi pilus eâdem involutus procedit. id attente examinanti per microscopium, dum elevat cutim lentissime, patet facile, demonstrare autem alteri vix potest. Nec & apparet post separationem (320.) hæc inversio epidermidis ad initium pili, quia distantia valde parva, & concolor tenera epidermis est.

323. In eodem frusto (321.), in aliâ parte, ubi cutis integra adhuc cohæret cum epidermide, separavi ab averâ parte omnem-

nem adipem; nec tamen ulla perforans cutim pili radix, & in cellulofam (316.) ufque penetrans, videri potest.

324. Contrarium obtinet in cute, quam de capite infantis detraxi; a quâ lentiffime, cautiffime ita feparavi cuticulam, ut omnes pili bulbis fuis, cuti, & cellulofæ membranæ (316.), infixi manferint, quod quam fit arduum, norunt illi, qui vel femel hoc tentaverint. deinde cautiffime ab eâdem cute abftuli pinguedinem ita, ut hinc inde pinguiferæ ampullulæ cutis fuperfici internæ adhærere permanferint. pulchrum eft videre in hoc objecto, quomodo omnes capilli cutim perforant, & radicibus diftincti hæreant in folliculis membranæ cellulofæ; imo vero, feparatâ, uti dixi, ab unâ parte cuticulâ, ab alterâ cellulofâ, cui radice fua inhæret capillus, arreptum eundem fubtiliter, antrorfum & retrorfum, abfque ulla vi, movere potui in perforatâ cute, & ex eâ eximere.

325. Servo & aliud objectum; ubi de cute capitis detraxi cuticulam ita, ut omnes capilli e folliculis extracti epidermidi infixi hæreant, hoc fi comparas cum illa parte cutis, quam de crure fœtus detractam (321.) eadem ratione, præparavi, facile patet capillorum in hoc (325.), & pilorum in illo objecto (321.), ad radi-

cum longitudinem differentia; cum interim in utroque cutis crassities vix differat; in animalibus vero, quibus pili pro amictu sunt, omnes fere ex ipsis cellulis membranæ adiposæ ortum ducunt, maxime in dorso, collo, & superiore corporis parte. in apro, fetas oblique per cutim, fere dimidii digiti latitudinem transire vidi, & ex lardo ortum ducere; idem in porco, & plurimis aliis animalibus obtinet.

326. An non ex ipsâ hiltoriâ ortus pilorum, æque quam capillorum, satis patet, haud esse illos productiones papillarum nervosarum? cum non oriantur, nisi, vel ex folliculis cutaneis, vel ex ipsâ adipe (311.), vel, ut postea addam, ex vaginulis singularibus (336.).

327. Quod vero Præstantissimus Malpighius id statuit, *quia supra cutim ponuntur* (309.); magnus ille Anatomicus hanc nihil, nisi meras esse papillas, putavit, cum e contrario injectio doceat (uti supra 80. 81. 82. 83. monuimus) non solum cutim, verum & ipsas papillas maximâ parta constare ex vasis: hinc ex folliculis pilos revera ortum ducere, examinanti facile patet.

328. Quod ad secundum attinet argumentum, *dolorem, scilicet, qui oritur, dum lente & sensim trahitur pilus* (309.): concedimus. Sed ubinam quæso ille dolor? nusquam

quam revera, quam ad pili radicem (314.), ad quam accedere diximus, cum arteriis & venis, nervos (317.): adeoque dum tenditur pilus, simul ejus bulbos (313.) trahitur, & extenduntur nervuli: sicque dolorem hunc communem habet pilus cum omni parte corporis, quæ nervis instructa est, si lente & sensim extenditur.

329. Si vero pilus esset productio, sive extremitas nervorum (309.), cur insensibilis esset ipse? scinditur enim, flectitur, uritur absque ullo dolore: dum tamen omnis sensus sedes in nervis est.

330. Si vero quis objiciat, cuticulam & ungues æque esse insensiles: reponimus, nec illa quicquam commune habere cum nervis, uti de cuticula supra jam dictum est & de reticulo Malpighiano. (68.).

331. Attamen Celeberrimus Ruyschius affirmat idem (310.), quod Malpighius dixit: quod nempe ex papillis nervosis prodeant pili, & quidem experimentum adfert, quod scilicet, post impleta in crure humano perfectissime vasa, viderit albicantia, rotunda, elevata, tubercula; hæcque putat esse papillas, quæ originem crinibus præbent.

332. Salvis summi Anatomici honore, auctoritate, & memoriâ, dubito, an non deceperint Virum optimum folliculi cutanei (216.) elevati, a pressione subtus vasorum cutis ex-



tensorum post impletionem; vel ipsa elevata cuticula errorem imposuerit, postquam calidæ diutius inposita fuit, pro injectione: idque, quia Celeberrimus Ruyschius, has partes nervosas putabat, uti in Physiologicis lectionibus notat Clarissimus Albinus, quæ reverâ non erant.

333. Sic narrat Magnus in Anatomicis Præceptor meus, quod cutim, post ablatam epidermidem, in aquâ macerabat Ruyschius, dein ostendebat papillarum nervosarum ipsam pulpam medullosam, quæ, uti ipsi indicabat Celeberrimus Albinus, nihil aliud erat, quam folliculorum smegma (89.), ex ruptis illorum emissariis immaturum emissum.

334. Addo, quod iis locis, ubi omnium copiosissimæ papillæ sunt, nec ulli folliculi, nulli dentur pili; ut in volis manuum, plantis pedum, & digitorum apice: contra, ibi, ubi maximi & copiosissimi sunt folliculi, ibidem & pili inveniantur copiosissimi: ut in capite, sub axillis, in pectore, ad pubem, circa anum; in quibus locis & perspiratio maxima, ita ut ad axillas, mero quasi sanguine tingantur sæpe indusia. hinc ex papillis nunquam, ex folliculis semper pilos oriri, credimus, dum iis in locis, ubi illi desiderantur, nec hi inveniuntur *ὅντι ἀδλὼ, ἐκεῖ δὲ τεύχεται. ubi glandula,*

*dula*, *ibi* & *pilus* Hipp. de glandul.

335. Usus pilorum est in capite munire, dein & ornare. in reliquâ totâ fere cutis superficie sensum dant exquisitum, quo homines coguntur titillati a fordibus in cute hærentibus partes scalpere, & tali modo fordes removere; sic cutim defendunt. dein & poros firmant, ex quibus proveniunt: unde hisce in senectute aboletis; una ex causis patet, cur pili decidant, & calvities oriatur: dum altera, & quidem præcipua hæere causa videtur in rigiditate, concretione, abolitione, vasculorum minimorum (317.) ipsos pilos nutriendum.

336. Tandem & pili obliqui ex vaginulis obliquis oriuntur, uti Celeberrimus Ruyschius in scroto describit, & delineat Ep. prob. I. Fig. 1. A. A. & B. ubi & ipse affirmat, alios oriri ex ipsâ adipe.

337. Ipsa autem pilorum fabrica demonstrare videtur, pilos æque ac cutim, per epidermidem perspirare. Pilus etenim transversim dissectus, microscopio optimo visus, constat fibris ovalibus inter se junctis materiâ quâdam jungente: nutriuntur autem hæ fibræ involutæ membranâ ab epidermide ipsis porrectâ. Si vero ulterius protruduntur fibræ, quam ut materies nutrienda pertingat ad ultima illorum ele-

menta tunc vagina externa mortua abscedit, fibræ pilosæ diffiliunt, finditur extremus pilus, & vere gangrænescit.

338. Illud autem, quod nutritionem hisce minimis licet partibus affert, vascula sunt. cum vero nusquam in corpore, maxime adulto, fiat nutritio, nisi simul ultimum, in cujus locum nutriens succedit, auferatur. nullum est dubium quin illud & in pilis obtinet: cumque pilus crescat propulsione (318.), & particulæ se invicem exteriora versus ducunt, ultima elementa (335.) necessario, cum ad ea amplius non perveniat ultimum nutriens, cadunt.

339. Facit & linearum fuscarum mentionem Celeberrimus Senacus, quæ pilum circumdant: putatque hæc vasa esse, nutrientia, quæ si humores adferunt, & deducunt cum secretionem, ut in reliquis partibus fieri videmus, forte & excretio in hisce non abjicienda. quoniam videmus naturam, ut in magnis, ita in minimis servare constantem ubique eandem legem simplicem.

340. Sed quod omnium maxime affirmare videtur pilos exhalantes, est Leeuwenhoekiana sententia, de cavitate non naturali in crine suillo. ubi enim de cortice pilos investiente loquitur, & cavos illos, aut medullâ intus repletos negat; suspicatur humidum de cute emergere, atque pilum,

lum, ejusque corticem accipere robur, quia subira evaparatio liquidi, cum iis striis, quæ cortici proximæ sitæ sunt, corticem concrefcere facit.

341. Est præterea in ipsâ membranâ pili bulbum investiente humor tenuis (317.), qui sese inter pilorum fibras (337.) insinuat, unde & flexiles sunt. videtur & hic humor nutrire materiem illam, quæ, forte cellulosa, pilorum fibras necit.

342. Veteres quoque per pilos tertiæ concoctionis excrementa extrorsum pelli putabant, vel expulsa potius, in pilos abire; hocque ita concipiebant, quia in omni concoctione alimenti, separationem puri statuunt ab impuro.

343. Tres autem illi numerant concoctiones, quarum ultima est princeps; scilicet, quæ comitem habet nutritionem.

344. Et prima quidem coctio ingesta coquit in chylum cum secretionem fœcum ad intestina crassa.

345. Secunda chylum coquit, juxta illorum sententiam in sanguinem, idque Epar præstabat, quorsum chylum ferri ex intestinis putabant, cum secretionem impuri ad vesiculam felleam, lienem & renes.

346. Tertia vero sanguinem, in Epate confectum, divisum fert ad partes corporis universi, iisque adaptat. hinc Δυνάμις τροφῆς ἀφί-



ἀφικνέει ἢ ἐς ὅσέον, ἢ πάντα τὰ μέρη αὐτῆς, ἢ ἐς νεῦρον, ἢ ἐς φλέβα, ἢ ἐς ἀρτηρίαν. ἢ ἐς μῦν, ἢ ἐς ὑμφίαν, ἢ σῆρκα, ἢ περιλίον, ἢ αἷμα, ἢ φλέγμα ἢ μυελόν, ἢ ἐνκέφαλον, ἢ νωτιαῖον. Ἐπὶ ἐντοσθίδειαι, Ἐπὶ πάντα τὰ μέρη αὐτῶν Ἐπὶ δὲ ἢ ἐς θερμοσίλω. Ἐπὶ πνεύμα, Ἐπὶ ὑγροσίλω. *Facultas alimenti pervenit* Ἐπὶ ad os, Ἐπὶ ad omnes partes ejus, Ἐπὶ in nervum, Ἐπὶ in venam, Ἐπὶ in arteriam, Ἐπὶ in musculum, Ἐπὶ in membranam, Ἐπὶ carnem, Ἐπὶ pinguedinem, Ἐπὶ sanguinem, Ἐπὶ pituitam, Ἐπὶ medullam, Ἐπὶ cerebrum, Ἐπὶ medullam spinalem, Ἐπὶ interna Ἐπὶ omnes ipsorum partes. Quin Ἐπὶ etiam in caliditatem, Ἐπὶ spiritum Ἐπὶ humiditatem. Hip. de alim. aph. iv.

347. Hanc Timæus Locrus ipso Platone antiquior, vel ut alii putant, σύγχρονος, jam describit de anima mundi: τρέφεει ἢ τὸ σκαίνει ἢ ἐναιερίων ζώων Ἐπὶ συνέχεει, τῆς μὲν τροφᾶς διαδομῆας διὰ τῶν φλεβῶν ἐς ὅλον τὸ ὄγκον, καὶ ἑπὶ πρὸς αὐτὸν ὅσον δι' ὀχετῶν ἀγομένους ἢ ἀρδομένους ὑπὸ τῷ πνεύματι, ὁ διαχεῖ αὐτὰν ἑπὶ πέρατα τὰ φέρον. *Nutritur vero causa (corpus) aëra inspirantium animalium* Ἐπὶ conservatur per alimenta delata per venas in universam molem per defluxionem: veluti per canales derivata, Ἐπὶ irrigata a spiritu, qui ipsam diffundit efficaci vi ad fines extremos usque. perque τὰ πέρατα intelligit, quod Hippocrates ἐξαπλῶ ἑπὶ φανείλω dicit de alimento. ἐς τελίχας τροφή, Ἐπὶ ἐς ὄνυχας, Ἐπὶ τὴν ἐξαπλῶ ἑπὶ φανείλω

νῆλιν ἐνδοθεν ἀφικνέει in pilos alimentum, in ungues, & in externam superficiem ab internis pervenit. aphor. XII.

348. Idque (146.) facit cum excretionem partium inutilium per cutis poros, per sudorem, per insensibilem transpirationem, per fordes, per pilos. ἀφαιρεί & προσίστησι τὸ αὐτὸ τῷ μὲν ἀφαιρεί, τῷ δὲ προσίστησι τὸ αὐτό. *Aufert & apponit non idem. illi quidem aufert, alteri vero apponit idem.* ibid. aphor. XXIX.

349. Facultati igitur nutritici famulantur celebratae illae Galenicis actiones principes, Attraetrix, Retentrix, Concoetrix, Expultrix; quarum effectus Prolthesis & Aphærsis tantum. eaque duplex, vel in parte eadem, quæ amicum sibi retinet, inimicum expellit; vel in diversâ parte; ubi una pars expellit illud ipsum, quod altera pars recipit. Prioris speciei est exhalatio, posterioris universa secretio interna.

350. Hinc de gland. αἱ τεύχεα φύονται τε & αὐξάνονται, ἀναλεγόμεναι τότε πλεονάζον & ἐκβρασόμενον ὅπῃ πρὸς ἐσχάτας. *Pili nascuntur & augentur colligentes id, quod superfluum, & in extremitates effusum est.* Hippocr. de glandul.

351. Hinc & quo loco partes smegmaticae sunt, ibidem pilos & glandulas recenset, ejusdem esse usus. ibid. ὅτι οὗτος

\* *τελματώδεια*, ἐκεῖ ἢ ἀδένες. σμμεῖον. ἐκς ἀδινῶ  
ἐκεῖ ἢ τεύχες. ἢ γὰρ φύσις ποιεῖ ἀδένας &  
τεύχας ἀμφω χρεῖται τὸ λαμβάνουσιν *Ubicun-  
que faciunt, ibi est glandulae. Signum. ubi  
glandula, ibi pilas. Natura enim effecit  
glandulas, est pilos: ambo idem munus ca-  
piunt. tumque addit eodem loco usum glan-  
dularum, & ex eo, qui pilorum est. αἱ μὲν  
(ἀδένες) ἐς τὸ ὀπιπρῆρον (λαμβάνουσιν) Illae  
enim (glandulae,) quod in vias influit, (ac-  
cipiunt) & mox ibid. αἱ δὲ τεύχες, αναλε-  
γόμεναι, τότε φερασὸν ἐκδεχασμένον ὅτι τὰς  
ἐξα-*

\* *Τελματώδεια* *foeculenta* verto: est a voce  
τέλμα, αἶμα, τὸ quod locum cœnosam, lo-  
cum plautrem, paludem, lacunam, cœnum,  
stagnum, agrum, significat. Commentar.  
Aristophanis in hanc vocem, in avib. Ὀμβρεῖον  
ἕδωρ ὡς εἶχετ' ἐν τοῖς τέλμασι, *aqua pluvialis si in  
lacunis est. id est ἐν τοῖς φρεσσι (in puteis)* hinc  
τελμαπαῖμα cœnosus palustris *τελμαπαῖοι βάτρα-  
χοι: lutariae, palustres, ranæ. G. 2a Ib 9.  
anir. Aristot. τέλματιον palustre τέλματώδης,  
εἶμα. ὁ, καὶ ἡ foeculentus, lutifusus τέλματώδης λιμνή  
foeculentum stagnum. videtur adeoque hac uti  
voce Hippocrates, ut notet excrementitium hu-  
morem: alio enim loco κοιλώδης gutinosus ipsi  
usurpatur, ut de principiis. & aliis locis pluri-  
mis. Utitur & ipse hac voce pro loco limo-  
so; eodem loco de gland; καὶ γὰρ ἐν τοῖσι τέλμασι  
τὸ γῆς εἰς φύσιν τὸ σπέρμα. in limosis enim locis ter-  
ra nova nascitur semen.*

ἐχάλας. Pili vero ex glandulis occasionem habentes, nascuntur & augentur colligentes id, quod superfluum & in extremitates effusum est.

352. Hæc (156.) prior dicta species est (149.) quatenus accipiunt pili, quod superfluum effunditur, idque est revera horum nutritio per ultima vascula (317.): adeoque non excrementitia. Altera autem species est (149); dum pili assumentes particulas, quæ nutriunt alias emeritas expellunt, quæ exhalatio est ex veterum & verâ opinione: quod scilicet nulla sit nutritio, nisi cum secretionem puri, ab impuro. quæ in ultimis & in extrema superficie ἀνακαταρῆς ἐχάτης, ut Hippocrates hanc vocat, est exhalatio & secreti eliminatio.

## CAPUT DECIMUM SEPTIMUM.

353. Sunt ungues, ubi cuticula. 354. Malpighius putat esse induratas papillas, & Ruyschius. 355. Videntur esse diversa corpora. quare? 356. dividitur unguis in radicem & corpus. 357. Radix sub cute hæret. 358. Cutis apparet in semilunam excissa ad unguem. 359. Reflektitur ibi, descendit introrsum. 360. Ad finem radice reflektitur sub unge, facit ibidem parallelas papillas. 361. ad unguis terminum egreditur iterum. 362. cutis supra unguam reflexa duplex, sed tenera est. 363.



363. cum cute epidermis ad unguem adscendit, marginem facit. 364. Duplex est. 365. Interior lamella reflexa ad cutim redit. unguis radici annectitur. 366. Demonstratur hoc in pollice pedis 367. Radix unguis quadrata inde anguli ad latera. 368. Eminent hi extra cuticulam liberi, & cuticula firmissime, necitur ungui in media basi. 369. altitudo unguis sub cute apparet in vivis. 370. Reticulum sub cuticulâ descendit; pergit ultra radicem unguis; sub ungue decurrit. 371. molle est, mutat naturam, ut unguis. 372. Variat colore. 373. In foetu differt. 374. In Æthiope nigricat. inde in eo ungues fusci. 375. Cutis sub ungue habet parallelas papillas. 376. harum figura in reticulo. 377. Apparet in pollice pedis adulti, post impletionem, ab ungue detracta. 378. in ungue sulci, ubi in cute eminentiæ, & contra. 379. Unguis servat figuram reticuli. 380. Constat unguis fibris longitudinalibus. patet hoc in externâ ejus superficie. 381. Parallele papillæ in gyros aguntur, in anteriore parte digitorum; quousque in aversâ parte unguis radicatur. 382. In pede & in manu idem est. cur sensus in pedis digitis, quam in manus, minor. 383. Cl. Albinus putat, unguem esse epidermidem induratum. 384. Quænam docent ungues cum epider-  
mide

*mide. perfecte convenire. 385. Hippocrates videtur idem affirmare. 386. cur unguis in extremo digito ponitur? 387. Non videntur homini pro armis dari. 388. ungues perspirantes docent, quæ de pilis dicta sunt (338.) Et de triplici concoctione (342. ad 353.). 389. Boyleus notat esse ungues porosos. 390. Ungues simul cum pilis nasci, notat Hippocrates.*

353. **S**unt præterea, ubi ab aëre tangitur cuticula, Ungues; & quidem in digitis ultimis manuum & pedum, visibiles.

354. Hos Malpighius iterum papillas esse putat nervosas, extremas, incurvatas, compressas, induratas; quod idem affirmat Ruyschius.

355. Cum vero nusquam nervi nudi tendunt extra cutim, uti de cuticulâ jam diximus (60.), sed in papillis ordinati terminantur, videntur potius esse (ut pili (311.) sunt) corpora singularia, a papillis nervosis diversa: multo etiam facilius a subjectis papillis separantur, quam a cuticulâ.

356. Dividitur unguis in radicem, ut pilus (313.), & in corpus.

357. Radix (356.) hæret sub ipsâ cute, hanc ob causam introrsum sulcatâ. quod,

L

extra

extra cutim eminet Unguis dicitur: quod ut facilius intelligatur, ita describo.

358. Cutis digitum investiens tecta epidermide, cum ad illum locum pervenit, ubi nudus unguis emergit, in ambitu ejus quasi in semi-lunam excissa apparet.

359. Verum ibidem, ubi unguis emergit, non sistitur, sed reflectit se cutis, descendit sub cute externâ, quæ ad unguem adscendit, & quidem oblique interiora versus supra unguem, qui ibidem gibbosus magis introrsum vergit.

360. Ubi vero ad finem radicis ejus pervenit cutis (359.), ultra pergit, reflectitur iterum, & mox sub ipso ungue adscendit, facitque ibidem parallelas papillas, acutissime sentientes.

361. Ubi vero cutis illa (360.) sub ungue pervenit ad illum locum, ubi ipsi terminus est extremus; ibidem, & ad latera ejus, emergit rursus, atque cuticulâ ungui in ambitu firmissime annexâ, tegitur.

362. Ubi vero cutis supra unguis initium introrsum reflectitur (359.), duplex quidem est, sed tenera, & eo tenerior, quo margini reflexionis propior; ita, ut ipse margo sit acutissimus, tenuissimus.

363. Simul autem cum cute adscendit epidermis, ultra exsectæ cutis semilunam, supra unguem, pergit; facitque marginem,

nem supra unguem, quem in ambitu nitidiores separare, & retropellere solemus.

364. Ibidem duplex etiam est epidermis, sibi quam firmisse adnexa.

365. Interior ejus lamella intro flexa, redit iterum ad marginem (359.) cutis, descendit sub cute ad unguis radicem extremam usque, cui annectitur firmissime.

366. Demonstrare hoc possum in pollice pedis adulti, a quo, post impleta vasa, detraxi ita unguem; ut cuticula & reticulum (de quo statim (370.) permanferint ipsi cuti, introrsum reflexæ supra unguis radicem, annexa; quod certe, nisi summa adhibeatur cura, vix peragitur; notum enim est, quam firmiter cuticula nequitur cum ungue, si simul detrahuntur. dein separavi tenuem, hoc loco cuticulam & reticulum a cute: vix tamen examinari rite potest, nisi pollex ipse e lagenâ eximatur, & liquori ita imponatur, ut e directo oculi acies cadat, in sulcatam cutim, ubi unguis radix prius hæsit, tuncque simul cuticula illa elevetur tenera, vel moveatur.

367. Radix autem unguis (536.) non est, ut ad digitorum pulpam, lunata ab abscissione; sed perfecte quadrata, ita ut basis radice faciat cum adscendentibus lateribus ipsius unguis, angulos rectos.



368. Hi vero anguli (360.), cum gibbosus sit unguis & cuticula expansa plana fere, extra cuticulam eminent liberi, & firmissime neſtitur cuticula unguis baſi, in medio: patet id in cuticulâ manuum & pedum chirothecarum formâ detractâ, inverſâ, una cum annexis ipſi unguibus; quales ex fœtu præparavi. Ibi hærent in omnibus digitis ungues, firmissime cuticulæ & reticulo annexi, omni in ambitu; niſi ad angulos radicum utrimque; ibi enim perfecte triangula excavata eminent, gibba cuticulam verſus, quæ convexâ & concavâ ſuâ ſuperficie reticulo obducuntur. Idem, & ob magnitudinem, pulchrius apparet in unguibus, quos ab adultorum digitis ſeparavi.

369. Altitudo, quâ unguis radice ſuâ ſub cute deſcendit, facile in vivis percipitur, ſi ad lunulam premimus unguem, & mox eundem remittimus; tum enim perfecte, ut unguis movetur, radix motum ſub cute ſequitur, & quadrata ejus figura apparet.

370. Reticulum vero ſub cuticulâ (363.) ad unguem reflexâ deſcendit, reflexam cutim inter & cuticulam: & ubi unguis radici adhæret epidermis, ibi illud pergit, refleſtiturque ad unguis radicem, & ſub ipſo, ſupra papillas, decurrit, ad margines laterales

rales & anteriorem ipsius unguis, in omni ambitu sub cuticulâ iterum emergens.

371. Molle ibidem (370.) est, crassum, & intense coloratum; colorem, ut unguis, perfecte mutat, & ubi ille ad radicem mollior & minus coloratus, ibi hoc pusillum magis est & dilutius. id apparet facile in unguibus detractis.

372. Sed ut reticulum in reliquo corpore diversum (39.), & in diversis hominibus (37.), ita & variat sub ungue colorem.

373. Epidermidem de brachio, manu, & digitis fœtus recens nati detractam integram, liquore implevi & ligavi, ut pulchre retineat manus figuram. in hac reticulum exterius est, & unguis. tenet vero mucinum ex epidermide alterius fœtus octo tantum menses gestati, in quo hæret de digito indice alterius recens nati fœtus detracta inversa cuticula, una cum ungue: in hac reticulum ad cuticulam & ad unguem fuscum est, respectu prioris.

374. In Æthiope leviter nigricat sub ungue reticulum, uti testatur Clarissimus Albinus, hinc leviter fusci in illo unguis, quia, ut in volis manuum & plantis pedum, color reticuli non ita intense ater observatur, & compacti magis, quam cuticula, unguis non adeo pellucet.

375. Cutis, ubi sub ungue locatur (360.), papillas habet perfecte parallelas, juxta longitudinem exporrectas, nec, ut in pulpâ digitorum internâ in gyros reflexas.

376. Harum (375.) figuram servat quam perfectissime reticulum, quod internæ unguis superficiei adhæret, dum ille detrahitur.

377. Id (376.) apparet pulchre in pollice pedis adulti; ubi, post impleta papillarum vasa, unguem detractum ita adhærentem reliqui, ut hujus interna superficies reticulo partim obducta, partim orbata, conspiciatur.

378. Si comparatur hæc (377.) cum superficie cutis (375.), quæ sub ungue papillas dictas longitudinales efficit, perfecte idem obtinet hoc in reticulo, quod in illo fit, quod sub cuticulâ cutim velat (41.). ita ut in reticulo sulci sint, ubi juga papillarum sub ungue: & contra (42.).

379. Sed & patet simul in eodem objecto (377.), ibi, ubi ablatum est reticulum, unguem perfecte servare eam figuram, quæ reticuli est: & ornari fulcis, ubi in cute juga, eminentiis vero, ubi in cute foveæ exsculptæ sunt.

380. Ipsi ungues constant fibris longitudinalibus, ut patet in externâ illorum superficie; ibi nudus oculus rectas, juxta longitudinem sibi invicem appositas, fibras detegit; pulchrius

chrius vero hoc demonstrat microscopium , & quidem , si scalpello leviter raditur unguium superficies.

381. Noto præterea , quod in anteriore digiti parte , papillæ parallelæ , constipatorum filorum instar expositæ (47.) , ab apice digiti ad illam altitudinem in gyros flectantur , ad quam , in averfâ parte , unguis radice suâ sub cute descendit. ibi enim divergere ad digiti latera incipiunt papillarum fila , & fere horizontaliter disponuntur. hinc in illis ad digiti apicem tactus adeo est exquisitus.

382. Idem obtinet æque in pedum , ac in manuum digitis. Cur ergo his tam subtilem tactum non exercere possumus , quam illis? primo , propter neglectum. secundo , propter distantiam a sensorio communi. tertio , quia sufficiunt manuum digiti. quarto , quia ob incessum calosa fit , & indurefcit epidermis , & ipsæ papillæ magis solidescunt.

383. Ex hisce forte non absimile est , quæ sententia Clarissimi Albini est , ungues esse ipsam epidermidem indurata. Certe totus illorum nexus , & fabrica descripta , (a 356. ad 381.) & unguis cum cuticulâ omni dote similitudo , hoc affirmare videntur.

384. Nulla enim datur , primo , in cor-

L 4 pore



pore humano pars, quæ tam cito recre-  
 scit, ac epidermis, pilus, & unguis: cu-  
 tis enim, membrana cellulosa deleta, ci-  
 catricem relinquunt; ossa, semel ablata,  
 haud renovantur. *secundo.* unguis fabrica  
 epidermidis est simillima; ut enim in hac,  
 ita nec in illo, unquam vas apparuit.  
*tertio.* ut hæc, ita ille prorsus est insensi-  
 filis. immanis etenim ille dolor, qui ab un-  
 gue arrepto & protracto, vel a duro cor-  
 pore sub ungue insinuato, oritur, non est in  
 ungue, sed in ferie papillarum (375.), quæ sub  
 ungue hærent. *quarto.* ipsa epidermis sæpe  
 in unguis naturam abit, & hic illius for-  
 mam induit. Prioris casus specimen ha-  
 bemus in clavis pedum, & in callis, alte-  
 rius exemplum est in unguibus emollitis,  
 quos corrugatos, non secus ac ipsa est epi-  
 dermis, flexiles vidi. *quinto.* ut cuticulæ, ita  
 ungui, supra papillas, reticulum subjicitur  
 (370). *sexto.* concrescit sæpe cuticula cum  
 unguibus, & in ejus substantiam abit;  
 unde tunc tensio, dolor gravissimus, in-  
 flammatio ipsa oritur: crescentes scilicet  
 ungues trahunt non subsequenter cuticu-  
 lam, quæ tractionem papillis communi-  
 cans, harum trahit nervulos. *septimo.* iis-  
 dem causis, quibus epidermis, unguis de-  
 trahitur, & cuticulæ facilius, quam papillis  
 adhæret (355.). *octavo.* unguis, ut cuticula  
 cel.

cellosa, reticulo liber sulcos servat (379.).

385. Hippocrates idem videtur affirmare, ubi enim de glutine quodam agit, ex quo epidermis fit condensatione aëris, quæ sententia Veterum & Riolani est (49.), postea dicit, ex eodem glutine ungues nasci. de Princip. τὸ ἐξ αὐτοῦ τῷ σώματι πρὸς τὴν ἀναγκαίως ἔχει δέρμα γενέσθαι, ὑπὸ τῷ ψυχρῷ, & τῷ πνέματι πρὸς αἰσθάνοντων extremum corporis ad aëra necessario habet pelliculam, ortam a frigore & ventis attingentibus additum paulo post: οἱ γὰρ ὄνυχες ἀπὸ τῆς ἐλκρόνης & κολλώδους. ungues ab eodem illo glutine oriuntur.

386. Cur ergo durior in extremo digito epidermis, ibidem unguem facit? ne scilicet extremitas digiti mollis, quâ parte exploramus objecta, retropelleretur; sed, datâ a tergo hac resistentiâ, papillæ, quæ nervos tangentes ordinant, eo aptiores locarentur, ad corpora exploranda. secundo: ut munimento essent, ne facile læderentur molles & sensiles digitorum extremitates, in attingendis & arripiendis durioribus; ut iis evenit, qui malâ consuetudine nimis alte abscindunt; vel ut melius versificentur, vivos rodunt ungues. Sunt denique instrumenta, quibus partes corporis scalpimus. In pedibus autem incessum firmant.

387. Nec homini, cui ratio & sapientia

tia supra omne animalium genus est, dati videntur pro armis: infirmum certe munimentum esset, nisi furenti fœminæ unguibus involanti in oculos facile viro audaci, & capillum: ita & Galatææ, dum malum deficit, quo Damœtam petit lasciva puella, acinaces sunt, in præliis virginum sectis in juvenes unguibus acrium.

388. Perspirare autem ungues nullo quidem experimento apparet; nisi conferantur huc, quæ de pilis, atque illorum nutritione dicta sunt (338.): simulque illa omnia, quæ de triplici veterum concoctione (a 342. ad 353.) exposuimus: & si iterum concipimus nullam fieri nutritionem, nisi cum secretionem impuri a puro; tuncque his adjungimus modum, quo ungues crescunt, qui idem est, ac in pilis, propulsio scilicet; patebit saltem, illas particulas, quæ tunc, ubi longior factus unguis, abscinduntur vel roduntur, extrorsum eliminari. Si etenim unguem tangis tincturâ argenti, vel simili ad radicem, ubi emergit; sex requiruntur menses, antequam stigma in ultimâ lineâ hæreat, & cum ungue abscindatur.

389. Idem notare videtur Boyleus de porositate animalium cap. vii. ubi hominum ungues porosos colligit, quia solutione argenti in aquâ forti, vel auri in aquâ regiâ,

regiâ, si tinguntur; color infedet aliquandiu obscurus & subniger, quem aqua, aut humor magis penetrans, & detergens eluere nequit.

390. Hos autem simul cum pilis oriri iterum Hippocrates scivit & descripsit: dicit enim de Nat. pueri. ἅμα ἃ τοῖσιν ὀνυξί & αἱ τεύχες ἐν τῇ κεφαλῇ ριζῶνται. simul vero cum unguibus & pili in capite radicantur.

## CAPUT DECIMUM OCTAVUM.

*In quo continetur recapitulatio priorum.* 391. quod nempe sit corpus exhalans. 392. modus. 393. differentia vasorum. 394. humorum. 395. folliculi. 396. 397. 398. pili, ungues, ductus adiposi & horum usus. 399. 400. 401. diversitas exhalantium. 402. Hippocrates scivit perspirationis modum, vias, humorem. 403. docet cutim esse viam perspirationis. 404. per poros. 405. & poros esse ultima vascula. 406. humorem exhalantem esse sanguinis tenuissimam partem. 407. quotuplex πνεῦμα Hippocrati usurpatur. 408. opponitur ichori. 409. in sano statu spiritus, in morbo ichor. 410. affirmatur exemplo vaporantis aquæ. 411. hoc (410.) est Sanctorianum experimentum. 412. Hippocrates spiritum distinguit in corpore, & extra illud. 413.



*Pythagoreorum sententia. 414. πνεῦμα, π' ἐνορμεῖν significat apud Hippocratem. Moyses notat. 415. Hippocrates explicat humores, qui naturaliter expelluntur. 416. addit remedia, quæ impeditum cursum humorum restituunt. 417. partes cucurbitarum instar trahere dicit Hippocrates. 418. balnea salsa trahunt. 419. quænam ex Hippocratis sententiâ motum humorum augent. 420. Emphasis Hippocratis.*

391. **I**ta, spero, demonstratum est, quod omnes partes corporis, quæ ab externo aëre attinguntur, vel attingi ab eodem possunt, in omni superficie sanâ sint exhalantes (10.): quodque adeo corpus nostrum quantum, cribrosum sit, in omni puncto; atque per illud emittatur vapor, diversus in diversis partibus (21.).

392. Sed & simul patuit, modum obtineri in omnibus, si non perfecte eundem, saltem sibi ubique simillimum. Sunt arteriolarum fines aperti, patuli, abscissi quasi, qui per cuticulam exhalant (93. 94.); sunt iis simillimæ extremitates hiantes arteriolarum, quæ in interioribus, quæ cum aëre communicant, suum deponunt humorem (18.).

393. Differunt tamen arteriæ ipsæ, ma-  
jo-

jores etenim, quæ in internis per epithelium, (111.), sunt minores, quæ per cuticulam (81. 82. 83.), exhalant.

394. Hinc & in iis diversus est humor exhalans; hinc cuticula in sanitate invisibilem, epithelium visibilem (19.) emittit humorem.

395. In folliculis perfecte eadem obtinent; in cute inveniuntur (216.), atque ibidem expellunt suum contentum mucum (223.). Idem in interioribus, atmosphærae contiguas partibus (233.), perfecte idem præstant (234.). hi per epithelium (18.), illi per epidermidem (17.).

396. Quæ vero de pilis (a 337. ad 352.), & unguibus (a 353. ad 391.) dicta sunt, revera ad illam perspirationem pertinent, quæ per cuticulam (18.) fit.

397. In pilis etenim (306.) adest epidermis (316.); Unguis ipsa esse videtur cuticula (383. 384.); ductus vero unctuosi (a 297. ad 305.) sunt singularia exhalantia organa, solâ in cute invenienda; hisce enim similia nulla inveniuntur in partibus, quas epithelium succingit.

398. Nec & ibidem opus erant, humore quoniam inunguntur semper notabili hæ partes sub formâ sudoris (107. 2°): in cute vero lentâ, tenace, aëris vicissitudini expositâ, eorum usus patuit (303.).

399. Hinc & diversum præstant in omnibus usum; quæ per cuticulam eliminantur particulæ & per os, a superfluis liberant corpus, & ab effectis humoribus (25.), tenues sparguntur in auras, nec corpori præstant, quantum scimus, officium; nisi forte disper sæ per aëra meteo-  
ra forment, ut reliqua perspirantia corpora, quæ postea, iterum corpori humano applicata inspirantur: id certe docere videtur infectio.

400. Quos vero epithelium emittit, humores, partim quidem exhalant extrorsum, ut per respirationem fit, dum aërem humectant (17. δ.): maximâ vero parte a venulis, arteriis respondentibus, resorbentur: quæ omnia, expositâ inhalatione & resorptione liquidorum, quatenus corpus ab atmosphærâ attingitur externâ, pulchrius patebunt.

401. Ad quam antequam transeo; non possum, quin quædam adferam, quæ affirmant vix in hisce quidquam latuisse Divum Hippocratem.

402. Supra jam notavimus, Hippocratem per ἐμφασιν loqui (8.), quando dicit *universum corpus esse expirans & inspirans*; atque passim demonstrare hoc conati fuimus; id vero patebit pulchrius, si paucis notamus; non tantum summo Medico con-  
sti-

stitisse perspirans esse universum corpus; verum quod modus, viæ, imo & humor perspirabilis ubique fere ab eo notentur: atque hoc iterum ordine disponimus.

403. Evidentissime docet, cutim esse viam, per quam corpus exspirat Lib. de flatib. ἀραισμένῃ δὲ ὑπὸ τῆς θερμασίας τῆς χρωτὸς τῆς περιήματ<sup>ο</sup>, διέρχεται τὸ πνεῦμα διὰ τῆς σώματ<sup>ο</sup>. *Rarefacta enim cute a calore fomenti, exhalat spiritus per corpus.*

404. Et quidem in cute (98.) esse meatus, five poros, per quos liberatur corpus a superfluis, apparet ibid. τῆς πνοῆματ<sup>ο</sup> προσπίπτοντ<sup>ο</sup> πρὸς τὰς πόρας τῆς σώματ<sup>ο</sup>, οἱ ἰδρῶτες γίνονται Spiritu vero irrutente ad poros corporis, sudores fiunt. & paulo post καὶ διὰ τῶν πόρων διεξελθὼν, ἔξω περιεῖδ<sup>η</sup> (τὸ πνεῦμα) ἐξ<sup>ι</sup> per meatus penetrans, foras prorumpit (spiritus).

405. Imo vero hosce meatus in cute (98.) esse ultimos vasculorum fines (76.), luculentissime demonstratur ibid. inquit enim: τὸ δὲ λεπτότατον τῆς αἵματ<sup>ο</sup> διὰ τῶν φλεβῶν ἐκθλίβεται tenuissimum autem sanguinis per venas excluditur.

406. Ex quo loco citato (405.) & simul patet, haud in cognitum fuisse divo Seni, qui exhalant, humores esse tenuissimos, subtilissimos, de sanguine secretos; quod & passim aliis locis, ubique fere indi-



dicat; Ἰδεῖσθαι πάντες ἀπίντες, ἡ ξηραίνουσι ἡ ἰχθναίνουσιν, ἐκλείπεται δὲ ὑγρὸν ἐκ τοῦ σώματος. *Suares omnes abeuntes exsiccant & extenuant, humore ex corpore deficiente. De Diet. Lib. II. cap. V. & ibid. cap. XII. θερμαινέται γὰρ τὸ αἷμα, ἡ ὑπὸ τῆς θερμότητος, ταχέως ἐποίησε πλὴν τοῦ οὐροῦ τὰ ἐν τῷ σώματι· ἡ τὸ, πᾶν ἄλλο σῶμα καθαίρεται ὑπὸ τῆς πύλης, ἡ τὸ σωματικὸν θερμαινόμενον, λεπυνέται τε, ἡ σωματικὸν ἐκ τῆς σαρκὸς ἔξω ὑπὸ τὸ δέρμα, ὅπερ ἰδρὼς καλεῖται θερμὸς. *Calefacto enim sanguine, & attracto, celerem faciunt circuitum, quæ in corpore supersunt. & reliquum corpus purgatur a spiritu. & compactum calefactum attenuatur, & protruditur ex carne extrorsum sub cutim, qui sudor calidus vocatur. imo & inde liberari corpus a noxiis docet ibid. Lib. III. Cap. IV. ἡ ἢ πεπραγμένη ἢ ἐβδομάς ἐκκρίνεται (ὁ πυρετός), εἴ ἐξιδρώσῃ, aut quartâ, aut septimâ die decedit (febris), si exsudaverit.**

407. Usurpat autem sæpissime vocem πνεῦμα, magnus Hippocrates & quamquam ubique fere per illud intelligat aërem proprie dictum, tamen, & flatum, vaporem: imo & tenuissimum humorem eo notat, quem latinissimus Celsus spiritum vocat. Sic quod de Medico Νοτὶδα vaporem ἰχθρὸν ῥεῖμα vocat; τὸ πνεῦμα appellat de arte: πᾶν γὰρ τὸ ἀσύμφυτον, ἢν τε δέρματι, ἢν τε σαρκὶ καλύπτεται,

κοιλόν ἐστὶ. πληρῆται τὲ ὑγιαῖνον μὲν πνέματι, ἀσθενητὸν δὲ ἰχώρι. *omne enim non concretum sive cute, sive carne tegitur, cavum est. impleturque sanum quidem, spiritu, morbosum vero, ichore.*

408. Ibi (407.) invicem sibi opponuntur τὸ πνεῦμα, καὶ ὁ ἰχώρ: videtur autem hic intelligere Hippocrates per τὸ πνεῦμα. humorem subtilissimum, qui spirituosus cava implet, halitus instar: quique collectus verum madorem, & humorem notabilem præ se fert. id quippe docet ipse de Flatibus: τὸ δὲ πνεῦμα συναμύμον, ἐς ὕδωρ ἐρχεται. *Et spiritus congregatus, in aquam vertitur.*

409. Unde certe videtur Hippocrates notare per πνεῦμα hisce locis vaporem illum, quem demonstrare speramus in cava omni momento effundi, & resorberi, si sana sunt, sin minus in iis colligi, & verum humorem præbere sub specie ἰχώρι. ut v. g. in hydrope, ubi (ponam tantum unam causam) compressâ venâ, negatur aditus humido subtilissimo in vascula resorbentia: quid fit? arteriæ πνεῦμα pergunt emittere, κοιλόν γίνεται ἀσθενητὸν, πληρῆται τε ἰχώρι.

410. Nec minus affirmat hanc, quam propono (408. 409.), sententiam exemplum, quod ibidem addit desumptum de vapore aquæ fervidæ; de Flatibus scilicet: ὅτι αὐτὸν τρόπον, ὅνπερ ὑπὸ τῶν ἐφορμῶν ὑδάτων ὁ ἀτμός

ἐπανιών, ὡς ἔχει τερέωμα, πρὸς δὲ, πλεονάζει, παχύνει, ἢ πυκνῆται, ἢ συγκρίνεται ἀπὸ τῶν σωματίων, οἷσιν ἂν ὁ αἰρὶς περιέπληται. eodem modo, quo ab ebullientibus aquis vapor adscendens, si habeat solidum, ad quod irruere debet, crassescit, & condensatur, & guttæ decidunt a corporibus, ad quæ vapor inpingit.

411. Estne perfecte idem hoc experimentum, quod Sanctorius profert de speculo ori appposito. aphor. v. (72.)? suntne aliæ illæ observationes, quas supra (17) notavimus? dum scilicet perspirans humor irruit in polita corpora, & madorem exhibet, qui absterfus veras guttulas format.

412. Ipse etiam Hippocrates τὸ πνεῦμα distinguit: ibid. πνέματα δὲ τὰ μὲν ἐν τοῖσι σώμασι φύσιν καλέονται. τὰ δὲ ἔξω τῶν σωματίων, αἶρ. Spiritus autem, in corporibus quidem, Flatus vocantur: qui vero extra corpora, Aër.

413. Sic Pythagoræi omnia putabant vitali spiritu plena, qui Naturæ sive Mentis æternæ erat vehiculum, & simul instrumentum; cui spiritui inter elementa nullum aëre similis; hinc Æthereum vocare. apud Virgilium ita Pater Æneæ canit Pater Anchises, apud amnem Lethæum. Æneid. Lib. vi. vers. 724.

*Principio cælum , ac terras , camposque  
liquentes ,*

*Lucentemque globum Lunæ , Titaniaque  
astra*

*SPIRITUS intus alit : totamque infu-  
sa per artus*

*MENS agitat molem , & magno se  
corpore miscet.*

414. Intelligit & sæpe per τὸ πνεῦμα  
Divus Hippocrates , τὸ ἐνορμῶν impetum fa-  
ciens ; quod reverâ iterum humor omnium  
tenuissimus facit : dum enim manum move-  
mus , inflamamus musculos , per proprie ner-  
vorum spiritus dictos , qui tenues , invisibi-  
les , φυσῶν instar , agunt. hinc & latinissimus  
Celsus humores tenuiores spiritus vocat. Si  
sanguis , inquit , transfunditur in eas venas ,  
quæ spiritibus accommodatæ , inflammationem  
excitat. Moyse scriptorum antiquissimus  
Animam vitæ vocat : postquam enim forma-  
verat Creator e pulvere terræ hominem , in-  
flavit ei in nares vitæ animam , sicque vivifi-  
cabatur. Genes. Cap. 2. vs. 7. Nec dubito , si  
ante lapsum corpus , excepto , quod morbis  
obnoxium non esset , cæterum eâdem fabri-  
câ , ac nostrum , constructum fuerit , quin va-  
sa & fluida fuerint ita in Adamo disposita , ut  
accedens illa causa , quæ Inflatio , Anima , di-



citur in sacris, quæque est motus humorum per nervos, vitam fecerit integram; hæcque illa est, quam Hippocrates vocat τὸ ἐνορμῶν. ex quo, & ἔχονθοις, ἢ ἐχεμένοις, quæ ab aortâ ad nervos, & a sanguine ad spiritus intelliguntur, corpus conflatur. Ita in recens mortuis omnia prædisposita adsunt quidem, sed vis hæc deficit motrix.

415. Simul & explicat variis locis Hippocrates, quinam sunt humores, qui secundum naturam expelluntur: ut aphorism. x. de alimento. Ἀποκρίσεις καὶ φύσιν, κελίης, ζῶων, ἰδρωτῶ (76.), πνύαλξ (274.), μύξης (239.), ὑστέρης (199.), καθ' αἱμορροΐδα, θύμον, λέπρω, φῦμα, καρκίνωμα, ἐκ ῥινῶν (18.β.), ἐκ πνεύμονος (114.), ἐκ κελίης, ἑδρης, ἐκ καυλῶ. *Excretiones secundum naturam, ventris, urinarum, sudoris, salivæ, muci, uteri, per hæmorrhoidas, thymum, lepram, phyma, carcinoma, ex naribus, ex pulmonibus, ex ventre, sede, ex caule.*

416. Nec non addit illa, quæ, impedito cursu, foras trahunt eliminanda, idque ope cucurbitarum: de veter. medic. αἱ σικίαι περιβαλλόμεναι περὶ τὸ τεχνέατι περὶ τὸ ἔλκεν ἂν τὸ σαρκῆς. *Cucurbitæ apponendæ ideo fabricatæ sunt ad trahendum ex carne. & de Medico docet, quomodo, si a magis intimis attrahi debeant fluxus, cucurbitæ adhibendæ sint minores; si vero dolor dis-*  
per-

persus sit per majorem dimensionem, quod majores latioresque sint apponendæ.

σικύων δὴ δύο τρίτες εἶναι χρησίμους. ὅτε μὲν γὰρ  
ρεῦμα ξυνεσθηκὸς πόρρω τῷ ὀπιφανομέει σαρκὸς,  
τὴν μὲν κύκλον αὐτῆς εἶναι δεῖ βραχυῶς, αὐτὴν  
ἢ μὴ χεῖραδην, θερμήκη τὸ πρὸς τὴν χεῖρα μέ-  
ρος, μὴ βαρεῖαν. τοιαύτῃ γὰρ ἔστω, ἔλκειν ἐς ἑνὺ  
ξυμβαίνει, καὶ τὰς ἀφροσύνας ἰχῶρας καλῶς ἀνε-  
σῶσθαι πρὸς τὴν σάρκα. τῇ ἢ πνευλίῳ κατεσκε-  
δασμένῃ τῷ σαρκὸς, τὰ μὲν ἄλλα ὡδραπλησίῃ,  
τῇ ἢ κύκλον μέγαν (εἶναι δεῖ) Cucurbitarum oportet  
duos commodos esse modos. Quando enim  
fluxus procul ab extimâ carne compactus est,  
circulum quidem ejus oportet, esse parvum, ne-  
que ipsam ventricosam, oblongam, quâ par-  
te ad manum vergit, neque gravem. Quæ  
etenim talis est, trahit in directum sursum,  
ἔξω procul distantes humores pulchre attrahit  
ad carnem. Dolore vero late disperso per car-  
nem, ad reliqua quidem consimilem, circulum  
vero majorem (esse oportet).

417. Partes, quas nos aëri expostas, vel ei exponi valentes diximus, Hippocrates madidas dicit, quia cucurbitarum inftar trahunt. de Veter. Medic. τῇ ἢ ἔσω  
τῇ ἀνθρώπου φύσις καὶ χεῖμα τοῖσιν, κίσις τε  
(202.), καὶ κεφαλὴ (112.), καὶ ὑστέρα γυναιξί.  
(199. 200.). καὶ φανερώς ταῦτα μάλιστα ἔλκει,  
καὶ πλήρεια ἐσιν ἐπάκτις ὑγρότητι αἰεί. est autem  
in homine natura ἔξω figura talis, ἔξω vesica,

Ἔ caput, Ἔ uterus in mulieribus. Ἔ illa manifeste trahunt maxime, Ἔ plena sunt attractâ humiditate semper.

418. De balneis itidem refert, quod falsa trahant ex corpore humores. τὸ ὃ ἀλμυρὸν λαστρὸν θερμαίνει ἢ ξηραίνει. φύσει γὰρ ἐὼν θερμὸν, ἔλκει ἀπὸ τῆς σώματος τὸ ὑγρὸν. *Salsum autem balneum calefacit Ἔ siccatur. Naturâ enim calidum existens, trahit a corpore humidum.* de Diætâ lib. 11. cap. x.

419. Ibidem passim demonstrat, quænam illa sunt, quæ perspirationem augent, & quibus corpus ab humoribus liberatur: πόντοις laboribus τροχοῖς cursibus circularibus, διαύλοις ὀλίγοις, rectis revertentibus, modicis. τοῖς πεπατοῖς ἐν σκιά. *deambulationibus in umbrâ τῇ πάλῃ ἐν κόνει. ludæa in pulvere. ἀλίνδῃσι Volutatione λαστροῖς χλιεροῖς balneis tepidis ψυχροῖς frigidis. &c.*

420. Hæc, uti confido, sufficiunt, quæ demonstrant, quod, si non in omnibus, in plurimis saltem cognoverit magnus Naturæ legum observator Hippocrates, corpus nostrum perspirans; idque ex observationibus, ut ubique patet, simplicissimis, adeoque verissimis collegerit. Hinc haud synecdochice, sed per Emphasin declarat  
 ὉΛΟΝ τὸ σῶμα ἐκπνεον.

## CAPUT DECIMUM NONUM.

421. *Ut inspirat homo per os & naves, ita totum corpus inhalat. hoc Galenus explicat. 422. ut per cuticulam exhalant arteriæ, ita inbalant venæ. demonstratur ab aëre. 423. Inspirationem per cuticulam docent balnea. 424. hinc Hippocrates tepida commendat, ubi humectandum & refrigerandum. 425. docent eandem (423.) pediluvia; quid præstant in acutis? 426. vapor aquæ pulcherrime penetrat. 427. pedum clavi humectando molles fiunt. quid humectatio est? 428. inhalationem docet affricatio medicamenti purgantis. 429. Epithemata. 430. manibus tractata terebinthina. 431. affricatio Mercurii. 432. De cuius penetrabilitate in poros corporis, observatio citatur. 433. Schenkii observatio de muscis hispanicis. 434. Bellini annotatio, quod mercurius affricatus, vasa & corpus intret. 435. sudorifera, diuretica, vomitoria, quocunque modo externe applicata, eâdem ratione agunt. 436. Bellini experimentum, docens per mercurium cutim porosam. 437. animalia in aquâ sepulta, eam resorbent, supernatant. 438. idem in homine fit. 439. animal aquæ calidæ impositum, brevi fit hydropicum.*



421. **U**ti inspirat homo per os & nares aërem (4), sic totum corpus aëri contiguum inhalat introrsum, ut extrorsum exhalat (1): illud est, quod Hippocrates dicit, εἰσπνεον ὅλον τὸ σῶμα. *inspirans totum corpus*: quodque Galenus explicat. Lib. de usu pnis μεταλαμβάνει ἢ εἰς ἐαυτὸς ἐκ τῆ περιέχοντος ἡμᾶς ἀέρος ὅν ἐλίγην μοιρᾶν ἢ τῆτ' ἐστὶ τὸ πρὸς Ἰπποκράτους λεγόμενον, ὡς εἰσπνεον ἐστὶν ὅλον τὸ σῶμα. *accipit in eadem (oscula) ex ambiente nosmet aëre non parvam portionem. Et hoc est juxta Hippocratis dictum, quod inspirans universum corpus.*

422. Et ut per cuticulam, proprie dictam, exhalant ultimæ arteriolæ humorem tenuem, invisibilem (17.); ita & venarum initia bibula introtrahunt ex aëre, particulas corpus ambientes subtilissimas; & ex illis, quæ extrinsecus applicantur. docent id vicissitudines aëris, quæ æque internos, quam externos morbos creant, si nempe ille fuerit infectus: unde omnes ab aëre oriri morbos, putat Hippocrates, lib. de Flat. μὲν τῷτο τοίνυν ὁρῶντος ῥητέον, ὅτι ἐκ ἀλλοθὲν πρὸθεν εἰκός ἐστὶ γίνεσθαι τὰς ἀρρώστιας μάλιστα, ἢ ἐνλεῖσθαι, ὅταν τῷτο (τὸ πνεῦμα) ἢ πλεόν, ἢ ἐλασσον, ἢ καὶ ἀθροώτερον, καὶ μεμιησμένον νοστροῖσι μιάσ-μασιν ἐς τὸ σῶμα ἐσέλθῃ. *Post hocce aliud statim dicam, quod verosimile non sit, aliunde*

*potius nasci morbos, quam hinc, quando ille (aër) vel copiosior, vel parcius, vel cumulatior, & infectus morbosus inquinamentis in corpus ingreditur.*

423. Inspiratio per cuticulam ab exterioribus evidens per experimenta patet. Sitiens enim balneum aquæ dulcis, calidæ inprimis, ingrediens, licet per os nihil assumat, si per aliquod tempus permanferit illi inhærens, irroratur ita, ut sitis sedetur. venulæ etenim in epidermide patulæ trahunt aquam in se, cutaneis dant; hæ vero majoribus, illæ tandem cavis, hæ cordi reddunt: in quo subacta eadem, & in pulmonibus sanguini penitus mista, dispergitur per arterias per totum corpus, & ad omne partium punctum pervenit. καὶ φλεβῶν δῆλον αὖ πρότερον καὶ ὕστερον. *Est manifestum est, venarum alias prius, alias posterius (affici) Hipp. de usu Humid.*

424. Hinc Hippocrates ubique balnea commendat, ubi humectandum est corpus, & tepida quidem, ubi simul refrigerandum; hæc etenim minuunt vim vasorum in liquida, laxando: hinc attritum, ex quo calor oritur, destruunt: hinc æstate λατροῖσι χλιεροῖσι χρεέσθαι balneis calidis uti, consultum est de Diætâ lib. III. cap. 2. hyeme vero ὀκνῶσαν ἢ ἐφέλη λῶσθαι,  
M 5 ψύ-

Ψυχρὸν λῥέσθω. ubi quis lavari vult, frigida lavetur. ibid. & passim.

425. Idem (423.) affirmant pedeluvia, quæ in acutis duplicem præstant pulcherrimum usum; laxant etenim exhalantia vasa, resistantiam in iis minuunt, inde major ad hæc humorum vis ducitur & copia: emolliunt simul oscula inbibentium, & aperiunt, & in aperta ingreditur tenuissima aquæ pars, quæ resorpta sanguini miscetur, & inflammatis humoribus antiphlogistici medicaminis vices præstat præstantissimas.

426. Eo pulchrius hoc (424.) efficit aqua, quo reddita tenuior est. vapor ejus penetrat durissima. Manum si per horæ minuta supra halantem aquam teneas, calida intumescet, laxior fiet, sudabit; idque multo citius, quam si ipsæ calidæ immitatur aquæ.

427. Pedum clavi, calli, antequam deglubi facile possunt, aquâ macerantur, quo flexiles magis, molliores, flaccidi fiant: intrat nempe illorum poros aqua, fibras laxat. Quid etenim est illa humectatio aliud, quam quod humidum ingressum, intime fibrarum contractarum elementa distendat, & nectentem materiem irroret? sic coria durissima, tenacia, contracta, aquâ laxantur, flexibilia fiunt. πύξις μὴ ἐν, ἀσθενέας (π

(πῆξι.) *Humectatio quidem debile (quid est.)*  
Hipp. de Humid. usu.

428. Docent & inspirantem cuticulam affrictiones cujuscunque medicamenti cui externæ, in quâcunque corporis parte. Pueris, in quibus laxior vasorum compages, affricatur purgans aliquod remedium abdomini, circa regionem umbilicalem, penetrans medicamenti vis, & exhalans vapor transit per integumenta communia, & abdomini propria, inde intrat vascula intestinalia resorbentia (618.), movet alvum, excrementa expellit.

429. Panis tostus, generoso vino ebrius, aromatibus dives, epigastricæ regioni externe appositus, adeo corroborat ventriculum, ut vel violentissimum vomitum sistat.

430. Qui diu manibus tractat terebinthinam, paulo post emissam urinam illâ videbit inquinatam.

431. Notum est vel agyrtis, argentum vivum cum axungia subactum in formam unguenti, cuti externæ, maxime ad articulos, applicatum, intro rapi in venas, sanguini misceri, hunc dissolvere, & ptyalissimum facere: imo vero cuicunque corporis parti, quâcunque sub formâ, quocunque modo, applicatur; præstat idem.

432. Memini casum, quem legi in anno-



notationibus Patris, qui Medicus & Practicus, dum fata sinebant, Hagiensis erat felicissimus, cujus memoriam recordari ultimam, pietatis semper duxi summum. Civis Alphenfis, secum portabat lagenulam argento vivo repletam, hanc absconderat sacco, qui a latere braccæ insuitur, ex alutâ confecto. frangitur forte vitrum; ille, quâ potest, curâ aufert mercurium: & eâdem induitur braccâ. post dies aliquot queritur de dolore capitis, sinit, febricitat, accedit faucium dolor, & angina: vena secatur homini robusto, ad largiorem effluxum, dantur antiplogistica, diluentia: omnia frustra; insurgit malum. queritur sibi os exuri quasi: subofaciens animam Pater, num mercurium vel assumferat, vel tractaverat, rogat? refert de lagenulâ fractâ casum. sic e stabulis profliebat lupo. Patet hinc, quam divisibilis sit & penetrabilis mercurius, ut etiam crudus, vivus, nulli corpori affixus prius, hinc & volubilis errans, corporis porulos minimos intret, & sanguini misceatur: sed & simul apparet, quam facile attrahant oscula bibularum venularum minima.

433. Schenkii observ. lib. 8. observ. 37. dicit, chirurgum bis copiosum cum urinâ sanguinem emisisse, ob muscas hispanicas, quas secum in sacco gestaverat.

rat. Similem quoque casum refert acceptum ab Helidæo, quem Medicum Bolognensem præstantissimum vocat.

434. Bellinus notat, mercurii inunctiones, & quæ hisce similes sunt, exterius applicatas, movere quoscunque humores vel fluentes, vel quiescentes in imis corporis partibus: cum enim a cute ad profundam aliquam corporis partem pervenerint, in quâ innumeræ sunt arteriæ & venæ, fieri non potest (inquit) ut vasa sanguinea non subeant. idem Boyleus affirmat de porosit. animal, cap. iv. qui super hisce legi meretur inprimis.

435. Sudoriferis, sive formâ liquidi, sive emplastri sive cerati, &c. cuticulæ applicantur, eadem est in operando ratio & modus. ἀγαθὸν ἔστι πᾶσι χεῖσμασι χρεῖσθαι τοῖσιν ἰδρωλικοῖσιν, ὑπὸ τὰς χεῖρας (ἢ πυρετῶ) ἐξαναγκάζει γὰρ. Bonum autem est unguentis sudatoriis uti sub indicationes (febris), cogunt enim ad sudorem de Diæt; L. iii. c. iv. hoc & reverâ in diureticis, vomitoriis, uno verbo, in omnibus externe applicatis cujuscunque generis remediis obtinet. Tincturâ nicotianæ puero lavatur caput, ad infestos ipsi pediculos necandos, vel turpem scabiem pellen-  
dam, titubat sæpe, & inde vomit.

436. Est & pulchrum Bellini experimentum, quod totam cutim demonstrat porosam, & perspirabilem: separat etenim  
hanc

hanc a corpore , invertit , ut , quâ parte cellulosa eam obducit , exterior fit ; format inde faccum , quem , post inmissum in eum argentum vivum , ligat , & suspendit. transgreditur per poros tum mercurius , in omni puncto. Idem per alutam fit , quæ hædina , vel ovina præparata pellis est. ut Chemistæ in purgando mercurio norunt.

437. Observamus quotidie , canes , vacas , feles , & id genus animalium , quæ piscibus cibo dantur , paucos post dies in flumine supernatare , ipso sepulchro leviora facta. id ideo obtinet ; quia , laxatis corporis poris , aqua intrat in cellulosam ; hinc & inflata quasi , mole aucta tunc apparent.

438. Idem & in hominibus fit naufragis , qui fluctibus submersi , post dies aliquot supernatant ; & quibus ab æquore in littus rejectis sperare datur sepulchrum.

439. Si integrum animal calidæ imponis aquæ , & in eodem calore servas , post paucas horas leviter hydropicum fit : calida enim plus laxat poros , & facilius intrat , quam gelida.

CAPUT VIGESIMUM.

440. *Ut epidermis, ita epithelium inspirat.*  
 441. *docent evanescencia humidi.* 442. *Et refectio momentanea, ex pane vinoso in chylum manducato.* 443. *Ratio explicatur, cur plus reficit, quam si deglutitur.* 444. *patentes venule bibunt, reddunt majoribus, hæ jugularibus.* 445. *hæ faciunt cum subclaviis, cavam descendantem; inde reficiens statim in corde est.* 446. *hæc via est, per quam spirituosæ subitaneam temulentiam faciunt.* 447. *patet hinc; cur minimâ copiâ simul assumpta eadem quantitas vini inebriat?* 448. *Venas (444.) patulas scivit Hippocrates.* 449. *Nares inspirant per venulas.* 450. *docet hoc nutritio per nares.* 451. *Et infectio venerea.*

440. **N**ec & iterum in epidermide (11.) solâ, verum & in ejus productione epithelio (14.), inspiratio obtinet, utque illa inhalat (422.); ita & hoc, non tantum inspirat, sed & qui emissus ab arteriis (108.) est, eundem humorem resorbet: non secus ac utramque hanc membranam, eodem prorsus modo exhalantem (107.) demonstravimus.

441. Docent id iterum observationes &



experimenta. & primo quidem evanescencia humidi, quod cæterum in hisce locis continue exhalans, colligitur, ut in morbofo statu, vel contractis nimis inhalantium osculis, fit.

442. Sed secundo docet, ex oris totius superficie resorbere patentes venulas, resectio momentanea: si etenim fractus membra labore, vel itinere defatigatus, panem spirituoso vino permadidum manducat, sine deglutitione: (quod in famelicis maxime est difficile; trahunt enim in illis motu quasi spontaneo fauces, & bolum sibi ereptum cruciantur.) panis in unam pultaceam massam chylosam mutatur, &, in quo vix superest sapor vel odor, chylum refert: mox tunc mirum in modum sentiet se resectum ille, qui manducavit: licet minus sufficiat ei pro nutrimento.

443. Ratio autem hujus (442.) patet facile; dum manducatur bolus, & volubilis errat per universum os, spirituosum, quod in vino est, applicatur infinitis bibularum venularum apertis osculis, & ex pane, cui involutum erat, elicitur multo pulchrius, quam si assumpta deglutuntur simul.

444. Hinc venulæ hæ inbibentes reddunt majoribus & majoribus; & hæ tandem jugularibus externis, ex quibus, ut exhalantes

tes arteriolæ (112. & 113.) ex carotide externâ, oriuntur.

445. Confluentes autem cum subclaviis jugulares, faciunt Venæ Cavæ descendens insignem truncum, qui thoracem intrat, atque expansus cum trunco Venæ Cavæ ex abdomine adscendente, intra pericardium, efficit sinum venosum & auriculam cordis dextri; hinc avidè haustum reficiens illud spirituosum, statim in corde & pulmonibus subigitur; citius multo, quam si deglutitum ex ventriculo per epigastricas (468.), & ex intestinis per mesentericas (471.) & lacteas venas (479.) fuerat resorptum.

446. Est & hæc via (443. 444. 445.), per quam nimia copiâ assumpta spirituosiora, temulentiam faciunt subitanam prius, quam in ventriculo & intestinis subacta, intrare vasa venosa & lactea potuerint, & inde ferri in cor.

447. Hinc & (446.) patet, cur eadem quantitas vini inebriat, assumpta per fistulam angustam sugendo, vel minimis cyathis; quæ una vel duabus vicibus hausta, ne commovet quidem bibentem? divisio scilicet liquidi auget superficiem, eamque ori latius applicat interno; unde resorptio in omni parte copiosior a patulis vasculis.

448. Hæc autem venas apertas re-

forbentes (144.) iterum haud ignoravit Hippocrates; inquit enim de diæta Lib. III. Cap. III. ἐν ᾗ ἔ ἐμέτε κλύσαι τὸ σῶμα, καὶ πλὴν φάρυγγα οἶνω αὐστηρῶ, ὅπως ἂν συσφῇ τὰ σῶματι τὰ φλεβῶν, καὶ μηδὲν ὀπικατασπασθῇ, ὁρεῖα γίνεσθαι ἀπὸ ἐμέτων. a vomitu vero, colluat os, & fauces vino austero, ut oscula venarum constringantur, & nihil attrahant, qualia sunt a vomitu.

449. Nares resorbere per venulas, uti per arteriolas exspirantes sunt, humidi tenuissimi absentia docet; quod cæterum in guttam limpidam coactum (18. β.) naso destillat, quamvis magna ejus itidem pars tenues evanescat in aures.

450. Pulchrius vero id (449.) exhibet per ipfas nares nutritio: ut etenim aromatica, spirituosâ omnia, & suaveolentes herbæ, odore suo grata, titillant nervos, ita spiritu Rectore reficiunt, & nutriunt. Id quam pulcherrime ab Hippocrate docetur de aliment. aphorism. XXXII. Καὶ ὁρεῖσι ταχέως προσέσι & δέον, ὑγρὸν ἴημα εἰς ἀνάληψιν, διωάμι & κρεῖττον. ὁκοῖσι ᾗ ἔτι ταχυτέρας δι' ὀσφρήσι. Et qui veloci appositione indigent, his humidum ad receptionem virium optimum. Qui vero adhuc velociore, per olfactum.

451. Nec minoris argumenti est infectio venerea, quâ a solo attactu impuri veneni, per venulas resorpti; ipsa narium ossa

ossa afficiuntur. Laborans virulentâ gonorrhœâ, inquinato morbosâ materie digito nares forte scalpit; ita afficiuntur partes teneræ, ut, quasi in cineres versa, ossa collabantur.

## CAPUT VIGESIMUM PRIMUM.

452. *Venulæ apertæ in tracheâ, bronchiis, & vesiculis Malpighianis.* 453. *has docet idem experimentum, quod (118.) de arteriis dictum.* 454. *injecta aqua in venas pulmonales redit in arterias, transit in cor dextrum. exit ex tracheâ spumosa.* 455. *cera injecta docet effectum, ut (125.) in arteriis.* 456. *patet venas resorbere.* 457. *videtur ær omni momento in bronchiis novus, simul a venis resorberi; & una ex causis esse, quæ sanguinem ex venosâ indole, in arteriosum mutant.* 458. *sanguis fluit venosus in sinum & auriculam cordis dextram. pellitur in ventricululum dextrum.* 459. *ex eo in arteriam pulmonalem. mutatur.* 460. *ex eâ in venas. mutatur.* 461. *ex iis in sinum & auriculam sinistram, inde in ventricululum sinistrum & aortam. tunc demum arteriosus est.* 462. *agunt simul æriferâ in sanguiferâ.* 463. *quod ær partim sanguini colorem conciliat in pulmonibus, quæ docere videntur, rationes citantur.* 464. *conclusio ex his.*



452. **H**ærent & ejusmodi apertæ venulæ bibentes in tracheâ (132.), bronchiis (133.), & vesiculis Malpighianis (135.) ultimis, non secus ac arteriolæ (120. & 171.) ibidem ponuntur sudantes.

453. Hoc (452.) iterum docet pulchrum experimentum eâdem prorsus ratione institutum, ac de arteriis (118.) dictum est.

454. In venas etenim pulmonales immisi leniter & continuatim aquam tepidam, puram; simulque pulmones respirantes reddidi. pulchrum erat, cernere aquam ire per venas, ex iis transire in arterias, & redire per arteriam pulmonalem in sinum cordis dextrum & auriculam; paulo post ex ultimis patulis venularum osculis penetrare in bronchia, & ex iis in asperam arteriam. Tandem & ex eâ exhibit cruenta primo, & spumosa; mox limpida aqua, sed spumosa semper; eâdem tandem copiâ ac facilitate ex tracheâ, quâ ex arteriâ pulmonali, redux erat.

455. Idem tentavi experimentum ceram injiciendo; eventus, ut in arteriis (125.) ante memoravi, idem est. implentur scilicet venæ, redit cera per arterias, implet tandem bronchiorum (127.) ramos, transudante eâdem, ex venulis ultimis.

456. Cum vero invertitur hoc experimento (454.) circulatio, atque venarum sit resorbere, & inbibere, facillime ex analogiâ reliquarum partium patet, venas assumere in sano, vivo, omni momento, humorem, vel ejus partem, quam arteriæ minimæ ex patulis osculis (172.) deposuerunt.

457. Nec dubito, cum omni momento illabatur, retineatur, mox iterum emitatur aër, ex ramis trachææ, quin venu-læ in iis patentes trahant, simul cum humido (117.) ex arteriolis emissio, particulas quasdam aëreas, imo forte & hæ sunt ex principibus causis una, quæ sanguinem in pulmonibus ex venosâ in arteriosam indolem mutant.

458. Sanguis etenim, iners, venosus, fluit ex venis cavis in sinum venosum cordis Dextrum; pellitur inde, vi satis magnâ, contractione hujus, & auriculæ fibrosæ, dextræ, validæ, in vacuum ventriculum, flaccidum, cordis dextri: hinc primo mutatur.

459. Mox contractione ipsius cordis, pellitur in venam arterialem, momento ante contractam & in suum sanguinem agentem, dilatat hanc: hinc & maximam mutationem subit sanguis conquassatus & in omnibus suis elementis motus.

460. Mox contrahit se pulmonalis arteria, & pellit continuato ductu, liquidum suum in venas pulmonales: unde & denuo mutatur, fluit enim momento ante, ex lato in angustum; jam contrarium cursum obtinet; accedit tunc & illa humidi pars, quam venæ minimæ (456.) resorbuerunt.

461. Tandem per pulmonales venas binas maximas (130.), ex minoribus ortas, inmittitur in sinum venosum & auriculam sinistram, qui mox contracti pellunt in antrum cordis sinistrum; ex quo contracto, in aortam inprimitur vi validâ: tuncque demum pulcherrime arteriosus sanguis est, continens omnes partes postea secernendas, & excernendas.

462. Agunt & in hunc sanguinem pulmones fabricâ suâ aëreâ ante explicatâ (ab 132. ad 136. & ab 159. ad 168.)

463. Quod vero suspicor (457.), aëra itidem esse unam ex causis mutationem hanc sanguini conciliantem, & quidem colorem inprimis ipsi inducentem coccineum, hæc ratio est.

α. Sanguis fluit ex corde dextro (459.) in arteriam pulmonalem, & hujus ramos, per pulmonem, venosus, ater, cœruleo-ruber.

β. Sanguis redit ex arteriis pulmonalibus (459.) in venas pulmonales (460.);  
&

& fluit per eas, arteriosus, coccineo-ruber.

γ. Sanguis ex quâcunque venâ emissus, patinâ exceptus, sibi relictus, quâ, parte ab aëre tangitur, ex atro, cæruleo-rubro, venoso (α.), fit pulcher coccineus, colore arterioso (β.) tinctus; pars vero ab aëre remota servat colorem venosum, atro-cæruleo-rubrum. (α.)

464. Inde concludo, in pulmonibus, venosum sanguinem, atrum, cæruleo-rubrum, (463. α.), fieri arteriosum, coccineo-rubrum (463. β.), si non in omni, saltem maximâ parte, admistū aeris, qui per ultimas venulas bibulas ex bronchiis simul resorbetur cum rore, qui ab arteriis emissus, superfluous est. sicque sanguini, qui in venis jam arteriosus evadere incipit; permiscetur: affirmat hoc aër in corde, arteriis magnis, & in coronariis inventus vid. Celeberr. Sylvii disp. vii. §. 79 Swammerd. Resp. 98. & Ruysch. resp, ad ep. prob. 16.

## CAPUT VIGESIMUM SECUNDUM.

645. *Inhalatio in reliquis partibus epithe-  
lio testis.* 466. *aqua in celiacam venam  
injecta transit in ventriculum.* 467. *cera  
per eandem injecta eundem eventum habet.*  
468. *venæ hæ resorbent. inde altera ratio*



patet *subitanea ebrietatis*, & *refectio-*  
*nis*. 469. *experimentum in cane*, in *cujus*  
*ventriculum inmissa aqua transit in cor*.  
 470. & *ex cavâ incisâ exit*. 471. *negato*  
*aquæ exitu per œsophagum*, *transit in in-*  
*testina*. *ex iis exit*, & *resorbetur*. 472.  
*inhalantia intestina docet injecta aqua*; *pul-*  
*chrius cera*. 473. *inveniuntur cylindri co-*  
*lorati ceracei in ventriculo*, *post ceram*, *per*  
*coeliacam venam injectam*: & *materies ap-*  
*paret egressura ultimis villorum vasculis*.  
 474. *idem in intestinis crassis obtinet*. *nisi*  
*quod venæ pauciores & capaciores*, *unde*  
*resorptio in his crassior*. 475. *Ruyschius*  
*docuit ex intestinis venas inferi in venam*  
*cavam*. *has cera replebat*. *simul triplex*  
*vasorum genus inpletum observatur in*  
*jejuno*, *in thesauro Anatomico Boerhaviano*.  
 476. *S. A. visum objectum hoc demon-*  
*strat oscula minima aperta*, *ceram quasi e-*  
*vomitura*. 477. *cum patularum actio est*  
*resorptio*, *concluditur*; & *has ex intestinis*  
*assumptam crassiorem partem venæ cavæ*  
*dare*. 478. *aqua in intestina inmissa docet*,  
*quomodo bibant venæ minimæ patulæ*. *vi-*  
*detur idem in iis obtinere*, *quæ cavæ infe-*  
*runtur* (475.) 479. *Lactee venæ bibunt*.  
 480. *has vix Anatomici demonstrant*, *ni-*  
*si lacte turgeant*. 481. *Ruyschius juvenis*  
*inflabat*, *exsiccabat*, *demonstrabat*. 482. *va-*

*cua vasa lactea resuscitari possunt. 483. in cane, post pastum inciso, chylus propelli potest, ex intestinis in vasa lactea. 484. Et quidem ad pancreas Azellii usque. sed in calido, Et recens mortuo tantum. 485. hinc dubium, an non tenuior humor eadem ratione impelli possit? 486. inmissa in intestina aqua propulsa ad cisternam lumbarem. quomodo procedit. 487. cur plurimi, qui hoc tentavere operam perdidere. forte Et pelluciditas ipsorum vasculorum fefellit. 488. aliud experimenti genus quiete parium demonstrat bibere venulas. 489. in ventriculum caninum inmissa aqua transsudavit. 490. idem verum est in intestinis.*

465. **E**andem inhalationis rationem obtinent reliquæ epithelio testæ partes, œsophagus (177.), ventriculus (180.), intestina, (191.) &c.

466. In cœliacam etenim venam, quæ venæ portarum insignis ramus, injiciatur tepida aqua, quia nullæ in toto hujus systemate valvulæ, replebitur facillime totus ventriculus (ut 185.); aquâ ex ramis majoribus gastricis in minores, tandem in minimas, & ex his patulis in ventriculi cavum exeunte; sic totus elui, & purgari potest ventriculus, per hanc venam solum.

467. Eundem obtineo successum immit-  
tendo ceram; impletur enim totum syste-  
ma venosum, & abrupta, colorata, cera,  
ob late - patentia venularum bibularum  
oscula, in cylindros acta, invenitur in  
ventriculi cavo eâdem ratione, ac de ar-  
teriis dictum antea (186.): hinc ex his (466.  
& 467.) discitur facile, & venas suis osculis  
aperuis patere in cavum ventriculi; & in  
villis ordinari; ut arteriolæ (182.).

468. Cumque venæ hæ (466.) resorbeant:  
altera patet ratio, cur a spirituosissimis assumptis  
temulentia (446.), antequam ad vasa la-  
cteâ (479.) potus assumptus pervenit, & ex  
iis per ductum chyli ferum sanguini misce-  
tur? ut & statim ab ingestis cibo & po-  
tu, cur reficiatur homo? resorptu scilicet  
tenuioris ex ipso ventriculo per hæce ve-  
nas (468.), quæ statim in portarum ve-  
nam se exonerant, & hæc per hepar in  
cavam, quæ mox in cor fertur. ἡ γὰρ αἱ  
φλέβες ἐκ τῆς νηδύος τῶν ἐντέρων, εἰς τὴν συλλέγουσαν τὰ  
σιτία καὶ τὰ ποτὰ, ἐπειδὴν θερμανθῇ ταῦτα, ἔλκυσ-  
τὸ λεπτότατον καὶ τὸ ὑγρότατον. Venæ etenim ex  
ventre, & intestinis, in quibus colligitur cibus  
& potus, quando incaluerint hi, trahunt te-  
nuissimum & liquidissimum. Hipp. de Prin-  
cip.

469. Pulchrius hoc docet ad oculum se-  
quens experimentum. Canis, post mor-  
tem

tem statim, incidi & aperui thoracem, & abdomen; mox per œsophagum premento leniter ventriculum, evomere contenta omnia feci. dein inmissam puram aquam tepidam, movendo lenissime ventriculum, vidi a venulis bibulis illam resorberi, ingredi venas gastricas majores, & diluere sanguinem, qui in iis continetur; atque per majores & majores, tandem portarum venæ tradi, & ex hac per Epar venæ cavæ reddi eandem; quæ mox surgebat valde, ut & sinus atque auricula, ipseque ventriculus cordis dexter.

470. Tum ligatam cordi proximam venam cavam, infra ligaturam, longiori vulnuscule incidi; & mox quâ datâ portâ exiit ex eo, per aquam a tergo prementem, in fœctus sanguis: post hunc diluta cum sanguine, tandem pura, aqua; tædioso labore, per horas, lenissime immittere aquam, & premere ventriculum, continuavi; donec pallerent omnia vasa, sanguine orbatâ, per resorptam aquam.

471. Negato autem reditu aquæ per œsophagum, premebatur ea pro parte per pylorum in intestina, hæcque replebat ita, ut coæctus fuero rectum intestinum abscindere, ex quo, post contenta, pura etiam exhibat. Partim autem ex illis resorbebatur a venis mesentericis, quæ mox portarum venæ dabant.



Hinc tandem ventriculus, & intestina, pulcherrime lintei instar, palleſcebant, e-  
par ipsum exſaugue reddebatur.

472. Hinc & idem hoc experimentum inhalantia docet intestina, quorum patulas venas demonſtrat in venam portarum in-  
jecta, intestina verſus, aqua: pulchrius  
cera, quæ, quem in ventriculo memoravi  
(467.), eundem hic præſtat eventum.

473. Inveniuntur enim abrupti cylindri  
ceracei, & quidem colorati, in cavo ho-  
rum, poſt injectam per venas ceram, unde  
& ſirigefacta eadem materies in vasculis,  
rigidos reddit villos, & ex ultimis vasculis  
egreſſura, eorum oſculis adhæret.

474. Idem perfecte in intestinis craſſis  
obtinet: aqua etenim vel cera per hæmor-  
rroidales venas injecta, eâdem prorsus ratio-  
ne in intestinorum cava exit; & venulæ ex  
intestinis craſſis, oſculis ſuis reſorbent, in  
vivis, ut ex tenuibus; niſi quod venulæ  
hæ pauciores, at ſimul & capaciores ſint;  
unde & reſorptio in vivis craſſior quidem,  
ſed & ſimul parcior, quia in ipsis hærent  
ingestorum ſucceſſive emulſæ, exhaustæ  
jam, & craſſiores particulæ; unde & in  
hiſce ſtercus aggeritur, notante Hippocrate  
de princip. τὸ ὃ λεππύτατον αἱ φλέβες ἐλκυσιν ἐκ  
τῆ νηδύος ἢ τῶ ἐν πύλων τῶ ἀνωθεν τῆ νηδύος, θερμαι-  
νομένων τῶ σιτίων. ἐπὶ τὸ ὃ πύλῳσι τὴν νηδύν ἐς τὰ  
κάτω

κατω' εντερον, συνερχοι, & κ' επ' εντερον. Tenuissimum vero venæ trahunt ex ventre & intestinis supra jejunum, calefactis cibis. ubi vero transferint jejunum, ad inferiora intestina, colliguntur, & stercus fit.

475. Subtilissimus vero Ruyschius docuit ex intestinis hauriri præterea tenuissimum liquidum a venulis, quæ confluentes sine valvulis, inseruntur ipsi venæ cavæ; summoque artificio has replet & demonstrat, osculis patentes innumeris; imo vero mesentericis venis haud pauciores; talia præparata intestina sæpius examinavi, quæ servat in thesauro suo anatomico Clarissimus Boerhavius; reponitur ibidem inter alias, quæ diversâ methodo inpleta intestina servant, lagena in liquore continens jejuni adulti frustum, secundum longitudinem dissectum, auro pretiosius, ubi stupendâ, & forte inimitabili arte, senex Ruyschius triplicia vasorum genera implevit, arterias scilicet & venas mesentericas ad oscula ultima, quibus in intestinorum cavo patent, sed & simul illas venas injecta cera visendas præbet, quæ osculis suis patulis, ex iisdem haustum liquidum cavæ reddunt: unde quâ parte videas, vasa rigent in villis, & ne acus minimæ cuspidem poneret, ubi cera haud hæret in vasculis.

476. Si vero illuminatum solis radiis  
hoc

hoc summum injectoriarum artis specimen conspicias armato oculo, omnia vascula intorta leniter, minima, patentia, & ex ultimis subtilissimis osculis, quasi evomitura vides ceram nudam, coloratam, pulchram.

477. Cumque venarum patularum actio sit externa, inhalatio, interna, resorptio, facile concludimus, & has venas, ut mesentericæ resorbent, assumere crassiorem chyli partem, quam quæ venas ingredia-  
tur lacteas.

478. Quomodo autem venæ mesentericæ ultimæ, patulæ bibant, demonstrat facile aqua; hanc enim sæpius in intestina inmissam, ex iis per mesentericas in portarum venam, & ex hac per epar in venam cavam propulsi; dum intestina in corpore, integra, mesenterio annexa, aquâ impleta premebam lenissime, imittendo motum illorum peristalticum in vivo. Nec dubito, quin eadem ratio obtinet in iis, quæ cavæ directe implantantur (475.).

479. Præter has venas, lacteæ dictæ, vel Asellianæ ab inventore, bibunt osculis subtilissimis subtilissimam chyli partem.

480. Hæ Anatomicis vix demonstrantur, nisi lacte turgeant. Tales mihi, demonstrabat Clarissimus & vere Dexterri-  
mus

mus Anatomicus Albinus, ob publica, & privata in ostendendis anatomes partibus, collata opera nunquam non colendus, in cadavere robusti, suspensi, ubi copiosissimæ erant conspiciundæ, raro tam pulchre observandæ, vel usquam vix bene delineatæ.

481. Subtilissimus tamen Ruyschius, in omnibus citandus, juvenis dum anatomicis tanto fervore deditus erat, curante artifice summo Mussenbroekio patre subtilem adeo, tubulum inmittebat dexteritate suâ in vasa lactea ita, ut inflaret, exsiccaret, & demonstraret ea, cui encheiresi postea, dum tardior Optimum Virum premebat ætas, imparem se ipse fateatur, præteritorum annorum & laborum memor, & lætus.

482. Attamen evacuata vasa lactea, dum vestigia tantummodo supersunt, posse resuscitari, impleri, & demonstrari, docebit sequens casus, qui viam stravit, sæpius deinde repetendo eodem experimento.

483. Canem horas post pastum tres incidebam abdomen, elevato & reclinato omento, ventriculum & intestina satis turgida & impleta inveniebam: examinanti autem mesenterium, ea copiâ, quâ tunc in conspectum venire solent, haud occurrebant lactea: sumebam ergo, elevato prudenter ventriculo, jejuni intestini portionem inter  
pol-



pollicem & indicem utriusque manus ita interceptam, ut, qui continebatur eo spatio, chylus nec sursum, nec deorsum dilabi posset; dein sic movebam, ut pars intestini, quâ mesenterio annectitur, expanderetur, adeoque vasculorum lactiferorum oscula aperirentur; premens & comprimens ita intestinum, ut quodammodo redintegraretur peristalticus motus.

484. Tandem gaudebam jucundissimo spectaculo; conspiciebam enim magis & magis, quæ latebant prius, vasa lactea prodire: imo & eadem facile prosequabar ad pancreas Afellii usque, oculo nudo, microscopium enim obfuscatur exhalante ex abdominalibus vapore, de quo postea; in recens etenim mortuis, & calidis adhuc animalibus experimentum procedit tantum, cum cæterum frigore contrahantur oscula lacteorum minima.

485. Cum autem viderem, in demortuis me ex intestinis in vasa lactea inprimere, & per ea promovere chylum; hærebam, an non tenuiorem aquam impellere possem?

486. In alio cane ergo calido & semivivo aperto, in jejunum inmisi tepidam, atque eâdem prorsus ratione movi, dum chylo distincta lactea adhuc erant. vidi primo magis & magis disparere colorem lacteum,  
 aquâ

aquâ chylum diluente, & ad pancreas Afellii eundem propellente: atque diuturnâ & prudenti propulsione, tandem ita implevi hæc purâ, ut purgarentur vascula a chylo, quæ tandem vix, nisi microscopio apparebant pellucida, nec a pellucido & tenuissimo mesenterio, nisi umbrâ quâdam, distinguenda: sic profectus sum ad cisternam lumbarem usque.

487. Gnarus sum; omnes fere, qui tentare liquorem in vascula lactea impellere operam perdidisse, sese fateri: coloratum liquidum nimis forsan adstringit, & crassius est: nec utendum vi, sed lentissime procedendum: dubito præterea, si aquâ tentaverint alii, an non fefellerit horum vasculorum pelluciditas, quâ, uti memoravi, vix a tenuissimâ, pellucidâ, mesenterii membranâ distinguuntur, quæ tamen duplex, intermediâ cellulosâ jungitur, per quam hæc, & reliqua vasa mesenterica proserpunt.

488. Est & aliud experimenti genus, quo quiete partium demonstratur facillime, bibere venulas ex omni ventriculi & intestinorum cavo, patulis suis osculis subtilissimum liquidum, idque reddere majoribus.

489. In ventriculum caninum, & in ovinum ligato pyloro, per œsophagum in-

missi tepidam aquam; dein & hoc orificium ligavi, sicque suspendi: paulo post, non modo in omni superficiei externæ puncto sudabat ventriculus, verum inplebantur venæ minimæ, reddebant resorptam aquam majoribus gastricis venis, tam superne, quam inferne, ventriculum coronantibus.

490. Idem tentatum experimentum in intestinis in corpore integris, perfectè eundem præstat effectum: sudant etenim per ipsos poros, qui sunt vasorum ultimi fines; (de quibus in sequentibus, quibus demonstraturi sumus, omnes partes corporis, quatenus ἐν ταῖς κοιλίαις ab aëre remotæ hærent, ἐκπνοῶσας ἢ εἰσπνοῶσας.) Sed & simul vasa mesenterica trahunt ex ipso intestini cavo copiam satis notabilem inmissæ aquæ.

## CAPUT VIGESIMUM TERTIUM.

491. *Aërem attingunt vesica urinaria, & pudenda.* 492. *ut arteriæ exhalantes, ita venæ inhalantes in vesicâ disponuntur; resorbent hæ.* 493. *pudenda inhalare docet absentia humidi, exhalantis omni momento; & infectio venerea.* 494. *idem in aliis partibus epithelio tectis patet.* 495. *uterus in non gravidis aërem attingere potest. inspirat.* 496. *an alia via inhalationis est, quam*  
per

*per venas? an glandulæ inspirant? veterum de hisce opinio. 497. quomodo inspirantes cryptæ sunt. 498. an præter venas pori dantur? an pinguiferi ductus sunt itidem inhalantes? an nervi exhalant? quænam id docere videntur? 499. ut exspiratio mutata corpus afficit, ita inspiratio bona vel mala mutat & a vegetabilibus refectio. 500. ut vegetabilia inficiunt, ita infectus homo miasmate exhalante in aëra, nocet. 501. homo ex homine spirat; inde refectio. 502. & infectio 503. observatio, quod a disperso veneno infectio. 504. idem in brutis obtinet. 505. animal trahit ex homine. 506. homo ex animali. 507. venenum dispersum per aëra diversum est. patet ex peste homines, & boves inficiente diversâ. 508. facit huc humorum recipientium diversitas. 509. & natura in hominibus diversa.*

491. **Q**uas præterea ab aëre externo tangi, vel attingi posse diximus, partes sunt vesica urinaria, & pudenda epithelio tecta.

492. Uti in vesicâ urinariâ exhalantes exhibui arteriolas ultimas (210.) in villis locari; ita & venulæ eâdem prorsus ratione dispositæ resorbent, non tantum, quod ab arteriis adlatum superfluit, verum & simul, ut suspicor, urinæ partem



tenuissimam, subtilissimam, aquosam; quæ una ex causis videtur, quæ urinam stagnando acrem, falsiorem, parciolem reddunt; in renes enim blanda fecernitur.

493. In viris glans penis, præputium, urethra; in fœminis vagina, totumque pudendum inhalant; docet, ut reliquarum partium analoge, ita & humidum omni momento secretum novum, in sanitate, certâ tantum quantitate præsens: omnium vero clarissime demonstrat hoc, ut in naribus (451.) dixi, infectio. Impuri scortici venenum venereum in coitu affricatur penis glandi, resorptum per patulas venu-las virus sanguini datur, illi permiscetur, & pessimam luem creat. Sana fœmina cum infecto mœcho rem habet, miasmata venerea una cum semine recipit, sanguini hæc traduntur sano resorpta; & illa gallico morbo laborabit.

494. Idem in aliis partibus epithelio tectis efficit aphrodisiaca inquinatio; basia impura totum os, linguam, palatum, fauces, afficiunt, dum in salivâ hærens subtile venenum communicatur, resorbetur, & ulcera facit, quæ postea per œsophagum, ventriculum, & intestina proserpunt, maligna.

495. Uterus in non gravidis aërem attingere potest. in gravidis clausus est.

Ὁκόσῳ ἐν γαστρὶ ἔχουσιν, ταπεινὸν τὸ σῶμα τῷ ἰσχυρῶν

ρέων συμμέμικεν. *quæ in utero ferunt, illarum uteri os connivet. id est: clauditur.* Hippocr. aphorif. 51. sect. v. Uterum ut expirantem ex ipso Hippocrate demonstravimus (199.): ita & inspirans ex eodem apparet: sect. v. aphorif. 59. Γυνή ἢ μὴ λαμβάνῃ ἐν γαστρὶ, βάλῃ τὴν εἰδέναί, εἰ λήψεται, καλύψας ἱματίοισι θυμίαν καὶ τὴν κλῆνιδὴν καὶ μὴ πρόσθεν αὐτῆς δοκέῃ, ἢ ὁδμὴ διὰ τοῦ σώματος εἰς τὰς ῥῖνας ἢ εἰς τὸ στόμα, γίνωσκε, ὅτι αὐτὴ οὐκ εἰσὶν ἐμὴ. *Mulier si utero non concipiat, si scire velis, an conceptura sit, vestibis circum obvolutam subter suffito. Et si quidem transire tibi videatur odor per corpus ad nares & ad os, scito, quod illa non per se sterilis sit. docent idem facile venæ, quæ, ut arteriæ, in utero hiant.*

496. Est ita totum corpus aërem tangens inspirans, ut expirans. An vero nullæ aliæ dantur viæ inhalantes, quam venæ bibulæ? Hippocrates lib. de glandulis, fere ubique illas attrahere dicit ex omnibus partibus: καὶ νέμονται αἱ αἰδέρες ἐν τοῖσιν ἐντέροις ἐκπιεζόμεναι τὸν πλάκον. *Et pasuntur glandulæ in intestinis, inbibentes humorem superfluum.* Verum hæc sententia veterum est, qui putabant, ideo ad vasorum divaricationes glandulas poni; ut, quod humidi superfluum est, emulgerent ex sanguine; hinc emunctoria dixere: inde & di-

cit Hippocrates, glandulas in corpore plures five majores, ἐν τοῖσι μεγάλαισιν, ἢ ἐν τοῖσιν ἄρθροισι, ἢ ὅσας ἐν τοῖσιν ἄλλοισιν ὑγρὴν δὲ καὶ τὰ αἱματώδεα χωρεῖα. in cavitatibus, in articulis, & in aliis locis, ubi humidum, & ad loca sanguinolenta. de gland.

497. At vero ita sunt in omnibus partibus inspirantes folliculi, five cryptæ, quatenus humoris ab arteriis depositi (218.) tenuissimam partem resorbent (219.). an vero & simul ab externis quid, quod folliculum cavum ingreditur? est tum iterum inhalatio per venulas (422.).

498. An dantur præterea poruli inhibentes præter vasa? an ductus pinguiferi exhalantes (298.) habent sibi respondentem inhalantes? an nervi exhalant extrorsum suum humorem? Certe hoc videtur docere illorum numerus, spiritus, & lassitudo partis vel totius corporis, si diu agunt. an hisce respondent venulæ nervosæ extus patulæ?

499. Et ut exspiratio in parte vel in toto impedita, aucta, vel imminuta totum afficit corpus; ita inspiratio ipsi grata illud læte commovet, vel tetra inficit. Vegetabilia dabunt exemplum; morosum hypochondriacum, sibi & aliis molestum & mæstum oblata matutina læto vere suaveolens rosa, nolit, malit, reficit & exhilarat.

rat. Truncus sambuci florentis aquæ frigida inpositus, suaveolentes particulas omni foliorum superficie exspirans, demulcet incensum fere aërem in febre ardentissimâ, & inde reficitur æger anhelans.

500. Et ut œnanthe infestâ suâ mephiti valentis hominis sanos inficit spiritus, dummodo venenatæ exhalantes particulæ corpore recipiantur: ita & suis meteoris inquinat, ubi decumbit, homo infectus aërem. Variolis laborantem invisit sanus amicum, nec qui unquam illas passus est; domum vix redux, horret, riget, acute febri- citat, calet, conqueritur de dolore capitis, dorsi, artuum, maxime circa partes cordis scrobiculo subjectas, vomit, nauseat inquietus, stupet somnolentus, denique variolat. Idem verum est de peste, quæ sanissimos facillime inficit: ejus miasma, quæ vix centesima grani sabuli pars est, prius per aëra dispersum inhalat homo euchymus, tota mutatur sanguinis massa, & is peste decumbit.

501. Imo vero homo ex homine trahit, inde reficitur, & ægrotat vicissim. Strenuo nuper, jam decrepito Davidi, & effœto, Sunamitica ad pedes decumbit virgo pulcherrima; redit Heroum quondam fortissimo Israëlitarum prioris virtutis vis, & specimen. Hæc observatio est certissima. Una



cum protervâ Lalage tremula decumbit  
ava; exsucca anicula arido corpore trahit  
humores juveniles, ut expressa spongia ma-  
didæ apposita; virgini languenti perit dulce  
loquens, dulce ridens illud, quod Hora-  
tium urit, ut extra terminos ipse vagatus,  
sylvâ in Sabinâ, cantet amores.

502. Lue laborantis venereâ calida fu-  
dans manus arrepta, vel cum infecto de-  
cubitus iisdem sub stragulis, sanum dicitur  
affecisse insons corpus. idem, ex uno in  
alium translata, docet pruriens scabies.

503. Narrat Celeberrimus Boerhavius in  
collegio Practico, acceptum ab amico;  
Venetiis (ni fallor) omni anno, sumptibus  
publicis, lue infectos sanari pauperes: ibi-  
que cum plurimi unâ decumbant camerâ,  
exhalare tantum veneni per aëra dispersi,  
ut intrantes, & paululum morati, inhalan-  
do inficiens, tumida accipiant labia. hinc  
& in curandis istis morbis, semper sibi ca-  
vent Medici.

504. Et ut in hominibus, ita hoc in bru-  
tis verum est. Equus tussi laborans anhelâ  
adstantes constabularios asthmaticos red-  
dit: bos peste inquinatus, stabulum intrans,  
reliqua inficit jumenta.

505. Trahunt & animalia ex homine.  
Canis podagrâ laboranti ad pedes dormit:  
hic, qui paulo ante mortem dolore præopta-  
bat,

bat, podagrâ liber irridet in gyros versum canem, & latratu suo dolorem, quem attrahit, ejulantem.

506. Spirat & homo ex animali. Rabioso cani datum osculum, ejus attactum; furentis animalis spumam, sive recens, sive exsiccata jam fuerit; contactum instrumenti, quo diu ante occisum animal est; morsum tantum vestes penetrantem, contagium veneni transtulisse, observatores narrant. solum halitum canis rabidi infaustum homini, affirmat Aretæus Cappadox.

507. Quod per aëra dispergitur, venenum τὸ θεῖον Hippocrati dictum, indole videtur, & figurâ maxime esse diversum. Pestis est, quæ jumenta ægrotare, homines liberos reddit; & contraria huic alia homines afficit, bubus parcit. Peste laborantibus bobus operam præstat, noctesque diesque cum iis versatur bubulcus, & manet ab omni contagio liber. διαφέρει σῶμα σώματι, ἢ φύσις φύσι, ἢ τροφή τροφῇ. ἔτι πᾶσι τοῖσιν ἔθνεσι τῶν ζώων ταυτὰ ἔτ' ἀνάρμοστα, ἔτ' ἀάρμοστα εἰσιν, ἀλλ' ἐπεὶ ἐτέροις ξύμφορα· ὁπόταν μὴ ἔν ὃ αἷρ τοιαύτοις ἀληθοῦς μιάσματος, αἰ τῇ ἀνθρωπίνῃ φύσει πολέμια εἰσιν, ἀνθρώποι τότε νοσέουσιν. ὅταν δ' ἐτέρῳ τινὲ ἔθνει ζώων ὃ αἷρ ἀνάρμοστον ᾖ, τὸ νέσσημα κείνῳ νοσέουσιν. Differt corpus a corpore ἔξ natura a naturâ, ἔξ nutrimentum a nutrimento. Non enim omni ge-


*neri animalium eadem non congruentia, & bene congruentia sunt. sed alia aliis conducibilia. Quando igitur aër ejusmodi plenus inquinamenti est, quæ humanæ naturæ infesta sunt, homines tunc ægrotant. quando vero alii generi animalium aër incongruus est, tum morbo illa laborant. Hipp. de flatib.*

508. Nec minus huc facit humorum recipientium diversitas: qui semel variolis laboravit, inter mille variolosos tuto verfatur: in eam scilicet mutati sunt ejus humores diathesin, ut receptum venenum facillime subigant. idem verum est in peste: hinc ubi illa grassatur jumenta afficiens, duplo pretio venduntur boves, qui illâ laboravere. qui morbo gallico laborant homines, a peste immunes observati fuere.

509. Sed & ipsa natura diversa in diversis hominibus plurimum huc confert; in uno enim superat venenum, in altero superatur ab eodem. Secum in lupanar ducit macilentus Hispanus obesum Teutonem, scortum inter se communicant; ille liber evadit, hic ad ossa usque corrumpitur. Sunt qui in peste sævissimâ versati cum infectis, liberi manent. Alii totâ vitâ variolis non laborant, licet iis decumbentibus opem ferant. Aër ficcus est amicus uni, alteri nocet, ambo cæterum sani sunt. idque ubique obtinere Ἰδιουγενε-  
σι.

ita docet, ex quotidianâ observatione.

## CAPUT VIGESIMUM QUARTUM.

510. *Inspirationem ubique docet Hippocrates, & illa, quæ externe applicata eam promovent.*  
 511. *Scivit diversam esse per epidermidem & per epithelium inspirationem.* 512. *quid Hippocrates per ποφὴν πνέματι*  *intelligere videtur.* 513. *Quid per ἀπὸν ἀγπνοὴν.* 514. *triplex statuit alimentum; cibum, potum, aërem.* 515. *Scivit Hippocrates particulas inspiratas mutari in corpus inspirans.* 516. *Scivit partes externas minus assumere, quam internas.* 517. *Emphasis Hippocratis.*

510. **U**t expirationem, ita & inspirationem Hippocrati fuisse cognitam, quatenus aërem attingit corpus externum, docent omnia fere ejus opera; inprimis vero liber de Diætâ, & de Humidorum usu; ubi omni fere loco humectandum, refrigerandum corpus, & calefaciendum, jubet: hisce balnea, fomenta, linimenta, inunctiones, lavacra frigida, calida &c. commendat. de alimento aphor. ix. inquit Φύσις ἐξαρκέει πάντες πάσιν. ἐς ἣν ταίπῳ ἐξωθεν μὴ κατὰ πλάσμα, κατὰ χεῖρμα, αἰεῖμμα, γυμνότης ἢ σκεπή, ὄλου ἢ μέρεσιν. *Natura sufficit per omnia omnibus. Huic*  
 vero



*vero extrinsecus quidem cataplasma, inunctio, illitio, nuditas & tegumentum, totius & partis.* Sunt hæc ea, quæ ex Bellino diximus, & Boyleo, de applicatione medicamentorum externorum (434. 436.), quod intrent nempe per cutis poros, usque in vasa sub cute, & ultra.

§11. Sed & innotuit Hippocrati diversam inspirationem esse, quæ fit per epidermidem (422.), ab illâ, quam epithelium (440.) patitur: in hoc etenim resorptio obtinet simul (440.). Hinc de alimentis aphor. XVII. *πνέμων ἐναντίῳ σώματι τροφὴν ἔλκει. πὰρ δὲ ἄλλα πάντα τὸ αὐτὸν. Pulmo contrarium corpori alimentum trahit. omnia autem alia idem.* Est etenim, quod pulmo attrahit, aër; reliquæ vero corporis partes alio sustententur alimento, quod ingestorum ultimum elaboratum liquidum. inde eodem loco addit *ἄρχὴ τροφῆς πνεύματι ὅλης* (449.), *σώμα* (443.), *βρόγχος* (442.), *πνεύμων*, (452.), *ἢ ἡ ἄλλη ἀσπνοή.* Principium alimenti spiritus, Nares, Os, Guttur, & alia Transpiratio.

§12. Nec dubito, quin per *τροφὴν πνεύματος* intelligat Divus senex illas particulas, quæ in aëre volitant nutrientes, quarum accipiendarum prima & principia organa sunt, quæ enumerat *nares, os, fauces, pulmones*, hæc autem sunt, quæ demonstravimus

vimus (115. 116.) aërem accipere, omni momento novum, & emittere in aëre inquinatum; quam vero addit, *alia Transpiratio* mihi quidem videtur illa esse, quæ per exteriorē corporis ambitum, per cutis poros attrahitur *τρυφή πνεύματῶδης*: vel saltem illius, hæc præcipua pars est. addit enim mox eodem loco, aliud alimenti genus cibi nempe & potus, unde corpus sustentatur, & loca simul, quæ transpirantia prima illud accipiunt. *ἀρχὴ τρυφῆς ἢ ὑγρῆς ἢ ξηρῆς, σῶμα* (443.), *σώμαχος* (465.), *κοιλίη* (466.). *Principium alimenti & humidum & siccum, os, gula, & ventriculus.*

513. Hinc & cum duplicem ponat alimenti speciem, simulque diversa illa addat loca, per quæ hauritur; nulla ansa relinquitur, quin per *ἄλλην ἀρροπνοὴν* intelligat illam superficiem corporis, quæ, præterquam enumerat, aërem attrahit; & quænam quæso hæc alia est, quam epidermis? unde de principiis inquit: *πνεῦμα ἔλκον εἰσὶ πάν τὸ σῶμα*. *Universum corpus spiritum intrahit.*

514. Hinc & triplex alio loco vocat hoc alimentum: tumque *ὑγρὴν, ποτὰ; ξηρὴν, σίτοι* appellat, *τὰ γὰρ σώματα τῶν τε ἀνθρώπων ἢ τῶν ἄλλων ζώων, ἀπὸ τελευσέων τρυφῶν τρέφονται ἐς τὴν τρυφὴν ταύτην τὰ ὀνόματα, σίτα, ποτὰ, πνεύματα*. *corpora enim tam hominum,*  
*quam*

*quam animalium a tribus alimentis aluntur, sunt vero hisce alimentis hæc nomina, cibus, potus, spiritus; De flatib.*

515. Sed nec nescivit Hippocrates particulas aeris, cibi, & potus, inspiratas, subactas, mutari in corpus inspirans ipsum: id de alimento docet, aphor. XII. ἐξωθεν τροφή ἐν τῷ ἐσχάτῳ ὀμφανείῳ ἐνδοτάτῳ ἀφικνέεται. *externe alimentum a superficie externa, ad interna pervenit. & ibid. ἐξ ἐσχάτου μέρους εἰς ἀρχὴν μεγάλῳ ἀφικνέεται. ab extremâ parte ad principium magnum pervenit. ita & in ipsis dentibus fieri, affirmat de princ. καὶ οἱ μὲν πρῶτοι ὀδόντες φύονται ἀπὸ τῆς ἀμνίτιδος ἐν τῇ μήτρῃ καὶ ἐπὶ γενήται, ἀπὸ τῆς γάλακτος θηλαζόντι τῷ παιδίῳ. Et primi quidem dentes nascuntur a vietu in utero, & ubi natus est, puero matris sugenti a lacte. καὶ ἡ τροφή ἐπειδὴν ἀφίκηται, ἑκάστον τοιαύτῳ ἀπέδωκε τὴν εἰδέῃ ἐκάστου, ὁκοῖαπερ ἔστω. alimentum vero postquam pervenerit, talem unamquamque speciem imprimit unicuique, quale illud ipsum fuerit. ibid.*

516. Sed & cognovit Hippocrates partes externas minus assumentes, quam internas, ob foramina magis contracta; de locis in homine dicit. ἐκτὸς μᾶλλον ἢ ἐντὸς στερώτερον τὸ σῶμα, καὶ σενωτέρας ἀκατέχουσας ἔχει. *extus magis, quam intus solidum corpus, & solidiores meatus habet. hoc est, quod ante (107.) diximus, semper sudorem esse, ubi*  
epithe-


epithelium: dum ubi epidermis, vitio vasorum, vel motu aucto, tantum (107.) adest.

517. Plura addere possem, ubique enim Hippocrates evidentissime hæc omnia demonstrat, nullâ fere paginâ exceptâ: sed ne longus esse videar, puto hæc sufficere, quæ demonstrant, per ἐμφασίν nec συνεκδοχικῶς dixisse Hippocratem, ὍΛΟΝ τὸ σῶμα εἰσπνῶν.

F I N I S.

PER.






# PERSPIRATIO

## HIPPOCRATI DICTA

### ANATOMICE ILLUSTRATA


### IN CAVITATIBUS INTERNIS.



#### CAPUT VIGESIMUM QUINTUM.

518. *Ut corpus extime, ita intime exhalat.*  
 519. *Ut corpus extime, ita intime inhalat.*  
 520. *Propositum hujus partis.* 521. *Emphasis Hippocratis spectat internas partes.* 522. *Hæ notantur ab Hippocrate.* 523. *Σάξες pro mollibus in corpore, usurpantur.* 524. *Pancreas inproprie dicitur, glandula ad ventriculum.* 525. *Quintuplex Veterum Caro.* 526. *Illam (525.) passim Hippocrates per Σάξας intelligit.* 527. *Σάξ pro toto corpore ponitur, quia pars ejus excellentissima.* 528. *Caro vocatur Hippocrati massa ex semine virili & sanguine menstruo, in utero.* 529. *Ex eâ (528.) omnes partes corporis fiunt. describit hanc ex abortu septem, & sex dierum.* 530. *Hominem nascentem ex ca-*  
 P lido

*lido & humido. & natum ex iisdem describit Hippocrates ordine. 531. Σαῖξ pro cerebro. 532. Pro membris, & visceribus ponitur. 533. Pro thoracis & abdominis continentibus. 534. Distinctio Hippocratica interne, & externe, perspirantium.*

518.  T corpus humanum, vivum, sanum, perpetuo perfusum est madore, qui omni in puncto, toto de corpore exhalat (1.): ita partes internæ ab atmosphæ-  
râ externâ remotæ, omni momento, versantur in latice, qui omni in puncto, ex iis assidue expirat.

519. Ut corpus humanum, vivum, sanum, perpetuo assumit omni in puncto particulas illud ipsum ambientes (421.): ita partes internæ ab atmosphæ-  
râ externâ remotæ, omni momento, laticem resorbent, omni in puncto, qui prius ex iis erat emissus.

520. Exhalationem & Inhalationem externam ut in parte primâ exhibui; ita in secundâ easdem in interioribus demonstrare conabor. Et quidem, ut in illâ (9), ita in hac (518. 519.), observationibus & omni experimentorum rite institutorum, quæ cepimus, eventu illud firmabimus: Tumque ex effatis ipsius Hippocra-  
tis,

tis, passim allegatis, elucidare hoc conabimur.

521. Primâ parte jam notavi, Hippocratem per ἔμφασιν loqui, dum dicit ὅλον τὸ σῶμα (8.), quodque per illud intelligat omnes omnino partes, quæ corpus constituunt. Extimas, ut spero, demonstravi exhalantes & inhalantes ex Hippocrate: Supersunt ergo illæ *Universum corpus* constituentes, quæ in interioribus hærent.

522. Has autem (521.) ab Hippocrate itidem notari, pulchre docet dictum ejus, quod eodem loco, Epid. Lib. VI. Sect. vi. præcedit: Σάρκες ὀληθῆ, καὶ ἐκ κοιλίης, καὶ ἔξωθεν, δῆλον ἢ αἰσθησις, ὡς ἐκπνοον καὶ εἰσπνοον ὅλον τὸ σῶμα. *Carnes attractrices ex cavitatibus, & extrorsum, manifesta perceptio, quod exspirans, & inspirans Universum corpus.*

523. Σάρκας etenim prisca Anatomici dicebant omnia illa in corpore, quæ mollia tactu sunt. Organicas partes vocabant & viscera, Κρέατα, Σάρκας, Παρέγχυμα; quarum illi fabricam ignorabant, quamque nos hodie, feliciori seculo, curâ & arte detegentium, maximam partem, novius esse vasculosam.

524. Sic glandulam magnam conglomeratam, inter duplicatum omentum, ad fundam ventriculi sitam, altero vero crure



inflexam, & duodeno appositam (294), πᾶν κρέας vocavere: quæ adhuc hodie perperam, sub eodem nomine cognoscitur.

525. Statuebant autem veteres quintuplicem carnem; *Musculosam* scilicet, quam & *Fibrosam* Galenus vocat, quæ & hodie Caro proprie dicitur. Secundo, *Viscerosam* numerabant, quæ παχύχυμα Erisitrato vocatur, vel affusio sanguinis: Sanguinem enim putabant affundi vasis externe, concrescere, & quæ spatia inter ea sunt, implere. *Epar constare fabricâ, nuper concreto sanguini simillimâ, & vasis affundi*, affirmat Vesalius. Hinc in fœtu candidum illud dicebant, quia nondum affusus sanguis est: hæc *Caro simplex* dicitur Galeno, vel *Similaris*; ejusmodi substantiâ Epar, Lienem, Renes, imo ipsum Cor constare, rati sunt: licet muscolum fortissimum illud jam pronunciaverit Hippocrates; cuius affirmat sententiam Stenoniana dexteritas, in fibris ejus dissolvendis. Tertiam pronunciabant Σάρκωσιν ὁσφύωσιν, sive *Membranosa*; qualem in Oesophago, Ventriculo, Intestinis, Vesicâ Urinariâ, Utero &c. dicebant *Quarta* vero ipsis caro *Glandulosa* vocabatur. *Quintam* addit Galenus in Ossibus.

526. Ita etiam Hippocrates plurimis locis, per Σάρκωσιν, non proprie dictam *Musculosa*

*Iofam* carnem intelligit tantum; sed uno loco *Viscerofam* notat; de aliment. aph. iv. alio loco *Glandulofam*, licet dicat: ἔστιν ἔτε Σαρκία ἡκελα τῷ ἄλλῳ σώματι. *Sunt earum carnosâ dissimilia reliquo corpori.* Totus præterea Liber, quem περὶ Σάρκων descripsit, non est de Carnibus propriè dictis tantum: verum ibidem exponit omnia, sub eodem nomine, oriunda ex semine, & sanguine menstruo, quæ corpus constituunt univèrsū.

§ 27. Ponitur \* Σὰρξ pro toto genere partium humani corporis Hippocrati propterea,

\* Σὰρξ in sacrâ Scripturâ sumitur pro toto homine: ἔσονται δύο εἰς σάρκα μίαν, *Erunt duo in carnem unam.* Lib Genes. Cap. 2. Sic etiam Joann. Cap. 17. v. 2. σάρκα hominem nominat. & Matth. 24. v. 22. οὐκ ἂν ἐσώθῃ πᾶσαι σὰρξ, *nequaquam servata fuisset omnis caro.* Pro corpore, legitur in selectis Sent. Epicuri, τίλ' γὰρ σάρκα τὸ παρὸν μόνον χηματίζει, ἢ ἡ ψυχὴ καὶ τὸ παρελθὸν καὶ τὸ παρόν. *Corpore quidem præsens solummodo tangere, animâ vero & præteritum & futurum* ubi σὰρξ τῇ ψυχῇ opposita, totum corpus significat. Hinc Cicero l. de finib. *Nam corpore nihil, nisi præsens, & quod adest sentire possumus, animo autem & præterita & futura.* Sed & contra, apud Ciceronem corpus pro carne sumitur, in Epist. *Si vires, inquit, & corpus recuperavero.* Σὰρξ κοχλὶς est, *Callus Limacis.* Hermolaus Lib. 1. Dioscorid. Cap. 80.

ea, quod species excellentissima, fulcrum & tegumentum reliquis partibus præbet, quam facultas formatrix dearticulat, donec omnia ex massâ virilis seminis & mulieris sanguinis menstrui conflata, figuram acquirant.

§28. Hoc (§28.) docere videtur de Ætate, ubi dicit, quod meretrices publicæ, cum viro re habitâ, & ex eâ gravidæ factæ, mox conceptum in se perimant. ἐπειδὴν ἤδη Δραφθαρή, ἐκπίπῃ ὥσπερ Σάρεξ. *Postquam vero interemtus est, excidit veluti Caro.* Et de naturâ pueri, postquam ex psaltriâ abortum descripsit; explicat, quomodo ovum fœcundatum augeatur, crescat ex sanguine materno in uterum descendente; quomodo membranæ circumtendantur: tumque addit: Ὁκέταν ἤδη τῷ γένει, καπνόντ' αἷματ' ἀπὸ τῆς μητρὸς, καὶ πηγνυμένης, Σάρεξ γίνεσθαι. *Postquam vero hoc factum est, sanguine a matre descendente & concrecente Caro gignitur.*

§29. Atque ex carne illâ, sive massâ molliori, quod ovum fœcundatum est, nasci omnes omnino partes, quas postea sub nomine Σαρκῶν comprehendit, facile ex iisdem citatis locis patet. De Ætate enim pergit: Ταύτῃ τῇ σάρκει ἐς ὕδωρ ἐμβαλὼν, σκεπτόμενος ἐν τῷ ὕδατι, εὐρήσεις ἔχειν πάντα μέλεα, καὶ τὰ ὀφθαλμῶν τὰς χώρας, καὶ τὰ ὦτα, & τὰ γόνατα καὶ

ἢ τῶν χειρῶν οἱ δάκτυλοι, καὶ τὰ σκέλεος, καὶ οἱ πόδες, ἢ οἱ δάκτυλοι τῶν ποδῶν, ἢ τὸ αἰδοῖον, ἢ τὸ ἄλλο πᾶν σῶμα δῆλον. Hanc carnem in aquam injiciens, examinatum in aqua invenies habere omnia membra, & oculorum regiones, & aures, & brachia. Et manuum digiti, & crura, & pedes, & digiti pedum, & pudendum, & reliquum universum corpus, conspicuum est. Estque accurata hæc descriptio ovi septem dies fœcundati, quo tempore carnem omnium membrorum vestigia habere dicit, ibid. in initio. hæc tamen non, nisi per aquam intermediam lineamenta tenuissima quasi incrassantem (uti Alex. Aphrod. Lib. 1. Probl. 36. docet) conspici posse, ibidem pulchre explicat; vocatque hic Σάρκιν ἐπ' αἵλῳ; quod de Nat. pueri γονῶν \* ἐκταίλῳ genituram sex dierum dicit.

530.

\* Macrob. Lib. 1. Saturn. ἐπ' αἵλῳ legit. quoniam Hippocrates, γονῶν describit perfecte eandem ex Psalteriâ, quæ consciâ herâ amplexu virorum utebatur, & gravida facta ex instituto Hippocratis, ex alto desiliens, septimo repetito saltu, abortit, quam Σάρκιν ἐπ' αἵλῳ de Ætate dicit. Galenus vero de Form. fœtus & Lib. de Semine & Initio Lib. 2. de Facult. citans hunc locum Hippocratis, ἐκταίλῳ servat. Utrumque rectum videtur, cum sextus dies enim est completus, incipit septimus; adeoque coincidunt. Aristotel. Lib. 7. de Histor. Animal. Cap. 3. Quadragenario abortui tribuit ea, quæ Hippocrates Septemdiali.



530. Quomodo autem ex *Calido*, quod ipsi ἀθανάτον, *Immortale*, *Divinum* vocatur, ut agente & efficiente, & ex *Humido*, quod *Patiens*, quod *Materia* est, nata prima *Massa*, in utero materno augeatur, moveatur, expellatur, expulsa crescat, nutriatur, sana, ægrota, moriatur; a simplicissimis principiis ordine describit, ex masculâ, philosophicâ speculatione, brevissime: *Libris*, Περί Σαρκῶν sive Περί Ἀρχῶν. Περί Γονῆς. Περί Φύσεως Παιδῆς. Περί Ἐπαμύνης. Περί Οκταμύνης. Περί Ἀιῶνος. Περί Φύσεως Ἀνθρώπου. Qui se invicem ordine excipiunt; & eodem ordine nascentem, natumque hominem, pulchre explicant.

531. Lib. de Locis in Hom. inter præcipuas corporis partes, Caput, Ventrem, & Carnes numerat. ἡ κεφαλὴ τῇ κεφαλῇ, καὶ ἡ κεφαλὴ τῇ σαρτί καὶ τῇ κεφαλῇ. Venter capiti, caput carnibus, & ventri. (νῆσον ποιεῖ, morbum facit.) & quidem hoc loco per Σάρκα intelligere videtur Hippocrates ipsum Cerebrum: cum enim hoc loco συμπάθειαν partium doceat, quod ξύρροια μία, ξύμπνοια μία, ξυμπάθεια πάντων, confluentia una, conspirantia una, simul patientia omnia, dicit de nutritione: paulo post addit: αὐτὴ γὰρ ἡ ὑγρότης ἀπὸ τῆς κεφαλῆς ἀποφρασσομένη, ἐς τὴν κεφαλὴν ὡδοιπόρηται ἀθρόη· καὶ ἐς τὴν κεφαλὴν ἐπὶ τὴν ἀφίκησιν, ὁ χωρομένη ὑπὸ τῶν τοιχείων τῶν ἐν τῇ

κεφαλῇ, ῥεῖ ἢ ἂν τύχη, καὶ πέριξ τῆς κεφαλῆς, καὶ ἐς τὸ ἐγκέφαλον διὰ λεπτῶν ὁδῶν. *Hæc vero humiditas a ventre expulsa in caput proficiscitur stipata, & ad caput ubi pervenerit, non recepta a vasis in capite, fluit quocunque contigerit, & circa caput, & in cerebrum per tenue os. Cerebrum quoque per carnem intelligit de flatibus: Αἱ δὲ ἀπωληζίαί γίνονται ἐκ αὐτῆς διὰ τὰς φύσας, ὅταν γὰρ αἱ φύσαι ψυχραὶ ᾖσιν, & πολλὰς ἀφιδύωσι, & ἐμφυσήσωσιν ἐς τὰς σάρκας. Ipsæ vero & apoplexiæ fiunt a flatibus. quando nimirum flatus frigidi, & multi penetrent carnes.*

532. De Diæt. Lib. I. cap. VII. ubi hominis ortum in utero demonstrat, & de tribus periodis triplicis ignis agit; primum constituit in venis, in arteriis secundum, tertium in membris, quæ Σάρκας vocat, a specie externâ, quæ sub sensus cadit: sed & idem nomen dat visceribus internis. ὅπερ καὶ ὑπερτάτον ἔστι πρὸς, ἐν τέτοις τοῖσι χωρίοισιν, αἱ τινες φλέβες καλεῖται καὶ εἰς τὰ μέσα τέτων, τὸ ὑπερπρόμεινον ἔστι ὕδατος ξυμπίμεινον πήγνυται, ὅπερ καλεῖται σάρκες. *Etenim quod humidissimum in igne, in hisce locis continetur, quæ venæ cavæ appellantur. In medio vero illorum, quod relictum est aquæ, consistens accumulatur, atque vocatur, carnes. Alio vero loco corpus dividit in continentia,*

& contenta: continentia Σάρκες erunt; contenta, humores, spiritus.

533. De flatib. Carnes vocat, thoracem & abdomen cingentia. Διὰ τὸν (πνεῦμα) Διὰ τὸ σαρκὸς, περὶ πάντας ποτὲ μὴ πρὸς τὰ ὑποχόνδρια, ποτὲ ἢ πρὸς τὰς λαπαράς, ποτὲ ἢ ἐς ἀμφότερα. Penetrans spiritus carnes, cadit aliquando ad præcordia, aliquando ad Iliā, aliquando ad utraque. intelligit & per Σάρκα cutim ἐστὶ δὲ ἂν καὶ Διὰ τὸ κύστιδι διελθόντα, ἰκανώτερά τ' ἴδωσιν δηλώσιν ἐστὶν, ἢ Διὰ τὸ σαρκὸς ἐξίοντα. Sunt vero, quæ & per vesicam egressa, magis commode morbum ostendere valent, quam per carnes egredientia. De Arte. Nervos præterea, arterias, venas, totum denique corpus, ex carne constare, fere ubique affirmat.

534. Pulcherrima est itaque distinctio Hippocratica: Carnes attractrices ex cavitatibus, & extrorsum. Illa etenim docet duplex illud transpirandi genus, quod sæpissime jam notavimus interne & externe. Ex hac ergo & nos videamus, quomodo Σάρκες, sive partes molles, cavitates constituentes, & viscera contenta, omni momento, in cavitates sint expirantes, & ex iis inspirantes; idque iterum servando partium ordinem, & divisiones.

## CAPUT VIGESIMUM SEXTUM.

535. *Divisio corporis, divisio trunci.* 536. *Hippocrates corpus in tria cava dividit, quæ perspirant.* 537. *Idem in cavis minoribus affirmat.* 538. *Juxta has divisiones proceditur, ut continentia, & contenta demonstrentur perspirantia.* 539. *Observationes recensentur, quæ α. in capite. β. in thorace. γ. in abdomine, continentia exspirare docent.* 540. *Partes contentas perspirare docent observationes δ. in capite ε. in thorace ζ. in abdomine.* 541. *A morte ros colligitur in aquam versus η. in capite. θ. in thorace. ι. in abdomine.* 542. *Idem in partibus minoribus cavis, obtinet. κ. in ventriculis cerebri. λ. in pericardio. μ. in abdomine.* 543. *In iis a morte ros colligitur: apparet. ν. in cerebri ventriculis. ξ. in pericardio. ο. in abdomine.* 544. *Ros exhalat ex arteriolis.* 545. *Experimenta demonstrent.* 546. *In carotidem internam aquâ injectâ, pia mater sudat.* 547. *Quidnam demonstrat?* 548. *Oscula arteriarum ultima tantula, ut visum fugiant. quare?* 549. *Exhibetur cerebrum post aquam injectam.* 550. *Per aortæ truncum adscendentem aqua injecta pectus versus.* 551. *Quid in aperiendo; & in aperto thorace dat obser-*



*observandum? 552. Absterfa tumpleura & pressa, pulmo, pericardium, & mediastinum, sudant; & sponte. 553. Docet viam ex aortâ in thoracem patulam. 554. Majora sunt oscula arteriarum (553.), quam quæ (548.) notantur. 555. Per aortæ truncum descendentem, aqua injecta, abdomen versus. 556. Quid in aperto abdomine observandum dat? 557. Ablato humido, peritonæum pressum & contenta, sudant; & sponte. 558. Docet viam ex aortâ in abdomen patulam.*

535. **D**ividitur corpus in truncum & artus. Truncum jam veteres dividunt in Caput, Thoracem, & Abdomen, illa vitalia abscondunt, hoc naturalia viscera continet.

536. Est in libro de Arte apud Hippocratem, locus notatu dignissimus, qui non solum corpus in cava continentia tria magna (335) dividit, sed & horum perspirationem per vasa luculentissime demonstrat.

Ο', τε ρδ \* θώρηξ καλεόμενον, ἐν ᾧ τὸ ἥπαρ σε-  
 γάζετο, ὁ, τε ρ κεφαλῆς κύκλον, ἐν ᾧ ὁ ἐγκέφαλος,  
 λ,

\* Θώρηξ appellat Hippocrates, quod abdomen est, quoniam in eo Epar locatum dicit. Veteres sæpe totum, quod est a jugulo  
 ad

ΛΟ, τό, τε νῶτον, πρὸς δ' ὀπυρίμων, τέτων ἔ-  
δεν, ὃ, π' ἔ καὶ αὐτὸ κενόν ἐστὶ, πλῶν Δραφύζιων  
μεστίν. οἷσιν ἔδεν ἀπέχθ' πολλὸν ἀγγεῖα εἶναι ἢ μὲν  
τοι βλαπτόντων ἢ κεκτημῆλον ἢ δὲ καὶ ὠφελέντων.

Tho-

ad pudendum, interstitium, Thoracem voca-  
bant, quia milites in bello illam plagam corpo-  
ris loricâ tegebant, quam Thoracem vocant.  
Aristoph. in Acharn. φέρε δαῦρο παῖ θώρακα πολε-  
μισήριον. *Age puer! affer thoracem bellicam.* Alter  
vero militem irridens dicit: ἔξαιρε παῖ θώρακα,  
καὶ μοι ἢ χοῶ, *Aufer puer thoracem, & mihi con-  
gium (affer).* Atque miles addit: ἐν τῷ ὥς  
τὰς πολεμὰς θωρήξομαι. *Eo vero nos ad bella arma-  
mur.* Reponit vero Alter. ἐν τῷ ὥς τὰς συμ-  
πότας θωρήξομαι. *Eo nos ad computationes inebria-  
mur.* Est allusio: θωρήξασθαι, enim est τὸ καθο-  
πλισθῆναι; armari. est & τὸ πίνειν καὶ μεθύειν, bibere  
& inebriari. Hinc magis videtur, Hippocra-  
tes per θώρακα intelligere abdomen, ventrem  
inferiorem ὑπὲρ τῆς θωρήσασθαι cibo & potu: quam  
ut alii volunt, quod ideo in thorace ipsi dicatur  
situm Epar, quia margine suo perfecte in fa-  
no, porrigitur juxta ambitum costarum spuria-  
rum ad præcordia usque: Quæ in sceleto tho-  
racis terminum infimum efficiunt; & in vivis  
externum thoracis ambitum ad Ilia descri-  
bunt. Ita & Aristotel. de Mundo, dicit illam  
partem Thoracem esse, quæ a collo ad pu-  
denda usque pertendit, a stomacho & alvo  
distincta: ut Galen ad Glaucon. Distinguit  
etiam Hippocr. ab altera cavitate, quod νῶτον  
vocat, quod proprie τὸ dorsum, terga, scapulam

no-

*Thorax etenim dictus, in quo hepar continetur, & capitis circulus, in quo cerebrum, ipsumque dorsum, ad quod pulmo (vergit) horum nullum, quod non & ipsum vacuum est, multis meatibus plenum. Hisce nihil abest vasa esse, maxime (continendo), quæ lædunt, & quæ prosunt continenti. Describit & eodem loco artus, paulo supra etenim ait: ἔχουσι μὲν πῖνυν οἱ βορχίονες σάρκα ποιάυτω, ἔχουσι δὲ οἱ μηροί, ἔχουσι δὲ αἱ κνήμαι. Habent itaque brachia talem carnem, habent & femora, habent & tibiæ.*

537. Nec minoris argumenti est, quod eodem loco demonstrat, madore nempe perspirante non tantum inquinari hæc cava majora (535.), verum & in minoribus, quæ plurima in corpore dicit, idem obtinere. πᾶν γὰρ τὸ ἀσύμφυτον, ὡς τε δέρμασι, ὡς τε σαρκεὶ καλύπτη, κρῖλον ἔστι. πλεῖστον τε, ὑγρᾶννον μὲν πνέματι. *Omne enim non concretum,*

notat καὶ νῶτον φοβεῖ. a tergo terret. Thycidid. νῶτα δέσνα, *terga dare.* ut Latini pro fugere dicunt. τὰ νῶτα ἐπιστρέφω. *terga obverto.* νῶτα βοῦς. *terga bovis.* Homer. Odyss. Hinc facile videtur non a situ deceptus Hippocrates, sed pulchre distinguere abdomen a pectore. Posteriores autem trunci mediam partem, quæ ab abdomine ope diaphragmatis distinguitur, Θάρεκα vocant. vid. Galen. loc. cit.

*tum, sive cute, sive carne tegitur, cavum est, impleturque, sanum quidem, spiritu.*

538. Ergo & ego juxta hæc divisiones procedo, & profero observationes & experimenta, quæ docent ὡς ἐκπνοῇ καὶ εἰσπνοῇ ὁλῇ ὁ ἐνκεφάλῃ, ἑωρᾶξ, καὶ ὑπὸ πνεύλον, quatenus sunt continentia: dein demonstrabo eâdem ratione, quæ continentur, partes emittere rorem resorbendum.

539. Sunt autem observationes luculentissime hæc (538.) demonstrantes, sequentes.

α. Canis laqueo semi-extincti cranium, quâ potui, celeritate in orbem ferrâ abscidi, mox abscissum illud elevavi.

Duram matrem, quæ cranii interni periossteum est, incisam elevavi, ejus madidam inveni superficiem internam, & externam piæ matris: exhalabat subtilissimus fumulus, vix, nisi subvirulentum quodammodo odorem spargens. Puri politâ vitri superficie exceptus, guttulas faciebat, eadem fere ratione subtiles, ac halitus Sanctorianus, qui ore exeuns speculo excipitur.

β. Aperti, in vivo cane, thoracis interna superficies exhalat subtilem fumum, roris instar, odoris, ut est sanguinis calidi, virulenti quodammodo.

Puri politâ vitri superficie exceptus,  
gut-



guttulas format, copiosiores, quam fumulus, qui ex meningibus exibat; madida est superficies membranæ costas succingentis: absterfus sæpius humor, mox redit sponte, vel pressione a tergo.

γ. Aperti, in vivo animali, abdominis superficies interna, quæ peritonæo succingitur, exhalat subtilem fumum, roris instar, odoris virulenti. Puri politâ vitri superficie exceptus, guttas format, ut ille, qui ex membranâ thoracem succingente exit. Madida est peritonæi superficies; absterfus humor sæpius, redit sponte, vel pressione in averâ parte.

540. Exspirare itidem partes contentas, docent observationes sequentes.

δ. In cranio, mox notavimus (539. α.) piæ matris exhalantem superficiem, licet, respectu molis cerebri, sit potius pars continens.

ε. In aperto vivi animalis thorace, omnia contenta, pulmones, pericardium, mediastina; id est, omnis superficies processuum membranæ costas succingentis. (155.) exhalant liquidum subtilissimum, roris instar; odoris virulenti quodammodo; quod puri politâ vitri superficie exceptum, guttulas format, notabiles.

Madida est horum omnium superficies; lenissime autem absterfa eadem sæpius fecit,

cit redire humidum sponte, & pressione a tergo.

ζ. In aperto vivi animalis abdomine, contenta omnia, ventriculus, epar, lien, omentum in brutis, [in homine rarius] ad vesicam exporrectum, exhalant liquidum, roris instar, odoris virulenti.

Puri politâ vitri superficie exceptum guttas format notabiles. Madida est superficies contentorum, quæ peritonæi ubique processibus vestitur: lenissime absterfa eadem sæpius, redire fecit humidum sponte, & pressione a tergo.

541. Dictus ille ros (549. 540.) a morte colligitur, in aquam condensatus.

η. Apertum enim, post mortem horas aliquot, animalis caput præbet, maxime si illud fuerit sanum extinctum morte violentâ, humidum aliquod subtile inter binas meninges.

θ. Apertus, post mortem horas aliquot, animalis thorax præbet liquidum satis notabile. madida inveniuntur omnia, tam continentia, quam contenta.

ι. Apertum, post mortem horas aliquot, animalis abdomen præbet liquidum satis notabile. madore perfusa inveniuntur omnia, tam continentia, quam contenta.

Si in hisce (η θ. ι.) abstergeas superficiem lenissime, dein a tergo premas, vel

nudo oculo videbis, distinctis, minimis, guttulis, humorem redeuntem.

542. Idem obtinet, ubi partes minores, ἀσύνμφον, vel aliis cavitatibus minoribus continentur, vel se invicem tangunt: versantur illæ & ibi in subtili, exhalante, rore; qui, dum vita & sanitas, vaporis specie expiratur, & inspiratur, adeoque efficit, quo minus inter se partes concrecant.

κ. In vivo enim animali, dissecto cerebro ad ventriculos usque, exit fumus calidus (sed notamus, simul millena incisa vascula.) Ventriculi madore humidi inveniuntur, qui lenissime absterfus, sæpius sponte redit.

λ. In expirante cane, post apertum pectus, uno ictu incidi pericardium: profliebat cor splendens, palpitans, madidum; atque emittebat fumum notabilem, qui condensatus frigore, visibilis est: hicque puri politæ vitri superficie exceptus formabat guttas, notabiles, nidorosas, & quasi urinosas, uti sapor judicabat, & odor.

μ. Post apertum abdomen, in animali vivo, elevato omento, intestina omnia, calida, humida, ex omni superficiei parte, & inter gyros, emittunt rorem subtilissimum. Epar, ventriculus, lien, pancreas, mesenterium, calidum, & humidum,

dum, nebulam exspirant; collectus ille ros puri politâ vitri superficie, guttas dat notabiles.

543. Ut in majoribus (541.), ita in hisce cavis minoribus (542.), a morte ros colligitur in aquam condensatus.

v. In animalis aliquot horas extincti cerebro dissecto, ventriculi notabili humore inquinati observantur.

ξ. In animalis, ante horas aliquot extincti, pericardio invenitur, si sanum fuerit, liquor notabilis, collectus, vix in vivo præsens.

ο. In animalis, horas aliquot extincti, abdomine, elevato omento, invenienda intestina, & contenta omnia, madida; liquidum vel ad uncias sæpe collectum deprehenditur.

544. Omnis autem hic humor (a 537. ad 543.) subtilis, roris specie, exhalat ex ultimis patulis arteriolarum osculis, frigore partium post mortem colligitur, contrahentibus se arteriis ultimis (753.), & deficiente inhalationis actione (754.).

545. Quid autem valeant in hisce experimenta, ut hæc (544.) demonstrent, eodem ordine proponam.

546. Ν. Ligatâ in cane, alterâ carotide internâ, ligatis cervicalibus arteriis, per alteram, quam potui lenissime, in misi te-



pidam caput apertum versus, incisâ durâ matre, & elevatâ. Vidi tandem, superficiem piæ matris sudantem perfectissime, dum copia aquæ per venas ex arteriis red-  
dux, impletis prius sinubus, redibat per jugulares internas apertas.

547. Demonstrat hoc experimentum (N.), viam patere subtilissimam, post mille anfractus, ex carotidibus arteriis, piam inter & duram meningem; quæ ασίφυν καιλον formant, πληρεμνον συνδματ@, ἰγναϊνον μὲν: id est, rore illo subtilissimo, quem inier hæc partes exhalare, docuit observatio prima (539. α.)

548. Sunt autem adeo subtilia, patentia hæc ultimarum arteriolarum oscula, ut visibilia microscopio deprehendere haud potuerim. Reddebatur enim superficies madida, homogenea, nec guttulis distinguebatur, ut in aliis partibus fieri, mox demonstrabo (554. & 557.). Tamen ex distinctis aperturis aquam confluere, docet analoge aliarum partium, quæ tamen in his non facile conspiciuntur: Idque 1°. propter subtilitatem vasorum. 2°. Propter pelluciditatem, injectæ aquæ. 3°. Quia dum abstergitur superficies, redit humor, distinctus quidem ex vasorum osculis: sed propter subtilitatem summam confluit, antequam oculo præbet guttulam solitariam, sicque madorem

dorem fumosum & subtilem format, nobis homogeneous.

549. Post injectionem aquæ, incisum cerebrum dabat ventriculos aquâ plenos, qui in sanitate non concreti, cavum formant, spiritu impletum. Plexum chorœiden exsanguinem, & quasi carnis loturâ repletum totum reperiēbam. In basi crani, arachnoidea tunica hydropica erat. Rete mirabile pellucidum, aquâ repletum; totum denique cerebrum, leviter hydropicum, sese ostendebant; quamquam lenissime, & parvâ tantummodo copiâ, aqua immissa erat.

550. 2. Ligatâ in cane, axillari & carotide dextrâ, ligatâ axillari sinistrâ, in truncum aoriæ, quem adscendentem vocant, per siphonem innisi tepidam pectus versus, incisâ prius venâ cavâ superiore, ubi ab axillaribus & jugularibus in unum truncum concurrentibus, oritur, moxque ingressura est thoracem, in dextro latere colli inferioris: immissâque acu in apertam, prudentissime perforavi, & incidi valvulam, dein premendo thoracem, expressi sanguinem; redibat autem, notabili copiâ, infarctus prius in sinibus & vasis, per incisam cavam, e pectore sanguis.

551. Post in aperiendo thorace, multum sanguinis diluti, magis jam in venas

adaëti exstillabat: dum arteriæ aquâ repletæ, hanc fundebant. In aperto autem inveni aquam subfanguineam, ex abscissis innumeris vasculis exstillantem; licet diaphanum semper, & sæpe subrubellum invenerim humorem, qui post mortem in cavis exhalans colligitur; qualem & in fanis in pericardio, notat Malpighius: qui Galeno *ἔρω πλεπλήσι* dicitur.

552. Cor intra pericardium aquâ distentum erat, repleti sinus, vasa & auriculæ; lividi vero pulmones a sanguine & aquâ impulsis, cernebantur.

Absterfâ aquâ, presso thorace, omni momento, sudabat membrana costas succingens humidum tenue, aquosum, ut & in omni puncto, pericardium, mediastina, & pulmones, (quorum omnium superficiem, parte prima (155.), docuimus hujus membranae esse propaginem), pressâ expirabant aquam: & sponte.

553. Demonstrat hoc experimentum, (1.) patere viam ex aortâ, per innumeros ramos, in omnium harum partium superficie, osculis minimis.

554. Multum tamen differunt ultima hæc oscula, subtilitate, ab iis, quæ inter binas cerebri meninges vaporem exhalant (548.). Absterfâ enim superficie, deinceps, armatus oculus deprehendebat distinctas

stinctas guttulas prodeuntes, quæ mox confluebant. Adeoque hoc experimentum (γ.) docet modum, quo in sanitate κελον ex α-σύμφοις factum in thorace, impletur πνέ-ματ⊙ ex continentis superficie ubique ἐκ-πνέοντ⊙.

555. 1. Aperto thorace canino, in aor- tam descendentem per siphonem, abdo- men versus, leniter inmissi tepidam, expresso prius per incisam cavam, & supra incisio- nem ligatam, sanguine.

556. In aptero abdomine, inveni omnia contenta humore subrubello perfusa, atque collectam aquæ subfanguinæ quantitatem, venasque omnes adrupturam usque disten- tas; sanguine scilicet, per aquam a tergo prementem, in illas ex arteriis adacto.

557. Spongiis ebibito omni humido, ab- sterfa peritonæi superficies interna, dein pressa, vel & sponte, dabat distinctas oculo armato, quin & nudo, videndas guttulas, quæ, ut in thorace, mox confluebant.

558. Docet hoc experimentum (γ.) modum & viam, quibus in sanitate, ca- vum a non concretis factum, in abdomi- ne impletur spiritu, ex continentis su- perficie exhalante.



## CAPUT VIGESIMUM SEPTIMUM.

559. *Exhalantes sunt partes contentæ.* 560. *De cerebro, mediastinis, pericardio, patuit.* 561. *Pulmones exhalant superficie externâ; docet experimentum (118).* 562. *Abdominalia contenta exhalant; docet, 7. Aqua inmissa in arteriam celiacam. 7. In arteriam mesentericam superiorem. 1. Inferiorem. 1. In venam portarum, Hepar versus. 7. In vesiculam felleam. 6. Pancreas versus. 1. Lienem versus.* 563. *Aliud experimenti genus, ubi quiete partes transudant; forte per poros. 2. Ventriculus aquâ repletus, ligatis orificiis, transudat in omni puncto, distinctis guttulis. 7. In intestinis idem obtinet.* 564. *Est ergo, via ex 2, 3 & 7, extime patens.* 565. *Quenam forte sunt viæ, quas aqua transit?*

559. **U**t autem observationes (540.) ita sequentia experimenta demonstrant eodem ordine, exhalantes esse partes cavitatibus contentas.

560. De cerebro, quantum valebat in hoc, experimentum aquæ injectæ, dictum est (549.). Vidimus & quomodo mediastina, pericardium, (quatenus distinguuntur thoracem in cameras, eo conti-

nen-

nentur ) exhalant ( 552. ): superest, recensamus de pulmonibus, quænam innotuere, post aquam injectam.

561. Priori parte, ubi docuimus ( 116. ) pulmonum vasa aërifera exhalare, omni momento; jucundo experimento ( 118. ), demonstravimus, patere ultima vasculorum oscula exhalantium, in omni superficie bronchiorum & vesicularum: verum & idem illud experimentum, eâdem encheiresi institutum, eodem tempore, docebat, pulmonalis arteriæ, forte & bronchialis, vascula ultima, omni in superficie pulmonum externâ, in omni puncto, aquam exsudare; imo vero, ablietius exhalans humor, redibat statim, & sponte.

562. Sic & contenta abdominalia emittunt vaporem.

7. Inmissa per siphonem tepida in arteriam celiacam; non solum implevit ventriculi cavum, per patentia ultima hujus vasculorum orificia, ut cera in primâ parte ( 186. ) docuit; verum & tota exterior ventriculi superficies, in omni puncto, distinctis visibilibus guttulis, sudabat injectam aquam, ex ultimis arteriis. Impletæ & tunc gastro-epiploicæ emittunt, in omni omenti puncto, aquam sub specie sudoris.

7. Injecta in arteriam mesentericam su-

periores aqua, exiit per ultimas arteriolas, in tota mesenterii superficie & inter hujus plicas, patentes; sudare fecit & eadem omnem intestinorum superficiem externam, in omni puncto.

7. In arteriam mesentericam inferiorem, quæ mesocolo prospicit, injecta aqua transpiravit ex omni mesocoli & crassorum intestinorum superficie externâ, in omni puncto: abstergâ vero aquâ, eventus, ut ante, erat conspicuus.

8. Sic & Epar, omni in parte, transfudit semper tenue, vaporis instar, liquidum. Docet hoc injecta in portarum venam aqua, purgavit enim a sanguine vasa, rediit per incisam cavam, sudare fecit totam Epatis superficiem: vel centies absterfus rediit sudor semper, & quamdiu aqua in vasis continebatur. Idem fit, in injectâ purâ per arteriam Epaticam.

9. Vesicam felleam deprehendimus transfudantem, utpote tingentem transcolato liquido vicinas partes, mox memorato autem experimento (7.), post prudentissime expressam bilem, per ductum cysticum in duodenum, implebatur aquâ vesiculæ cavum, transfudabat ad oculum, absterfa autem redire faciebat sæpissime humidum.

10. Injecta pura in ramum cœliacæ arteriæ,

riæ, ad pancreas tendentem, sudare fecit illud per membranam, quâ ab omento ipsi datâ involvitur, extimam: implevit postea cellulosa, & pulcherrime demonstravit ipsius pancreatis fabricam, quatenus glandula conglomerata conglobatis cellulosa junctis constat. Absterfa aqua omni momento rediit.

1. Inmissa tepida lienem versus, per arteriæ celiacæ ramum, quæ arteria splenica dicitur, impletis ejusdem acinis, sudantem reddidit, in omni ambitu, totam splenis superficiem; dum aquæ copia per venam redibat.

563. Præter (562.) enarrata, proponam aliud experimentorum genus; ubi nullâ, vel minimâ vi admotâ, partes percipiuntur transfudare, quasi per poros singulares, vasis intactis.

2. Ventriculum integerrimum, unâ cum œsophago, liene, omento, & hepate ex cane exemi. Ligavi pylorum; per œsophagum inmisi tepidam, dein & hoc ligato, suspendi ventriculum. Vidi paulo post aquam transfudantem ex omni ventriculi ambitu puncto, minimis quidem, sed distinctis microscopio visendis, guttulis. procedebant illæ puchrius, si leniter ventriculus premebatur.

3. Eâdem ratione in ligatum ab unâ parte intestinum infudi aquam; impletum illud  
ab



ab alterâ parte ligavi; sudabat tum distinctis, minimis, guttulis, ad omne punctum externum sponte; pulchrius vero leniter pressum.

564. Datur ergo via ex ventriculi (7.) & intestinorum (2.) cavis, per superficiem externam patula.

565. An ergo dantur pori directe ex cavo ventriculi patentes per superficiem externam in abdomen, transudantes humorem tenuem, ut vesicula fellis suum humorem, & coloratum quidem, emittit vicina tingentem; atque, ut credibile est, per poros? & si dantur tales pori; an æque accipiunt ex abdomine (617.) & in ventriculi & intestinorum cavum accepta sua deponunt: ac ex ventriculo & intestinis, in abdomen? an sunt diversi tum pori exhalantes, & imbibentes?

An potius venæ, quæ in cavo ventriculi patent (466.) & intestinorum (472.), resorptam aquam majoribus dant? & hæ per anastomoses, quibus in hisce partibus gaudent infinitis, reddunt arterioli (562. 7. 7.), & hæ per minimas exsudant? quia, ligato pyloro & œsophago, & cum iis vasis; nullus exitus aquæ datur per venas majores? An vero venæ patulæ aquam dant venalis (617. 618.), rorem ex cavo abdominis resorbentibus? certe extimæ patulæ, & intimæ, rami sunt ejusdem venæ. CA-

## CAPUT VIGESIMUM OCTAVUM.

566. *Partes in abdomine continentes & contentæ exsudent per extimam membranam, quæ peritonæi processus.* 567. *Abdomen internum succingitur in omni parte peritonæo.* 568. *Huic succumbit cellulosa.* 569. *Uberrima pinguedo ad lumbos.* 570. *In macilentis & tabidis nulla: nec in velocissimis animalibus.* 571. *Ortus membranæ extimæ ventriculi.* 572. *Lienis situs.* 573. *Ejus membranæ ortus.* 574. *Epatis membranæ extimæ ortus.* 575. *Funguntur membranæ extimæ partibus per cellulosam.* 576. *Concurrunt; processus dant.* 577. *Ex iis omenti ortus est.* 578. *Membranæ anterior pars ab œsophago, anteriorem.* 579. *Membranæ posterior pars ab œsophago, posteriorem partem ventriculi investit. pancreas retinet.* 580. *Lamina membranæ ventriculi anterior, antrorsum, posterior, retro, fundo ventriculi annectuntur firmitus.* 581. *Lienis membrana junctâ processum dat, concurrentem cum processibus (580.).* 582. *Membrana Epatis concurrat ad portas dictas, in epate.* 583. *Inde ad duodenum currit, obducit hoc, divergit; concurrat cum processu posteriore, & anteriore ventriculi (580.).* 584. *Ex concursu ho-*

rum processuum exporrigitur omentum. 585. Cujus duplicatura singularis. 586. quomodo illa patet. 587. Duplicatura utriusque laminæ omenti oritur a distantia, inter conjunctiones cum ventriculi fundo (580.). 588. Hæc distantia obducitur simili membrana. 589. Opus erat, duplicari utramque lamellam omenti, ob firmanda vasa. 590. Ortus omenti minoris, inter orificia ventriculi bina. 591. Ortus ligamenti lati Epatis a membrana ejus extima. 592. Peritonæum ad lumbos renes, ad partem superiorem, cingit, aortam, venam cavam, vasa emulgentia, spermatica & ureteres velat. quid est in his, extra peritonæum jacere. 593. Ubi Peritonæum ad lumbos venit, surgit ab utroque latere, tendit lineam albam versus, concrescit. 594. Eadem ratione assurgit cellulosa, sub peritonæo. 595. Ortus mesenterii & mesocoli. tenent illa omnia intestina. 596. Mesenterii descriptio. 597. Mesocoli ortus, inflexus, coælio, nexus cum aliis partibus. 598. Peritonæi expansio supra vesicam. 599. Descriptio ejus ad umbilicum. 600. Omni loco peritonæum est unum continuum. 601. Distinguitur ob variam naturam: & doctrine causâ. 602. Habet in omni parte sub se cellulosa: ejus ortus, & historia in omento. 603. In mesenterio, & intestinis.

604. *Aorta extra peritonæum dat arterias partibus intra peritonæum sitis.* 605. *Quomodo ad eas perveniunt intra processum duplicaturas.* 606. *Quomodo venæ confluunt, & cavæ inseruntur, vel portarum venæ.* 607. *Vena cava infra hepar extra peritonæum, ad hepar intra peritonæum jacet.* 608. *Quænam ex omnibus his intelliguntur, & quæ quæstiones ex iis oriuntur.*

566. **O**mnes autem partes, quæ continentur, vel contentæ in abdomine, tenues suos emittunt humores, illos exsudent per vascula ultima arteriosa, in membranis extimis ordinata, & patula: quæ omnes membranæ ipsius peritonæi sunt processus, in omni puncto, quod, licet res sit intricata, extricare conor.

567. Interna, tota, cava, abdominis, superficies, ad lineam albam, ad musculos abdominales internos, in ambitu; & ad horum tendines, ad diaphragma; ubi illud concavum est, ad aponeurosin ejus, ad lumbos, ad pelvim, supra vesicam urinariam, obducitur unâ, tenui, nervosâ, forti valde membranâ, interne politissimâ, hæc peritonæum dicitur.

568. Huic (567.) succumbit ubique membrana cellulosa, ad externam superficiem; hæc in saginatis opimo refertur adipem,



pe, maxime ad musculorum abdominalium partes carnosas; minus ad illorum tendinosas expansiones: hinc hoc loco difficilius, illo facile separatur peritonæum

569. Nusquam uberior hæc pinguedo (568.), quam ad lumbos, ubi in utroque latere *Musculus Quadratus*, *Psoas* uterque, & *Transversorum* exortus: ibi aggeritur pinguibus maxime, quasi squamatum, ut sæpe renes sepeliat & abscondat: ibi tum facile separabile peritonæum (567.). Nec est in corpore locus, qui ditioni pinguedinis copiâ superbit.

570. In macilentis & tabidis evanescit prorsus, ut nullum ejus (569.) vestigium supersit: eadem ratione, ac in aliis partibus (145.) fieri videmus. In animalium velocissimis, lepore, cuniculo, cane venatico, talpâ, in glire sæpe, & in mure, cellulofam tantum, ut plurimum, invenio.

571. *Oesophagus* ad sinistrum latus ex thorace descendens partem diaphragmatis musculofam penetrat, venit in abdomen, expanditur in ventriculum. Ubi autem transcendendo diaphragma, pervenit ad peritonæum, quod convexum ejus muscolum cingit, non penetrat illud, ut canalis per foramen; sed in ambitu ab illo mutuatur vaginam membranaceam, quæ, ut ventricu-

trculus, expansa totum ejus ambitum velat, & ventriculi tunicam extimam facit.

572. Lien adjacet ventriculi (571.) parti finistræ, quæ capacissima unam tertiam circiter expansionis ejus partem efficit, ab œsophago exporrecta, quem recessum ventriculi magnum vocant; involvitur autem membranâ peritonæi superne datâ, a diaphragmate, ubi illud ad marginem costarum spuriarum sese inclinat concavum.

573. Hæc peritonæi membrana (572.) ibi in diaphragmate utrimque concurrens, duplicatur, processum facit. Qui ad lienem expanditur iterum, totum ejus ambitum velat, & cum processu peritonæi concurrat, qui duplex procedit a supremâ renis finistri parte, ad lienem divergit, atque eum obducit. Faciunt ita confluentes hæ membranæ splenis tunicam extimam, toto in ambitu.

574. Vena cava ad dextrum latus ex thorace descendens, partem diaphragmatis tendinosam penetrat, venit in abdomen, applicatur gibbæ & posteriori Epatis parti: ubi autem transeundo diaphragma, pervenit ad peritonæum, quod concavum ejus tendinem cingit, non penetrat illud, ut canalıs per foramen: sed in ambitu ab illo mutuatur vaginam membranaceam, quæ, ut Hepatis moles, expansa totum e-

jus ambitum convexum & concavum, vesiculam felleam, atque hujus ductum velat; & hepatis tunicam extimam facit.

575. Junguntur membranæ hæ extimæ a peritonæo datæ (571. 572. 573. 574.), partibus illis per cellulofam, unde facile a subjectis separantur.

576. Concurrent hæ membranæ utrimque ad partem visceris, quod cingunt; ibi duplicantur, vasa ingredientia, & ex iis egressa firmant, ordinant inter duplicaturam in cellulofâ; quæ utrimque sub membranâ extimâ assurgit, duplicatur; & inde in hisce crassior, adiposa est: tum processus vocantur: firmissime partibus adhærent per vasa; sibi invicem, per vasa, & cellulofam duplicem, intermedia.

577. Concurrentes duplicati hi processus (576.) faciunt omentum.

578. Membranæ peritonæi, a diaphragmate (571.), vaginæ instar, cum œsophago exporrectæ dimidia pars, anterior, expansa, totum anteriorem ambitum ventriculi, ab œsophago ad pylorum sursum, & ab œsophago sinistrorsum, obducit: recessus magni dimidiam, lateralem, partem, & antrorsum; totam deinceps ventriculi plagam anteriorem, a concavâ ejus, lunatâ quasi, parte superiore, anteriore, ad inferiorem

anteriorem, gibbum, fundum investit, ad pylorum usque.

579. Hujus (571.) dimidia, pars posterior, cingit expansa, totum posteriorem ambitum ventriculi, ab œsophago ad pylorum sursum: & ab œsophago sinistrorsum obducit, recessus magni dimidiam lateralem partem & retro; totam deinceps ventriculi plagam posteriorem, a concavâ ejus lunatâ quasi, parte superiore, posteriore, ad gibbum inferiorem, posteriorem, fundum, investit, ad pylorum usque: efficit hæc ad ventriculi fundum posteriorem, recessum, quem pancreas opplet.

580. Lamina peritonæi anterior (578.), anteriorem ventriculi partem velans; ad anteriorem totius fundi partem, ab œsophago ad pylorum usque inferne; Lamina peritonæi posterior (579.) posteriorem ventriculi partem velans; ad posteriorem totius fundi partem ab œsophago ad pylorum usque, inferne concurrunt; hæc (579.) ad posteriorem, illa (578.) ad anteriorem partem: junguntur ibidem toto in ambitu, ventriculi fundo, per vasa gastro-epiploica firmissime; illa (578.) in anteriore, hæc (579.) in posteriore parte. a se invicem distant, inde procedunt, & sibi invicem applicantur.

581. Membrana peritonæi lienis a diaphragmate, & a rene, data (573.), involvens



lienem, utrimque concurrit ad mediam, internam splenis partem, ubi vasa arteriosa ingrediuntur, & venosa exeunt: juncta per cellulofam, proceffum dat, qui cum utrâque laminâ membranæ ventriculum obducentis (578. & 579.) concurrit.

582. Membrana peritonæi vaginæ infar, cum venâ cavâ exporrecta (574.), Epas obducens, concurrit ab omni parte, ad illum locum, qui Græcis Πύλαι dicuntur; ibi cellulofa juncta inter duplicaturam ingredi finit venam portarum, & arteriam Epaticam, cum venâ umbilicali, in fœtu; firmat, egredientem ductum hepaticum & cyfticum.

583. Hic proceffus (582.) ad duodenum decurrit, ibi divergit, facit, duodenum ambiens, ejus tunicam extimam, vasa ingredi finit in duodenum: mox iterum a duodeno, ad partem ab ingreffu horum finiftram divergit; & pofterior lamina cum omenti laminâ pofteriore, pancreas continente, anterior vero cum anteriore, a ventriculo obducentis exporrectâ, (578) concurrit.

584. Ex concurfu horum proceffuum, (580. 581. 583.) oritur omentum, quod duplex fupra inteflina expanditur, illorum cava a convolutionibus orta ingreditur, inter gyros.

585. Eft duplicatura omenti prorfus fin-

singularis. lamina enim exterior, & lamina interior (§80.) junguntur quidem, & duplicatum saccum faciunt, qui facile patet aërem inflando; non vero concresecunt, nec ut in reliquis partibus fit, per cellulofam junguntur: sed sunt distinctæ membranæ, distincta vasa, in distinctâ cellulosa, gerentes.

§86. Id (§85.) patet si in animali pinguiori ejus vascula implentur, dein membranæ hæ a se invicem separantur, ut in omento ex cane obesiore ficcato, cujus vasa replevi, demonstrare possum. Imo vero externa omenti lamina, & interna iterum sunt duplices, sed arctissime per cellulofam junctæ membranæ, inter quas vasa decurrunt. Id patet, ut de pericardio dixi (§77.), si impletis vasis, considerantur hæ laminæ, (§85.) ab utrâque superficie.

§87. Undenam autem illa duplicatura? an in ventriculo, ubi cingit hæc membrana ejus tunicam musculosam, per cellulofam intermediam, jam duplex existit? minime; ibi unica, simplex, membrana est. Verum ubi concurrit ad fundum ventriculi membrana anterior, antrosum; posterior, retrorsum, junctæ, uti dictum (§80.), ventriculo per vasa; ibi manet in ipso ventriculo, inter conjunctiones, distantia notabilis.

lis. ut facile patet, si prudenter a ventriculo abscinditur omentum; maxime impletis prius vasis.

§88. Hæc distantia obducitur simili perfecte membranâ, ac illa, quæ peritonæi est in anteriore (§78.) & posteriore (§79.) ventriculo; & ubi lamina anterior a ventriculi fundo exporrigitur, ibidem a parte posteriore reflectitur processus a membranâ interstitium hoc velante. Idem perfecte fit a parte anteriore ad laminam omenti posteriorem: Inde duplex utraque complicata interstitium opplet, decurrit ad fundum omenti, & concurrit.

§89. Opus & erat hæc duplicatura, quia vascula omenti perpendiculariter se in gastro-epiploica inferentia, firmari necesse habebant, nec usquam in corpore vasa libera, sed semper inter membranas, decurrunt, exceptis in pericardio; præterea ipsa epiploica vasa inter zonas pingues in omento decurrentia, fulciri debebant, nec libera fluctuare.

§90. Peritonæi laminæ pars anterior, superior, ventriculi partem anteriorem, & peritonæi laminæ pars posterior, superior, ventriculi partem posteriorem (§80) cingens, concurrunt ibi, ubi excissam quasi lunatam formam induit ventriculus, inter orificia, bina, junguntur, duplicantur, faciunt, omentum parvum, jungens orificium ventriculi

utrum-

utrumque, opplens, quod manet inter bina orificia, interstitium.

591. Membrana Epar obducens (574.), utrumque assurgens in parte ejus gibbâ superiore, longitudine a Venâ cavâ ad Xiphœiden sterni cartilagine usque, fere in mediâ, magis tamen in parte, ab hypochondrio dextro, distante, efficit duplicatum processum, quem ligamentum latum vocant; quod ad diaphragma perveniens, coit cum membranâ illud concavum obducente (574.); retinet hepatis molem suspensam. Quod idem præstant alii minores processus sæpe, eâdem tum ratione orti, & concurrentes, maxime ad supremam hepatis partem.

592. Ubi Peritonæum (567.) abdomen succingens pervenit retro ad lumbos, superiorem & laterales renum partes, quo usque a lumbis liberi eminent, vasa emulgentia, aortam, venam cavam, cingit, omnia ad tres quartas circiter partes: nec ambit, sed ubi lumbis ea adhærent inferiore suâ parte per cellulosa, ibi reflectitur illud. ureteres vero & vasa spermatica velat, tantum superextensum. Hoc est, quod extra Peritonæum jacere, vocant Anatomici.

593. Ubi autem Peritonæum ab iis (592.) procedit iterum, supra cellulosa pervenit ad latera corporum vertebrarum



in lumbis , elevat se inde perpendiculariter , tendit ferme oppositam lineam albam versus , nisi quod conniveat parum assurgendo : dumque ab alterâ parte idem fit , occurrunt sibi invicem. Hinc duplicatum Peritonæum , & concretum , facit tenuem , firmam , densam membranam , tendentem oppositam lineam albam versus ; perfectissime , ut in dorso , pleura mediastinum ( 140. ) facit. vocatur hoc a tribus vertebrae lumborum superioribus ortum , mesenterium , ab inferioribus duabus , mesocolon.

594. Cum vero corpora vertebrarum lumborum , parte mediâ , fere plana , faciant superficiem rectam , planam ; atque ab utrâque parte elevetur Peritonæum oblique , & conniveat ( 593. ) , oritur necessario cavum trilaterum , quod vacuum neutiquam est : sed impletur cellulosa ( 568. ) , quæ sub Peritonæo eâdem ratione assurgit , & cavum hoc implet.

595. Ille est ortus mesenteri & mesocoli , quæ expansa omnia intestina mirabiles in gyros flexa retinent , tunicam extimam largiuntur , quæ sexies computantur ipsius hominis longitudinem superare.

596. Hoc autem qui fiat , vix tabulâ , multo minus verbis exprimitur. Laudandus est Eustachii conatus Tab. XI. f. II. vix tamen

men sufficit. Plicatur (hoc videmus) mesenterium; plicæ hæ quasi a centro sparguntur, divergunt, latius inter illas fit mesenterium, ibi latissimum, ubi intestina retinet: & forte, si expandi possent hæ plicæ, eadem esset mesenterii longitudo, quâ parte a lumbis oritur, quam ubi intestina retinet, ut fit in linteis, quæ manus ornant, quæ Galli *Manchettes* vocant: ubi mulieres trajecto in alterâ parte filo juxta longitudinem, zonam linteam, rectam, contrahunt, plicant, dum in alia oppositâ parte lata zona manet, a plicis divergenibus.

597. Colon autem, ubi ex cæco in latere dextro inferiore oritur, involvitur mesenterii processu; qui mesocolon dicitur; ad latera & post tenuia intestina adscendit, nec liberum, sed eâdem membranâ involutum, cujus interventu nectitur lumbis, & reni dextro, eâdem iterum prorsus ratione; quæ est confluxio junctæ prius, & divaricatæ iterum, peritonæi membranæ. Ad hepar inflectitur, illi sæpe & vesiculæ felleæ alligatur, sub ventriculo decurrit, facitque iterum, confluere mesocolon cum ipso omento, & cum mesenterio; adscendit in latere sinistro, jungitur lieni, iterum eâdem ratione; indeque ad renem sinistrum descendit, inflectitur

retro, lumbos versus, iis annectitur, rectum fit.

598. Ubi autem peritonæum internum abdomen obducens, pervenit inferne ad pubem, ubi abdominales muscoli recti ortum ducunt, denique & ad ambitum pelvis, ibidem assurgit, vesicæ fundum velat, mirâ adeo expansione, ut cum impletâ vesicâ in abdomen adscendat, cum depletâ in pelvim subsideat, diaphragma tantum efficiens, quod superiorem vesicæ partem cingit.

599. Superest denique ille locus, ubi umbilicus est in abdominis parte anteriore mediâ; ibi in fœtu ex placentâ ingressa vena umbilicalis, secum sumit in ambitu vaginam, quæ toto in decursu iterum, & in introitu in sinum venæ portarum coalescens cum peritonæo (567.), & membranâ Hepatis (574.) externâ, vulgo duplicatura peritonæi dicitur. Ita arteriæ umbilicales, ex peritonæo subjectis, arteriis iliacis ortæ, & urachus, tendentes ad umbilicum, secum rapiunt obducentem, firmantem, loco retinentem, vaginam, quæ ad umbilicum iterum cum priori coalescit, & vaginam vasa includentem, extra abdomen porrigit, ad placentam; qui funiculus umbilicalis audit.

600. Ita effecit microcosmi Adorandus  
Fa-

Fabricator mirabilem hanc membranam continuam, ut partes ordinet, simul investiat, & loco retineat, stupendum in modum, omni parte, una & eadem; processus ubique dans, qui iterum ad partes divergentes, illas includunt; nec finis, nec principium reverâ in his est.

601. Mutatur (600.) autem omnibus in locis Peritonæum: hinc, & doctrinæ causâ, Anatomici seduli divisionem necessariam, subtilem fecere, & utilem; sine quâ certe confusa res esset.

602. Est, ut ad internam abdominis superficiem sub peritonæo (568.), cellulosa etiam iis in locis, ubi processus duplicati nomen mutant, & naturam. Ibi & illa varia; assurgit autem, ut peritonæum, ab omnibus partibus, quas investit sub peritonæo: hinc quæ in omento locatur, est a ventriculo, liene; hepate: & quidem perfectissime eadem est ortus ratio in hac, quæ omenti, omni in parte. Per hanc vasa decurrunt, & in hujus cellulas oleum deponunt.

603. Ubi assurgit a vertebrae lumborum mesenterium (593.) assurgit cellulosa, (594.) ubi junctum mesenterium decurrit, ibi illa intermedia, firmiter duplicaturam jungit, pinguetudinosa ad vasa mesenterica: ubi mesenterium divergit, intestina ambit, tunicam  
lar-



largitur, vasa intrare sinit, firmissime iis adhæret; ibi & cellulosa utrimque assurgit, sub tunicâ extimâ, intestina ambit, in obesissimis vix pinguifera; tunicam intestinalium extimam cum musculosâ jungit. Idem perfecte obtinet in mesocolo.

604. Aorta ex thoracis mediastino transiens interstitium inter duo capita musculi diaphragmatis inferioris, venit in abdomen, sub peritonæo (567): mox vero celiacam dat arteriam, infra hanc mesentericam, ad inferiorem sui partem mesocolicam: Hisce prospiciendum est omnibus, in abdomine sitis partibus: evidens est ex historiâ ortus omenti, mesenterii & mesocoli, ratio, quâ harum arteriarum rami feruntur ad partes in abdomine sitas, semper sub tunicâ extimâ, & inter duplicaturas, decurrentes.

605. Hæ scilicet arteriæ (604), ortæ ex aortâ, vadunt inter duplicatum mesenterium & mesocolon, ubi illa a lumborum vertebri, utrimque assurgunt; cumque ubique processus confluant, arteriarum ramuli facile sub iis, ab unâ, ad aliam partem feruntur.

606. Hinc & patet, quomodo venæ, ab omnibus partibus reduces, confluant in truncos, & omnes sitæ sint sub tunicâ eâdem extimâ, atque portarum venæ;

næ, & cavæ inferantur. Quæ ultima extra peritonæum sita est.

607. Sed & simul hoc notamus, quod vena cava, ubi sub hepate locatur, jaceat extra peritonæum (505.): ubi vero ad Epar accedit, dextrum diaphragmatis inter tendinem, & gibbum Epar, a lumbis abscedat, incurvetur, ad concavam diaphragmatis figuram se inflectat, ibique accipiat in homine vaginam circumambientem a peritonæo, quum infra Epar, extra peritonæum sita sit.

608. Ex his omnibus pulchre intelligitur, quomodo ab unâ parte, in abdomine, tendit ad aliâ membranaceus processus, & secum fert vasa ad illam.

Quomodo Pancreas ad fundum ventriculi situm, ad duodenum pervenit.

Quâ ratione vesicula fellea sub membrânâ extimâ Hepatis sita, eâdem obducitur, quâ parte eminet; quomodo suo ductu concurrat cum Hepatico: & conflatus ex iis communis, quâ ratione fertur ad duodenum.

Quomodo partes extra Peritonæum jacent; Quomodo Iliacæ arteriæ & venæ post Peritonæum ad femora tendunt.

Quâ ratione Ureteres a renibus, sub Peritonæo, ad inferiorem vesicæ partem feruntur.

Patet & simul, quomodo vasa spermatica, sub peritonæo, ad scrotum tendunt; nec testium vaginalem tunicam esse peritonæi productionem, ut recte in collegio anatomico, & chirurgico, monet incomparabilis Anatomicus & Chirurgus Albinus. Quod & videtur subolfecisse Clarissimus Ruyschius, Thes. Anat. VII. N. LI. Ubi distinctum herniæ scrotalis saccum exhibet, a vaginali testium tunicâ.

Apparet itidem, quomodo a partibus, simul cum membranis extimis reflectitur cellulosa. An ergo hæc in omento, a ventriculo & epate proveniens, eadem est, quæ in thorace, in œsophago, & venâ cavâ, sub extimâ tunicâ invenitur? communicat, id flatus docet.

Sed & simul ex hisce patet, quomodo partes extra peritonæum sitæ in ejus cavum exhalânt, ut renes docent; & post injectam per aortam aqua, rectum intestinum, & vesica, absterfa redire facientia humidum.

An pingue ad renes, in omento, mesenterio, & mesocolo, transudat in cavum abdominis, oleum? certe id docere videtur odor vivi incisi animalis, & a nimio motu, cursu, labore, mortui abdomen apertum, in quo tum fusum oleum fuit inventum.

Sed & simul apparet, esse partes, quæ partim extra, partim intra Peritonæum, sitæ sunt.

CAPUT VIGESMIUM SEPTIMUM.

609. *Ut in cavitates exhalant arteriolæ, ita resorbent venulæ.* 610. *Ut cerebrum expirat, ita inspirat.* 611. *Docet id copia liquidi absens.* 612. *Quod cerebri vascula resorbent; id jugularibus internis & vertebralibus venis dant.* 613. *Arteriæ se non exonerant in sinus. Experimentum quod hoc demonstrat, refutatur.* 614. *Quænam venæ ex ventriculis cerebri bibunt, & in quas se exonerant.* 615. *Apertas venulas demonstrat aqua injecta.* 616. *In pulmonalem sinum.* 617. *In gastricam venam.* 618. *In mesentericam.* 619. *In splenicam & pancreaticam.* 620. *Idem in partibus obtinet extra peritonæum sitis. Docet hoc aqua in venam emulgentem injecta* 621. *Et in hæmorrhoidales.* 622. *inmittendo aquam in venarum truncos, partes versus, mutatur circulationis lex.* 623. *Quænam ex his omnibus sequuntur colligenda phænomena, & quæstiones?* 624. *Experimentum quiete partium demonstrat transpirationem.* 625. *Est aliud, quod lymphatica vasa demonstrat.* 626. *Quid præbet in thorace institutum.* 627. *Quid in pulmonibus?* 628. *Quid in corde demonstrat?* 629. *Quâ ratione lymphatica cordis*  
se



*se evacuant in vasa majora ex Nuckio? 630. In abdomine idem est. 631. Quid ibi exhibet. 632. Quosnam effectus dat. 633. Ad lumbos maximæ conspiciendæ venæ lymphaticæ. 634. Hoc in aliis partibus idem. 635. Utilitas exhalantis humoris in cava. 636. Utilitas resorptionis ibidem. 637. Utilitas exhalationis & inhalationis vicissim. 638. Quænam ex his explicantur phænomena. 639. Cerebrum Hippocrates madidum observat, & duram matrem. 640. Pulmones & splen, spongiosa. 641. Viscera & ventres, perspirantia. 642. Venter. 643. Vesicam urinariam. 644. Intus corpus magis madidum esse, quam extus. 645. In descriptione hydropis, & ejus causæ, docet perspirationem in ventrem. 646. Conclusio.*

609. **U**T in cavâ arteriæ ultimæ exhalant, ita venæ sunt patulæ, quæ emissum humorem ex iis exsorbent, atque illæ ordinantur in iisdem membranis, tam in continentia, quam contenta cingentibus. Illud est, quod Hippocrates dicit: Σάρες ὀγκοὶ ἐκ καλῆς, ὅλον ἢ αἰσθητῆς, ὡς εἰσπνοὸν ὅλον τὸ σῶμα. Carnes attractivæ ex cavis. manifesta perceptio, quod inspirans universum corpus. Epid. Lib. VI. Sect. VI.

610. Quam primam cavitatem diximus, ut in eâ cerebrum madidum notavimus

(539.α.) rore, qui exhalat ex ultimis arteri-  
olis, utque illud experimento evicimus  
ita inhalat ὁλⓈ ἐνκεφάλⓈ per venulas mi-  
nimas, ibidem in superficie, & in omnibus  
partibus patulas.

611. Docet id in fano, post mortem a-  
perto animali, copia liquidi absens; quod  
cæterum inter meninges, & in cavis col-  
lectum hæret, ex arteriolis emissum, ut in hy-  
drope cerebri, impeditâ resorptione, evi-  
dens est. Patula vero venularum oscula,  
nullo adhucdum percepi experimento. il-  
la tamen adesse, docebit reliquarum par-  
tium, cum cerebro analoge.

612. Quod resorbent piæ matris venu-  
læ, illud reddunt venis majoribus, quod,  
duræ matris, illud dant suis majoribus; am-  
bæ vero sinubus, & hi in venas jugulares  
internas, & vertebrales id infundunt. hinc  
in strangulatis cerebrum semper madidum  
est, in compressas jugulares sanguini aditu  
negato.

613. Nec arteriæ directe se sinubus in-  
ferunt, ut perperam exhibent in arte Viri  
clari. Nec hoc affirmat injecta per arte-  
rias urina atramento nigra, vel cera: illæ  
etenim ex carotidis ramis, prius venas,  
postea sinus, intrant. Si vero ante injec-  
tionem aperitur sinus, millions simul  
arteriolarum, illum ambientium, disse-

cantur, ex quibus tum destillat humor immisus. Solæ sunt venæ, quæ sese in hos evacuant; quas omnium primus, & forte solus huc usque, ex sinu cerebrum versus, subtilissimâ, & incomparabili encheiresi impletas demonstrat Clarissimus Albinus, cui hodie facile princeps, in præparandis & conservandis corporis partibus, dexteritas.

614. Ex ventriculis cerebri bibere videntur similes minimæ venulæ, quæ se in plexus choroidei vascula majora inferunt, & forte in eas venas, quæ inter ipsam medullarem cerebri substantiam decurrentes conspiciuntur, maxime in iis, qui stagnante sanguine suffocantur: ut quibus laqueo vita finitur.

615. Quomodo autem partes contentæ reliquis binis cavitatibus, aperta habeant, in externâ suâ superficie, venularum bibentium initia, patet tum pulcherrime, quando in harum truncos, ramos versus, inmittitur tepida.

616. A. Aquam immisi per sinum pulmonalem calidam, puram, leniter & continuatim, in pulmonem; simul imitatus sum respirationem vitalem, eventum gaudebam (454.) expositum; sed & simul eodem tempore sudabat per extimam membranam (140.), omni in puncto, assidue pulmo  
aquam,

aquam, ut absterfa citissime rediret, & quamdiu illa in vasis erat.

617. B. Per venam gastricam, quæ portarum venæ ramus insignis, inmisci aquam, non hæc tantum implebat, venis ultimis egressa patulis, ventriculi cavum, ut supra (466.) notatum est: sed & exsudabat per membranam extimam, omni in puncto, guttulis distinctis. absterfa autem superficies, mox iterum madefiebat, & sæpiissime.

618. r. Idem est in mesentericam venam injectæ aquæ eventus perfecte, nec intestina tantum implet interne (472.): sed & exsudat externe per tunicam a mesenterio datam: simulque mesenterium, omni in puncto, madefacit. Idem in mesocolo obtinet.

619. Δ. Lienem versus ex portarum venâ, per ramum insignem, quæ vena splenica dicitur, impulsâ aqua, madidum reddit lienem, qui & iterum abstersus, spongiæ instar exsudat. illud in pancreate, & in hepate ex cavâ impleto, est perfectissime idem.

620. E. Nec & est alia ratio in partibus extra peritonæum sitis. Si enim in venam emulgentem injicias aquam, renes versus, adhuc in corpore sub peritonæo integros, paulo post percipies sudantes illos



per membranam , a peritonæo supertensam , in cavum abdominis.

621. z. Tandem ( ne in hisce longior videar ) in hæmorrhoidales venas postquam aquam impulseram , percepi vesicam , uterum , in cavum abdominis per extimam suam , quæ a peritonæo est , membranam transmittere distinctas , minimas , confluentes statim , guttulas.

622. Est vero in omnibus ( a 616. ad 621. ) notandum ; quod , dum per truncum cujuscunque venæ inmittatur aqua , partes versus , atque illa ex iis in ambitu exfudet , pervertatur circulationis lex , quæ in venis pellit humores ex ramis in truncos ; cum vero venarum patentium in cavis , sit resorptio , qualis erat in aëri contiguis partibus inhalatio , & resorptio simul ; quod quomodo fit , in fine , demonstratione hydraulicâ exhibebimus ; haud dubium manet , quin venulæ hæ ultimæ ( 609. ) continentium , & partium contentarum ( a 616. ad 621. ) omni momento ex cavis assument rorem illum tenuem , volatilem , spirituosum ( 544. ) qui ex arteriolis , halitus instat , in easdem cavitates emittitur , ex continentium , & contentarum partium superficie.

623. An ergo ille ros , qui ex thoracis cavo per pulmonum vascula , in superficie

cie illorum patula reorbetur, venis pulmonalibus redditur, & per eas finifiro cordis antro? ficque arteriofi humoris pars fit, abfque cordis dextri (458.) & arteriæ pulmonalis (459.) aâione?

Et an ideo opus non habet hic humor majorem hanc fubaâionem, quia mox ex arteriolis emiffus eft, quæ ex aortâ, cordi proximâ, oriuntur?

An reforptus ille humor ex thorace a venulis, moxque cordi & aortæ datus, iterum in illum exhalat, ficque circum tantum in pectoris cavo, & vafis retinet? an vero pergit, & in abdomine, vel cerebro eadem functiones exhibet?

An & idem obtinet in humoribus tenuiffimis reforptis, per venulas minimas patulas in mediaftinis, pericardio exteriori, membranâ thoracem fuccingente, quæ fe venæ azygosinferunt, majores factæ?

An humor continentium & contentorum, in thoracem, & in abdomen emiffus, mifcetur? an diftinctus manet? an uterque ab ea fuperficie reforbetur, a qua emiffus eft? an partium inferiorum patula vafa plus affumunt, quam fuperiorum, quia vafa harum erecta perpendiculariter, fufum ofcula patentia habent, in quæ facilius ingreditur, gravitate fuâ descendens humor?

An abdominis humor reforptus, ad ve-

nam portarum adlatus, facit ad indolem sanguinis venosi, in arteriosam mutandam, in Epate? certe attenuat a secretionem crassiorum, reducem, venosum sanguinem, spiritusque addit.

An simul assumunt venulæ dictæ pingue, fuscum, oleum ex mesenterio & omento transfudante? an huic apti majores canales patuli? & an resorptum illud oleosum Venæ portarum datur? & quid ad *χολοποιήσιν* affert.

An est tenuis ille humor idem, qui postea per cuticulam (11.) & epithelium (107.) invisibilis, & sub formâ sudoris exit? an est nutritivus? an pingue itidem resorptum, nutrit? hoc docere videtur inedia.

624. H. Quod ante memoravi experimenti genus (189. 190.), quiete partium, hic iterum demonstrat transpirationem iisdem in partibus. In inversum etenim ventriculum infusa aqua, ligato utroque orificio, transfudavit per tunicam villosam, omni in ambitus puncto, & quidem guttulis distinctis.

Idem in intestinis obtinet tenuibus & crassis. (191.)

625. Est vero præter hæc, pulchrum experimentum, quo humoris resorptio non tantum demonstratur ex cavis; sed & simul

mul vascula lymphatica liquidum ad sanguifera vasa vehentia, & sanguini infundentia exhibentur; in quæ iterum minora, & minima, invisibilia forte, vascula, se exonerant.

626. In thorace institutum hoc experimentum exhibet, in omni continentium & contentorum superficie, vasa lymphatica, tendentia ad majora, illa vero in sanguifera, in ductum chyloferum, in venam azygam, se evacuantia.

627. Pulmonum superficies tota superbit, extima, catenulis pellucidis, lymphâ repletis, valvulis, quasi tot nodulis, jucundissimo spectaculo, in illis assurgentibus.

628. Tum & si aperiatur pericardium, cor suis se ornatum ostendit lymphaticis, innumeris, venulis, quæ minimæ, dispersæ, rami sunt majorum, in quas se exonerare conspiciuntur.

629. Tendunt hæ lymphaticæ (628) ex ramulis in truncum venas coronarias versus, has superant, venas jugulares, aut subclavas ingrediuntur Nuck. adenograph. pag. 143. Tab. XLI. attamen exitus a Nuckio descriptus, non satis certus videtur.

630. Idem experimentum (626.), eodem successu institutum in abdomine, eosdem dedit effectus.

631. Ibi etenim exhibent pulchrum &



jucundum spectaculum nodosæ, assurgentes, limpidæ, venulæ, omni in ambitu abdominis cavi, omni in puncto contentorum.

632. Epar etenim, ventriculus, lien, intestina, ipsum mesenterium, in omni parte, iis fulgent, expansis supra partes; uti & renes.

633. Plurimæ autem conspiciuntur ad lumbos, circa venam cavam; ubi & maximas noto, ortas ex minoribus, utrasque ramulis, & valvulis, conspiciundas; maximas ibi vidi ejusmodi venulas, truncis suis ipsi se cavæ inferere; alias vero, & quidem superiores, ad lumbos, sub diaphragmate, in azygam se insinuare observavi.

634. Nec tantum in cavis continentibus, & eorum contentis valet hoc experimentum; verum in omnibus omnino partibus; demonstrat etenim caute diffecanti capitis, & artuum, impletas lymphaticas venas.

635. Quanta autem in cavitatibus his utilitas sit hujus exhalantis humoris, patet consideranti, partes continentes, & contentas, servandas esse αἰσίμφους. quæ cæterum hujus defectu concreescunt: ut fit in thorace, post pleuritidem, peripneumoniam, vel paraphrenitidem; & inflammationem continentium, & contentorum, in abdomine. Tum etenim obstructæ, inflammatae, arteriæ negant

negant sanguini aditum in vasa minora; adeoque ingressum humoribus tenuissimis in minimas arteriolas, & ex ultimis egressum. hinc siccæ superficies concresecunt facile inter se. Idem docent penetrantia vulnera, quæ, ut in cuticulâ (103.), omnem perspirationem, eâ in parte, ubi cicatrix oritur, tollunt.

636. Quanta autem utilitas resorptionis, patet consideranti ab hujus vitio, impletas cavitates ichore; ut in hydrope, ubi, compressâ venâ, liquido negatur transitus ex resorbentibus in majores venas, hinc hæ repletæ, nec se evacuare potentes, negant humori, in cavo hærenti, aditum: inde ille accumulatur, & impletum cavum dilatat, extendit.

637. Quanta autem exhalationis, & resorptionis vicissim utilitas, patet illi, qui considerat humorum nostrorum indolem; hi enim stagnantes illam sequuntur naturam, quam sibi ipsi debent, foci calore corporis nostri: hinc renovantur, & in statu sano, moventur.

638. Ex hisce intelligitur, quidnam Hydrops thoracis, abdominis? & quotuplex? cur ab Hydrope, ulcera, gangræna, hæmorrhagia, viscerum sphacelus, mors.

Quomodo ab Empyemate urina purulenta, fæces purulentæ, sputum purulentum,

& phlegmata purulenta? cur ab empyëmate, vel quocunque abscessu, in cavis his, phthisis?

Quomodo medicamina, in thoracem per vulnus inmissa, observata sæpe sunt tussi ejecta, integro pulmone. ut jam Galenus notavit?

Cur ascites per urinas, per hydragoga per alvum, sæpe evacuatur?

639. Hæc iterum omnia observavit Hippocrates. cerebrum enim & ejus membranam duram, perspirantia declarat, de princip. αὐτὸς τε γὰρ ὁ ἐγκέφαλος ὑγρὸς ἐστίν, καὶ μὲν γὰρ περὶ αὐτὸν ἐστὶν ὑγρὴ καὶ παχὴν. *Ipsū enim cerebrum madidum est, & membrana circa illud madida est, & crassa:* & paulo post dicit, ὁσφραίνει γὰρ ὁ ἐγκέφαλος ὑγρὸς ἐὼν. *Olfacit vero cerebrum, humidum existens.*

640. Pulmones, splen, & mammas, gossypii instar trahere, dicit de veter. medicin. τὰ γὰρ σπογγιδεῖα τὰ καὶ ἀρχαῖα, οἷον σπλῆν, πνέμων, καὶ μαστὰ, προσκατεζόμενα μάλιστα ἀναπνοῇ. *Spongiformia vero & mollia, veluti splen, pulmo, & mammae ea, quæ proxime adjacent, maxime ebibunt.*

641. Ibidem & affirmat, viscera æque, quam ventres, perspirantia. Οὐ γὰρ ἀνὶ τῷ ἐν κοιλίῃ ἐστὶ τὸ ὑγρὸν, ἔξω τε παύειται, αὐτὴ καὶ κοιλίῃ τὸ ὑγρὸν, καὶ ἐξαγγίζειτ' ἀνὰ κατὰ ἐκαστῷ ἡμέρῳ. ἀλλ' ὅταν πῆ καὶ δέξηται αὐτὸς ἐς ἐαυτὸν τὸ ὑγρὸν

ἄρδον τὰ κενὰ ἢ ἀρχιὰ ἢ τὰ σμικρὰ πάντα. *Non enim si in ventre insit humidum, & exterius contineatur, ipse venter humidum illud evacuabit, ad diem unamquamque. Sed quando bibit & suscipit viscus in se humidum, vacua & rara, vel minima, omnia.*

642. De naturâ pueri docet, quod ex repleto ventre partes transfudant ad omentum, & viscera. ubi ait : τὸ ὅτι οὐκ ἔστιν πλήρης ἐξ ὅσης (καλῆς) ὁ πεισμός γρή, ἀπὸ πηδᾶ τὸ πῶταται ἀπὸ τῶν βρωτῶν, ἢ τῶν πετῶν ἐξῶ εἰς τὸ ἐπὶ πλοον ἢ τὸ σῆμα. *Cum vero ille repleto (ventre) compressio fiat, pinguiissimum quodque foras, a cibis & potibus, in omentum, & in viscera (carnes) profilit. Ubi & pulchrum addit experimentum, quod corium oleo ebrium, pressum, pingue illud exsudat. an hoc experimentum, quod de immisâ in ventriculum aquâ, postea transfudante, diximus (624.).*

643. De locis in homine dicit : ἐκ τῆς καλῆς ἵνες εἰς τὴν κύστιν, ἣ διηθεῖ τὸ ὕδρον, πεταμύαι εἰσιν. *Ex ventre autem fibræ ad vesicam, per quas percolat humidum, extensæ sunt.*

644. Sed & notat Hippocrates intus corpus esse magis humidum, & vasa esse majora. inde ibid. inquit : αἱ τῆς ἀφροδίσιας ἐρύπεραι τε εἰσιν αἱ ἐντὸς, καὶ λεπτότεραι τὰ μετὰ ξυῖ ἔχουσαι. ὁ δὲ ῥόος, ὥστε ἀπὸ ὑψηλοτέρων. ἢ λεπτὰ τὰ ἀντικωλύοντα ἔχων, ῥεῖ ἢ πῖμπλησιν ὕδρῳ.



τιτθ τοῖς σάρκας. (Foramina) vero laxiora sunt intus, & tenuiora habent intermedia. fluxus autem, utpote ab altioribus, & levia impediencia obstacula habens, fluit; & implet carnes humiditate. Perque carnes παρέγγυμα intelligere videtur. mox enim addit: καὶ διὰ τῶν σιτίων εἰς τὸ αὐτὸ χωρέσσει ἡ ὑγρότης, διέφθκει. Et a cibis eodem delata humiditas corrumpitur.

645. Est & locus memorandus de flatibus, ubi Hippocrati, describenti hydropis causam, videntur πνεῦμα & ἰχώρ (408.) inter se pulche iterum opponi, in statu sano, & morbofo. & ibi docet, quod humor ipsius corporis sit, qui hydropem efficit, emissus ex venis. ὡς δὲ ἀπὸ τῶν σαρκῶν αἱ φύται διεξιῶσι, τὰς πύλας δὲ σώματος δραστὺς ποιήσωσιν. ἔπειτα δὲ τῆσι φύσεσιν ὑγροσίνη, ἥς τὴν ὁδὸν ὅν ὁ αἶρ ἀπηρεχάσεται. ἀπὸ τούτου δὲ γνομὴς δὲ σώματος, ὑπεκτῆκον δὲ μὴ αἱ σάρκες, οἰδέματ' αὖτ' εἰς τὰς κινήμας καταβαίνει, καὶ λέγει τὸ τοῖστον νόσημα ὑδραψ. Siquidem carnes flatus penetrantes corporis poros rarefecerint, tum sequitur flatus humiditas, cui viam aër jam effecerat. Humedata vero corpore, liquescunt carnes, & tumores aquei in furas descendunt, & vocatur ille morbus, Hydrops. Addit etenim paulo post experimentum ex hydropē ipsā desumptum, ubi demonstrat, aggregatum πνέματ' αὖτ' εἶναι ὑμωρ, qui intus continetur morbosus.

πενωθείσης γὰρ παντελῶς τῇ καρδίᾳ, ἡ τρεῖς ἡμέραι  
διέλθωσιν, καὶ πάλιν πλήρης γίνεσθαι. τί ἐν αὐτῇ ἐστὶ τὸ  
πληρῶσαι, ἀλλ' ἢ τὸ πνεῦμα; τί γὰρ αὖν ἕτως ἄλλο  
ταχέως ἐξεπλήρωσεν; ἢ γὰρ δὴ πᾶς πτόν ἴσως τοῦτο  
τον ἐσῆλθεν ἐς τὸ σῶμα. *Evacuato enim plane  
ventre, tres præteribunt dies, Et iterum im-  
pletur. quid igitur aliud est, quod implet,  
quam ipse spiritus? quidnam enim aliud tam  
cito impleret? tanta nimirum copia potus haud  
in corpus ingreditur.*

646. Adeoque hic iterum mihi quidem,  
videtur explicare, quod de arte dicit πᾶν  
ἀσυμφύτον καρδίον. *Omne non concretum cavum.  
καὶ καρδίον πληρῶσθαι πνεύματι καὶ ὕδατι.* Et cavum  
impleri spiritu (537.) sanum. ἰχῶρ δὲ τῇ ἀδε-  
νητὸν, ichore vero morbosum (537.) atque  
adeo ἰχῶρ esse nihil aliud, quam πνεῦμα  
συνιστάμενον, ἐς ὕδωρ ἐρχόμενον; *spiritus congre-  
gatus in aquam versus.*

## CAPUT TRIGESIMUM:

647. Corpus plures ventres habet. 648. Ven-  
ter est Pericardium. 649. Pericardii defi-  
nitio. 650. Aperto Pericardio in vivo a-  
nimali, ros exit. madidum est internum.  
651. Post mortem invenitur in eo humor.  
652. Undenam? 653. Apertum madi-  
dum, abstersum, pressum, guttas dat. 654.  
Mal-

*Malpighius putat folliculos hæere inter membranas pericardii. quare? 655. Ruyschius negat. Pericardium tot vasa habet, ac ulla pars in corpore: apparet in præparato, Ruyschiano, pericardio. 656. In eo quintuplex vasorum diversus decursus describitur. 657. Arteriæ pericardii distribuuntur in minutissimos ramos, communicantes inter se. 658. Decurrunt inter binas membranas. unde id patet. 659. Vasa nunquam pendula distribuuntur, vel nuda, in corpore: sed inter membranas. 660. Ruyschianâ arte vasa, & duplicatura Pericardii: apparent. 661. Eustachius descripsit: Riolanus cognovit: & de iis memorat Galenus. 662. Sæpe venæ dispersæ conspiciuntur in recenti pericardio. nihil demonstrat hoc, quod Ruyschius exhibuit. 663. Minutissimi ramuli arteriarum eunt ad omne punctum pericardii; emittunt humorem pericardii, altera hujus pars ex corde exit.*

647. **Ε**χ<sup>δ</sup> ἢ τὸ σῶμα ἔ<sup>ῃ</sup> μίαν ἢ νηδύν, ἀλλὰ πλείους. δύο μὲν γὰρ αἱ τ<sup>ῇ</sup> σίτον δεχόμεναι τε καὶ ἀφιεῖσαι· ἀλλὰ καὶ ἢ τετῶν πλείους, αἷς ἴσασιν, οἷσι τετῶν ἐμέλησεν. ὅσα γὰρ τ<sup>ῇ</sup> μελέων ἔχ<sup>δ</sup> σάρκα περιφέρεια, ὡς μυῖ καλέεσι πάντ<sup>α</sup> νηδιῷ ἔχ<sup>δ</sup>. Habet vero corpus non unum ventrem, sed plures. duo quidem cibum accipiunt & demittunt. alique præter hos plures, quos sciunt, quibus hæc

*hæc curæ sunt. quæcunque etenim vacua carnem circumpositam habent, quem musculum vocant, omnia ventrem habent.*

648. Tale post tres ventres magnos (535.) pericardium est, suâ contenta perfectissime ab iis, quæ in reliquo thoracis cavo locantur, distincta servans.

649. *Χιτὼν περικάρδιον*, est faccus cavus conöides, ex latâ orbiculari basi ad septum, tendens in apicem obtusum, in regione superiore thoracis; cor, auriculas, sinus venosos, aortæ, & arteriæ pulmonalis initia includens, atque ab aliis omnibus separans; ortus a membranis thoracem internum succingentibus, & ab extimâ cordis (vide §. 151. 152. 153.)

650. Hoc (649.) in vivo animali aperto, exit, ut notatum antea (542. λ.), ex intimâ ejus lævi superficie, ros; madida eadem est, quâ parte cor spectat, in omni puncto.

651. Post mortem horas aliquot, aperto eodem, invenitur humor notabilis in cavo pericardii, ejus inter, & cordis superficiem.

652. Undenam autem humor ille originem ducat, propius examinemus.

653. Apertum Pericardium, politum, madidum est, internum; abstersum si premas supposito digito, apparent exeuntes  
gut-



guttulæ, minimæ, distinctæ, madefacientes superficiem ejus cavam, idque sæpissime.

654. Malpighius putat, folliculos hæ-rere inter Pericardii membranas, osculis suis per intimam membranam, tenuem, hiantes, in cavum ipsius apertos; quia, ut ait Epistola de glandulis pag. 7. & 8. dum a parte aversâ premitur pericardium, exsurgunt guttulæ, conspicuæ, exiguæ, innumeræ, ex orificiis determinatis; & quidem, licet pridie absterfissimum fuerat Pericardium.

655. Summus vero Ruyschius hæc negat glandulas, Th. anat. 1. p. 13. Sed habet Pericardium, ac ulla in corpore pars, arterias numerosissimas. Est inter præparata Ruyschiana, quæ comparavit sibi Celeberrimus Boerhavius, haud ultimum, cor infantis, diaphragmati situ naturali incumbens, pericardio inclusum, cui mediastini utriusque (148. 149.) reliquæ abscissæ adhærent, vasis majoribus cerâ distentis ornatum, a pulmonibus liberatum, ubi vascula pericardii, diaphragmatis, & vatorum majorum impleta ita, ut omnia rubeant, spectaculo amœnissimo.

656. Et quidem in eo pericardio (655.) cernuntur vasa, quintuplici varietate distincta, quæ sunt,

1. *Pericardio-diaphragmaticæ arteriæ.* Hæ  
latæ

latæ in Pericardio, angustiores se defundunt per septum; videntur oriri ex mammariis internis: sed dubie.

2. *Diaphragmatico-pericardiaceæ*. Hæ latæ in septo, angustiores ex eo adscendunt in Pericardium, sursum.

3. *Arteriæ* ortæ ex arteriâ mammariâ internâ, descendente ad latera sterni, variis locis emittente furculos, Pericardio-diaphragmaticos, Diaphragmatico-pericardiacos, & proprios.

4. *Mediastino-pericardiaceæ*. Ex arteriâ mediastinâ ortæ, unde copiâ quidem maximâ pericardio dantur.

5. *Arteriæ* ex arteriis intercostalibus, parte posticâ, progressæ.

657. Distribuantur autem hæ arteriæ (656.) in ramulos numerosos, minutissimos, multiplicatissimos, per omnem pericardii extensionem, ubique divisos. Adfunt autem in omni pericardio semper, & in omni pericardio communicantes semper inter se: vario tamen ortu, nunc ab hac, nunc ab aliâ parte, plures. Vid. Ruysf. Ep. prob: 11. a pag. 19. ad 21. fig. IV. N°. 44. n. 2.

658. Ortus horum vasorum (656.) docet, quod decurrant inter binas membranas pericardii (157.), ex mediastini membranâ, (149.) anticâ, posticâ (148.) & diaphragma-

gmaticâ (151.) ortas. Quod etiam apparet, quia nulla arteriola cavo pericardii, vel ejusdem convexo se implantat.

659. Hinc iterum notamus, quem in peritonæi historiâ admiramur (406.) naturæ apparatus, dum molitur vasorum deductiones; nunquam pendulâ, nunquam in superficie distribuuntur, nuda; Sed semper inter binas lamellas membranaceas proserpunt: ibi ordinantur, & ibi in ordine servantur.

660. En qualis Ruyschiana dexteritas! quidque demonstrat, vasorum impletio! Quis enim ante Magnum Detectorem putasset, pellucidam, tenuem, & ut Ruff. Ephesius vocat Lib. II. cap. VIII. *νευρώδης* membranam, superbire vasis innumeris adeo, ut forte nulla in corpore pars iis ditior sit? Sed & quomodo apparuisset illa unquam duplex, pellucida, tenuis esse membrana, nisi summo artificio suo resuscitasset Ruyschius, in recenti pericardio, vascula inter duplices membranas latentia, in cellulosâ mediâ (157.)? Hinc tenuitas quidem, sed & robur ejus apparet, & densitas simul. *ισχυρότατον & ὑμένων*, fortissimam membranarum vocat Aristoteles Lib. III. cap. XI. Affirmat & Santorini observ. anat. 142. 143. poros esse solos, qui pressi eructant liquorem.

661. Fateor, descripsit (cui pauci pares) bonus Eustachius, in tractatu de venâ azygâ clare pericardi vascula; inde etiam Riolano innotuere; imo jam ante hos, de hisce memorat Galenus.

662. Vidi & sæpius ipse, in strangulatis animalibus, quæ, itante quasi sanguine, inflammata moriuntur, in pericardio, hinc, inde, dispersas venas, sanguine tumidas. Verum quid hæc omnia ad quintuplicem arteriarum, venarumque, apparatus, a dexterrino Ruyschio detectum?

663. Cumque dispersi minutissimi harum arteriolarum (656.) ramuli vadant ad omne punctum membranæ, cor continentis, credibile est, maxime ex analogiâ reliquarum partium, hos esse, qui ex ultimis osculis, omni momento, partim emittunt rorem dictum (650.) subtilem: qui, dum colligitur, liquidum pericardii, ut vocant, efficit. Alteram autem hujus partem cor ipsum suppeditat. καὶ περιεβλέατο χιτῶνα λεῖον, ἐν ᾧ ὑγρὸν σμικρὸν, *circumambientem membranam habet, in quo humidum parcum.* Hippocrates de Corde.

## CAPUT TRIGESIMUM PRIMUM.

664. Cor. 665. Ejus libertas. nexus per propria vasa cum partibus. 666. Junguntur cordis vasa cum pericardio, intra il-



*lud libera. 667. Cor liberum in sacello suo, manet eodem loco. 668. Cor cum vasis emittit rorem. 669. Cor, & vasa majora, in pericardio madida, humor ablatus reddit. colligitur in moribundo. 670. Cor post mortem, & vasa majora, madida, humor collectus, in pericardio inveniendus. 671. Sunt in corde poruli; qui fines arteriolarum. 672. Cordis arteriæ, harum ortus ex aortâ. 673. Orificia harum, in quâ altitudine. 674. Orificiorum distantia. faciunt arteriolæ annulum. 675. Raro tres, unica semel visa, arteria Coronaria. 676. Annulus coronariæ jacet extra fibras cordis. 677. Ex annulo oriuntur rami perpendiculares. maximi dividunt cor, extra fibras jacent. 678. Ut & minores ex annulo orti. 679. Rami ex annulo, cordi sinistro dati, majores sunt. 680. Dantur auriculis. 681. Aortæ. 682. Cordi exterius, interius. 683. Columnis. 684. Valvulis. 685. Arteriis. 686. Tendinibus laceratorum. 687. Ultimæ arteriolæ tomentosæ, microscopio tantum, apparent. 688. Apparatus harum alius, ac in aliis visceribus. 689. Impulsa materies exitum quærit inter fibras, roris instar. hoc demonstratur. 690. Ex coronariis omnium minimæ arteriæ sunt patulæ in superficie cordis, & vasorum majorum: experimentum docet. 691. Experimentum*

cor aridum, succosum reddens. 692. Arteriae cordis inpletæ exhibent decreascentias tot, quot in ullâ parte corporis. 693. Credibile est, coronarias in tot dividi decreascentias. actio musculosa cordis id confirmat. 694. Maximus sudor ad auriculas. 695. Describit transudans cor Hippocrates. 696. Necessario brevi colligitur humidum. 697. In vivis nullum tamen, vel parcum adest. 698. Bobinus nullum, Vesalius paucum affirmat: Riolanus, Diemersbroeckius, quantitatem definiunt. 699. In vivo cane ros invenitur, in frigefacto quantitas mensurabilis humidi. Idem affirmat Vesalius. 700. Resorbetur ergo in vivo. 701. Sunt aptæ huic operi venæ in pericardio. 702. Arteriis contiguæ. 703. Quantus ex arteriis emittitur humor, tantus resorbetur a venis, aliter morbus. 704. Nisi ros exhalat, concrescit pericardium, & cor. 705. In cordis omni superficie venulæ patent. 706. Docet injecta aqua in venam coronariam. 707. Cor exemptum, siccatum, aquæ inpositum bibit, repletur, forte tunc arteriæ ultimæ simul assumunt. 708. Venæ cordis respondent arteriis. 709. Exhalantibus arteriis respondent venæ resorbentes. 710. Et in omni puncto. 711. Inde diversæ series, exonerantes se in majores proximas, ultimo in sanguiferas. 712. Sanguis ruber in ve-

*nam coronariam inmittitur. 713. Vena coronaria sanguinem in sinum venosum effundit. 714. Sunt duæ venæ coronariæ. 715. Aliquando plura foramina se evacuant. 716. Magnæ venæ opposita valvula describitur. 717. Alia sanguinis pars exoneratur in auriculam dextram. 718. In venis coronariis nullæ valvulæ: inde sanguis ex uno puncto cordis, facile fertur in aliud. 719. Aqua ex coronariâ venâ fluit in cordis ventriculum dextrum, & sinistrum. 720. Gracilia vascula exhibet inmissus flatus. 721. In utrâque auriculâ, & in corde sinistro, id obtinet. 722. Quid Flatus docet in venæ coronariæ ramum inmissus? 723. Venulæ in auriculâ cordis sinistrâ, in bove, adsunt. 724. Sunt venæ patulæ sub foveis cordis, valvulis tectæ. 725. Ferunt in cor. 726. Quænam ex hisce patent, recapitulantur? 727. Portiuncula sanguinis cordis redditur aortæ; nec prius per pulmones fluit. 728. Maxima pars miscetur cum sanguine, a corpore reduce; & actionem pulmonum experitur.*

664. **C**or, κῆρ, κέαρ, καρδιά, καρδιά, \* est viscus musculosum, situm in pericardio ( 649. ), humori sanguineo corporis excipiendo & emittendo, dicatatum:

\* Vocis significatio duplex. notat, 1. viscus vitale, 2. os ventriculi τὸ σῶμα τῆς γαστρὸς

665. Liberum cor hæret intra Pericardium, nulli omnino parti annexum, nisi binis suis vasis

ὀνομάζουσι καὶ καρδίαν. *Os ventriculi nominant etiam cor, (præcordia).* Galen. Lib. II. de alim. facul. Idque, 1. ob locum, 2. ob consensum. τὸ σῶμα τῆ κοιλίας οἱ παλαιοὶ καρδίαν ὀνόμαζεν ἀφ' ὧν ἐπιφέρει συμπτώματων. *Os ventriculi veteres cor (præcordia) vocaverunt ideo, quod symptomata tradat.* Galen. Lib. V. de loc. affect. hinc καρδιαλγία oris ventriculi dolor, καρδιωγμός, morsus, erosio, oris ventriculi: exquisitissimus sensus oris ventriculi, ilico cordi communicatur. γίνεῃ δὲ ἡ συμπάθεια, καὶ ἀπὸ τόπου γειννιάσιν καὶ ἐγγύτητι, ὡς συμπάθει καρδία στομάχῳ, ἔτσι ὑπὸ δερμίδος χυμὸς διακομίζεται καὶ αὐτὴ συναπιδεύεται, ποιεῖ καρδιωγμὸν, πρὸς ἀπωδίωξιν τῶν λυπουμένων. *Fit affectus communis etiam per loci vicinitatem & propinquitatem, sicuti cor consentit cum ventriculo. quoties ab acri materia morsum est, & ipsum expellit eam, & facit morsum ventriculi, ad expulsionem eorum, quæ molestiam afferunt.* Alexand. Aphrod. lib. 2. Probl. Galen. comment. in vocem καρδιωγμὸν aphorism. 17. sect. 4. Hipp. δῆξις ἐστὶ καρδίας. τέττις δὲ σῶμα τοῦ γαστρός. *Rosio est cordis, id est: oris ventriculi.* Nec & inter utraque, distantia forte unguem crassa, neurodes scilicet pars diaphragmatis. Hippocr. 4. aphor. 65. ἐν τοῖσι πυρετοῖσι, πρὸς τὴν κοιλίαν καῖμα ἰσχυρὸν, καὶ καρδιωγμὸς, κακόν. *In febribus circa ventriculum vehemens æstus, & stomachi morsus, malum.* ὄνομα δὲ ἀπ' αὐτῆς (τῆ καρδίας), ἀνὰ καρδίαν, καὶ καρδιαίττειν. ἔτσι δὲ Δωριεῖς τὸ πρὸς τὸν φάρυγγα βελιμίαν καλεῖσι. *Nomen ab eo (corde),*



sis arteriosis, quæ ex se emittit, & binis sinibus venosis, auriculâ suâ singulis intructis.

666. Quatuor ergo hæc vasa uni pericardio directè junguntur (153.); arteriæ ramo suo unico, proprio; sinus, binis venosis suis truncis: intra illud libera sunt, & mobilia, suspensa quasi in spatio vacuo; quod in cæteris vasis haud obtinet usquam: dum intra membranas coercentur, liganturque, in omnibus aliis corporis plagis.

667. Cæterum cor seorsum, solitarium, liberrimum in suo toto corpore, undique æquabilissime pressum, æquabilissime qua-

de), *cordatus*, cordis vitio laborare, quod *Dores* dicunt, juxta *Xenophontem*, *esurire*. *Jul. Pollux* onomast. Lib. II. In corde *Stoici* sedem sapientiæ posuere. *ibid.* 226 καὶ ὁ μὲν νῆς, καὶ λογισμὸς καὶ ἡγεμονικὸν αἰεὶ τὴν καρδίαν ὡς ἡ *Στοά* *Mens* vero, & *ratiocinatio*, & *princeps*, circa cor; ut *Stoica sententia*. & 227. *ibid.* θυμὸς δὲ τόπος ἀντικρὺς ἡ καρδία. *Animi* vero *sedes*, sine controversiâ, cor est. Hinc *Cati*, qui & *Corculi*, quod usu & sapientiâ præstarent. nam *catum* *Sabini* acutum dixere. *Alex. ab Alex.* Lib. 1. cap. ix *Cor-datus* ergo, sapiens est cum virtute. *Alvum* *Clepsydr* καρδίαν, *Aristoteles* dicit. & *Theophrasto* in *hist. plant.* Lib. I. Cor & medulla arborum dicitur, id est, μεσλὸς καὶ μήτρα: quæ in palmâ ἐγκαρδία.

quaversum mobile, separatum in sacello suo secreto, ponitur: basis cordis sola, ea-que tota, immota nexu facit; ut inverti, intorqueri, a situ dimoveri, nequeat, a quocumque corporis situ: sed intra pericardium, liberrimâ actione uti, frui possit. *ἐν κύσσει ἡ καρδία ἀνασπένδεται*. In receptaculo agit cor. Lib. de corde.

668. Aperto in vivo animali pericardio ex omni cordis, auricularum, sinuum, vasorum majorum, ambitus puncto exit vapor, tenuis, nebulosus, vitri superficiem obfus-icans, qui collectus verum exhibet madorem (542.).

669. Aperto, in vivo animali, pericardio; Cordis, auricularum, sinuum, vasorum majorum, intra pericardium, superficies, madida semper, in omni ambitus puncto: deterfa eadem, hinc sicca, mox humectatur iterum sponte; & languente, moribundo animali, colligi incipit in illo spiritus, frigore in aquam conversus.

670. Aperto, in animali mortuo horas aliquot, pericardio, cordis, auricularum, sinuum, vasorum majorum, intra pericardium, superficies, in omni ambitus puncto, invenitur humida: absterfa eadem, hinc sicca, corde postea presso, iterum humectatur. in auriculis, sinubus, vasis majoribus

bus fit idem. Humor invenitur intra pericardium collectus, notabilis.

671. Patetigitur, aperiri porulos humorem emittentes in membranâ tenuissimâ cor, auriculas, sinus; vasa majora intra pericardium, ambiente (152.): & ex analogiâ sequitur, illos esse ultimas apertas arteriolas.

672. Illæ (671.) autem omnes ortum ducunt ex arteriis coronariis; quæ duæ, origine diversæ, semper ex aortâ oriuntur, quæ æque cordi, quam universo corpori dat arterias omnes sola, statim supra enatas aortæ valvulas cavas, in distantia non magna: in medio quippe spatio, inter fines cavæ valvulæ unius, unum oritur orificium, & inter fines cavæ valvulæ alterius, alterum. Ut ita unius valvulæ distantia distent. Ruysch. epist. prob. 3. fig. 1. B. B.

673. Orificia hæc (672.) sunt in eâ altitudine, respectu cavorum sacculorum, valvulorum, ut, limbo medio pensili horum retrogresso, utcunque tegi possint.

674. Arteriæ duæ, ortæ his orificiis, a primo suo ortu, distant perfecte unam tertiam partem circuli aortæ (672.). ambiunt superius dimidium basios cordis, singulare; dein cavitates omnium eunt in unum; faciunt, quem annulum dicunt coronariarum arteriarum, qui deliquium patitur

titur modo distantiae unius valvulae, inter bina orificia.

675. Rarius adfunt coronariae tres act. Lips. 1721. 317. ex act. Becolin. vol. VII. In corde bovino semel, unico orificio ortam vidi, simplicem, coronariam, quæ tamen mox infra ortum bifida, duas coronarias porrigebat, quæ singulae singularem cordis basin ambiebant dimidiam, & coeuntes annulum (674.), cor coronantem efficiebant.

676. Annulus coronariae arteriae (674.) jacet extra fibras carneas cordis ita, ut iis incumbat quidem, sed iisdem haud cingatur.

677. Ex ambitu annuli arteriosi coronarii (674.) emittuntur rami arteriosi, orificiis inde patulis orti; ad perpendicularum fere dimissi, quorum duo maximi sunt omnium, qui locantur in sinubus externis cordis, ubi ambitus dextri lævo accrescit ventriculo, fere ambitum cordis a basi deorsum, bifariam dividentes. Unde & duo hi rami jacent extra fibras carneas cordis, uti coronariae (676); Ruyschio ibid. delineati. & Thes. ant. IV. Tab. III. f. 1. & 2. C. C.

678. Cæteri rami minores ex annulo (674.) orti, etiam exterius jacent: omnes autem in pinguedine, in membranâ cellulosa, sub extimâ cordis; tam annulus



lus, quam rami, sepulti, proserpunt; ubique cubantes intra molle pulvinar.

679. Rami ex annulo (674.) orti, cordi sinistro dati, sunt majores illis, qui thalamo dextro porriguntur.

680. Rami ex coronariis dantur auriculis ambabus cordis, proprii. Ruysch. Ep. prob. 3. p. 27. Tab. III. fig. 1. C. C.

681. Rami ex coronariis dantur aortæ ipsi, ut ita cordi, auriculis, aortæ, numerosissimi, subtilissimi dentur. ibid. & fig. 2. K. & fig. 3. F. unde propriâ dextrâ, exercitatissimâ Ruyschius eos ipse pingere, & dein sculptoris manum regere, debuerit.

682. Rami ex coronariis dantur toti cordi exterius Ep. prob. III. fig. 1. 2. The-saur. anat. IV. Tab. III. fig. 1. 2. interius, per ipsam ejus internam substantiam: ut patet, dissecto transversum corde, eodemve explicato. Ep. prob. fig. III. E. E. E. Adv. Anat. I. p. 17. Tab. II. fig. 1. 2.

683. Rami ex coronariis dantur ipsis columnis cordis. ibid.

684. Rami ex coronariis dantur, cordis valvulis. ibid.

685. Rami ex coronariis redduntur, ipsis vasis arteriosis. ibid.

686. Rami ex coronariis, dantur tendinibus lacertorum carnosorum, ut ubique arte-

arteriis pleni rubeant, in columnis dictis cordis. *ibid.*

687. Ultimæ denique in extremitatibus ultimis fumi, vel nubeculæ instar disperguntur, minimæ, tomentosæ, arteriolæ, adeo quidem tenues, ut Ruyschianâ arte impletæ ad ultimum, non, nisi microscopio, oleo inunctæ, solis radiis illustratæ, videri queant.

688. Arteriæ hæ (687.) cordis habent extrema sua, longo alio apparatu constructa, quam alia corporis viscera: sive spectaveris decursum, sive ipsam quoque earum substantiam. Ruysch. Thesaur. Anat. VI. N°. CXXV. n. 3. Thes. Anat. IV. N°. XCVI.

689. Quoties repletio hæc cordis optime facta est, tum impulsæ materies in arteriolas extremas (687.), exitum quæsit ex his, inter fibras carnosas cordis, effusa ibidem extra vasa, instar roris. Ruysch. *ibid* & Thesaur. X. N. XXX. Nec in hisce omni successu caruit conatus juvenilis, servo quippe, quæ felicissimo eventu præparavi, corda in quibus examinanti non prorsus hoc latet. inter illa cor caninum est, una cum pulmonibus repletum, & exsiccatum, ubi ultimæ carnosæ fibræ, tenues, undique, roris instar, emissâ ex ultimis vas-

scu-

sculis cera, & rubrâ quidem, conspiciuntur perfusæ Ruyfch. Ep. prob. III. pag. 16. 17.

690. Ex hisce tandem coronariarum ramis, oriuntur (689.) arteriolæ omnium minimæ, in externâ cordis, auricularum, sinuum, vasorum majorum, membranâ; intra pericardium, patulæ; docet id injecta leniter, & continuatim aqua tepida, pura, in arteriam coronariam; integrum enim pericardium, ne minimo quidem vasculo læso, ad rupturam usque extensum, replevit: dissecto eodem, vidi ad oculum sudare, cor, auriculas, sinus, vasa majora: deterfa superficies horum, sicca adeo, mox iterum madefiebat.

691. Expressâ omni aquâ leniter, ut aridum totum cor, & contractum; arteriæ collapsæ sint, & vacuæ; inmissa iterum aqua in easdem arterias (690.), succosum, turgidum, reddit cor: surgit illud, & exsudat iterum.

692. Arteriæ cordis, injectu visibiles redditæ, microscopiis lustratæ, exhibent hic, tot series decrefcentium arteriarum, quot in ullâ aliâ parte corporis, ullo artis adminiculo, fuere inventæ, rubræ, seriferæ, lymphaticæ, roriferæ, pinguisferæ, nervosæ naturales.

693. Igitur ex analogiâ credibile; arterias

terias coronarias , hic subdividi in tot ordines diminutarum arteriolarum , ut in corpore usquam. Musculi actuosissimi expeditissima actio , per seculum , & ultra sæpe durans , id confirmat: eo enim requiritur minimorum cavorum , & convectorum , tam in vasis omnibus , quam in interstitiis cunctis , inter vasa omnia , humectatio , repletio , nutritio , in ipsâ exteriori , & interiore superficie.

694. Maximus autem sudor (669. 670.) exeuns ex corde , percipitur ad auriculas , hinc putavit Peyërus , has esse fontes liquidi pericardii.

695. Exhalat ergo , ut cæteræ partes , ex vasculis minimis , cor liquidum tenue. quod & novit Hippocrates: ait enim , vel forte alius auctor. Lib. de Corde , ἡ καρδία διαρέει τῶτο τὸ ὑγρὸν. *Cor transmingit illud humidum.*

696. Cum ergo ex omni superficie χίτωνος τῆς καρδίας , & ex unoquoque Cordis & vasorum intra pericardium , contentorum puncto , exeat subtilissimus sudor , necesse esset , brevi tempore colligatur haud parva quantitas.

697. Tamen observationes docent , in mortuis , fanis , parcum ; in vivis , vel nullum , vel admodum parum , adesse.



698. Bobinus pag. 322. affirmat, in vivis, fanis, nullam esse in pericardio aquam. Vesalius autem Lib. VI. cap. 8. dicit, Bononiæ cor vivo exemptum, aquæ quid, in pericardio, habere visum fuisse: & in pericardio ejus, qui Patavii vivus, ex sententiâ judicum, in quatuor partes dissectus erat, aquam nonnullam invenisse, affirmat: dum pulsans adhuc cor, cum pulmonibus, & reliquis visceribus, exemptum, & in pharmacopolæ proximam officinam delatum, examinat. ibid. Copiam minimam aquæ, in pericardio præsentem, semper semissam, definit Riolanus, & Diemerbroeckius anat. Lib. II. c. v.

699. In vivis canibus, dissecto pericardio, rorem, hyeme densum semper, & visibilem deprehendo; madidam quidem Cordis, & pericardii superficiem invenio, nullam vero, nisi ubi frigesieri jam incipiunt partes, mensurabilem aquam. quod & ibid. notat magnus Vesalius: dum in vivis canibus involucris cavitatem, & cordis superficiem humectas invenit, nec in his ulla observatur diffluentis aquæ quantitas: quæ in aliquamdiu mortuis canibus occurrit.

ἡ περιεβλέα) χιτῶνα λεῖον (ἡ καρδιά) ἐν ᾧ ὑ-  
 γρὸν σμικρὸν, & *habet circumambientem mem-*  
*bra-*

*branam politam (cor), in qua humidum paucum.* Lib. de Corde. unde τὸ ὑγρόμα & καρδίας. *Humiditas Cordis* vocatur ibidem.

700. Sunt & huic operi aptæ venæ, in Pericardio (647.) æque, quam dictæ prius arteriæ, numerosissimæ. Vid. Ruysch. in locis supra notatis (657.), & seqq.

701. Est ergo in vivis, sanis, necessaria resorbendi ratio id, quod ex arteriis depositum, officium præstitit, atque renovanti locum cedit. Hoc autem fieri per venas, docet toto in corpore Analoge.

702. Arteriis (656.) autem hæ venæ (700.) sunt contiguæ, harum pulsu, & contractione cordis, evacuandæ quam facillime; hinc hisce quiescentibus, liberæ & vacuæ, assumunt tantum, quantum ex arteriis expellitur.

703. Hinc quantus ex arteriis (657.) emititur, tantus resorbetur a venis (700.) liquor: quamdiu hisce in partibus sanitas. Impeditâ enim per venas resorptione, colligitur exhalans ros; estque una ex causis proximis, quæ pericardii hydropem faciunt.

704. Impeditâ autem expiratione huic liquido, fit siccitas, durities, scabrities; concrescit pericardium, internâ suâ membranâ (650.) cum cordis superficie externâ (668.).

705. Uti in pericardio (657.), ita in membranâ extimâ Cordis, patent, in omni puncto, venarum minimarum oscula bibula, æque ac arteriolarum emittentium orificia ultima: docent hoc pulcherrime experimenta.

706. In venam coronariam injecta tepida sudare facit Cor, ad omne superficiei punctum. Dum copia ejus per arteriam ejusdem nominis, redit in aortam.

707. Cor exemptum Pericardio, siccatum, inter manus lenissime expressum, ut aridum totum sit, postea mucrone suo aquæ inmissum ita, ut basis ejus supereminet, & vasa majora; bibit statim siticulolum aquam, & saturatum præbet se succulentum & tumens ad basin usque: forte & vacuæ, expresso omni humido, patulæ ultimæ arteriæ, non recusant vices venarum, pro tempore, gerere.

708. Venæ cordis (705.) respondent arteriis, (a 672. ad 693.); maximæ maximis, coronariæ coronariis, in sinubus pinguitudinosis, in ramis, quo usque videri potest. vid. Ruysch. Ep. prob. iv.

709. Erunt igitur exhalantibus arteriis respondentes resorbentes venæ, tam in superficie externâ, quam internâ, in omni puncto; arteriæ venas movent compri-

men-

menſo, humores promovendo. vid. de his demonſtrationem hydraulicam in fine.

710. Erunt & tales in omnis interſtii puncto, ſed & reſpondebunt initio ſuo fini evaneſcenti arteriæ: unde quot arteriæ, tot venæ.

711. Igitur aliæ vehentes liquorem naturalem, ſpiritum, roriſeræ, lymphaticæ, ſeriferæ, pinguiſeræ, ſanguiferæ: atque harum quidem omnium ſeries ultima, in penultimam, hæc in antepenultimam, hæc rurfus in eam, quæ unâ ſerie ſuperior, ſe evacuant; donec tandem ſeriferæ in ſanguiferas, adeoque in has, omnes ſua liquida emittant.

712. Sanguis ille ruber, venoſus, maximam partem inmiſſus in annulum venæ coronariæ cavum, fluit a plerisque locis cordis redux, ex concurſu ramorum ubique.

713. Vena coronaria (712.) omnem ſanguinem effundit, per unicum fere ſemper os, in eam partem venæ cavæ, quæ eſt facta ex concurſu aſcendentis & deſcendentis, dicto ſinu venoſo dextro, in plagâ oppoſitâ carneæ auriculæ, cavitatis dextræ, inter ambitum valvularum tricuſpidalium, cor verſus, & inter foramen ovale, a parte averſâ a Corde. Euiſtach. Tab. XVI. Fig. II. 49. - 20. Fig. III. 21. - 42.



714. Sunt fere semper venæ duæ coronariæ, una major in parte sinistri cordis. Tab. XVI. 19. - 48. aperiens se magno ore in cavam. ibid. Fig. III. 43. - 20. altera a parte cordis dextri. ibid. Fig. I. 17. - 13. exonerans se in cavam, alio loco. ibid. Fig. III. 40. - 23.

715. Quandoque plura sunt foramina venarum a variis venis, ibi distincte se evacuantibus. Cowp. myotom. reform. Tab. XXXVII. Fig. I. C. & ibidem adhuc inter C. D.

716. Habet hoc magnum os (713.) appositam valvulam, laxam, membranaceam, lunæ crescentis cornutâ formâ, cujus convexa, exterior pars, sinui accreta, cava interior, libera, ita se habet, ut sanguinem, cavam superiorem versus, emitat, non truncum adscendentem versus. Eustach. Tab. XVI. Fig. III. 21. - 43.

717. Alia portio sanguinis venosi, reducis a corde, exonerat se infra cavum auriculæ dextræ, in quam sanguis ab auriculâ dextrâ reversus infunditur: & quidem ad partem posticam exonerat se, aperturâ largâ, unâ præcipue, haud attingens sinum dextrum. Thebes. Figurâ I. Lit. C. Ruysch. Thesaur. IX. N°. LXIII. Advf. I. p. 16. Tab. II. Fig. 12. Epist. probl. III. pag.

pag. 16. 17. Tab. III. Epist. probl. X. pag. 7. Tab. II. Fig. 1. 2. 3. 4. 5.

718. *Æstus cordis*, motus perpetuus, *Pericardium* cor cingens, pellunt, propellunt resorptum tenue humidum ex angusto in latum facile: dumque venæ coronariæ nullas habeant valvulas; sanguis ideo ex qualibet venâ duci potest in alias; & ex omnibus in quamcunque, pro varietate causæ determinantis. Lower. pag. 15. Hinc expeditissimum est ab omni puncto iter.

719. Aqua per siphonem coronariæ venæ (712.) injecta, aperto ventriculo dextro, & sinistro, apparet diffluere in cava, per venulas exiguas, sensim majores ibi, ubi intra ventriculos hiant.

720. In superficie internâ sunt gracilia vascula, quæ exeunt in majora, hæc desinunt in cava cordis: his flatus inmissus inflavit ramos minores, atque ex plurimis foveolis erupit, bullis factis se manifestans.

721. Id & in utrâque auriculâ, & in corde sinistro obtinet, ex quo flatus inmissus penetrat in venam coronariam, ejusque ramos majores; maxime ad septum.

722. Flatus in venam majorem, sobolem coronariæ inmissus, cor versus, ubique erumpit; anastomosibus ubique: ut sanguis, ita per omnia queat exire: unde

hic ex uno puncto, itinere diverso, & opposito, sanguis eat in coronariam, & in cava cordis.

723. In sinistrâ cordis auriculâ venulæ paucæ; In bubulo tamen corde adsunt.

724. Emissaria omnia hæc latent sub foveis, cuniculisque cordis non in superficie patula, non obtecta: sed sub valvulis membranaceis. Vide Thebesium & Verheyenum Anat. pag. 166. ad 180.

725. Valvulæ hæc elevari possunt cava versus, non contra: ergo ferunt in cor, non ex eo.

726. Hinc igitur patet, sanguinem cordis arteriosum, recens pulmonis officia passum, rapidissime per vasa cordis arteriosa omnis seriei urgeri, partim venas impelli, tandem in venas maximas sanguiferas infundi; mistum ex omnibus humoribus; hunc vero ire:

1°. Maximam partem in coronarias; inde in sinum venosum dextrum, non in sinistrum.

2°. In cavum auriculæ dextræ, magnâ venâ.

3°. In cavum auriculæ dextræ, parvis venis.

4°. In cavum cordis dextri, magnis, multis, venis.

5°. In cavum auriculæ sinistræ, parvis ve-

venis; in bove visis, in homine nondum.

6°. In cavum cordis sinistri, parvis, paucis, venis.

727. Hinc apparet ( 726. 6°. ), portiunculam sanguinis parvam posse fluere ex aortâ per vasa cordis, & ex vasis cordis, in aortam; licet prius iterum non fluxerit per pulmones. Videtur igitur sanguis ille per vasa arteriosa cordis, in venosa actus, ibidem adipisci dotes, quales in pulmone acquirit.

728. Maxima tamen pars illius sanguinis, qui per cor fluxit, it in coronariam, in sinum dextrum, in auriculam dextram, in cavum cordis dextrum. In iis omni modo, fervens rapididissimo motu, undeque permiscetur sanguini venoso intimè, reduci a corpore, ut cum eo iterum experiatur vim pulmonis, priusquam eat per corpus, ope aortæ.

## CAPUT TRIGESIMUM SECUNDUM.

729. *Cavum est Tunica vaginalis.* 730. *Exhalat simul cum teste.* 731. *Abstersâ superficie, humor redit.* 732. *Humor resorbetur.* 733. *Vasis resorbentibus impletis, hydrops testium, cujus duplex causa*



exponitur. 734. Cavum est oculi Camera  
 anterior. in hanc exhalat humor aqueus;  
 & , resorbetur , quidnam hoc docere vide-  
 tur? 735. Humor aqueus Hippocrati de-  
 scriptus. 736. Cava talia sunt, quæ epi-  
 thelio teguntur , omnia. 737. Humor in  
 iis semper. 738. Differt ille in diversis.  
 739. In omnibus tamen πνεῦμα. unde di-  
 versitas? 740. Aliud liquidum est in om-  
 ni cavitate. 741. Diversissimum in Peri-  
 cardio. concrescit ad ignem. 742. In omni  
 sano animali humor semper notabilis. 743.  
 Cur post mortem ros? apparet hoc ex phæ-  
 nomenis mortis. 744. Definitio mortis.  
 745. Quiescente corde , quænam actiones  
 supersunt. 746. Penultima cordis actio  
 quid facit? 747. Cessante cordis actione ,  
 quid agant arteriæ. 748. Quid frigus at-  
 mosphæræ addit? 749. Quomodo cor si-  
 nistrum , post ultimam actionem , se habet?  
 750. Quid venæ tum agunt. 751. Quo-  
 modo sese post ultimam actionem habet cor  
 dextrum. 752. In quibus locis sanguis post  
 mortem. 753. Ratio explicatur , cur post  
 mortem colligatur humor in cavitatibus. cur  
 sudor in moribundis? 754. Altera ratio  
 in venis est. 755. Fallere possunt humo-  
 rum phænomena in mortuis. 756. Vi-  
 dentur accedere olea ex membranâ cellulosa.  
 757. Ultima Cordis actio. ultima ejus dia-  
 stole.

*stole. ultima actio arteriarum, nltima systole.  
ultima actio venarum, diastole ultima.*

758. *Arteriæ cordis videntur impleri, corde quieto.* 759. *Omnes arteriæ videntur*

*simul exhalare.* 760. *Omnes venæ videntur simul resorbere.* 761. *Cor quando*

*exhalat?* 762. *Cor exhalat tum, quando pericardium inhalat.* 763. *An cor & pe-*

*ricardium sua resorbent liquida propria?* 764. *Quomodo perspirationem augmentia a-*

*gunt?* 765. *Spiritualia usu corroborant.* 766. *Abusu laxant.* 767. *Cur hydropici*

*mediis in aquis sitiunt?* 768. *Cur febricitant.* 769. *Hydrops a vitio venarum.*

770. *Ut in magnis, ita in minimis cavis, idem est.*

729. **E**st & ejusmodi non concretum cavum Tunica vaginalis (pag. 270.); retinens in vivo Testem, quæ una cum contento assidue exhalat tenuem halitum, vaporis instar.

730. Docet id (729.), in vivo, vel recens mortuo animali, dissectio; exit tunc ex internâ superficie vaginæ politâ nube-  
cula, politum vitrum obfuscans: talem & testiculus, atque epididymis, per externam suam superficiem, emittunt.

731. Absterfa omnium superficies, sicca, dein pressa in recenti, prodeuntes ex-

### 314 TUNICA TESTIUM VAGINALIS.

hibet iterum guttulas, quæ post mortem, collectæ madorem exhibent, notabilem.

732. Resorbentur hæ (731.) in sanitate per venulas arteriolas respondentes; docet id analogia, & humoris in sanitate evanescentiâ: sed & sunt in teste, ac in ullâ parte, venulæ lymphaticæ innumeræ, experimento (625.) conspicuæ.

733. Hæ compressæ, obstructæ, vel iis evacuatio prohibita, efficiunt hydropem in vaginali tunicâ, quam hydrocelen vocant, quæ ad ingentem sæpe extenditur dimensionem, aucto liquido exhalante: unde vix, nisi exhalatione destructâ, sanatur: quod fit concretione ipsius tunicæ, cum corpore testis, post eductum serum, inflammatione excitatâ. Alia hujus causa est, laxatio vasculorum exhalantium. Hæc videtur species, quam sanatam scio, eductâ lymphâ per acum cannulatam, adstringentibus & roborantibus, scroto externo applicatis.

734. Tale & cavum in oculi anticâ parte est, corneam concavam inter, & convexum corpus vitreum, & crystallinum, quod humore aqueo inpletur tenui, subsalsò, inodoro; qui exsudare videtur per ultima arteriolarum lymphaticarum oscula in superficie corneæ internâ, in iride, uveâ, membranâ vitreâ, membranâ lentis crystalli-

stallinæ, patula: atque a venulis arterioliis similibus reforberi, in iisdem parubus patulis. Id docere videtur, emissus ex vulneratâ corneâ humor, cito iterum præfens.

735. Hunc Humorem (734.), pulchre descriptum invenies, apud Hippocratem Lib. de principiis. ibi post membranas, & totam oculi fabricam exposuit, addit: τὸ ὃ ὑγρὸν καλῶδες. πολλάκις γὰρ ὁπώπαμιν ὅτι συρράχοντο ὁφθαλμοῖς ἐξίον ὑγρὸν καλῶδες κλεῖ μὲν ἢ ἐπὶ θερμὸν, ὑγρὸν ἐστίν. ἐπειδὴν δὲ ψυχῇ, ἐχρύετο ξηρὸν, ὥσπερ λιθαιτὸς Διαφανὴς καὶ τὸ ἀνθρώπων καὶ τὸ θηρίων ὁμοιον ἐστίν. *Humidum autem glutinosum est. sæpe enim videmus, perforato oculo, effluere humorem glutinosum. qui, dum calidus adhuc est, liquidus est. ubi vero refrigeratus est, fit siccus, thuris instar pellucidus, & in hominibus pariter id est, & in brutis.* Idem & in locis de homine describit. Confer cum hisce, quæ Nuckius de humore aqueo oculi observavit.

736. Talia etiam vocantur non concreta cava, illa omnia, quæ aëri externo exposita epithelio teguntur, quæque parte primâ notavimus humida semper. ὥσπερ τὸ στόμα, καὶ ἡ γλῶσσα, καὶ ἡ ἄλλη κοιλίη, ἐνυχεῖ ἐστίν. *Quemadmodum & os, & lingua, & alius venter, humida sunt.* Ibid.

737. Adsunt & in hisce cavis, exhalantes humores semper, in omni parte, in omni



ni animali, omni tempore, quamdiu sanitas.

738. Uti autem notavimus differre rorem, qui exspirat, in partibus, quibus corpus attingit aërem externum (21.): ita & ille humor, qui deprehenditur in has cavitates exspirare ex continentis superficie, & partium contentarum, diversus maxime est naturâ, id docuere observationes (740.)

739. Licet etenim simili ubique exhalet ratione, tenuis humor, roris instar, per vascula patula in superficie, & ubique ille *πνεύμα* dicatur: attamen & in diversis partibus, diversus est; 1°. ipso exhalandi modo; id est: vasis majoribus, vel minoribus, patulis, quæ accipiunt humidum, a vasis, in omni fere loco alium decursum tenentibus, secretum. 2°. ob sanguinem, in diversis locis, decursu suo per diversa, diversum; atque particulis secretionem amissis, & vario solidorum motu, varium. 3°. propter admistum humoris, in singulis cavitatibus, singularis.

740. Hinc aliud deprehenditur, tenue illud humidum, quod exit ex encephalo (539. α. 540. δ. 541. η). Aliud quod emititur ex thorace aperto (539. β. 540. ε. 541. θ). Diversus iterum ille humor invenitur, quem spirat incisum vivum abdomen (539. γ. 540. ζ. 541. ι.).

741. Sed & maxime ab illis distat, qui  
in

in Pericardio deprehenditur liquor, tenuis, paucus, subrubellus, leniter falsus, *ὡς αὐτὰπλήσι*, *Urinæ similis* Galeno; ex corde (668.) & pericardio (650.) transfundans. Hic enim, vase exceptus, dum igni appono, concrefcit: Idem affirmat Lowerus De Corde, a pag. 3. ad 10. & Malpighius de gland. pag. 7. 8. *Ex unciiis quatuor, igne leni exhalantibus, habuit crustam, gracilem, tenuem, subrubram. Et, humor ex leni igne exhalans, lævem, nigro crustam relinquit. Idem. Reliqui vero, post mortem collecti in cavitatibus humores, igne spectati, exhalant, nullâ vel, si qua, paucissimâ fœce relictâ.*

742. Adsunt & in omni animali, sano, extincto, post mortem frigefacto, in omnibus cavis, humores notabiles, in uno copiosiores, in altero pauciores.

743. Cur vero, post mortem colligatur ros exspirans (543.), & in aquam vertatur? apparebit pulcherrime consideranti ipsius mortis Phænomena.

744. *Mors, ultima rerum linea, est perfecta & perpetua quies cordis, arteriarum, venarum, nervorum.*

745. Quiescente corde (744.), quiescunt reliquæ omnes partes, solæ imminutæ actiones, quæ a minore calore, quam est vitalis æstus, oriuntur, supersunt, & agunt.

Frigus scilicet mortui; atque partium consistentium aucta rigiditas: tum reliqua, quæ ex hisce binis sequuntur.

746. Ultima cordis contractio sinistri, quæ totius actionis penultima est, inpellit, quem vicibus repetitis ab impedito pulmone acceperat, sanguinem in aortam.

747. Cessante actione cordis, contrahunt se arteriæ, agunt in contentum suum sanguinem; premunt, pellunt, propellunt, expellunt hunc in loca minus resistentia; hinc in venas infundunt, & in sinus. Ultimæ in patulas minus resistentes, hæ in cava, tenuiores exprimunt humores.

748. Accedit tum alia causa; dum corde quieto, omnis vitalis, ante dictus (745.), calor cadit, paululum tantum restat, quod a calore atmosphæræ corpus ambientis, commune participat omnibus corporibus. Hinc nil manet, nisi frigus majus, calor inminutus; unde partium contractio, cum reliquis omnibus corporibus communis. Hinc pergunt arteriolæ se contrahere ad minimam diametron; nullo fluido amplius resistente, exstendente: inde ultimos suos humores in venas, in sinus, in cava expellunt, & post mortem ipsæ vacuæ inveniendæ sunt.

749. Habet se tum cor sinistrum, post ultimam actionem, quæ ejus est expansio,  
mor-

mortuum, ut in vitâ erat in diastole; nisi, quod tum plenum, jam vacuum sit, & paralyticum.

750. Venæ inpletæ agunt in humores propriâ contractionis vi, & partium frigore; premunt sanguinem ex apice, basin versus; hinc inpletur Cordis dextri auricula, sinus, ventriculus, venoso, trunco, sanguine. Cumque ventriculus dexter, debilis, auxilio pectoris moti, & pulmonum sanguine infarctorum, careat, evacuare se nequit.

751. Hinc habet sese perfectè ventriculus cordis dexter, ut in vivo, in diastole; nisi, quod jam sinum suum, & auriculam simul gerat impletos: hinc rubrum, plenum, musculosum cor dextrum. καρδὴς ἤμα πυρραῖς ἡοιλῇ ἢ καρταρὴς φοινικέα. *Cordis forma conica est, colore vero satur rubilo.*

752. Ergo omnis sanguis totius corporis agitur in venas, sinum, auriculam, & ventriculum Cordis dextrum, infarcitur pulmonalis arteria, impeditâ pulmonis actione, se in venas ejus evacuando impos. Vacuum est Cor sinistrum, vel tenui subrubello tantummodo, ex pulmonibus per venas, post ultimam suam systolen, expresso humido, paucum, madidum; vacuæ sunt arteriæ.



753. Ultimæ autem, patulæ, exhalantes, arteriæ, quod tenuissimum habent, suum exprimant humidum, roris instar, naturale, systole propria. Tum vero superveniens frigoris elater partes contrahit; & sine reactione pergunt agere arteriolæ; venæ impletæ resistunt; hinc premunt omne, quod promptum habent, tenuissimum humidum ad solas, non resistentes, patulas, extremitates suas; cava intolitur accipiunt humidum: & in moribundis sudor frigidus, lethalis, exprimitur extrorsum, accumulatur autem in cavis, sub formâ liquidi notabilis, quod exhalat.

754. Venæ autem bibulæ, impletissimæ hærent, nec se in majores evacuare possunt, natâ resistentiâ ad Cor dextrum: hinc & ex cavis asumere negant: unde condensatus collectus humor, fere in omnibus cavis, diaphanus & subrubellus exhibetur. En rationem alteram, cur in mortuo lymphæ, dum in vivo tantum ros est.

755. Patet & ex his (a 747. ad 755.) quam fallere possint phænomena, si ex humoribus, in cavis collectis post mortem, concluditur ad illa, quæ in vivis fiunt.

756. His (755.) præterea accedere videntur oleosa ex ipsis pinguetudinosis. Pericardii liquor forte habet quid pinguis, unctuo-

unctuosi, ex oleo fuso, quod ad basin cordis copiosissimum. Quod in thorace ex cellulosa, sub pleura (143.). Quod in abdomine ex eadem, ad lumbos (569.), & ex omento (589.) transudans, calore & motu attenuatum, exit ex folliculis, & lacunis.

757. Patet ex hisce, ultimam Cordis actionem esse ultimam ejus diastolen. Ultimam vero arteriarum actionem esse ultimam harum systolen. Ultimam vero venarum actionem esse ultimam diastolen.

758. An vero, post cordis quietem, implentur adhuc ejus arteriæ coronariæ? id videtur docere cor diutissime calidum & humidum, sanguine magis turgens, quam reliqui muscoli post mortem? an agunt hæ arteriæ post mortem?

759. An omnes arteriæ in omnes cavitates simul exhalant? id docere videtur omnium arteriarum contractio eodem momento, & dilatatio synchrona; & vis emboli cordis contracti premens in omnes arterias inpletas simul, inmittens in aortam sanguinem, quæ unum continuum efficit ab orificio cordis sinistri arterioso ad vasa capillaria usque.

760. An venæ omnes simul ex cavitatibus resorbent? & an tum illæ resorbent,

cum arteriæ exhalant? id docere videntur venæ omnes simul expansæ, & contractæ; atque inpletæ tum, quando arteriæ deplentur; & contra.

761. Erit tum cor eo tempore in exhalatione, quando omnes reliquæ partes inhalant, & contra.

762. Erit tum cor eo tempore in exhalatione, quando Pericardium in inhalatione, & contra.

763. An ergo Pericardium proprium suum inibit, emissum prius, humorem? & Cor, quod ipsum exhalavit, resorbet?

764. Discimus pulchre ex his, quid in vivo agunt omnia medicamina, quæ augment perspirationem; diaphoretica, sudorifera, diuretica, &c. stimulant, motu aucto, vasa; ab iis irritatis premuntur humores, pelluntur, propelluntur, quæque sunt liquida magis, expelluntur.

765. Patet iterum ex his (764.), cur spiritualia usu corroborant laxa? augendo nempe humorum circulationem, adeoque actionem vasorum in illos multiplicando, majorem efficiunt sanguinis subactionem, tenuium excretionem, secretionem eorum in cava; inde jugi fluentis relictæ robur. Unde & ab iisdem nimîâ copiâ ingestis, attritus humorum crassiorum per vasa, liquidissimo expresso, hinc calor, siccitas; inde crapula, sitis.

766. Ex quibus (765.) apparet iterum, cur spiritualia abusu laxant, nimiam copiâ dum assumpta exprimunt tenuissimos humores extra vasa, in cava. Hesterno inflat Silenus venas, ut semper, Jaccho, irrorans illas reasumendo eadem veteris pocula Massici, miraturque siccus, screans, semisomnus, quod aquâ sepeliatur; nec, plenis dum ingurgitat faucibus, sitim fedet: quodque crescat dirus hydrops, licet vicissim gutturi suo det gaudium, quos laudibus ad cœlos evehunt, unâ sub arctâ vite bibentes, vini spiritu, vel juniperi; quorum quippe tanta virtus! ut omnes lentos humores, stagnantes, detergant inertes, & languidos, imo vero omnes depravatos liquores, & impuros depellant albo de corpore, nec lanis sæpe parcant, & indusiis.

767. Inde & patet, cur Tantali, mediis in aquis siticulosi hydropici, flumina captant, nec sitim pellunt, nisi fugerit venis aquosus corpori languor? expressus enim liquor extra circulationem hæret in cavis, stagnat, nec circumfertur ultimis apponendus vasculis: unde ea exsiccantur.

768. Hinc (767.) & evidens febris hectica causa in hydropicis; major dum suam naturam sequuntur stagnantia liquida.

769. Sed & ex enumeratis omnibus, discimus, quænam altera hydropis causa,



dum venæ nempe minus resorbent, quam arteriæ emittunt: hinc a compressâ majori venâ, per quamcunque causam hydrops, tympanites, anasarca.

770. Hæc, ut in maioribus, ita in omnibus reliquis minoribus cavitatibus eâdem prorsus ratione obtinent, ad quas transeo.

### CAPUT TRIGESIMUM TERTIUM.

771. Cava sunt ab externâ superficie corporis, ad ossa; exhalant. 772. Vascula inter cutim & cuticulam exhalant. 773. Humores pulpam nervorum flexilem ibi servant. 774. Humor iste resorbetur, quidnam hoc docet? 775. Sub cute panniculus adiposus. 776. Quibus constat. 777. Est ubique in corpore. 778. Demonstratur inter fibras musculosas solutas. 779. Speciem fibrarum efficit inter fibras (778.) solutas. 780. Frustra inquiruntur transversæ fibræ in solutis musculis. 781. Quâ forte ratione cellulosa fallat, exhibet cordis frustum, solutum in fibrillas. 782. Idem ex Ruyschiano præparato apparet. 783. Recens cocti musculi discerptio forte fallit. 784. Cellulosæ ambitum circa vasa, docet injectio. 785. Varia cellulosa, in variis corporis partibus, maxima est ad motum, & attritum, maximum. 786. pinguetudinosa est, ubi inter-

*interstitia implet. 787. In quibusdam partibus smegmatica tantum est. 788. In aliis cellulosa tantum. 789. Inde varia nomina. 790. Differt in diversâ ætate, sexu; inde differt in fæminâ, & viro. hinc glabrities, & torositas. 791. Inde differunt venæ, in sexu utroque transparentes per cutim. 792. Cellulosæ fabrica optime apparet in recens natis; ad vasa, & ad cellulas. 793. Venæ arteriis in eâ comites sunt, nisi sub cute. 794. Pulcherrima ejus demonstratio in omento. 795. In omento tenuissimo, ex ovino fœtu. 796. Cl. Albinus in omento humano, ex fœtu, demonstrat vasa ultima impleta. 797. Arteriolæ oleum deponunt in cellulas; docet id aqua injecta. 798. Itidem cera, quid in his extravasatio? 799. Oleum secretum non stagnat, sed venulæ tenuissimum recipiunt; inde incrassatur, & sanguinem temperat. 800. Id docet injecta in venas aqua & cera. 801. Vasa pinguisera non videntur, esse vasa singularia. 802. Est motus quidam olei per cellulosam. 803. quænam id docent. 804. Est pro alimento, in inediâ. 805. Altera causa oleum secretum (799.) incrassans, est transudatio. 806. Cellulæ locantur in membrânâ fortiori. 807. Hæc optime in recens natis demonstratur. 808. cellularum tenuitas necessariam requi-*

*rit fortio rem coërcentem membranam. forte hæc oleum propellit. 809. Usus multiplex cellulose. 810. In illâ omnis obesitas, & macies totius corporis locum habet. 811. Est plurimorum morborum sedes. 812. Facit in vulnere, carnem fungosam dictam.*

771. **Q**uæ supersunt in corpore, post cava hæc majora, ab extimâ, quæ demonstrata est superficies exhalare, omnia, quæ non concresecunt, ad ossa usque cava formant, implenturque & illa spiritu, si sana quidem; *ἐχθ' ὃ τὸ σῶμα ἔχει μίαν νηδύν, ἀλλὰ πλείους non habet corpus unum ventrem, sed plures.*

772. Talia sunt, quæ post cuticulam, hanc inter & cutim prima exhalant, & resorbent, vascula papillas ipsas ornantia.

773. Humores tenuissimos ibidem emittunt arteriolæ, illas (772.) irrorant, atque suppeditant halitum, qui flexiles, molles, ultimos servat nervulorum tangenium fines pulposos (66.).

774 Nec & illi (733.) iterum stagnant, sed resorbentur, docet id analogia, docet humidi novi assidue secreti absentia notabilis: omnium vero pulcherrime emissi humoris, sub cuticulâ præternaturalem maculam efficientis, evanescencia spontanea, integrâ epidermide; maxime si laxantur  
inbi-

inbibentia vascula minima, aquæ tepore.  
 Δέρμωι σκληρὴ μάλθαξις, σιωπῆι ἀμλῆς χάλα-  
 σις, νόστων, σαρκῶν, ἐκχύμωσις, ἰδρῶτος ἀφο-  
 δῶ. *Cutis duræ mollitio, distentæ laxatio,*  
*nervorum, carniū, humorum effusio sub cu-*  
*tīm, sudoris excretio.* Hipp. de humid. usu  
 aph. vi. ibidem agens de fomentis inquit.  
 χρῶσιν ἀνακαλέσθαι, *colorem revocare*, cuti sci-  
 licet naturalem χρῶσιν ἀνασπενδάσθαι *colorem*  
*dispergere*, cuti scilicet anomalum.

775. Statim sub cute, toto in corpore,  
 est membrana cellulosa, plurimis in locis  
 pinguetudinosa, quæ panniculus Veterum  
 est Adiposus.

776. Constat hæc membrana (775.)  
 innumeris cellulis, vel uti alii vocant, sac-  
 culis, distinctis, figurâ diversis, & (ut  
 aër, aqua, cera, injecta docent) inter se  
 communicantibus: arterioliis & venulis  
 propriis ornatur, quas a partibus adjacen-  
 tibus, & vasis transgressis, accipit.

777. Nec sub cute tantum, verum &  
 invenitur hæc membrana (776.) fere in  
 omni corporis parte, quam sensus perci-  
 piunt; insinuat sese quippe inter musculos,  
 inter horum fibras carnosas, tendi-  
 nosasque; decurrit inter omnes mem-  
 branas duplicatas; ambit omnia vasa. Est  
 ubique sub membranis partes cingenti-  
 bus, implet perfecte, quæ vacua forent,



inter partes, interstitia; pervenit cum vasis ad periosteum usque, illud ambit, & cum capsulis ligamentosis articularum jungit: intrat cum vasis in ossum cava: videtur & illa esse, quam tunicam vocant arachnoidem in cerebro. Est denique omni in loco, nisi ubi periosteum os ipsum tangit: nec demonstratur, ubi cutis epidermide tegitur, & papillæ epithelio vestiuntur.

778. Ad ultimas fere dissolvi musculorum fibras carnosas, & tendinosas, illas semper juxta longitudinem in iisdem stratis, inter se cohærere deprehendo, in omni puncto: tum puræ inmissis iisdem, specillo admoto, si tenuis acus tenuissimam fibræ discerpit lenissime, apparet pellucidissima, a pellucidâ aquâ vix distinguenda, membranula; hanc & cellulosa, sed subtilissimam, suspicor, fibras ultimas musculares involventem, & inter se nectentem.

779. At simul tum noto; quod, in mediâ sui parte dum extenditur fibrilla muscularis, dicta membranula (778.) ibi, ubi arcus fibræ in maximâ distensione est, rupta, ab eo puncto convolvatur extrema fibræ versus, & corrugata, atque collapsa mentiat fibræ tenuissimæ speciem: & hanc esse puto, quam Auctores vulgo in musculis statuunt fibras transversas.

780. Has equidem fateor, me huc usque  
in

in minimis & maximis musculis, ne corde quidem excepto, quæsisse frustra. Servo, quæ summâ curâ more Stenonianò præparavi, corda in fibras dissoluta; ubi omnes illarum facile series nudus distinguit oculus; nullas vero transversas microscopium deprehendit fibras.

781. Quâ vero ratione inter dictas fibrillas musculares (778.) cellulosa, forte errorem imponens, a fibris distincta sit, exhibet ventriculi Cordis ovini pannus musculosus, cujus sunt fibræ ad ultimas fere tomentosæ dissolutæ, inter quas de industriâ reliqui vasa majora, cellulosa ornata: & quoniam fibræ carneæ colore magis saturo, vascula vero collapsa, non impleta, tendinea quasi, splendeant; cellulosa autem nive sit candidior; pulcherrime apparet, quænam carneas fibras inter, & cellulosa in illis mediam, conspicua est distinctio.

782. Est in thesauro anatomico Clarissimi Avunculi lagena, quæ opposita luci exhibet in liquore solutas Ruyschii dextrâ fibras musculares, tam tenues & subtiles, ut aranearum fila fere superent; a spinâ dependentes. Illas cerno plurimas coherere cellulosa; nullas vero video fibras intermedias, quæ transversæ rectas jungunt.

783. Fovet & forte hanc sententiam recens cocti musculi in fibras discerptio; tum etenim intermediæ apparent fibræ, quæ propius examinatæ, aliis ejusdem seriei similes sunt fibrillæ, quæ unâ sui parte & latere cohærent cum distractâ unâ fibrâ; dum alterâ parte suâ cohærent nexæ, cum priori oppositâ fibrâ. Talem quoque speciem præ se ferunt non impleta collapsa vascula, fibras referentia inter solutarum spatia extensa.

784. Quomodo autem cellulosa ambiat vasa in omni corporis puncto; illa ab unâ ad aliam partem transferat, minima per partes distributa ordinet, jungat; docet in recenti facile dissectio, flatus: pulchrius autem injectio (660.). Cava autem interstitia quod impleat pinguetudinosa, vel lanionibus notum.

785. Est varia cellulosa in diversis corporis partibus. Crassissimâ pinguedine dives, ubi motus, & attritus maximus. Hinc ad musculos vastissimos, vasa majora, & ubi partes maximam externam vim ferunt, maxima est: inde in capite, ad tempora, in facie, ad buccas, masseteres, ad collum, humeros; in dorso, in pectore, abdomine; ad nates, in femore, crure, brachio, copiosa invenitur: circa cordis basin, circa aortam, & pulmonalem arteriam,

riam, ubi sibi invicem accumbunt, notabilis est: ad coronariam arteriam, cum ejus ramis majoribus decrescit. Est & in plantâ pedum, pro incessu, in palmâ manuum, pro amplexu, durior, & crassa.

786. Est & maxime extensa, pinguetudinosa, ubi loca vacua implet, sub cute, in pelvi, ad anum, ad intestinum rectum, sub Pleurâ, ad dorsum, & ad intercostalia (144.): sub Peritonæo, ad lumbos (569.); & in oculi orbitâ.

787. In aliis iterum partibus tenuis, smegmate oleoso tantum repletur, in facie; in fronte & in palpebris: in capite; in vertice, & occipite. Est & inter tunicam scleroticam, & oculi choroeiden; & inter plurimas membranas corporis tennis.

788. Ad alias iterum partes nunquam pinguedinem habet; ut in pene, & scroto; in quo tamen, in parte superiore tantum, visa est pinguetudinosa, in sano, integro, viro, Ruysch. Ep. probl. 1. pag. 8. Tab. I. fig. 1. C.

789. Et ut diversa in diversis corporis partibus est, varia accipit nomina. Cellulosa dicitur, vacua; Pinguetudinosa, impleta. Adiposa nunquam est in homine. (vide 303. & seqq.)

790. Differt & in diversâ ætate, natione, sexu. In fœminis laxior, quam in  
vi-



viris; hinc in iis amabilis mollities & suavis quædam laxitas; unde *γυναικες λειπαι* Hippocrati dicuntur. In viris robur, & inæqualitas a transparentibus musculis, motis sub cute, observatur. Hoc probe notare, maximum, habitum fuit semper Pictoris, & Statuarii artificium. Illud pulcherrime exhibent antiqua numismata & statuæ. Hoc artificiosissime expressum cernitur in Vesalianis, quæ nitidissime depictæ sunt binæ, tabulis pag. 608. Tales viderunt admissi Superi [fabula cælo notissima] jace-re turpiter junctos lacertosum Martem armis depositis, & sine Zonâ Cytheream, & riserunt de Dis non tristibus, in toto nusquam candido corpore, rugam non laudabilem. Talem depingunt sortes auro cohibentem lacertos Alciden, calathum tenere Mæonias inter graciles puellas, crassa-que robusto deducere pollice fila, & formosæ Heræ, exuviis hirsuti leonis molle latus tegenti, æqua rependere pensa.

791. Hinc & in amabili sexu, subcutaneæ per cellulosam dispersæ venæ, cœruleæ per candidam cutim transparent; quæ turgentes in viro eminent. Quod, sui ævi Apelles facile, Rubenius expressit artificiosissime in Senecâ, in balneo jam jam deficiente, quam imaginem Romæ ex marmore depinxit, quæque curâ Moreti ex-

exstat ante Senecæ opera, a Lipsio emendata, quæ editio est Plantiniana A<sup>i</sup>.MDLXII.

792. Perspicitur pulcherrime membranæ cellulosæ fabrica in fœtibus inmaturis, ubi arteriolæ porrectæ, comite vena, undique appensi loculi, pingue tenentes, spectantur, eleganti prorsus structurâ; ac si ampullæ undique ibidem arteriis appositæ. Si tum optato successu, in arterias prius inmissa cera, frigefacta in iis hæreat; pulchrum est, videre decrescantias arteriarum, & iis appositos sacculos eo minores, & pauciores, quo fuerint ramuli arteriolarum exiliores: non secus, ac in racemis uvarum fit, quo magis decrescant trunculorum ramuli, eo minores habeant adhærentes uvas.

793. Idem illud in venis verum est, quæ semper, ut fere in omnibus, ita in hac membranâ arteriis respondent, nisi sub cute, ubi & solitariae, subcutaneæ, venulæ, inveniendæ.

794. Pulcherrima omnium demonstratio est in epiploo. Ex ovino fœtu desumptum, servo in liquore suspensum omentum, cujus vascula replevi: apparent in eo adhærentes ampullulæ, pingui albo repletæ ad finem usque minimorum vasculorum, & minores paucioresque, quo arteriolæ exiliores.

795. Servo ventriculū ovīnū, in quatuor distinctū loculos, ut in ruminantibus semper observatur, qui ne minimi digiti articuli longus; a quo dependet, tenuissimum, pellucidissimum, integerrimum omentum, in quo non tantum vasculorum decursus conspicitur; verum & ad horum latera decrecentes minimi pinguiferi folliculi evidentissime sunt conspicui: ita, ut inter hosce specillum, in omni puncto, detegat vasculorum minimorum pellucidos, ultimos, ramulos.

796. In collegio physiologico demonstrat Dexterrimus Albinus, in liquore pellucido ventriculū, ex humano fœtu (si bene memini) immaturo desumptum, a quo dependet arachnoideum omentum, in quo vascula minima ad ultima implevit, ubi & pingua receptacula ad horum divaricationes pulcherrime conspiciunda: objectum certe Præparatoris demonstrans subtilissimam encheiresin. Dedit & hujus pulchram figuram Ruyschius Thes. An. II. Tab. V. fig. 1.

797. Ex illis arteriolis in folliculos discernitur oleum tenue blandum, quod in sanguine harere docuit Ruyschius Thes. 1. Af. 1. No. 3. idque per vascula minima in eos patula. Docet id injectio aquæ in quamcunque arteriam, inflatur tum membrana cellulosa, hydropica tota.

798. Idem cera exhibet; si nimium propellitur, tum ex ultimis vasculis egressa, hæret globulorum instar, folliculos oleosos implens; hæc extravasatio dicitur. Est via tantum dilatata naturalis, inflammationem veram exhibens: si vero vis nimis diu adhibeatur, & impetu protrudatur cera, tum fractis vesiculis, in unam massam adacta hærebit materies, confusa.

799. Nec eâ ratione secretus, pinguis, humor, oleosus, stagnat blandus, verum venulæ minimæ tenuissimum resorbent: fit oleum stagnando crassius, densius, fluiditatem tamen servans, in vivo, sano, homine; tum pinguedo vocatur; in animalibus quibusdam saginatis durius fit, Adeps dicitur; quod vero resorptum est, sanguinem in venis, motu redditum acriorem, & secretionem, temperat, & demulcet.

800. Docet id per venas injecta aqua, si ulterius propellitur, inflatur & tum membrana cellulosa, hydropica tota facilius, quam, si per arterias eadem inmittitur, ob ora latius patentia. Idem & iterum cera docet, veram exhibens ecchymosin, si nimio impetu propellitur.

801. Nec videntur vasa pinguifera esse peculiararia; sed, ut in omni aliâ corporis parte, ubi obtinet secretio, decrescientiæ sunt vasorum minorum laterales, ita & in cellu-



lulofâ ex lateribus sanguiferorum minorum oriuntur, lateralia, in cellulas aperta vascula, ab iis nec a vasculis arteriosis, nisi decrefcentiâ suâ distinguenda. Idem & in hac venæ obtinebunt.

802. Erit ita in ipsâ cellulofâ circulatio quædam, & motus ipsius pinguetudinis per sacculos, communicantes inter se, & cum vasis.

803. Id (808) certe docet impletio, collectio, fusio, distributio, consumptio in morbis quibusdam acutis, & motu nimio intra breve tempus.

804. Docet idem (808) inedia, quâ absque ullo alimento, solo puro aëre, homines per tempus emaciati vivunt ex proprio pingui: quod nostrates de obesis dicere amant, *op haar smear teren*. Hipp. de flatib. ubi aërem solum vitæ autorem declarat inquit: ποσάτη ἡ τυγχάνει πᾶσι χρεῖη τοῖσι σώμασι ἔ πνέματι ἐξου, ὥς τ' μὴ ἄλλων ἀπάντων ὑπαρχόντων ὁ ἄνθρωπος ἢ σιτίων ἢ ποτῶν, διώκειτ' ἂν ἡμέρας δύο ἢ τρεῖς ἢ πλείονας διαίειν. *Talis vero intercedit omnibus corporibus aëris necessitas, ut quidem, ἔ omnibus aliis abstinens homo, ἔ cibo, ἔ potu, valeat per dies, duos vel tres, vel plures vitam ducere.*

805. Altera vero causa oleum hoc (799.) stagnando incrassans, est tenuioris transfusio

datio ex cellulis inter partes; atque ejusdem per cutim exhalatio (303.); hinc illis motus expeditur, attritus prohibetur, & partes supra partes moventur facillime: cutis autem lenis servatur, & flexilis (303.).

806. Observo, cellulas communicantes ubique locari inter tenuem quandam, sed ipsis multo fortio rem membranam, tam inferne, quam superne: id etiam notare videtur Celeberrimus Douglassius in descriptione peritonæi, ubi dicit: *sacculos, qui pinguedinem continent, figurâ diversos, inter se cohærerere, & communicare; atque, ut videtur, in quâdam membranâ fortiori, tanquam basi infixos esse.*

807. Hoc apparet nusquam evidentius, quam in recens natis. Separavi in humano, in animalium plurimorum, fœtu cutim perfecte a cellulosa: separavi cutim cum adiposo panniculo simul, a subjectis partibus, in iisdem: separavi adiposam membranam cautissime a cute, & a musculis. Tum examinavi semper, sacculos membranæ cellulosæ distinctos, duriores, flavos, duriorre, flavâ, infarctos pinguedine, vasorum lateribus (792.) appositos, referentes figuram, quæ acinorum est in pulpâ ficuum. Hi vero semper supertensam habebant, inferne & superne accretam, quam definivi (806.) subtilem, tenuem, satis fortem, membranam, quæ & ab iis subtilissime separa-

ri potest: tum impleti folliculi, notante Clarissimo Douglassio, *favorum instar visui occurrunt.*

808. Consideranti cellularum tenuitatem, pusillitatem, dictæ membranæ (800.) sponte patet necessitas, ne motui scilicet & extensioni obsequiosæ facile dislocarentur, extenderenturve: sed inter duplicem, inferiorem & superiorem, in ordine servarentur cellulæ. Forte & hæ membranæ aliquid conferunt ad propellendum ex cellulis in cellulas, & experimendum ex iis, tenuissimum, blandum oleum in venas; & ex cellulis intra partes, quas inungunt, expellendum; cui tamen inprimis inservire videntur fibræ musculares, quas hinc inde per cellulofam distributas descripsit Morgagnus, *advers. anat. II. pag. 17.*

809. Patet ergo ex omnibus (ab 776. ad 809.) usus ejus multiplex, & varius. Partes in genere a partibus distinguit, (777.): musculis, ipsis musculorum fibris, membranam dat, vaginæ instar, in quâ moventur (778.): cutim supra musculos mobilem servat (775.): partes partibus jungit (778.), eas inungit (805.), calefacit: interstitia implet (784.): dolorem prohibet (785.): in penuriâ alimentum est (803.): exhalat, & cutim inungit (303.). Exspirat præterea in ipsas cavitates (756.)  
adeo-

adeoque & ejus oleum, partes a concretione liberas conservat: resorptum vero a venis sanguini, motu acriori reddito, temperamento est, illum plasticum reddit (799.).

810. Est & hæc membrana sola, quæ toto in corpore αὐξήσιν facit, post ἀκμὴν incrementi: in hac est, quod obesum dicunt; & illa minus impleta maciem facit: non etenim vasa, non fibræ augentur, in iis nutritio quidem; sed inuncta ea, aggregato oleo, molliora evadunt extensa: hinc saginatorum animalium blandæ carnes, emaciatorum lentiores.

811. Est & multorum morborum sedes, inflammationis, suppurationis, locus præcipuus; ejus oleum in venereâ lue maxime inficitur, sinus illa & fistulas abscondit, & proserpere finit; in illâ hydropis species, quæ ἀνὰ σάφρα dicitur a compressâ venâ, resorptione prohibitâ, vel a nimîâ humiditate secretâ ex vasculis arteriosis; perfecte ut in cavis majoribus (756.) fit. Est & sedes Emphysematis.

812. Illa ex labiis vulneris, vel ulceris, ablatâ resistentiâ, pressu arteriarum & partium subjacentium, exsurgit, & caro fungosa dicitur Chirurgis.



## CAPUT TRIGESIMUM QUARTUM.

813. Musculi & tendines expirant, sequentes post cellulofam. 814. musculorum fibræ. 815. constant minores ex minimis. 816. ultima visibilis ex minoribus iterum videtur constare. ratio finem determinat. 817. probabile est, fibram omnium minimam involvi cellulofâ. 818. ultimæ fibræ non videntur uno tractu exporrigi. 819. tendo se habet in musculo, ut caro. 820. cur pinguedo pauca in ea? 821. Arteria ad musciculum accedit, per eum distribuitur, terminatur ad fibras. 822. Cowperus dicit patere in fibras, ex injectione mercurii. 823. quæ falli poterit. 824. vascula minima fibram mentiuntur sæpe. 825. Venæ se habent, ut arteriæ, in musculo. 826. quod in carneis, id in tendineis fibris obtinet. 827. conclusio ex his ad cur. 828. aqua in arteriam injecta facit transudare musciculum & tendinem. 829. incertum experimentum: quid in eo notandum. 830. quid cera præstat. 831. exsudatio ad tendines longiores. 832. quomodo, & ad quæ decurrunt. 833. apparet in bicipite brachii musculo. 834. quænam videtur vagina retinens. 835. quomodo bicipitis tendo retinetur. 836. elegantes in digitis, sublimes & profundi tendines. 837.

nexus horum (836.) per vincula membranacea. 838. cuinam superficiei incumbunt. 839. mucus motum expedit. 840. Unde nam ille (839.) mucus. 841. an ex arteriis? an ex cryptis? an tenuis, motu fit mucosus? 842. convenit cum humore in ligamenti ossium inveniando. 843. quid aqua immissa præstat? 844. quid cera? 845. digiti præparatio. 846. pro demonstratione tendinum, & vaginalium. 847. nihil demonstrat fontes humoris. 848. præsentia, motus, renovatio, copia certa, indicant exhalationem & resorptionem. 849. morbi ostendunt. 850. conclusio. 851. est jam in iis, qui nondum exercuere motum, mucus præsens. 852. in recens natis, & in abortibus. 853. quæ demonstrant mucæ resorptionem.

813. **P**ost cellulofam, quæ adiposus panniculus dicitur, sub cute; sequuntur in corpore musculi; illi una cum tendinibus suis expirant & inspirant. Id patet si illa, quæ, quatenus iterum scopo nostro inserviunt, fabricam veram docentia, præmissa sunt.

814. Vidimus, ubi de cellulofâ, se inter fibras insinuante, dictum est (777.); musculum constare ex fibris carneis; illæ sunt in musculis notabilioribus, rubicundæ,

teretes, efficientes junctæ fasciculos oblongos.

815. Minimæ solutæ fibræ (814.) constant iterum ex minoribus, & quidem sagax Leeuwenhoekius dixit, sese computare, quod fibra, quæ ad decimam sextam capilli crassitiem soluta est, constet ex trecentis, minoribus iterum, fibrillis.

816. Est credibile admodum, talem ultimam fibrillam, quæ minimam, quam vidit Leeuwenhoekius (815.), efficit, iterum ex minoribus constare; adeo quidem, ut ratio finem tamen determinet, quandoquidem necesse habeat ultima stamina, quæ majora componunt.

817. Sed & simul probabile est, ultimas omnium involvi simili, tenui, membranulâ, quæ datur a cellulosâ, ac illæ ejusmodi vaginulâ ornantur, quas sensus percipiunt (815): est etenim, ut in magnis, ita in minoribus, eadem iisdem mater, Natura.

818. Ultimæ autem fibræ non videntur, uno tractu exporrectæ jacere, ubi uno ad alterum, musculi extremo: observavit quippe Clarissimus Albinus, sæpe adeo conjungi cum vicinis, ut difficile explicetur, utrum cohæreant tantum, an confluant in unum. Hist. Muscul. cap. 1. Lib. 1.

819 Quæ partes in musculis sunt tendinæ

neæ, perfecte illæ eâdem se habent ratione, ac carneæ (815.); componuntur namque ex fibris minoribus, quæ oriuntur iterum ex minoribus, tandem ex minimis: illæ omnes iterum junguntur membranâ tenui, cellulosa, quam quæ in carne musculi est, magis pusillâ, parcâ, & subtiliore.

820. Tendineæ quippe fibræ solidiores, duriores, magis compactæ, arctius cohærent; nec multo pingui inpletur ne-ctens hæc substantia cellulosa, utpote non facile resistentes fibras extendens. Vid. de hisce Celeb. Albinum loc. cit.

821. Accedit ad omnem musculum, præter nervum, arteria, hæc tendens ad musculum sese illi inmergit, diffilit in ramos; qui, varii decursu suo, errant per membranam cellulosam; ibique officium præstant, quod (797. 798.) descriptum est. alii in venas continuantur; alii se in fibras dimittere videntur. Vid. Celeberr. Albinum loc. cit.

822. Ulterius quid fiat determinare est impossibile: scribit Cowperus, eximius Anatomicus, sese vidisse, patere ultimos minutissimos arteriolarum ramulos in fibrillas musculorum minimas; Siquidem Mercurius in illarum poris, globulorum instar, appareat.

823. Attamen quis definiet; an non



Mercurius, vi injectionis, & propriâ gravitate, vasa tenerrima ruperit? an non per vascula lateralia transferit in patentia minima? Sicque, in utroque casu, hæreat in folliculis minimis subtilissimæ ibidem cellulosæ (817.).

824. Sed & hoc, non semel, post injectionem Mercurii notavi, quod in vasis, maxime capillaribus, a minimâ auctâ, in unâ, diminutâ, in alterâ parte, pressione, globulorum ille instar hæreat in ipsis vasculis; Sic certe potuit vasculum subtilissimum mentiri fibrillæ speciem.

825. Venæ habent se, ut arteriæ in musculis. Illud patuit in corde (708.). Examinaui musculos, quorum vasa ita replevit Ruyschius, ut venæ ex arteriis repletæ conspiciantur; quarum facile in omnibus notatur differentia, quosque suâ ex arte ita fecerit indurare, ut lapidis instar, tractari possint. Optimum microscopium, adhibitis debitis adminiculis, detegit decursum, ut arteriarum, ita & venarum eundem, vel in minimis.

826. Idem quod in carneis, obtinet in tendineis fibris; in his tamen arteriolarum rami pauciores & minores conspiciantur, immiscentes se inter harum conjunctiones.

827. Ex hisce (ab 821. ad 826.) conclusione factâ ex analoge præcedentium;

non

non difficile erit elicere, ut in corde vidimus (690.), fieri exhalationem ex patulis itidem inter fibrillas, ultimis arteriis, ita in reliquis totius corporis musculis, & eorum tendinibus, perspirare tenuissimos humores.

828. Sed &, in quamcumque arteriam, musculus versus aqua injecta percipitur transudare in omni carnis puncto, & in tendine, assurgit impletus musculus; si abstergetur, ut siccus totus, redit iterum humor, & sæpius.

829. Sed notandum imprimis, quod, corde excepto, nullus unquam nudetur musculus, nisi ruptâ cellulosa ipsum ambiente; adeoque ejus vasculis, quæ per ipsam decurrunt, diffractis (821.): qui vero sub vaginâ majori, ut in humero, femore, decurrunt defensi, transudant per illam, ex vasculis per cellulosa, & in ipsâ vaginâ decurrentibus, adeoque non ex musculis directe.

830. Cera vero, ut in cordis (687.), ita in muscoli cujusdam arteriam felicissime injecta, ultimas egressa propagines, nubeculæ instar, tenuissima hæret supra fibrillas, effusa in substantiam carneam. Ruyfch. Thes. Anat. max. CXII. & resp. ad Cl. Boerhaave pag. 67.

831. Est & exsudatio ibi, ubi longio-

res tendines, chordarum instar, porriguntur ad partes movendas: ibi humor blandus, tenuis, mucosus tamen: tenax, fere ac est ovi albumen, obliniꝑ partes, tritum minuit, & attritum.

832. Illi (831.) vero inter vaginulas decurrunt, ab ipsis ossibus circumductas, retinenturque per vincula membranacea, tenuia quidem, sed fortia, ipsis ossibus, in vaginâ, annexi.

833. Hi apparent tendines (831.) in bicipitis brachii (capite longiori, una cum suâ coërcente vaginâ, neurode, forti. Et quidem porrigitur ibidem vagina includens tendinem, ab uno margine ad marginem alterum sinus oblongi ossis humeri, inter caput ejus, & tuber magnum; quem Vesalius lit. I. notat Lib. I. cap. xxiii. fig. 1. 2. ita vero est supertensa, ut cum eo non concreta, tendinem tegat.

834. Examinanti propius visa fuit mihi vagina esse illa, ipsum periosteum membranâ, lævissimâ, lubricâ, politâ, vestitum internâ, quæ ipsius sinus in humeri osse (833.) cavum succingentis, reflexæ propago est.

835. Retinetur autem tendo ille (833.) processu ligamentoso, in sinu ita, ut in quâcunque humeri flexurâ, vel positurâ, non facile elabatur: necliturque per processum cum  
 ipsius

ipsius vaginæ parte, quæ in ossis sinu (833.) est membranosa. An illa periossteum est?

836. Nec minorem ostendunt elegantiam in digitis manuum ac pedum Tendines sublimēs, & profundi; quos frustra depictos ex arte invenies, nisi in aureâ Albini historiâ musculorum, in icone I. II. III. in annulari digito: quorum vide characterum explicationem. *ibid.*

837. Nectuntur hi tendines (836.) digitorum ossibus per membranacea vincula similia (832.), tenuia quidem, sed valida satis; coercentur vero ligamentosis, nervosis, portionibus, utrimque ossi ordinis primi & secundi annexis; sub his moventur liberrime, nec a loco deflectuntur *vid. ibid. icon. I. litt. A. Y.*

838. Ubi vero digitis incumbunt, ibidem est superficies membranaceo-ligamentosa, politissima, glaberrima: hinc tendo teres, lævis, supra lævem facile movetur superficiem.

839. Motum hunc (838.) non parum expedit mucus (831.) descriptus, semper in sano inveniendus: ubi etenim deficit, a quâcunque causâ, concrevit cum vaginâ tendo, perit actio, articulus rigescit.

840. Undenam autem ille mucus (831.) in thecis hisce? Certe difficile experimentis determinatur. Observavi in homine pari-



pariter, & in brutis, quod probe abster-  
sus mucus, pressis partibus, vix in recens  
ipsis mortuis rediret, & qui revertebatur,  
humor tenuis tantum erat.

841. An autem ille (831.) ex arterio-  
lis ultimis? an ex cryptis (218.), in qui-  
bus stagnando, post secretionem, ulterius  
præparatur, emissus? an tenuis potius se-  
cernitur, misceturque cum illo, qui ela-  
boratus, magis jam est humor plasticus?  
Sicque motu, tritu, & attritu ipsorum  
tendinum fit crassior, mucosus, liquor?  
ut verbi gratiâ fieri videmus in humori-  
bus mucosis, calore, & conquassatio-  
ne?

842. Tentavi omni experimentorum ge-  
nere viam ejus invenire: sed incertus, nisi  
ex analogiâ partium aliarum concludere  
possim, tumque ex iis maxime, quæ vi-  
debimus fieri in capsis ligamentosis, quæ  
articulos junctos retinent (854.). Est  
etenim harum humor maxime cum smeg-  
mate ad tendines (831.), conveniens.

843. Examinaui etenim, ut dixi (840),  
in recenti; immisi prius in alio aquam, nec  
tum eventu certior fiebam: attamen vide-  
batur humor magis aquosus in ipsis thecis:  
caute tamen concludo; nec affirmo, hu-  
morem hunc, dum aperitur digitus, haud  
effluxisse ex impletis aqua turgidis vascu-  
lis,

lis, & folliculis plenis membranæ cellulosaë.

844. Hinc ad ceram ultimum confugium; post iteratos labores, felicissime impleo adulti pedem; digitum, qui pollice proximus, cum aliis examinatum liquori innisum, ut in lagenâ servo, exhibebo.

845. Dissecui in parte anteriore cuticulam, cutim, cellulosaë; denudavi sublimem & profundum tendinem, truncatum, eo in loco, quo transit prior alterum; hos paululum e loco suo removi, quo apparet pulchrius interna superficies ipsius vaginæ (838.), dissecui ligamentosum retinens vinculum (837.), reflexi.

846. Apparet ipsa cutis rubra, cellulosaë vascula ubique repleta, pulchra circa apertam vaginulam; ipsa quidem interna superficies vasculosa: tendo vero argenteus splendet, albo & fulgenti colore superbus; interim necans vinculum tenue membranaceum (837.) suis gaudet vasculis tenuissimis.

847. Nec inventum est ullum, quod indicat aperta vasculorum oscula ultima, vel cryptarum aperturas patulas: cumque hujus mucii originem frustra quæsierim, apud auctores; dubito, an aliis eventus felicior fuerit.

848. Id scimus, requiritur hic humor  
(831.)

(831.) ad facilitandum motum (831.) adeoque movetur ipse; analogia, motus creber, ejus velocitas consumens, renovati mucî indigitant necessitatem; certa tantum, in omni sano animali mortuo, inventa præsens quantitas, resorptionem munere functi ejusdem, explanat.

849. Nec est minoris argumentum ponderis ejus ab inflammatis vasculis, per vulnus, suppurationem, ulcus, gangrænam, spacelum, absentia: unde tum concrescit tendo cum ipsâ vaginâ (837.); & eâ consumtâ, cum ossè ipso.

850. Ex hisce ergo (ab 821. ad 849.) perspectâ in reliquo corpore renovantis, & humorem resorbentis actionis hисториâ, concludere auderem; tam inter fibras musculosas (815. 816.), maxime in folliculis cellulosæ membranæ (817.), quam inter tendineas easdem (819.), ut & in thecis hisce (832.) tendinum gracilium, obtinere exhalationem, & inhalationem perfecte eandem, quæ in cæteris est.

851. Nec tantum in adutorum, qui validos jam, & innumeros exercuere motus, verum & in illorum, qui nondum, vel, si quem, minimum effecere motum, partibus copiâ est præsens.

852. In recens natis animalibus, in fœtibus humanis hæret prædispositus: imo  
&

& in abortu, in excisis ex vaccarum & ovium mactatorum uteris, foetibus in maturis semper inveni: ut ille humor in iis præsto erat, qui in ligamentis, ossa retinentibus, motum faciliat (854.).

853. Renovati quantitas certa præsens, nec aucta, exhibebit facile, in omnibus iterum, resorptionem; an & a venis, uti aliæ docent partes? experimentum minime, analoge facilius concludit.

## CAPUT TRIGESIMUM QUINTUM.

854. *Humor in articulis similis est humori ad tendines.* 855. *Ligamentorum, ossa articulata retinentium, ortus, decursus.* 856. *Periosteum ligamentum transcendit, ossa necit cum epiphysibus.* 857. *Sublato periosteum, in junioribus separantur epiphyses.* 858. *in adultis ex osse oritur ligamenti capsula.* 859. *Cavæ capsulæ, tensæ, politæ sunt: id faciunt muscoli.* 860. *Mucus inter articulos, ex triplici scaturigine.* 861. *ad articulos glandulæ mucilaginosæ sunt, vel Haversianæ.* 862. *Sunt hæ duplices, vel parvæ.* 863. *vel majores, conglomeratæ.* 864. *Sunt hæ ad articulos valide movendos tantum.* 865. *Harum figura, situs in ligamentis.* 866. *Ruyschius non glandulas inveniri affirmat.* 867. *Sed quod pro glandulis habuerunt, esse vascula affirmat.* 868. *Tinguntur mu-*



co : ille ex arteriolaris ultimis secernitur. 869. Membranas cavas dari, dicit; in illas humor emittitur. Crassescit. 870. In cavum articuli transudare videtur humor ossium medullifus. 871. Humor in ligamentis articulorum triplex est. 872. Non con- crescit ad ignem. 873. Describit Hippocra- tes ligamenta, vasculosa, & nervosa. 874. & horum cava. 875. humorem. 876. & quidem ad omnem articulationem. 877. Hippocrates videtur subolfecisse secretum a vasis, humorem. 878. Muci usus. 879. De- fectus. 880. resorptio in articulis. 881. Impedita resorptione, quinam morbi orian- tur? ex Hippocrate descripti iidem. 882. Muci stagnatio. 883. Forte humor sudat ex ligamentis, quæ ossa retinent.

854. **E**st humor, qui mucosus, gelati- nosus, spumescens, saponaceus, inter ossium articulos invenitur, in capsulis membranaceis secretus hærens, fere eadem indole, ac ille, qui ad tendines movendos,prehenditur.

855. Ligamentosa vincula, saccorum instar, articulos ambientia, ibi ortum du- cunt, ubi epiphyses ab unâ parte, lævi cartilagine crustatæ, articulos efficientes, al- terâ parte ipsis ossibus apponuntur; articulos deinde ambiunt, & in altero osse articulatio inter epiphyses, & ossis agglutinationem, inserta, neantur. 856.

856. Perioſteum os unum inveſtiens ibi, ubi ligamentum (855.) oritur, ſurgit, ambit totam capſam, externe junctum illi per cellulofam; ſic redit ad os aliud: & hoc eſt in omni ligamento. Neſcit adeo ipſum perioſteum os cum epiphyſe, ligamento intermedio.

857. Sublato etenim perioſteo, in junioribus facillime ſeparatur ab oſſe Epiphyſis, tumque ambitus ligamentofæ vaginæ ſemper adhæret ambitui epiphyſios, quæ os tetigerat, & quidem firmiſſime, ad notabilem altitudinem externe; nunquam vero oſſis ipſius margini; quod tum, ſolutâ ſuperficie ſuâ ſpongioſum, rubrum medulloſo ſuo humore, apparet ſemper.

858. In adultis autem, ubi jam epiphyſes cum oſſibus penitus concreverunt; in iis ligamenta articulorum ex ipſo oſſe provenire apparent, tumque annectuntur iis, quam firmiſſime.

859. Cava autem a non concretis, inter ligamentum & articulorum cartilagineſ, eſt glabra, polita, renitens adeo, ſuperficies elãſtica, ut ſpeculum ſuperet: nec a quocunque motu in rugas plicatur ſana, ligamenti ſuperficies, tenſa; id efficiunt ambientes muſculi coërcentes: his etenim ablatis, pendulum, flaccidum, elongatum,

corrugatur ligamentum ad omnem articulationem.

860. Nec articulus supra articulum movetur: sed mucus est intermedius (854.), qui transudat in ligamenti cavum, ex scaturigine triplici diversâ.

861. Et quidem ad omnes articulos, ponitur genus quoddam tuberculorum, coloris subrubelli, flavi, substantiæ mollis: fecernunt hæc humorem plasticum, glutinosum, mucilaginosum; hinc vocantur glandulæ illæ, mucilaginosæ, vel ab inventore Haversianæ.

862. Sunt hæ duplices: vel parvæ inter fibras ligamentorum positæ, simplices vocandæ ob simplicem fabricam, utpote folliculo constantes, in quem ex vasculis patentibus humorem accipiunt, atque acceptum eundem, per emunctorium suum, evomunt.

863. Vel sunt majores conglomeratæ, quæ componuntur ex plurimis ejusmodi membranis cavis (862.), sibi invicem appositis, cellulosa tenui junctis; hæ sex numero inventæ in glandulâ, quæ in acetabulo ossis coxarum ponitur; unde firmitus coherant, quam conglomeratæ in corpore, aliæ.

864. Inveniuntur autem hæ glandulæ  
(863.)

(863.) non ad omnes, sed ad eos articulos, qui plurimum & valdissimum motum patiuntur; ibi contentum humorem suum evomunt, per emissariola diversa; quod peragunt conglomeratæ aliæ, ut plurimum, unum per communem ductum. Hoc parotis docet (276.), pancreas (294.), & aliæ.

865. Harum conglomeratarum (863.) figura ad cavitatem, articulum recipientem accommodata, ponitur eâ in parte, quæ maximum articuli motum sustinet; premittitur hinc ab ossis moti capite, sed leniter adeo, ut non compressa, tum, quando requiritur humoris magis copiosi præsentia, eum effundat. Hoc pulcherrime conspicitur in articulo capitis ossis femoris, cum acetabulo, in innominatis, & ejusdem cum crure: hoc in articulatione humeri cum brachio, apparet ad flexum cubiti evidens.

866. Ruyschius iterum, qui penitus intactum reliquit nihil in humano corpore, implens has partes materie suâ ceraceâ, atque illas deinde examinans, fatetur, nihil sese hic invenire, quod glandulosum est.

867. At vero suâ singulari dexteritate expediens glomeres, quos pro glandulis habuerunt alii, repperit constare illos meris ex vasculis, tenuissimis quidem & sub-



tilissimis, quæ incedunt reptatu diversissima.

868. Sed & simul notat, extrinsecus hosce glomeres tingi materie quâdam, lubricâ valde, pinguedinem æmulante; hocque linimentum negat a sanguine secerni, ope structuræ glandulosæ: at per arterio-  
larum fines extremos, qui hanc ob causam, tam singulari apparatu instructi, tam multiplices sunt, & subtiles, deponi, autumat.

869. Attamen fatetur Vir Optimus, dari, inter apparatus hunc vasculosum (867.), vesiculas membranaceas quasdam, iis simillimas, quæ in intestinis (253.) deprehenduntur, quas amat ille vocare cryptas, vel lacunas: simulque asserit, extremitates arteriarum lubricum hunc humorem ex sanguine secernendo aptas, infundere illum lente, sed perpetuo, in illorum receptaculorum cavitates; additque, quod lentorem queat adipisci humor ille spissum, requisitum, lubricantem, dum remoram, ex vasculis subtilissimis secretus, patitur.

870. In cavum capsæ ejusmodi ligamentosæ (855.) transudare insuper videtur ille humor, pinguis, oleosus, qui medullosus hæret, in ipsis ossium epiphysibus, quæ articulos in ossium extremis formant; idque per interstitia, quæ inter illa-

rum

rum fibras, externas, distantes, intermedia sunt (895.).

871. Erit adeo humor in ligamento, articulata ossa retinente, secretus hærens, triplex; sive ex glandularum glomere (863.), sive cum Ruyschio potius ex ultimis emissus est arteriolis (867.); isque tum tenuis. Alter erit, quem crassiores promunt vesiculæ cavæ (869.). Tertius denique, qui medullosus ex ipso osse exit (870.).

872. Hic humor (871.) igni expositus haud concrevit, sed, nullâ relictâ sæce, exhalat in vaporem.

873. Ligamenta ad ossa omnia (855.), & quidem ad illa, quæ moventur motu notabili, observavit, & pulcherrime, non uno loco, descripsit Hippocrates: certe hæc non tantum nervosa, verum & vasculosa exhibet. De Arte. ἐπὶ δὲ πρὸς τέτοιαις καὶ φλέβες πολλαὶ, καὶ νεῦρα, ἐκ ἐν τῇ σαρκὶ μετέωρα, ἀλλὰ πρὸς τοῖς ὀστέοις περιεπιμένει συνδεσμός ἐστι τῶν ἁρθρῶν. *Præter hæc autem venæ multæ & nervi, non in carne extantes, sed intus ad ossa protenti, ligamentum sunt articulorum.* tumque addit: καὶ αὐτὰ τὰ ἁρθρα, ἐν οἷσιν αἱ συμβολαὶ τῶν κινουμένων ὀστέων ἐγκυκλίου. *& ipsi illi articuli, in quibus ossum, quæ moventur, commissuræ circumrotantur.*

874. Describit & horum ligamentorum non concreta cava (873.), idque ex ipsâ

indicatione humidi, intus contenti. καὶ τέτων (ἀρθρων) ἔδεν, ὅ, π ἔχ ὑπαφρόν ἐσι. καὶ ἔχον περὶ αὐτὸ θαλάμας, ἃς καθαγχείδι ιχῶρ. *Et horum (articulorum) nullus, quod non spirituosus sit, Et cameras habeat circa se, quas sanies indicat. ibid.*

875. Humorem, quem hic (874) spirituosum pulchre in articulis describens ιχῶρα vocat, hunc σίαλον dicit de Princip. μυζαν de loc. in hom. Μυζα πᾶσιν (ἀρθροῖσι) ἐσι φύσι καὶ ὅταν αὐτὴ καθαρὴ ᾖ, ὑγιαίνεισι τὰ ἄρθρα, καὶ διὰ τῆτο δύννητά ἐστιν, ὥστε ὀλιγοθάνονται πρὸς ἐωυτά. *Mucus omnibus (articulis) a naturâ inest, Et si quidem purus ille, articuli sani sunt, Et bene moveri possunt, utpote lubrici supra se invicem.*

876. Et in omnibus hoc fieri articulis idem, ibid. exhibet; postquam pulchre descripserit ossium articulationes inter se. ὅσα γὰρ τὰ ὀστία, τοσαῦτα καὶ ἄρθρα. quod enim ossi, tot sunt articuli. Paulo post addit. ταῦτα δὲ τὰ γεχαμμένα πᾶσιν ὁμοίως (τοῖσιν ἀρθροῖσι) illa autem descripta eadem sunt in omnibus (articulis).

877. Sed & summus Hippocrates videtur subolfecisse, humorem hunc a vasis discerni in omnibus simillimum, & tamen vasa illa non esse in omnibus, eadem; postquam enim eodem hoc loco dixerat, hæc in omnibus obtineri; addit: ἄλλα πὲρ φλέ-

ἑαῖα εἰσὶν ἄλλοις, ἀλλ' οὐκ ἄξια λόγου. *Aliæ quidem venæ aliis sunt, verum haud memoratu dignæ. ibid.*

878. Hic autem secretus humor, mistus (871.), motum ossium pulcherrime expedit, & attritum destruit, ob lubricam, mucosam, pinguedinem. Hinc facile lævissima cartilaginea, supra lævem cartilagineam, movetur superficies; nec articulum lædit articulus. ὥστε ὀλισθαίνοντες πρὸς ἑαυτά. *utpote lubrici supra se invicem. ibid.*

879. Hoc deficiente muco (871.), aridi articuli collidunt ad se invicem, atteruntur. Hinc oritur ingratus stridor, qui in scorbuticis, & lue gallicâ laborantibus, sæpissime percipitur; nec non in iis, qui longiore itinere absumserunt, motu nimio, benignum, intermedium, obliniens. Tum sæpe inflammata membrana intimâ, vel scirrhusâ redditâ glandulâ, secretio impeditur humido, & concreescunt inter se articuli.

880. Ille autem humor (678.), assidue secretus novus, in sano paucus tantum præsens, ubinam manet? certe attenuatus, motu videtur inPELLI in venulas resorbentes, ut fieri in aliis partibus videmus. Forte & pars ejus crassior, pinguis, oleosa, per determinatos poros, ipsum iterum os



intrat. Hoc & affirmat iterum, nimio motu, articuli lassitudo ab ariditate.

881. Impeditâ autem resorptione, oritur alia morbi species; laxatur enim ligamentum, expanditur, ab infarcto, secreto, humido; ipsum os propellitur ex cavitâ suâ: inde paralytis, vel claudicatio; quod propriis Hippocratis verbis descriptum, pulchrius intelligetur. πόντος δὲ ἢ ὀδυώνη γίνετ', ὅταν ἀπὸ τῆς σαρκὸς ὑγρασίῃ ῥυτὴ πονησάσῃ. τὸ πρῶτον μὲν πήγνυτ' τὸ ἄρθρον· ἔπειτα ὀλίοθηρὴ ἢ ὑγρότης ἢ ἐπερρύηκυϊα ἀπὸ τῆς σαρκὸς ἔπειτα ὥστε πολλὴ λίαν νεμομένη, ἢ ὥστε ὀρδομένη ἐκ τῆς σαρκὸς, αἰεὶ ξηραίνετ'. ἢ ὥστε πολλὴ ἐῤῃσα, ἔπειτα χωρεῖται ἐν τῷ ἄρθρῳ, ἐκ χειρὸς κακῶς τε πεπηγυῖα μετεωρίζεται τὰ νεῦρα, οἷσι τὸ ἄρθρον σιωδέετ', ἔπειτα αἰεὶται ποιεῖται διαλελυμένα. ἔπειτα διὰ τῆτο χωλοὶ γίνοντ'. ἢ ὅταν μὲν τῆτο μᾶλλον γίνετ', μᾶλλον· ὅταν δὲ ἥσον, ἥσον. *Labor autem fit et dolor, quando a carne humiditas fluat vitiosa. Primum quidem articulus concrescit. non enim lubrica est humiditas, influens a carne. Deinde; utpote nimis copiosa, vagat late, neque a carne irrigata, exsiccatur. cumque copiosior sit existens, neque ab articulo retineri possit, effluit. Et male hærens nervos, quibus articulus colligatur, attollit, ignavos reddit, Et exoluit. Et ideo claudi fiunt. Et quo magis illud fit, eo magis hoc: Et quo mi-*

*minus, eo minus.* de Loc. in hom. Idem efficit glandula (863.) si intumuit, mole auctâ per quamcunque causam.

882. Stagnans autem ille idem humor, nimîâ copiâ secretus, dissipato liquidiore, concrefcit, cum ipso articulo, & aliam ἀγκύλωσις speciem efficit.

883. Forte & in cavum articuli exsudat tenuis humor ex iis ligamentis nervosis, quæ os ad os retinent. vid. Ruysch. adv. an. II. Tab. III. fig. 3. litt. C.

## CAPUT TRIGESIMUM SEXTUM.

884. *Cavum in duris.* 885. *quænam duri proprietates? non datur durum in corpore.* 886. *quo propius ad proprietates (851.) accedit, eo durius.* 887. *in corpore animali os durissimum.* 888. *fere talia describit ossa Hippocrates.* 889. *post os cartilagiô.* 890. *duplex illa.* 891. *Ruyschii observatio.* 892. *docet ille vasculosam.* 893. *Cartilago plus humidi habet, quam os.* 894. *in ossibus idem fit, quod in mollibus.* 895. *os constat fibris.* 896. *fibræ in medio ossis compactissimæ. patet examinando.* 897. *quomodo in fœtu fibræ ossæ continuatæ sunt, in molles.* 898. *patet examinanti.* 899. *quomodo illud sese habeat, quod inter duram matrem, & pericranium est in fœtu membranosum.* 900. 901. *quo-*

modo forte mutatur membranosum in os. 902. quænam affirmant ossificationem. 903. quo propius origine eo plura vasa & cartilagine. 904. quæ in planis, eadem est in fibulosis, ratio crescendi. 905. quod in planis, in teretibus est. 906. in medio sui sunt stabilissima, in fine latiora. 907. cur? 908. in media parte sustinent vim motus. 909. omnis vis motus cadit, ubi tendo muscoli ossi inseritur. exemplum affertur ex osse humeri. 910. hujus moventes musculi. 911. eorum insertio. 912. demonstratio mechanica. 913. quidnam sustinet punctum insertionis tendinis? 914. refertur hæc (912.) ad os, & musculos. 915. ex fibris osseis fiunt lamellæ. 916. has interstinguunt claviculi. 917. in fibris sunt puncta non concreta cava. 918. inter illa oleum. patet combustione. 919. radendo, scindendo os. 920. undenam oleum? ex Cloptone Havers demonstratur. 921. ex Ruyschio. 922. unum in osse interstitium videtur communicare cum altero. 923. arteriæ medulliferæ os perforant. 924. arteriæ majores os perforant. 925. ossa exsudant oleum. 926. in cava, & in propriam substantiam. 927. necessitas olei. 928. communicatio periostei interni, externi, & membranæ medullaris. 929. quomodo illa apparet. 930. quænam de hac sententia Ruyschiana. 931. in Epiphyse

*physi obtinet, quod in offe. 932. 933. 934.  
demonstrantur eadem ex Hippocrate.*

884. **U**ti omne, non concretum, in mollioribus cavum, impletur spiritu, qui exhalat in illud, & ex eo resorbetur: ita & in illis fit, quæ proxime accedunt ad duritiem.

885. Durum quippe perfectum non datur in corpore animali, *Est enim, quod Philosophi vocant, partes constituentes inter sese coherentes ita habere, ut, vi impressâ, recedant neutiquam; sed potius secedant.* Nec & tale est ullum totâ in rerum naturâ.

886. Quo vero magis accedat corpus ad hæc proprietates (891.), eo habetur durius.

887. In corpore autem animali, nulla pars hisce phænomenis (891.) pulchrius gaudet, quam os; nisi ex numero horum, excipiaturs dens. Inde durissimas vocant, & stabilissimas Anatomici in corpore partes, ossa.

888. Talia fere (893.) ex ortu suo describit Hippocrates: τὰ μὲν ἔν τερεὰ τὴν φύσιν ἐν τῷ ζωιστηρίῳ καὶ ξηρῷ ὅτε ἀναλίσκει τῷ πυρὶ ἐς τὴν ποφύλιν, ἀλλ' ἐγκρατὴς γίνεσθαι, καὶ ζῶισσιν, ἔν τε ὑγρῷ ἐκλείποντι, ἅπερ ὁσέα ἐπονομύζεσθαι. quæ quidem solida naturâ sunt in compacto ἔσ sicco, non consumuntur igne in alimentum; sed valida fiunt, ἔσ consistunt, humore deficiente, hæc quidem ossa nominantur.

De



# 364 OSSIUM ET CARTILAGINUM,

De Diætâ Lib. I. Cap. VII. & de Nat. Pueri καὶ τὰ ὀστέα σκληρύνει) ὑπὸ τῷ θέρμῃς πηγνύμενα. *Et ossa dureſcunt, a calore concreta.*

889. Duritie proxima est Cartilago; quæ, post os, Pars in corpore animali, durissima, stabilissima, magis elastica, & quodammodo est pellucida. χόνδριον μαλακὸν ὡς περ σπόγγης, ἔτε κρέας, ἔτε ὀστέον. *Cartilago mollis velut spongia, quæ neque caro, neque os est.* Hippocr. de Princip. nasi cartilaginem describens.

890. Sunt hæ (895.) duplices, vel quæ mutantur ex fœtu sensim in os; vel quæ manent crustæ cartilagineæ articulos investientes.

891. Ruyschius notat, constare cartilagine ex particulis variis abruptis, quæ combinantur successu temporis, & unum fiunt corpus continuum Thef. an: X. N°. CLXXXII. sunt adeo inter appositas sibi invicem particulas, non concreta iterum cava.

892. Sed & ille idem naturæ indefessus scrutator non semel docuit, cartilagine minime vasculis destitui; imo vero, quod illæ, quæ ossium investiunt extrema, haud omnino sint exsanguines, exhibet advers. anat. III. pag. 33. hinc iterum visis, quæ structuram ossium spectant, concludere lice-

licebit ad perspirationem, in his partibus.

893. Sed & videtur, quam os, plus habere cartilago succulenti: id docet combustio, servatâ enim proportionem, hæc multo minus terræ dabit, quam illud, si utrumque crematur.

894. In ossibus autem, ac in mollibus fieri eadem, docebit ipsa fabrica.

895. Omne etenim os constat fibris, docuit hoc osteogenia.

896. Fibræ in medio ossis compactissimæ sunt, divergunt magis ad finem, dum numerus illarum in toto osse idem; hinc ad extremitates interstitia inter fibras majora sunt cava, sive planum fuerit, sive os teres: hoc facile docet ipse inermis oculus.

897. Quodcunque etenim examinas os planum, videbis ex centro suo, quod punctum est ossificans, emittere divergentes ad circumferentiam radios distinctos, qui compactiores eo, quo propius distant ab ipso puncto ossificante, suntque ibidem & crassiores. In fine autem ubi hærent ultimæ continuæ cum membranaceo quodam fibræ osseæ, ibidem sunt tenuissimæ, & simul maxime a se invicem distantes.

898. Extremum osseæ continuatur, in foetu, in capitis osse, in membranaceam fibram, eâdem lege, ac ossea exporrectam: ut fibra carnea exporrigitur in tendinem, in musculo.

899. Si etenim exemptum ex fœtus cranio os quodcunque liberas a pericranio, & durâ matre prudentur ita, ut fervetur, quod membranaceum inter utriusque hujus ponitur conjunctionem eo in loco, ubi postea futuræ; videbis, si luci illud opponas, & oculum ardes, fibras tenues, molliores, extremas, que ex ipsis ossibus extremis surgunt.

900. Illud autem, quod duram matrem inter & pericranium fibrosum est, membranaceum (899.) fit osseum, & quidem fibrosum: docet hoc in adultis, junioribus, inspectio; docent, in senibus ipsis, futurarum reliquiarum. Dum ergo crescunt ossa, sensim mutant ex membranoso-cartilagineo ortu partes molliores in ossa duriora.

901. An ergo ossæ particulæ, duriores, solidiores, dum vi vitæ nutriuntur, propelluntur, durescunt magis, & quod sibi proxime adjacet, comprimunt, & ex membranosa in cartilagineam, ex cartilagineâ, in osseam tandem indolem mutant?

902. An non potius ipsa vis vitæ vascula ex membranosa naturâ mutat in cartilagineam, & osseam, per veram *θλίψιν*; dum membranulæ vasculorum minimorum compressæ in fibram veram degenerascunt? An tum non prior causa (901.) accedit ad perficiendam hanc degenerationem?

903. Illud verum est, quo homo propius distat ab origine, eo copia vasculorum in eo major, & partes cartilagineæ plures, postea mutandæ in os.

904. Eadem tum erit perfectæ ratio in iis ossibus, in quibus epiphyfes cartilaginossæ prius, postea ossescunt. An ergo in membranoso & cartilagineo jam hærent elementa ossificantia?

905. Quod in planis idem ad fabricam obtinet in reliquis ossibus, quæ teretia corpus fulciunt, & ornant.

906. Illa (912.) sunt in medio durissima, stabilissima, magis compacta, dum fibræ ad se invicem ibi accedunt quam proxime; ad fines suos autem sunt latiora quidem; sed & simul magis spongiosa, cava formant; distant quippe fibræ plus a se invicem.

907. Nec certe summus rerum Arbiter hoc sine causâ necessariâ effecit. Latiora debebant in fine ossa majori gaudere superficie, quâ pulchrius sustinerent, quæ retinere debent: non secus ac columnæ, quibus ædium vastissimæ fulciuntur moles, inferne latiori basi, superne capitellis sunt instructæ, quo aptiores ferendo essent expansâ superficie, superficiem majorem.

908. In medio vero sustinere debebat, ex mechanismo motus, os maximam flexionis



nis vim; hinc, ne facile frangeretur a motu, ibidem magis solidum est, & fortissimum.

909. Si etenim respiciamus ad ossa movenda, omnis fere vis ibi cadit, ubi musculi moventis tendo inferitur. Sumam os humeri, cujus est motus varius, sursum nempe, deorsum, retro, & antrorsum, denique & in orbem ita, ut varios describat conos, quorum est apex ossis humeri, capitis, cartilaginei, globosi, punctum medium.

910. Ad hoc (910.) perficiendum sunt attollentes, deprimentes, retrahentes, antrorsum moventes musculi, qui vicissim agendo, quintam actionem, quæ rotatio est, efficiunt.

911. Ubinam inferuntur? certe omnes ad mediam circiter partem ossis humeri. vide Celeberrimi Albini Hist. muscul. Lib. IV. pag. 656. cum quibus confer Lib. III. uniuscujusque musculi historiam singularem, fidelissimam.

912. Est hæc demonstratio pulchra mechanica: si etenim ponas lineam rigidam, mobilem extremo suo altero supra axin, cæterum liberam; & extra illam concipias punctum fixum, a quo linea flexilis movet priorem; quæque cadit in ejus medium; tum, dum posterior hæc agit, illam priorem

rem movet ita, ut extremo suo libero describat illa prior circuli segmentum: Omnis vero tum vis, quæ superatur a flectendâ lineâ, cadit in illam partem, quæ est inter lineæ mobilis extremum liberum, & punctum, cui inserta linea altera movens; quia illa elevata, simul superat omnem pressionem, quæ est in omni puncto ejusdem distantix; quod vero sub lineâ elevante est interstitium a puncto insertionis ad axin usque, superatur facile ipsâ vi elevantis; dum est sub eâ.

913. Illud autem punctum (913.), cui inserta linea trahens, sustinet omnem vim elevatæ lineæ reagentis inter punctum insertionis & ejusdem extremum; Et simul illam, quæ infra ad axin mobilem usque est; denique & propriam.

914. Hoc jam, perfectè fit in dicto osse humeri (916.), ope musculorum. Deltoides V. G. elevat humerum, & simul, si firmatur cubiti flexus suis musculis, totum brachium, manum, & illa, quæ manu arrepta eleventur: Superat ergo omnem pressionem, quæ reagit in illam lineam, quæ a puncto insertionis ad manum extremam est; Simulque illam, quæ ab initio ipsius musculi, quod punctum fixum inter & insertionem est: denique & propriam reactionem. Hinc nisi hac in parte foret fir-

missimum os, frangeretur facillime; dum eo tempore, ab utrâque parte vis violenta distrahens est. Ut V. G. si lineæ rigidaë, in medio sui sustentæ, appendantur ad extrema pondera, tamdiu horum sustinet actionem reagens fulcitum punctum, quamdiu illa hoc non superant, simul etenim ac vis unita distrahens major, quam sustinens, solvitur cohæsiō. Hinc fracturus lignum, illud ad genu apponit, & flectit utrâque manu ad extrema.

915. Ex illis jam fibris, ex quibus os constare diximus, fiunt lamellæ, quæ sunt membranæ ossæ, nam ut in mollioribus ex fibris fiunt expansæ membranæ, ita & in hisce obtinet. Ruyfch. Thes. an. X. N°. CLXXVI.

916. Has vero lamellas interstingunt parva, transversa, diaphragmata, ossæ: ex quibus & in cranii ossibus diploë constat, claviculos Gagliardus vocat. Cum vero & hæc inter se distant, formantur cava, impleta oleoso, crassiore, smegmate, quod meditullium dicitur. Sæpe etiam ossa fibulosa constant diplœe, & lamellâ duplici, velut cranium. Ruyfch. Thes. an. VIII. N°. 8.

917. Sed & in ipsis fibris, quæ junctæ lamellas faciunt, puncta sunt non concreta, quæ cava inter has faciunt, uti docet osteogenia in foetu; imo in adulto, & se-

num

num offe, si microscopio illa inspicias; nunquam vero pulchrius, quam si os diutissime injuriis expositum fuerit, & vicissitudinibus aëris, tunc enim consumto intermedio, elevantur arefactæ lamellæ, & fibrosæ apparent; quæ indagandi in his. fuit Gagliardi methodus, quâque jam usus fuit, teste Riolano, magnus Hippocrates.

918. Inter illas non concretas fibras hæret secretum aliquod medulloso-oleosum, uti transudatio, & levissima combustio docent. Nihil enim (uti chemia docet) ignem alit; nisi oleum. Si autem leviter, in superficie tantum, comburas os, pinguem & rancidum spargit odorem, nigrescit: ablata illâ combustâ crustâ atrâ, os bonum est sub escharâ, haud secus, ac in ossium sphacelo fit; hoc si rursus igni proxime admoveas; ut antea, nigrum fit, si vero ulterius urere pergas, ablata ultimâ nigredine phlogistâ, calcinatur os, & albescit.

919. Idem (905.) & facile discitur os radendo, vel ferrâ scindendo; fragrans enim spargitur odor, pinguescunt vel ipsa ossa exsiccata, motis hisce particulis.

920 Undenam autem illud oleum inter fibras? Docuit Clopton Havers, quod periossteum undique os investiens, exceptis dentibus, ubi eminent coronis suis, & ibi, ubi inseruntur tendines, dimittat ad illud du-



plex arteriarum genus; vel quæ ipsum os transeunt, ad conficiendam in ejus cavo medullam, vel quæ per poros ingrediuntur, ad os tantum, neque illud perforant, sed alunt, adeoque ex ultimis suis osculis, deponunt unctuosum pingue, ipsam inter osseam substantiam: quodque remittunt hæ arteriæ suas venas.

921. Nec possum, quin iterum citem magnum, & in omnibus nominandum, Ruyfchium: hic enim, impletis vasis, demonstrat Periofteum scatens tot innumeris iisdem, ut totum rubeat, interim in cavitate ossis reperiuntur vasa perpauca. advers. an dec. III. Tab. II. f. 8.

922. Nec dubito, quin fibrosa compages osseæ substantiæ sinat ex uno interstitio, in alterum fluere, pingue; hinc crescere juniora videntur ossa, & quodammodo mollia, flexui obsequiosa, unctuosas, servari. Forte & venæ, ejusdem generis, reducentes bibunt, quod functum officio, superfluum est, atque sanguini mistum illud reducunt.

923. Quæ vero arteriæ fecernunt medullam, in cavum ossis intrant, ad hujus extrema, perforant illud, sunt præcedentibus majora, disperguntur per cellulas, fecernunt tenue oleum, medullosum.

924. Sunt & præterea arteriæ notabiles illæ,

illæ, quæ in majoribus ossibus fibulosis, per singularia foramina, una cum vena intrant; sive potius hanc remittunt, ut fit in osse femoris, in tibiâ, humero, &c.

925. Omnia autem dicta ossa sudant oleum suum medullosum ex cavis suis, in omni puncto, per substantiam suam propriam inter osseas fibras, quod & inter illas movetur, & extrorsum exhalat ex osse. Inde post validos motus cava in ossibus inveniuntur vacua, vel sinegmate oleoso repleta tantum; saginata quippe armenta mactata ossa medullâ plena præbent; si vero prius iter illis faciendum longius, orbantur eâdem: tum vero motu inpellitur in resorbentes venas per os dispersas tenuissimum oleum.

926. Est ergo in ossibus transfusio ex substantiâ suâ propriâ, & ex cavis suis per eandem extrorsum. Hoc incommodo suo sæpe experiuntur, qui ossa parant pro sceletis demonstrandis: transfusat enim sæpius post annos flavum, oleosum, liquidum; unde tum ossa pinguescunt, flavescent.

927. Nec inter fibrillas osseas, & laminas pingue hoc movetur sine necessitate summâ, arida etenim si forent ossa & friabilia, facillime frangerentur mota; id docent, quæ in cœmeteriis aëri exposita fuere diu-

tius; talia vero si aquæ vel oleo inmittas, spongiæ instar bibunt, implentur, & pristinæ flexibilitatis speciem recuperant. Si autem stagnaret in vivis oleum, rancesceret.

928. Laminæ autem osseæ ubique perforantur, & poruli inter se communicant, & cum periosteo interno, atque medullari membranâ, quam cellulofam iterum suspicor, sed tenuissimam subtilissimam, quæ ingressa cum vasis majoribus in ossa, atque in horum cavis expansa, medullam secretam in cellulis conservat.

929. Nusquam apparet hæc medullaris membrana (928.) pulchrius, quam post inpletionem; Ruysch. Thes. An. X. N°. CLXXXII. Vel si hæc deficit, inmittendo os recens in aquam fervidam, tuncque instruendo focum ita, ut ebulliens in eodem caloris gradu fervetur; si tum frigidum os, juxta longitudinem discindatur, apparet medulla, in farcimen acta, referens verum adipem, inclusum propriâ membranâ.

930. Quem cito iterum nihil non scrutatus Ruyschius. Adv. An. III. pag. 32. inquit, dubitare se maxime, an non nimis liberaliter de hac membranâ differant Anatomici, atque illis in ossibus, in quibus cavitates implentur osseo-spongiosâ substantiâ,

tiâ, vel materie osseo-filamentosâ, haud inveniri dicit hujusmodi membranam communem medullarem; sed affirmat, oleum hæere, in substantiâ illâ æque tuto defensum, ac succulentum medullosum, in fungosâ Epiphygium ad ossa, substantiâ.

931. Quæ Epiphyyses (930.), æque ac ossa, intus plenæ sunt succulento, blando, oleoso, meduloso, sapido, sanguineo colore tincto magis, quam medulla, humore; qui ab arteriis ibidem secretum hæret, movetur, & in ipsas capsas ligamentosas articulorum exspirat (870.).

932. Hippocrates iterum ossa descripsit pulcherrime libro De Naturâ ossium & de Articulis: sed & de nat. pueri, invenies ossium ortum explicantem illum ex molliori in duram naturam *ὁκόταν ἢ Ἀγροθρωῆ τὸ παιδίον τὰ εἶδεα τῶν μελέων αὐξομένους αὐτὰ, τίτε ὁσέα ἐπισκληρότερα γίνεῃ καὶ κοιλαίνεῃ*. *Postquam jam articulatus est puer, eo incrementum, pulchrius conspicua membrorum forma, & ossa duriora fiunt, atque excavantur.*

933. Sed & simul docet, quod cava existant ossa, quodque trahant oleosam medullam ex sanguine pinguißimam: addit enim *κοῖλα ἢ εὐόντα ἔλκεθ ἐς ἐαυτὰ ὑπὸ τῶν σαρκῶν ἔσσιμαίλωπται τὸ πῶταπιν*. *cava autem existantia trahunt in se ex carnibus, quod est in sanguine pinguißimum.*



914. Quomodo autem ossa generentur, & ex generatione differant duriora & spongiosa (906.), explicat de Princip. ὅκου μὲν μὴ ἐνλεῖ ἔκκολλῶδες, ἔκ τ' λιπαρὸν ἢ ψυχρὸν, ἐξεκαίετο θάλασσαν ἀλλὰ τὸ λιπαρὸν, ἢ ταῦτα τ' ὀστέων ἢ σκληρότατα ἢ σριφνότατα. ὅκου δὲ λιπαρὸν ἢ κολλῶδες ἀφραπλήσια, ταῦτα δ' τ' ὀστέων σπῆραγγῶδεα. Quotquot quidem plus habeant pinguis, ἔξ frigidi, quam glutinosi, exuruntur citius ob pinguedinem, ἔξ illa ossa durissima facta sunt ἔξ rigidissima. quotquot vero pingue ἔξ glutinosum habuere ex æquo, illa ossa spongiosa reddita fuere.

## CAPUT TRIGESIMUM SEPTIMUM.

935. Particulæ, partes constituentes, cava formant. 936. corpus constat solidis ἔξ fluidis. 937. constat minoribus similibus. 938. in his finis est. 939. ultimum partes non habens, partes facit. 940. quid solidum sit in corpore animali? 941. parum. 942. quid quid vigorem dat, fluidum est. 943. quænam hoc docent. 944. elementa fibram faciunt; ope glutinis. 945. docet combustio. 946. in pilo. 947. in ossè. 948. cohæsiō a vitæ solvitur ad motum minimum. 949. putrefactio facit, quod combustio. 950. Cadaver Alexandri in pulveres cadit. 951. ultima solida elementa sunt. 952. idem in vegetabili-

bilibus ac in animalibus est. 953. Hippocrates elementa describit, inde oriri, & ad ea redire omnia. 954. Pythagoræ sententia. 955. elementa tempore resurrectionis redibunt ad se. 956. fluida non pereunt. 957. an elementa sibi apposita cava formant? 958. ignoramus eorum figuram, tamen in iis quædam est superficies. 959. cohærent elementa non directe. quare? 960. cohærentia per intermedium cava faciunt. 961. fibra non solitaria datur, sed juncta facit membranam. 962. Membrana vasculum. 963. vas membranam iterum facit. 964. omnia vasa circuloſa, a vasis non tanguntur, niſi in unâ lineâ. 965. hinc non concretum, inter concreta. 966. omne vas ſex locis tangitur ab æqualibus. hinc ſex cava inter concreta. 967. circulis protractis, protrahuntur cava. quæ ſe habent ad vasa. 968. vasa ultima unâ quintâ parte minus cohærent. 969. ex arte Ruyschianâ patet, omnia vasa eſſe circuloſa, adeoque habere dicta (966.) cava circa ſe. 970. implentur cava ſpiritu. 971. ut vasa in junioribus plura, ita cava. 972. quinam iſte ſpiritus? unde? ubi? quorſum? ſubtile eſt. 973. Concluſio ex viſibilibus minimis, forte celluloſam docet. 974. idque ex muscularibus fibris. 975. Natura, ut in maximis, ita agit in minimis. 976. celluloſa nuſquam in corpore

*vacua; in minoribus tenuiori humore repleta, an in hisce spiritu? 977. an & in hac, ut in maiore, morbosâ est ichor? 978. quænam id docere videntur. 979. Undenam ille spiritus? 980. si progredimur, redimus sponte ad maiora. 981. an ex ipsis cavis spiritus inter fibras? 982. ex injectione quid patet? cera inter fibras se insinuat. 983. quâ ratione facta in corde canino injectio? 984. quid demonstrat? 985. in vivo ita fieri a sero credait Ruyschius. 986. an eadem in reliquis obtinent? an resorptio? 987. venæ aptæ huic sunt resorbentes in corde. 988. quænam in hisce, post præparationem, observanda. 989. quid patet ex iis. 990. an idem iterum in minimis? 991. nemo unquam magnum vidit inter minima. 992. corporis partes constant ex similibus, hinc forte similis natura ad finem. 993. nemo minima vascula implet. 994. quænam inplentur. 995. errant, qui ex injectione dicunt totum corpus constare vasis ad solida. 996. quo felicior impletio, eo plus apparent vasa, & illud, quod non impletur, simile est inpleto, ante inpletionem: hinc forte vasculosum. 997. est tamen peculiare quid, quod partem distinguit a parte. 998. docent omnes partes, nec diversitas illa a diversis vasis tantum. 999. apparet ex inpletâ cute, non impletum relincente. 1000. nec illud nervosum totum. 1001.*

*Unde opinio omnia solida esse vascula, ex injectione. 1002. quænam videntur docere in minimis resorptionem. 1003. subtile in cavis ad vasa, non nutrit, sed apta servat ad nutritionem. 1004. nutritio fit in vasis ipsis minimis, quæ arteriosa, vel nervi. unde nutritio in his patet. 1005. Deficiente intermedio, perit cohesio. 1006. exemplum est in pilis. 1007. Sunt teretia corpora piluli, quæ fibris constant. 1008. an inter pilosas fibras non concreta cava? 1009. quomodo firmatur Hippocratis sententia. 1010. quomodo altera ejusdem sententiæ vis explicatur. 1011. ex his patet inspirare, & exspirare universum corpus.*

935. **P**articulæ autem, quæ illa constituunt, quæ ab epidermide ad ossa usque, conati fuimus demonstrare perspirantia, sunt ἀσυμφυλα κοίλα Ἰπποκράτους: adeoque & illa, ex ejus dicto, impleta erunt spiritu. Quod, ut facilius explicem, transeo ad minima, simplicissima.

936. Constat animale corpus solidis & fluidis; docet hoc Anatome.

937 Constant omnes partes minoribus, constituentibus, simillimis: hoc patuit in osse (895.), musculo (815, 816.), cartilagine (891.): illud evidentissime docuere Malpighius, Ruyschius, Swammerdamius,



mius, Leeuwenhoekius, Hookius, Aliique, experimentis certis.

938. Definit attamen ratio in hisce (937.) finem; nam,

*Nisi erit minimum, parvissima quæque  
Corpora constabunt ex partibus infinitis,  
Quippe ubi dimidiæ partis pars semper  
habebit*

*Dimidiam partem, nec res perfiniet ulla  
Ergo rerum inter summam minimamque  
quid escit?*

Lucret. Lib. I. v. 607. & seqq.

939. Quid ergo erit in omni parte ultimum? certe tale, quod ipsum partes non habens, aggregatâ copiâ partes primas constituit; illa erunt stamina prima.

940. Quidquid autem, in corpore animali solidum, id respectu molis parum; quid etenim solidum, nisi terra ultima purissima, virgo? quæ elementa vocantur, nulla vi ignis, aquæ, vel cujuscunque mentrui solvenda: sed immutabilia constantia prorsus.

941. At vero quam parva, quam pauca illa! unâ requiescit in urnâ, quod superest rogis Pyrami juvenum pulcherrimi, & Thisbes, quas Oriens habuit, prælatæ puellis.

942. Quidquid cæterum , corpori vigorem , & molem addit , fluidum est.

943. Id quippe docet corporis incrementum , ἀκμὴ , decrementum : idem demonstrat emaciatio ; quâ corpus ducentarum librarum , & amplius , paucis reducitur diebus , ad quartam sui ponderis partem , maxime per morbos acutos ; qui nihil in hisce , nisi humorum dissolutionem efficiunt , & dissolutorum eliminationem , dum solida manent : non enim dissero , de illis particulis solidis , quæ fluida constituunt , quæque ultimis ultimorum vasculorum finibus apposita , nutritionem faciunt : sed de iis , quæ solida vera immutabilia corporis , & hujus partium robur , efficiunt.

944. Hæc vero elementa , quæ sunt quasi puncta mathematica , quorum dimensio , & partes nullæ sunt , sibi invicem ope glutinis aquosi , & oleosi , atque vi vitæ apposita juxta longitudinis directionem , formant fibram , simplicissimam , cui longitudo tantum ; ut est linea Euclidis.

945. Docet hæc combustio in omnibus ; quâ omnia fluida , oleosa , aquosa , salina auferuntur , illa sub specie vaporis , hæc sub ipsius flammæ formâ. Quibus ablatis , supersunt tamen ultima solida , vi vitæ inter se nexa. Idque reperitur æque in maximis , quam in minoribus.

946. Extende enim pilum ita, ut supposito incenso alcohole, vel candelâ, flammam capiat, & comburatur: si accuratius attendas, fumulum quemdam percipies exhalantem, quæ est aquæ; dein odorem, quasi alicujus pinguis combusti; mox flammam capiens, si immotus fervetur pilus, comburitur, & omne nectens ejus particulas ultimas consumitur, superest vis vitæ nexas laxissime partes in eadem omnino figurâ conservans.

947. Os, quod in corpore maximum est, femoris, aperto igne si comburatur, eadem dat phænomena, solvitur & consumitur aquosum & oleosum vinculum; servat vis vitæ figuram, ultimo consumto phlogisto; calcinatum dicitur os albo-cinereum.

948. Si vero vel minimus accedat motus, in cineres collabitur, vix nisi merâ terrâ constantes, & sale paucissimo; quare ex hisce, coctione, ablutione, depuratis a superstite sale, docimastæ ollas suas efficiunt, summas ignis violentias pati valentes, absque ullâ fusione constantes; nec aquæ, aëris, & plurimorum mēstruorum vi mutantur ultimi cineres, vel solvuntur: sed spectati hisce manent, & redeunt, magis depurati.

949. Idem præstat putrefactio, fluidorum consumptio, & exsiccatio, ut in solidis  
fere

fere omnibus vegetabilibus, ita & in animalibus: docent id, post annos apertæ sandapilæ, ubi integra corpora conspiciuntur, quæ ad minimam motus vim in pulveres collabuntur.

950. Magni Alexandri tumulum dum spectat Augustus, viditque invicti Macedonis cadaver pulcherrime superstes, trahitur desiderio sacris manibus illud attingendi. At perterritus recedit! ad contactum minimum collabitur, in cineres paucissimos, estque pulvis, qui modo Alexander erat.

951. En, quænam solida toto in corpore supersunt, post fluida ablata. Illa autem, ultima, immutabilia, solida, sunt elementa.

952. Id vero idem fere est in vegetabilibus, quam in animalibus. Lignum enim combustum, si immotum servatur, figuram retinet; cadit vero in cineres ad minimum contactum; qui depurati, cocti, perfecte eadem dant elementa, quæ combustum animal; nec multum inter se differre, hæc, sive ex animalibus, sive ex vegetabilibus produxeris, notant Docimastæ.

953. Hæc certe elementa Hippocrates, Philosophiâ Democriti indutus, pulcherrime describit de diætâ (\*) Lib. I. cap. IV. ubi

(\*) Casaubonus contra Baronium Exercit.



ubi ostendit Divus senex , nullum quod pereat omnino corpus, neque fiat, quod prius

cit. I. inquit. *sensit Hippocrates, esse quamdam materiem, primam, indigestam, & ἀόρατον, neque in oculorum sensum cadentem, ex quâ fiant omnia, & in quam resolvantur omnia. Illam materiem vocat Hippocrates ἄδην, quod notat rem invisibilem. idem est ἄσως: sicut res creatas, & ex eâ materie productas, vocat φάος. Quem dicit Hippocrates ἄδην, alii Philosophi nominabant ἔστίαν. Aristoteles primam naturam vocat, quæ dicitur illi φάος lumen, vel lux. Servius vocat Generalitatem in Tert. Æneid. Romani, ait, contra faciebant, comburentes Cadavera, ut statim anima in suam generalitatem, id est in suam rediret naturam. Poetæ vocant τὸ Chaos. vid. Ovid. in Metamorphos. fab. I. Apollonius Tyanæus in epist. ad Valerium vocat πρὶν ἔστίαν. Flavius itidem οὐσίαν essentiam dicit. Quinct. inst. orat. LIII. cap. 4. Timæus Locrus purioris Philosophiæ Pythagoreus, duas præcipuas statuit rerum causas: harum primum optimum quoddam principium, quod vocatur DEUS; ea vero, quæ consequuntur, & tanquam causæ adjuvantes accedunt, reducuntur ad necessitatem. Horum autem foetum esse, inquit, Ideam, Materiem, Senfile, τὰ ὃ ζύμπαντα, ἰδέαν, ὕλαν, αἰσθητὸν τε, οἷον ἐκγονὸν τούτων. Statuit ille Ideam, formam, patrem tanquam, & efficientem. λόγον ἔχον ἄρρενός τε καὶ πατὴρ ratio-nem habet maris & patris. Videtur ἰδέα esse τὸ πῦρ; ut Hippocrates vocat vid. supra §. 530. & Lib. Hipp.*

prius non erat: sed quod omnia permixta & discreta alterentur, atque augeantur omnia, & minuantur ad summum.

954.

Hipp. de princip. in initio. Materia autem *fœmina*, *mater*, *patiens* est, quod Hippocrates τὸ ὑγρὸν vocat. πρὶν ὧν ὡρανὸν γενέσθαι, λόγῳ ἦσαν ἰδέα π καὶ ὕλα, καὶ ὁ θεὸς δαμνικρὸς τῷ βελτιον. Antequam igitur Cœlum exstaret, ratione erant forma & materies, & Deus ille melior opifex erat. Timæus. Vid. Ovid. Metamorph. fab. I.

*Victus fateare necesse est.*

*Esse ea, quæ nullis jam prædita partibus  
exstent;*

*Et minima constant natura, quæ quoniam  
sunt,*

*Illa quoque tibi solida atque æterna fatendum.*

Lucret. Lib. I. vs. 616. &

Lib. I. 215. *Huc accedit, uti quæque in sua cor-  
pora rursus*

*Dissolvat natura, neque ad nihilum  
interimat res.*

337. *Haud igitur possunt ad nihilum quæ-  
que reverti.*

Et paulo post.

*Haud igitur redit ad nihilum res  
ulla.*

Bb

Et vs.

954. Fuit & hæc Pythagoræ sententia, adeo quidem, ut putaret ille, omnia transmigrare ex uno tantum corpore in aliud. Hinc Seneca epist. 36. inquit. *Mors, quam pertimescimus & recusamus, intermittit vitam, non eripit, veniet iterum, qui nos in lucem reponet dies, quam multi recusarent, nisi oblitos reduceret.*

955. Nos vero meliore luce illustrati, illum exspectamus diem, quo resurgent eadem illa corpora, quæ post fata sunt soluta: tum vero ad suam redibunt conjunctionem elementa illa inmutabilia; esset etenim, nisi hæc fierent, non resurrectio, sed genesis de novo. Illud vir Divinus Jobus gaudet, sat gnarus, vivere Servatorem suum, quodque eo fretus ex ipsâ suâ carne, erosâ jam a vermibus cute, DEUM adspiceret propriis, nec alienis oculis.

956. Sed nec & illa pereunt, quæ aquosa, salina, separantur combustionem, & putrefactionem, tenues licet avolent in auras: sed

Et vs. 196. *Ut potius multis communia corpora rebus,*

*Multa putes esse, ut verbis elementa videmus.*

*Quam sine principiis rem ulla existere posse.*

Confer cum his quæ dicta sunt. §. 940.

sed & illa, dum fractus illabitur orbis, speramus reditura ad vincula sua prima. Ne tamen altius sapere velle videar, illuc unde abi, redeo.

957. An ergo, uti fieri diximus, dum ultima illa elementa, juxta longitudinis directionem, sibi apposita, lineam faciunt, seu fibram simplicissimam, inter puncta contactuum, [liceat hoc verbo uti semel in parte, quæ subdivisionem non patitur mathematicam] αὐμόφυλα κοίλα formant?

958. Certe ignoramus cujus figuræ sunt ultima hæc elementa, aut quâ superficie se invicem tangunt; nam licet ponamus esse punctis mathematicis simillima, attamen certe certam habent figuram; ipse etenim Euclides defin: prim. tale intelligit punctum, quale mens concipit minimum: nullum quippe datur visibile punctum, quod non dividi potest, & quo minus, mens haud concipit. Sunt & ergo illa elementa cujusdam magnitudinis, ergo & figuræ; & ex hac contactus oritur superficies. ταύταν ὃ τῶν ἔλαν αἰδίων μὴ ἔφα, εἰ μὲν ἀκίνητον· ἀμορφον ὃ καθ' αὐτὰν, ἢ ἀχρημάτιστον, δεχομένην ὃ πᾶσαν μορφάν. *Illam autem materiem, aiebat, quidem esse sempiternam, nec vero mobilem, & per se ab omni formâ immunem, & a figurâ liberam, quaslibet tamen formas recipientem.* Timæus.



959. Cohærere autem inter se scimus, nec tamen directe, sed interposito quodam jungente solidam ad solidam superficiem: cæterum enim corpus totum ex rigidis partibus, rigidum foret; nec partes ex elementis conflatae agere possent in fluida, quod requiritur ad vitam, sanitatemque (25.). Hinc Lucretius inter partes vacua statuit, dum putat, esse in rebus inane. Lib. I.

*Tum porro si nihil esset, quod inane vacaret,  
Omne foret solidum.*

Illud autem, quod jungit, pingue, aquosum gluten est, dum retinens agit vis vitæ in illud, & ad se invicem adpellit juncta: docuere illud experimenta mox recitata (945. & seqq.); non secus v. g. ac lapides murorum firmantur inter se, glutine ex calce & arenâ subactis, mistis; nisi quod hic materies jungens mollis maneat, & conservetur.

660. Quatenus vero se invicem non attingunt, sed ope interpositi cujusdam heterogeni junguntur, dici possunt formare κοῖλον, impletum ultimo, dicto, elaborato, glutine.

961. Talis autem fibra (944.) solitaria haud datur in corpore, verum ex ejusmodi lineis,  
seu

seu fibris sibi invicem, juxta latitudinem, appositis, formatur membrana simplicissima; quæ nihil aliud, nisi ejusmodi fibrarum simplicissimarum se invicem ad latera tangentium, superficies in planum expansa est.

962. Talis revera simplicissima membrana (961.), ut membrana, in corpore, non datur, sed convolvitur, lineis utriusque extremi sibi invicem appositis, in vasculum, minimum, simplicissimum.

963. Nec & tale vas (962.) iterum, ut solitarium, in corpore datur. Sed ejusdem generis aliis, juxta latitudinem, appositum, format cum iis membranam secundi generis, quæ & iterum convoluta, vas secundi generis format; & sic porro. Vel lateribus oppositis ad se invicem compressione applicatis, concrescit in fibram secundi generis, vas primum.

964. Cum vero omnia vasa nostri corporis conica sint, vel cylindrica (ut docet injectio) se invicem haud tangere possunt, nisi juxta longitudinem, in unâ lineâ: sunt enim, quasi circuli, in longitudine, sibi quique appositi, qui (uti docet Euclides) se non tangunt, nisi in uno puncto.

965. Manet ergo & manere necesse est αἰσύμφυλον, inter puncta bina σύμφυτα. & cum omne non concretum sit cavum, ἥν τε δέρματι

ἢν τε σαρξὶ καλύπτεται. *sive cute sive carne tigitur*: cavum manet, ex Hippocratis effato.

966. Quatenus vero vascula minima juncta ab omni latere, faciunt membranas majores & majores, omne tale vas, utpote circulosum, habebit, si tangatur a vasculis ejusdem magnitudinis, circa se sex puncta concreta; & inter illa sex cava a non concretis. Circulus enim a sex circulis ejusdem magnitudinis, se invicem non secantibus tangitur, sex diversis punctis. adeoque hi circa medium efficiunt sex talia cava, ubi non concreti; quæ omnia sunt trilatera, inter se æqualia.

967. Cumque hi circuli omnes protrahantur in conos, vel in cylindros, formatur protractus, cavus, canalis trilaterus, inter lineas, quibus hæc vasa inter se junguntur concreta; & si vasa fiant conica, idem ille canalis conoïdeus fiet, sed trilaterus, cujus basis est, respectu ipsorum vasorum, & apex itidem.

968. Cumque ultima vasa, id est penultimæ seriei apposita, superne non tangantur circulis; sed jungantur vel δέρματι vel σαρξὶ, hæc habent tantum quinque puncta, quibus concresecunt; adeoque unâ quintâ parte minus cohærent, quam vasa reliqua.

969. Dari adeo inter circulos vasorum, se

se invicem tangentes cava, negabit nemo, qui vel semel perspexerit, ex demonstrationibus præparatorum Ruyschianorum; vasa omnia (quæ nihil sunt nisi in cycloïden formam convolutæ membranæ) conitare ex vasculis minoribus: & omnia hæc minora vascula, rursus esse, vel conica, vel cylindrica, adeoque circulosa, hinc non, nisi in sex punctis tangenda, absque dissectione, a vasculis sex ejusdem diametri.

970. Cum vero vacua haud ferat affabre facta compages corporis animalis, locatur in iis cavis humor subtilissimus, tenuissimus, spiritus. Et hoc est quod Magnus Hippocrates dicit. *πᾶν ἀσύμφυτον κοῖλον ἐστὶ, πλήρῳ γὰρ, ὑγρῶν μὲν, πνεύματι δ'.* *omne non concretum cavum est, impletur vero, sanum quidem, spiritu.*

971. Nec dubium, quin, uti in junioribus vasa sunt plura, ita & numerosiora sint κοῖλα, ex ἀσύμφυτοις: dumque ætas firmior magis magisque corroborat corpus, cum per veram θλίψιν ex vi vitæ natam, circulos vasorum comprimit ad diametrum, seu lineam solidam, atque vasa in fibras mutat, simul minuat & auferat, deleatque interstitia cava in punctis ἀσύμφυτοις. hinc juvenes & pueri molles, senes rigidiores.

972. Quinam autem iste spiritus sit?



unde veniat? ubi maneat? quorsum redeat? vix inquirere audeo, vetat subtilitas.

973. Si tamen speculatio quid juvat, & ex minimis visibilibus concludere liceat ad multo minora, in quibus sensus externi optimis artis admuniculis instructi nihil certi percipiunt, an non simplicissimâ vascula, simplicissimas membranas constituentia? an non hæ, secundæ seriei efficientes vasa? inter se jungerentur subtilissimâ omnium cellulosâ? an non hæc impleta subtilissimo liquido, quod πνεῦμα est, impleret cava eadem?

974. Si licet, in parvis, exemplis grandibus uti; propono, quæ supra de fibris muscularibus, dextrâ Ruyschianâ, solutis memoravi (782.). Cumque idem affirmat Clariss. Albinus, quod nempe ultima visibilis fibra involvatur cellulosâ, an non invisibilis ultima fibra subtiliori adhuc jungeretur, eadem ratione?

975. Certe hoc negabit nemo fidelis scrutator, Naturam in omnibus, ut in magnis, ita & in minimis servare legem simplicissimam. Cumque ultima fibra, quam sensus artificiosâ encheiresi deprehendunt, jungatur tenuissimâ, nec, nisi in liquore explicetur, visibili cellulosâ; an non proponere licet, nisi concludere, subtiliorem, imo & subtilissimam, ultimam, fibram, eodem subtiliori adhuc vinculo necti?

976. Cum vero cellulosa, nusquam in corpore vacua, sed vel ad illas fibras, quas ultimas sensus percipiunt, in ipsis macilentis, humida sit smegmate quodam, subpingui, nec aquoso, sed oleoso, subtili: an non & inde proponere licet? hanc aut eas fibras, quæ omnem sensum fugiunt, longe subtiliori adhuc humido impleri; hoc æ ultimum liquidum imprimis esse πνεῦμα ἱπποκρετίκον.

977. Ut uti in majoribus πᾶν κοῖλον ἀσθενήτον πληρῆται ἰχῶρ. id est, humore, alieno, morboso, visibili, uti in ὑδροκεφάλῳ cellulosa totius capitis, palpebrarum, &c. In Hydrope pectus, & abdomen; imo ipsum cerebrum, implentur aquâ notabili: in ascitide itidem lymphæ vel serum accumulatur in partibus, loco spiritus: uti in Emphysemate, tota cellulosa distenditur aëre; an non ita in minimis, vel & in ultimis, idem status morbosus obtineret: sed eo minus apparitionibus suis sensibus nostris se manifestans, quo ipsæ partes affectæ sint minores?

978. Certe non tantum hoc docere videtur Ratio; verum & in virginibus chlorosis, in utroque sexu, cacochymia, denique & cachexia: uno verbo, vel in externis, pustulæ minimæ, & elevationes.

979. Undenam autem in minima hæc

cava membranæ cellulosæ subtilissimæ, inter minima puncta concreta, deferitur ille spiritus? subtilitas rei compefcit label-  
lum.

An vascula ultima, simplicissima, ad ultimas fibras tendentia, vel potius ex ultimis fibris conflata, osculis suis, quæ itidem minima, evomunt subtilem illum rorem, invisibilem, se inter fibras insinuantem?

An vero non, nisi in fine, patent horum oscula? an dantur laterales ramuli in cellulas patuli? & si dantur, an hi sunt omnium minimi?

An venulæ dantur ejusdem seriei resorbentes?

980. Certe, in hisce si progredimur, redimus sponte ad majora; ultima enim fibra, ex elementis conflata, facit membranam, quæ convoluta vas minimum; est ergo minimum vasculum multo majus ipsâ fibrâ, constat enim fibris conjunctis, plurimis.

981. An ergo ultimus ille spiritus insinuatur inter fibras, cavum constituentes, & inter harum elementa, ex ipso cavo? Sunt certe subtilissima? & si forte putat. B. L. nugas tractari tenuissimas, quarum nil juvat subtilitas, utpote incerta; quid dicam? Sunt speculationes, quibus otia tol-

tollo ; aliud est musæum aliud experientorum officina : defunt in his experimenta, forte & deficient semper ; ratiocinia vero pergunt , vel ad illa , quibus infinitatis speciem imposuit summus rerum Arbiter.

982. Illuc ergo , unde abii , redeo , ad experimenta scilicet , quibus in certâ re certa cernimus ; & quidem propono , quod magnus Ruyschius affirmat Thes. anat. x. p. 19. quod scilicet , postquam felicissime impleverit cordis vasa omnia ; injecta ceracea eadem materies sibi quærat exitum ex ultimis patulis arteriis , roris instar , insinuatque se inter cordis fibras carnosas.

983. Ejusmodi & ipse , quod præparavi , servo cor caninum ( 689. ) ; ubi secutus sum legem circulationis , injiciendo materiem ceraceam , per venam cavam in cor dextrum , & ex eo motu respirationis , feci transire per pulmones , & redire in cordis antrum sinistrum , ceram. Tuncque ligatâ arteriâ , propulsi materiam ceraceam , ut ultima impleta vascula emitterent eandem , sub roris formâ.

984. Conspiciuntur Cor , cum auriculis , sinibus , vasis majoribus , impleum , pulmones repletissimi. Sed ipsa Cordis substantia , & imprimis ventriculi dextri ,  
fca-



fcetet innumeris vasculis, ad ultimum repletis, materiâ, ceraceâ, rubrâ ita, ut totum cor superbiat colore, fulgenti, puniceo, persufum. Cera autem ex ultimis egressa, frigefacta, tenuissima, hæret sub membranâ extimâ cordis, & inter fibrillas lanei tenuitate dispersa: oleo inuncto corde, oculus armatus optime hæc spectat.

985. An in vivo ultimum, quod arteriolæ deponunt, sic sese inter fibras insinuat, & in cellulofam depositum hæret? existimat Celeberrimus Ruyfchius, id in vivo fieri, a sanguinis sero nutritio.

986. An ergo & in aliis partibus eadem fieri eodem prorsus modo concludere audeat analoge hujus? Certe idem est in musculis. Ubinam autem manet serum illud nutritium inter cordis (985.) fibras depositum? an exhalat? an resorbetur, per venas respondentes hisce arteriis? docere hoc Analogæ videtur.

987. Sunt & huic operi aptæ venæ in corde, coronariarum rami scilicet ultimi (709.).

988. Video præterea in memorato objecto (983.), corde scilicet canino, impletas esse venas æque, quam arterias coronarias; cumque in hisce valvulæ nullæ, atque materies injecta est in cavam, haud dubito, quin cera, superatâ, quæ in sinu cor-

cordis dextro opponitur coronariæ venæ, valvulâ (716.), partim intraverit in ipsam venam, hujus ramos impleverit, dum major pars transgressa pulmones venerit in aortam, & hac ligatâ, ingressa sit, arteriam coronariam: imo vero ex ipsis arteriis in venas coronarias intrasse credo, per infinitas, quibus inter se gaudent, anastomoses; dum enim ligatur aorta, ibi nascitur resistentia, dumque & pressio fit a cava, minima resistentia est, in finibus tam venarum, quam arteriarum. Hinc deposuerit itidem venæ, quam arteriæ materiem, in illis mutatâ circulationis lege. Quod an in vivis ob violentam cordis contractionem fit? dubium est.

989. Patet autem ex hisce (988.) aperiri hic æque venas, ac arterias. Cumque hic cellulosa, facile sequitur, ut in aliis partibus, sic & hoc loco, resorbere venas. Oleum enim quod in cellulosa est, haud stagnat (799.), sed uti supra evincere conati fuimus, adlatum ab arteriis fecernitur, secretum hæret in cellulis, atque resumitur a venis.

990. An concludere & iterum liceat ex hoc demonstrato, fieri eadem in minimis? & quidem ibi, ubi vascula minima juncta faciunt κοῖλον. affirmare nemo, credere, forte audent, plures.

991. Quis enim unquam vel magnum, inter minima vidit, nisi mentis oculis, dum ab ultimis visibilibus, nobis minimis, quætamen inter minima mole superbiunt, assumpta analoge concludit caute ad minora.

992. Omne, quod in hisce docemur, est, quod videamus, omnes partes corporis constare, ex partibus sibi simillimis, musculos ex musculis, fibras ex fibris, os ex ossibus, cartilagines ex cartilaginibus, ligamentum ex ligamentis, tendines ex tendinibus, vasa ex vasculis, nervos ex nervis. Et quo usque hæc omnia solvantur, semper esse ejusdem naturæ; imo vero, quod superest subtilius, quam ut solvatur, apparere nobis ejusdem naturæ, ac illud, quod jam solutum est, ante dissolutionem. Cumque videmus in majoribus subtilibus, impleri cava humore a vasis adlato & idem in minimis obtinere, suspicio est, sed nihil amplius; nihil enim juvant hic experimenta pulcherrima.

993. Impleat, quâ valet ἐνχέρεισι summâ, felicissime artificiosissimus Anatomicus, vel ad ultimum, vasa, an ille minima in lucem producit? quantum abest! manet enim semper, quod non impletur; & licet hoc nobis parum videatur, respectu minimorum, moles est.

994. Et quid impletur, per felicissimam  
in-

injectionem, nisi vasa tertiæ, forte & quartæ decreſcentiæ? ſuntne hæc minima? quis tunc in ovo, quis in primo formato fœtu aortam, & ejus decreſcentias digne deſcribet? imo vero, quis horum omnium vel ideam ſecum formabit? qui animalcula in fœcundo patris ſemine ſtamina ſtatuunt embryonis, qui partes futuri hominis in illis latentes perhibent, nonne concedent, & minimorum vaſculorum ſtamina ibidem jam dari: atque inter illa, puncta ἀόμφοι; quæ cava, ſed & jam tunc impleta?

995. Errant ergo & illi, qui auſi fuere ex contemplatione artium pulcherrimæ, quæ ſcilicet eſt impletio vaſorum, affirmare, noſtrum totum, quatenus ſolidum eſt, conſtare corpus vaſis. Quod huc uſque demonſtravit nemo. Summa enim & feliciffima injectio relinquit ſemper aliquid, quod non impletur (uti dictum).

996. Fateor quidem, quo felicior injectio, eo plus ſuperſtitis, non impletæ cæterum ſubſtantiæ, impletur: cumque quod remanet, non impletum, ſit ſimillimum jam impleto, ante injectionem; probabile eſt, & illud eſſe ejusdem ſubſtantiæ, quâ hoc. Cumque hoc vaſculoſum evincitur, & illud itidem conſtare vaſis credibile eſt.

997. Hoc in toto tamen non concedo,  
quia



quia video in omnibus, partes constare ex vasis quidem, quod in ossibus, & cartilaginibus usque affirmant experimenta: sed & præterea, ex quâdam sibi cuique propriâ materiâ: an autem illa etiam vasculosa est, quis dicet?

998. Docent hoc omnes omnino corporis partes; alia enim est epatis, alia est cordis, alia aliorum viscerum substantia: nec illa materiei diversitas tantum a diversitate vasorum fit; quæ in omnibus partibus alium tenere decursum docuit Optimus Ruyschius: sed est in illis omnibus specialis quædam fabrica, præter illam: quæ demonstratur vasculosa.

999. Docet hoc v. g. Cutis impletissima, relinquens semper quid (ut ipse Castissimus Ruyschius affirmat) quod non impletur; sic & in fibris muscularibus patet idem; ubi vasa illas ambientia, non vero ipsæ fibræ implentur (821.).

1000. Nec est, quod quis objiciat ad omnes hæc partes tendentes esse nervos, qui, dum huc usque negant impletionem, illud efficiunt, quod superest non impletum; quia, non enim omnibus horis eundem fortimur felicitatis eventum, quo plus vel minus impleatur pars quædam corporis, & remanens substantia plus minusve non impleta sit, invenienda est illa semper ejusdem naturæ.

1001. *Opinio autem, quæ perhibet omnia solida vasa esse, nata videtur ex contemplatione partium, post impletionem exsiccatarum: tunc enim omne, quod intermedium non impletum est, siccatur, contrahitur, deletur: vasa vero impleta, distenta cerâ tument, evanescere nesciunt, sed contracto intermedio, assurgunt, & pulchrius in conspectum veniunt; adeoque merum vasculosum tegmen & subtegmen quasi mentiuntur.*

1002. *In minimis ergo & fieri resorptionem per venulas, quis iterum affirmat? tamen ut in magnis, ita & in hisce stare haud possunt humores, quin ab eo, qui omni momento affertur, accumularentur, vel morâ corrumperentur: docent ergo & hic moveri necesse habere, Leges Analogicæ.*

1003. *Nec tamen illud subtilissimum extra vascula in interstitia inter hæc cava emissâ, nutriens videtur. Sed huic tantum inserviens, ut illa, in quibus nutritio fit, servet mollia, humida, lenia, flexibilia, & quæ nutriantur, apta: implens simul, quod cavum est.*

1004. *Nutritio etenim fit in ultimis vasculis minimis ipsis, quæ sunt vel nervi, vel arteriosa vascula his simillima: credibile enim est, arterias ramulis suis esse*

simillimas fibrillis nerveis; idque ad magnitudinem, humorem contentum, & plures proprietates. Atque in horum ultimis amissi omni momento & eliminati fit restitutio, partis ejusdem magnitudinis applicatione ad punctum vacuum: hæc est Nutritio, patet in epidermide, pilis, unguibus &c. Vid. Celeb. Boerhavii inst. med. in cap. de nutr. & increm.

1005. Porro deficiente intermedio illo spiritu inter *ἀσπίμφοτα*, credibile est, ut in defectu nutrititii fit, ita in vasculis minimis perire cohæSIONem. Hæc & forte una est ex causis fibras debilitantibus.

1006. In majoribus en exemplum, & quidem in capillis. Crescunt hi ad certam longitudinem, quæ in aliis minor, in aliis major est, nutriti: ubi vero *ἀνέμω* sui incrementi acceperere, ni scindantur, vix extenduntur amplius, sed fissi ad finem, separantur, & moriuntur quasi, undè sic relictæ decidunt postea.

1007. Sunt enim pili in omni parte corporis teretes, constantque fibris plurimis, in longitudine junctis, & vaginulâ epidermidis involutis, simulac jam extra terminos vagantur hæ fibrillæ, nutriendi ad ultima amplius haud pervenire potest, & ipsa epidermis decedit, a se invicem separantur fibræ, & materies nectens, si-

ve cellulosa, five alia, copulando fit impar.

1008. An ergo inter pilorum fibras minores, ἀσύμφυτᾶ ejusmodi ὑγίλα? certe, nam microscopio visæ fibræ pilosæ, sunt teretes, oblongæ, hinc a rotundis fibris non in omni lineâ tangendæ.

1009. Cum ergo videmus totius corporis omnes omnino partes junctas cava formare, ubi non concretæ sunt; stat verissimum Hippocratis dictum πᾶν τὸ ἀσύμφυτον, ἢ τὸ δέρμα, ἢ τὸ σαρκὶ καλύπτεται, ὑγίλον εἶναι, *omne non concretum, five cute, five carne tegitur, esse cavum*. Cumque illa omnia cava junctâ vidimus impleta quâdam substantiâ, five solidiore, in quâ Spiritus, quæ & tunc rursus, non concreta, cava format, uti subtilissime est cellulosa, five ipso Spiritu: haud minoris sunt ponderis, quæ addit pauca, omnia phænomena in statu sano, & morbofo, indicantia. πληρῶς (τῷ τὸ ὑγίλον) ὑγιαῖνον μὲν, πνέματι, ἀσθενήτων δ', ἰχῶρι, impletur (*tale cavum*) *sanum quidem, spiritu, morbosum vero, ichore*.

1010. Et cum illa, quæ in omnia hæc cava fluunt, sint ex ultimis vasculis expirantia, æque quam illa, quæ ἔξωθεν e corpore eliminantur: atque omnia, quæ ex cavis fluant in vascula, sint inspirantia, non secus, ac illa, quæ ἐν τῷ περιέχοντι ἡμᾶς αἶρι,



assumuntur; facile explicatur, quidnam velit, vel tribus verbis complexus omnia, Divus Senex, dum ait: *ξύρροια μία, ξύμπνοια μία, ξυμπάθεα πάντα. confluentia una, conspirantia una, simul patientia omnia.* de nutritione. Quod & idem affirmat Galen. Lib. III. de nat. facul. *σύμπνευ ἐσὶ (λέγει δὲ) ἡ σύρρην ἑαυτὸ πᾶν τὸ σῶμα. conspirare (enim dicit) ἔσθ' confluere idem per totum corpus est.*

1011. Hisce ergo consideratis facile patet *ὡς ἐμπνέον ἡ ἐκπνέον ὅλον τὸ σῶμα. quod inspirans ἔσθ' expirans totum corpus.* quodque intime, atque extime, omni momento, versatur in humido, leni, molli, corpus flexile conservante, aptum, ad incrementum, nutritionemque sui.

## CAPUT TRIGESIMUM OCTAVUM.

1012. *Ut adultus, ita foetus perspirat a primo conceptu.* 1013. *quo tempore ovum foecundatur, inspirat.* 1014. *quænam ad conceptum tribuit mulier?* 1015. *quænam Vir?* 1016. *ex Hippocrate.* 1017. *Harvei sententia de conceptu.* 1018. *Ruy-schius semen in utero demonstrat.* 1019. *in binis casibus.* 1020. *Semen ipsum requiritur ad conceptum.* 1021. *Leeuwenhoe-kii observatio.* 1022. *quid conceptus.* 1023.

cur *milliones animalculorum in semine, dum unum crescit in hominem ?* 1024. *explicatur ex vegetabili.* 1025. *pisce.* 1026. *amphibio.* 1027. *quænam patent ex dictis?* 1028. *Veterum de semine muliebri sententia ; eadem ex Hippocrate. quomodo illi conceptum putabant.* 1029. *cur puer vel puella nascatur, ex Hippocrate?* 1030. *exemplo ille demonstrat.* 1031. *Chemicorum sententia.* 1032. *Quinam humor falso habitus in muliere pro semine ?* 1033. *quænam post conceptum phænomena in foeminâ ?* 1034. *illarum observatio.* 1035. *equisonum ars.* 1036. *quâ claudatur contractus uterus.* 1037. *quomodo post conceptum disponatur uterus, & quinam villi a vasculis?* 1038. *vascula humorem dant.* 1039. *quomodo ovum in utero liberum inspirat ; est conceptionis status secundus.* 1040. *quâ parte maxime inspirat.* 1041. *status conceptionis tertius, tum foetus dicitur.* 1042. *adhæsiō ipsa foetus cum utero perspirationem facit.* 1043. *quomodo in utero augetur foetus.* 1044. *abortus species tres.* 1045. *jam perspirat foetus in utero in se.* 1046. *humor in cavo amnii non videtur stagnare.* 1047. *quomodo resorbetur a matre.* 1048. *quæstio de nutritione foetus, jam sub Hippocrate.* 1049. *foetus in utero per cuticulam inspirat.* 1050. *a tenui humore omnia fiunt.*

1051. augmentum. 1052. hæc omnia notat Hippocrates. 1053. homo simul ac natus, in aërem spirat. 1054. ut crescit homo; ita minus perspirat. 1055. minor cur in sene perspiratio? 1056. quid senectus & pueritia? 1057. senes describuntur. 1058. Virgilius inter juvenem & senem differentiam demonstrat. 1059. Senes facile inedia ferunt. quare? 1060. altera causa, cur senes facile, pueri minus inedia ferunt? 1061. quare mediæ ætatis ex tenui victu se facile sustinent? 1062. cur pueri & juvenes plus, senes minus, dormiunt? 1063. patet rigiditas senectutis. 1064. ipsa nutritio & incrementum efficiunt senectutem.

1012. **V**idimus ergo totum natum hominem, omni fere in parte corporis sui perspirare; sed & idem fit, dum in utero materno adhuc generatur: tum etenim a primo conceptu ovum exhalat & inhalat.

1013. Post observationes Harveanas aliorumque, facile pro demonstrato accipitur omnia animalia vivipara æque, quam ovipara, ortum ducere ex ovo materno patris geniturâ prolificâ fecundato: eo autem ipso tempore, quo ovum imprægnatur, fieri jam perspirationem, eamque per-

perseverare ad illud usque tempus, quo fœtus utero exclusus in lucem prodeat, patebit, brevissime visis phænomenis ipsius conceptus, & gestationis in utero, quantum iterum hæc spectant ad nostra.

1014. Postquam in alterius complexu deferbuit fœminæ & maris furor; emissæ est ex ovario, per tubas Fallopianas, veneris stimulo rigentes, bulla in cavum uteri; & siquidem conceptura est mulier, ibi retinetur, fovetur, accedente semine maris (1015.); fœcus etenim expellitur.

1015. Semen masculinum spasmodicâ vi ejectum; violento impetu in uterum, jam ore suo avido magis apertum, injectum, siquidem conceptura est mulier, retinetur, ad ovum (1014.) accedit.

1016. Hoc pulchre & vere describit Hippocrates: ἢν ᾗ μέλλη λήψεσθαι ἡ γυνή, & χωρὶς ἔξω, ἀλλ' ἐμμέλει ἐν τῷσι μήτεσιν ἡ γονή. αἱ γὰρ μήτραι δεξάμεναι ἢ μύσασαι, ἔχουσιν ἐν ἐωυτῇσιν, ὥστε συλλαβεῖν τὸ σπέρμα καὶ ὑπὸ τῇ ἐκμάδῃ. *si autem conceptura sit mulier, non effluit, sed manet in utero genitura. Uteri enim, eâ susceptâ, clauduntur, eamque retinent, osculo nimirum eorum, præ humiditate contracto.* Hipp. de genitur.

1017. Harveus autem & alii putant, quod solus halitus spermatis propagantis ex viro emissus, tanquam virga Mercurialis



ovum ita fœcundet, ut flamina futuri hominis in eo inde vitam fuam recipientia excreſcant. Idque, quia nunquam in animalium uteris vel in tubis, inveniffe teſtatur ſemen, poſt coitum, virile præſens. Tum certe in ipſo puncto conceptionis jam inhalatio in ovo, exhalatio obtinet in ſemine.

1018. Ruyschius vero, qui datam occaſionem arripuit indagandi vel minimam, bis poſt coitum ſtatim aperuit uterum; idque in adulterâ, quæ furti ſui, a marito occiſa, pœnas luit; ut & in meretrice a mœcho, ſtatim ac ille votis ſuis potitus erat, jugulatâ. vid. adv. an. dec. 1. pag. 3. priorem vero deſcribit caſum, Theſ. an. vi. N°. xxi.

1019. In utroque autem utero (1018.) reperit ſemen, ſanum, album, coctum; idque fecit indurare liquore ſuo baſamico, tam in uteri cavo ipſo, quam in tubis: inde figuram dedit utriuſque.

1020. Sed & concludit ex hac ſpeculatione (1019.), non auram tantum ſeminalem, verum & ipſum craſſum ſperma requiri ad conceptum perficiendum.

1021. Oculatiſſimus vero Leeuwenhoe-  
kius in ſemine vidit anguillas minimas, vi-  
vaces, numerosas; harum abſentiam in  
ſte-

sterili notavit; inde concludit, has esse, quæ perficiunt conceptum.

1022. Hic autem (1021.) tum fieret, quando ex millionibus in fæcundâ patris geniturâ animalculum unicum, magis vivax, intrat ovi membranulæ poros dilatatos, & simul reliqua suffocat. Obtinebit adeo, & hoc in casu, inspiratio; attamen nec hæc clara valde, nec demonstrata quidem sententia, magis tamen verosimilis videtur, quam Harveana (1017.).

1023. Cur vero tot milliones anguillarum in semine paterno dantur, si in partu naturali, unum modo animalculum, vel alterum, crescit in hominem? certe hæc quærere, est culpæ naturam opificem. Quid etenim in plantis? quid in piscibus? quid observamus in amphibiiis?

1024. In melone sane si feminum acervus putrescit, tum una inde producetur planta. Unus cerasi nucleus tria continet stamina: unumquodque vero stamen mille constat globulis; sicque tria millia globulorum hærent in unico cerasi nucleo. Vah! nonne totum, quâ patet, terræ solum cerasis tegetetur unico anno, si singula semina suam propagarent speciem?

1025. Piscium fæminæ, quæ & amoris æstu uruntur gelidis sub undis, sua de-

ponunt ova, nec caperet facile mare, si foecundata omnia foetus darent.

1026. Si ex multiplici ranarum spermate coaxarent saltantes cum matre parvulae; certe totus orbis, ut altera Aegyptus, vexaretur infaustus.

1027. Hinc & apparet, cur tamen praegnans mulier, licet observaverit post coitum effluere iterum semen? certe intro mansit, quantum requiritur ad ovum foecundandum; quodque vivacia retinebat animalcula: simulque videmus, cur tum conceptus omnium felicissimus, cum pariter jaceant & vir & foemina victi? tum etenim vegetum animalculum, minus mutatum ovum intrat statim.

1028. Veteres, ante Harveum putabant, foeminam itidem prolificum emitte-  
re semen, μετὰ τὴν καὶ ἡ γυνὴ ἀπὸ τοῦ σώματος  
*emittit etiam mulier genituram de corpore*  
Hipp. de genit. atque ex utriusque in utero miscelâ conceptum fieri, perhibebant:  
καὶ μίσγεται ὁμῶς τὸ, τε ἀπὸ τοῦ ἀνδρὸς ἐλθὸν, καὶ τὸ  
ἀπὸ τοῦ γυναικὸς. Et miscetur simul quod a vi-  
*ro provenit, Et a muliere, semen, ibid.*

1029. Cumque (cur? nescio) amabilis sexus, quasi secundarium Naturæ fere dormientis productum, plerisque habitus fuerit; hinc deficiente feminis vi, saltem  
puel-

puellæ nascebantur; cæterum puer: hoc & Hippocrates affirmat: ὡς μὲν ἀπὸ ἀμφοτέρων τὸ σπέρμα ἰσχυρότερον ἔλθῃ ἄρσεν γινέσθαι τὸ πικρόμελον. ὡς δὲ ἀσθενές, ἥλυ. Siquidem ab utrisque semen fortius prodierit, masculus partus erit. Si vero debile, foemina. De genit.

1030. Additque, id obtinere si debile a forti superatur; & contra: tumque exemplo elucidat ex sebo & cerâ liquefactis desumto, cujus diversitas, quamdiu simul fluunt, haud observatur: tum vero, quando frigescent, copia alterius superans perspicitur: sicque debile in foeminam, fortius in marem abiret.

1031. Chemicis ex hac miscelâ (1028.) ebullitionem fieri exhibuerunt; quodque in liquido paterno hæreret, fermentans esse illi dicebant, & humor a foeminâ emissus esset patiens tanquam: inde oriretur motus quidam intestinus; hinc foetus.

1032. Quinam autem ille humor sit, qui falso pro semine prolifico a muliere emittitur, apparuit jam ex iis, quæ dicta sunt de expiratione genitalium per folliculos, (265. ad 270.); isque ille erit, quem Hippocrates notet in coitu. τῷσι δὲ γυναιξίν ἐν τῇ μίξσει τριβομένης τῆς αἰδοῖς, καὶ τῆς μητρίων κινούμενων, ὥστε κνησμὸν ἐμπιπτεῖν ἐς αὐτάς, καὶ τῷ ἄλλω σώματι ἡδονὴν καὶ θερμὴν παρέχειν. μετὰ δὲ καὶ ἡ γυνὴ ἀπὸ τῆς σώματος, ὅτε μὲν ἐς τὰς μήτρας,



τας, αἱ δὲ μήτραι ἰκμαλέαι γίνονται· ὅτε δὲ καὶ ἔξω, ἢ χάσκωσιν αἱ μήτραι μάλλον ἢ καιρῶ, *Mulieribus vero in coitu, dum confricatur pudendum, & uteri moventur, velut pruritus incidit in illos, & reliquo corpori voluptas, & caliditas accidit. Emittit vero & mulier ex corpore genituram, aliquando in uterum, & tum uterus inde humidus fit: aliquando foras, si hiarit uterus plus, quam conveniat. Hippoc. de genit.*

1033. Postquam ita in se conceperit uterus, leviter ille inflammatus, turgidus, & ad recipiendum semen magis apertus, sese per fibras suas contrahit per spasmodicam, ab ipsa titillatione ortam, contractionem. Id notat Hippocrates (vid. §. 1016.). Tum vero contrahente se utero oritur in reliquo fœminino corpore motus quidam anomalus, rigor, horror & quasi febricula quædam levior ὁδὴλον δὲ καὶ ὅταν λάβῃ εἰς γαστέρα τῶσιν ὀπισσὰ μέλυσιν, αὐτίκα ἐφείξεν, καὶ θέρμη, καὶ βρυγμός, καὶ πασσμός ἐξελθὼν καὶ τὸ ἄσθρον, καὶ τὸ σῶμα πᾶν, καὶ πλὴν ὑστέριον ὄντων. *Satis vero constat iis, qui harum rerum periti sunt, quod mulier, simul ac utero conceperit, statim horreat, & calor, & dentium stridor consequatur, & convulsio occupet tam membrum, quam universum corpus, & uterum segnities. Hipp. de Ætat.*

1034. Hinc ex hisce phænomenis (1033.) &

& geniturâ intus manente, observant mulierculæ ipsum sæpe emittendi iterum partus diem. καὶ ὡς ἡ γυνὴ τόκων ἐμπειροῦ ἐστίν, καὶ ἐννοήσῃ οὐδέταν ἡ γονὴ μὴ ἐξέλθῃ, ἀλλ' ἐμμεῖνῃ, εἰδήσῃ ἡ ἡμέρῃ ἐλάβεν ἐς ἐωυτλή. *Et si quidem mulier alias gravida fuerit, Et notaverit, quando genitura non exciderit, sed intus manserit, certo sciet diem, quo conceperit.* ibid.

1035. Hinc equifones, postquam adhin-  
niens equa generosum tergo sustinuit ca-  
ballum, frigidam illi ad pudenda affundunt  
aquam, quâ contrahuntur vagina & ute-  
rus, quo magis clausi retineant accepta.

1036. Postquam sese contraxit uterus  
(1033.), juga, quæ in ejus cervice posita  
Cl. Morgagnus Adv. an. 1. describit &  
Tab. 3. Lit. LL. delineat, os uteri ob-  
turant, defendunt, claudunt, peregrinis  
introitum prohibent. vid. De Graaf org.  
Mul. Tab. IX. & XII. Simulque humor qui-  
dam amylicæus, plasticus, obtundit id,  
quod apertum maneret; ille autem fecer-  
nitur ex vesiculis eodem loco positis, at-  
que ibidem, apud Morgagnum delineatis.  
Hæ sunt, quas alii pro ovario habuere ter-  
tio. vid. Epist. prob. Etmulleri post Ruy-  
schii advs. ant. 1.

1037. Tum vero uterus ipse sese magis  
disponere incipit ad majorem perspiratio-  
nem,

nem, emittit eminentes villos, qui sunt ab humore affluente elongata patulorum vasculorum arteriosorum extrema, quæ vermiculari reptatu procedunt per integram uteri tunicam internam Ruysch. Thes. an. VI. N°. 19.

1038. Hæc vascula stillant blandum humorem, tenuem, in ipsius uteri cavum: quoque illa in diem magis & magis protuberant, eo plus humoris confectum emittunt, τῶσι πρώτῃσι τῷ ἡμῆρέων, οὐδέταυ ἡ γονὴ ἐς τὰς μήτρας πίση, ἐλάχιστον αἷμα ἔρχεῖτο ἀπὸ τῆς γυναικὸς, ἐς τὰς μήτρας, ἔπειτα δὲ ὅττι πλεῖον. εἰ γὰρ ἀθρόον ἢ πολὺ ἔλθοι ἐς ἀπαξ, οὐκ ἂν διώαιτο ἡ γονὴ πνοίῳ ἔχειν, ἀλλὰ ἀππνιγείη ἂν, ἔ αἱμαῖα ἰόν] πῶδε. *Primis diebus, ubi genitura in uteros illapsa est, paucissimus sanguis venit a foemina in uterum, deinde copiosior. Si enim acervatim, & multus descenderet simul; non posset genitura habere spirationem, sed suffocaretur, sanguine irruente plurimo. De Nat. puer.*

1039. Tum vero innatans fecundatum ovum in humido & calido clausi uteri, ac semen in fertili terrâ, per dilatatos porulos membranarum inspirans tenuissimas ex humore particulas, augetur, liberum tamen, vocaturque Embryon. Dicit & ibi ἡ τότε δὴ πνεῦμα ἰσχυρὸν ἢ ἀφίησι, ἢ ἡ γονὴ ὑμῶν φισωμένη. πῶς πῶς γὰρ ἀμφοῖν αὐτῶν τὸ ἐξωθεν  
 ου-

ἔτι καὶ γινώσκον, ἅτε γλιχρὸν ἔδν. *Et tum sane spiritum habet & emittit, & ipsa genitura acquirit inflata membranam. Exterior enim superficies sibi undique cohærens, ut quæ viscida sit, illi obducitur.* Hipp. de nat. pueri. Estque hic a conceptu status alter. Hunc certe Hippocrates pulcherri-  
me describit initio libri de naturâ pueri, simulque tum depingit visam sibi genituram, quæ per sex dies in utero manserat, de quâ re nos supra §. 529. Dependet jam tum a funiculo umbilicali, qui quo origini Embryon propius, eo respectu molis major est.

1040. Inspirat autem ovum illâ parte maxime, quâ ante conceptum ovario adhæserat; dum format ibidem rudimenta placentæ. Rogatus, si semen paternum exhibet prima hominis stamina, & ovum in se continet placentæ rudimenta, quomodo tum, intermedio funiculo umbilicali, fiat conjunctio? respondeo lubenter, maximam me invenire in hisce ubique difficultatem.

1041. Hunc statum (1039.) tertius excipit: cum enim, auctâ mole, ex centro in circumferentiam extenditur ovum, membranæ ejus capaciores fiunt; sed & simul crassiores: inde extendunt uterum, & globosa ovi superficies, concavo interno utero adhærere incipit, idque eâ in  
par-



parte maxime, quâ placenta est. Fit autem adhæsiō emissis & recipientibus se invicem vasculis: tum conceptus jam Fœtus dicitur.

1042. Illa autem eadem receptio & emissio (1041.), quæ adhæsiōnem facit, magis auget perspirationem; tum etenim uteri vascula dilatata ab affluente humore, elongata simul, adferunt ad placentam; hæc vero per venam umbilicalem ad fœtum, estque iterum reductio ex fœtu ad placentam: hinc hac parte renovatur humor, omni momento.

1043. Tum vero, & in ipso ovo fœtus augetur, membranæ extenduntur, perspiratio fit major, & qui antea superfluous e corpore adulto sæminino foras profluebat sanguis omni lunari spatio; ille idem jam ad alendum fœtum concurrit: hinc ex bullâ libidinis massam viginti & quatuor librarum, post gestationis exactum tempus, tenera sæpe emittit mulier. τὰ γὰρ καταμύδια εἰ χωρὶς, ὁκόταν γυνὴ λάβῃ πρὸς ἐωυτὴν, ἢ μέλλῃ τὸ παιδίον ὑγρῶσαι (εἰ μὴ ἔσιν ἥσιν ὀπισθημαίνῃ τὸ πρῶτον μύδια ὁκόσον ὀλίγον) ἀλλὰ καπὸν τὸ αἷμα ὅπῃ παντὸς τοῦ σώματος τὸ γυναικὸς, κυκλόσῃ περιέσσει) πρὸς τὸ ὑμεῖον ἔξω. αἷμα δὲ τῇ πύλῃ ἐληγμένον εἰσω τοῦ αἵματος διὰ τοῦ ὑμενίου, καὶ τὸ τετραμήριον, καὶ ἀπὸ τῆς συμπίπτουσης καὶ αὐξάνουσης τὸ μέλλον ζῶον ἔσεται. *Menses vero non fluunt,*  
cum

*cum mulier receperit in se, siquidem puer manebit, & sanus fuerit (etsi in quibusdam primo mense modicam sui faciant indicationem) sed decedentes de toto corpore mulieris in orbem forinsecus membranam circumstant; simul & spiritu cum sanguine intro per membranam attracto, quâ parte perforata est & supereminet; congelantur, & futuro animali incrementum præbent. De Nat. puer. Hinc & Sect. V. aph. 60. ἢν γυναικὶ ἐν γαστρὶ ἐχέσῃ αἱ κατάρσιες ποσών, ἀδύνατον τὸ ἐμβρυον ὑγιαίνειν. si mulieri utero gerenti purgationes prodeunt, impossibile est, factum recte valere,*

1044. Inde tertio sæpius mense, avulsâ a quâcunque causâ placentâ ab utero interno, vel totâ, vel pro parte, oritur fluxus sanguineus; & si bene cedit, sequitur tota massa inprægnata. Vocant abortum. Hic autem raro secundo, sæpe tamen primo mense fit, tumque eodem illo tempore, cum cæterum fœminæ ante inprægnationem menses fluunt. Est & altera abortus species, quæ mali conceptus, tum etenim ovum offam quasi exhibet, est illa, de quâ Hippocrates (1039.) loquitur: tum Embryon tantillum, ut conspici nequeat.

1045. Interim de die in diem magis augetur ille humor, qui in membranis fœtum

includentibus accumulatur, fœtus de die in diem fit major, nutritur, extenditur; primo etenim tanquam carina tantum indigesta, emittit postea brachia, crura, caput. vid. de hisce, quæ congescit Celeberr. Ruyfch. Thes. An. VI. & passim. Hinc simulac circulatur sanguis per corpus fœtus in utero, ea fiunt, quæ in adulto explicata sunt, respectu perspirationis in non concretis cavis, idque, licet nondum actionem exerceant partes; illud patuit in pulmonum bronchiis (165.).

1046. Nec videtur, qui transudat in cavum amnios, stagnare humor, & augeri tantum, sed & renovari simul: secus enim alienam facile indueret naturam, putresceret; cum tamen nullus unquam deprehendatur in eo fœtor.

1047. Hinc aliquid absorbetur a matre, in eandem derivatur, idque, ut videtur, per venas arteriis (199.) respondentes, per quas uterum inspirantem antea exhibuimus (495.): idque, quod absorptum est, iterum a matre restituitur: ut in pericardio (663.), oculo (734.), tunicâ testium vaginali (729.), &c. fieri vidimus.

1048. Per secula quæstio inter Eruditos obtrectatores & defensores habuit, an per solum umbilicum? an per os? an per utrumque nutrimentum capiat & incremen-

mentum fœtus, quamdiu in utero est? certe hæc jam Hippocratis tempore agitata fuisse videtur. Ille etenim, postquam dixit, contractis labiis fugere fœtum in utero alimentum & spiritum, id argumentis binis firmare conatur, stercore scilicet in fœtu præsentem; quodque, simul ac natus, infans mammam fugat, quod minus nosset facere, nisi jam in utero suxisset. vid. Libr. ejus de princip.

1049. Quid si dixerem? mihi equidem videri, quod non per solum umbilicum & os, verum & per ipsam superficiem externam corporis totam simul nutriatur, & forte jam a primâ formatione, fœtus; idque dum per determinatos vasculorum inbibentium porulos accipiat tenuissimas humoris in amnio contenti particulas? Sane id calor, humor, prædisposita fabrica, juniorum laxitas, docere videntur.

1050. Fient adeo ex tenui seroso humore, in fœtu omnia a spiritu ad ossa usque, dum simul humor crassior, sanguineus ex placentâ concurrat.

1051. Sed & eadem illa fœtus in utero conformatio, vi vitæ & humorum motu partes tenerrimas magis consolidat, fœtum reddit fortiorem, vasa minuit, & in fibras concrefcere facit; sicque donec, sive reges fuimus, sive inopes, ex fœcundâ patris geniturâ, matrisque gremio prægnante orti



ex caligine in lucem prodeamus.

1052. Hæc omnia quæ fiant, qualis in utero puero situs; quomodo motu, mole auctus puer, tempore partus naturaliter prodeat, uterum dilatet, membranas rumpat, mascule certe & verissime descripta invenies in libro Hippocratis de nat. pueri *ὁκίται δὲ τῇ γυναικὶ ὁτόκῳ, ὡδὲ ἀρχῇ, συμβαίνοντι τότε τῷ παιδίῳ κινεομένῳ καὶ ἀσπαρίζοντι χερσὶ τε καὶ ποσὶ ῥῆξαι τινα τῶν ὑμῶν τὸ ἔνδον. quando vero mulieri partus instat, descendit ille: tum puero se movente, & manibus ac pedibus calcitrante, membrana quædam interna rumpitur.*

1053. Jam vero simulac natus homo, exhalat non amplius in tenebras, sed in apertam atmosphæram; tumque certe omnia enarrata in omnibus, facile sequuntur. Jam in scenâ est, perspiratque virtutes, & scelera, benignus, malevolus; tranquillus, iracundus; segnis, laboriosus; simplex, dolosus. *Τῶν πλείων ἀπάντων ἔχῃ ἢ σύγκρησις, ἀλλ' ἢ φύσις τῶν πλείων δὲ ὧν ἡ ψυχὴ πορεύεται, αἰτία ἐστὶ. δι' ὁμοίων καὶ ἀγέλων ἀσπασαί, καὶ πρὸς ὁμοίαν τινα πρὸς πλείων. καὶ ὁμοίᾳ ποσὶ καταμίσχεται, τοιαῦτα φρονέει. horum omnium non necessitas congenita, sed natura meatuum, per quos anima transit, causa est. per qualiacunque enim vasa fertur, & ad qualiacunque alliditur, & qualibuscunque admiscetur, talia sapiunt.* Hipp.  
de

de Diæta Lib. I. cap. XIV.

1054. Cum vero eo plura vascula per-  
eant, quo magis homo crescat, ita &  
minuitur perspiratio externa: hinc pueri  
plus, senes minus perspirant.

1055. Cum autem plura vasa plura cir-  
ca se habeant cava non concreta (971.);  
hinc & interna itidem perspiratio multo  
est minor in decrepito, quam in juvene.

1056. Inde facile videmus quidnam ve-  
neranda senectus? quid lasciva ætas? cur  
quo propius ab origine distat, eo laxior ho-  
mini compages? Agiles, blandi, pueri mo-  
biles ita versantur insomnes, suos artus,  
ut ætate provectior validus, si decimam vi-  
brationum partem efficeret, lassus brevi  
requiesceret.

*Hinc lætas urbes pueris florere videmus.*

1057. Senes contra anhelī, morosi,  
tremētī lassī; dum iners spiritus inordina-  
te motus in rigida occurrit obstantia vasa,  
vix perspirans; hinc illi sicci, aridi, defi-  
ciente oscillatione partium justā, marces-  
cunt: talem conqueritur se ipsum iterum  
Corn. Gallus

*Ipsi me pueri, atque ipsæ sine lite puellæ,  
Turpe putant Dominum jam vocitare  
suum.*

*Irrident gressus, irrident denique vultus,  
Et TREMULUM, quondam quod ti-  
muere, caput.*

1058. Hunc inter fortem quondam seni-  
lem, & juvenilem heroicum statum, quanta  
sit differentia, pulchre demonstrat Virgilius,  
pugnam Daretæ cum Entello describens,

*ILLE pedum melior motu, fretusque ju-  
ventâ;*

*Hic membris & mole valens: sed tarda  
trementi*

*Genua labant, vastos quatit æger anhel-  
tus artus.*

1059. Ex iisdem (1053. ad 1057.) fa-  
cile videmus, cur alendi sæpius pueri; se-  
nes vero facile ferant inedia. Perspira-  
tio etenim plus aufert in illis, in hisce mi-  
nus: hinc Sanctorius sect. I. aphorism. 83.  
inquit. *Senectus reverâ ægritudo est, sed diu  
protrahitur, si corpus reddatur perspirabile.*  
*Γέρωντες & σφοδρώτατα νηστείω φέρουσι. senes facillime  
jejunium ferunt Hipp. sect. I. aph. 15.*

1060. Hujus vero (1058.) altera causa  
patet ex perspectâ ipsius senilis corporis  
conditione; arida etenim vasa arctata, ne-  
gant impletionem humidis, solidescunt, ita  
quidem, ut arteriæ fuerint non semel in-  
ven-

ventæ ossæ; hinc nulla oscillatio earum in fluida; inde & parcior humorum dissipatio; nec & amplius crescunt. Senum enim staturæ plenitudo post *ἀνὰ πλεον* incrementi; hinc irrorantur potius, quam quod nutriantur. Pueri vero non tantum nutriendi, sed & ad incrementum alendi sunt, adeoque in iis plura apponi debent, quam eliminari. Hinc quo sanior, mobilior est puer, eo copiosiore, & crebriore indiget alimento, auget etenim motu fere perpetuo actionem vasorum in fluida, & horum reactionem in illa, adeoque tenuium dissipationem. Hinc & Hippocrates eodem loco *ἡλικία μερῶν, πάντων δὲ μάλιστα παίδων. τετάρτων δὲ αὐτῶν ἀπερ' ἂν τύχη αὐτὰ ἑωυτῶν περὶ σφοδρότερον ἐόντα,* (*ἡστέλλω φέρειν.*) *minime adolescentes, omnium vero præcipue pueri; illorum vero imprimis hi, qui inter ipsos sunt vividiores (inediam ferunt.)*

1061. Qui vero consistentis, vel uti Celsus vocat, mediæ sunt ætatis, ex victu tenui facile se sustinent: hi etenim post inpletum punctum incrementi, soventur magis, quam quod nutriantur. Hinc Hippocrates iterum loco eodem inquit *δούτερον (ἑστὸν τὸ γέροντων ἡστέλλω φέρειν) οἱ κατὰ συνέστατον.* *Secundo (a senibus inedia ferunt), qui sunt constanti ætate. Juvenes vero antequam ad hunc statum pervenerunt, crescunt adhuc.*



1062. Sed & ex hisce facile sequitur, cur illâ a mollitudine, plus adolescentes, si sanum nempe corpus, nec ulla conscientia, pueri omnium maxime & sæpius, placido & multo somno sepeliantur, dum sub avicularum cantu neglecti jacet senex stramine tori, conquerens cum C. Gallo.

*Ipsa etiam cunctis requies gratissima, somnus*

*Abvelat, & serâ vix mihi nocte redit.  
Vel si lassatos unquam dignabitur artus,  
Turbidus in quantis horret imaginibus.*

1063. Hisce visis (1061.). simul constat facile, quænam sit statua senectutis in vivo? cur ex spumâ libidinis natus rigescit? sed & simul facile patet, quænam sit nutritio & incrementum in pueris? dum ultima solida ex fluidis, ultimis apponuntur vasculis, & simul illa, quæ prima stamina corpus efficiunt, magis elongantur nutrita. vid. de hisce Celeb. Boerhavii caput de nutritione & incremento, in inst. med.

1064. Sed & simul videmus iterum, cur? & quomodo? illa ipsa eadem nutritio, illud ipsum incrementum efficiant rigiditatem, & senectutem? & cur, ut crescant pueri, crescant senes, & repuerascant? ut illi decreverint, hi fiant breviores, incurvati longioribus, tan-

tandem? quare ex his inevitabile fatum, ac semel omnibus, vel prius, vel tardius, una sit calcanda via? Certe quinam sint fructus longioris ævi, pulchre iterum describit idem Poëta, proprio exemplo.

*Labitur ex humeris demisso corpore vestis,  
Quæque brevis fuerat, jam modo longa  
mibi est.*

*Contrahimur, miroque modo decrescimus  
ipsi,*

*Diminui nostri corporis ossa putes.*

*Nec cælum spectare licet, sed prona senectus*

*Terram, a quâ genita est, & reditura  
videt.*

*Fit tripes, prorsusque quadrupes, ut parvulus infans:*

*Et per sordentem flebile serpit humum.*

## CAPUT TRIGESIMUM NONUM.

1065. *Perspiratio in omni corporis parte conspirat & confluit, notat hoc Hippocrates.*

1066. *Formatus puer conspirat.* 1067.

*post nativitatem. unde? & quorsum?* 1068.

*quomodo post incrementum conspirans corpus*

*mutatur in puero.* 1069. *in Puellâ.* 1070.

*quomodo? & per quæ virgo fit?* 1071. *Hip-*

*pocrati describitur. 1072. Confluxio pul-*  
*chre patet in puerperâ a lochiis. 1073. a*  
*lacte. 1074. Confluxio diversa in diversâ*  
*muliere. 1075. conflusio in viro & fœmi-*  
*nâ. 1076. conflusionem docent aucta in*  
*unâ, minuta in alterâ parte, perspiratio.*  
*1077. pulchre hoc demonstrant. 1078.*  
*morbi, res non naturales. 1079. Reten-*  
*tio fluxus hæmorrhoidum; menstruorum.*  
*1080. conflusio major in fœminâ. 1081.*  
*idem iterum ex puerperâ, & lactante, patet.*  
*1082. ex virgine mulier, mutatur ad con-*  
*fluxum. 1083. idem in viro. 1084. quo-*  
*modo coitus confluit a toto corpore. 1085.*  
*nutritio & incrementum docent con/spiratio-*  
*nem, illud docet Hippocrates. 1086. docent*  
*confluxionem infectio, & morbi. 1087. re-*  
*vulsio. 1088. sequitur Hippocrates in his na-*  
*turam. 1089. an nervi exhalant, ut ar-*  
*teriæ? 1090. quomodo cor in nervos? 1091.*  
*nervi in cor agunt? 1092. nervorum conspi-*  
*rationem docent sensus. 1093. intensi ner-*  
*vi, reliquos trahunt. 1094. confluere &*  
*conspicere nervos, docet dolor. 1095. &*  
*dolor ortus in alterâ parte, major. 1096.*  
*confluxus nervorum in sensorio communi*  
*est. 1097. post ablatam partem, mens per-*  
*cipit in eâ dolorem. 1098. conflusio nervo-*  
*rum patet, in uno sensu ablato, notabilior in*  
*reliquis. 1099. in cæcis. 1100. in surdis.*

1065. **I**lla jam, quam vidimus, perspiratio toto in corpore, omni fere in puncto, eadem in genere, per universum corpus communicat & confluit: id docet a conceptu ad natum hominem, ab edito eodem ad mortem usque, ortus, incrementum, decrementum: illud demonstrant morbi, & ipsa perspiratio: hoc pulchre notat Hippocrates de aliment. aphorif. XII. *ξύρροια μία, ξύμπνοια μία. conspirantia una, confluentia una.*

1066. Postquam formatus fœtus, a puncto saliente dispersi radii elongati, aucti nutriuntur, inde crescit puer. Vid. Hippocratem de nat. pueri. idque fit ad omnem partem simul.

1067. Ubi natus infans crescit, augeatur; illud fit in omni parte corporis simul. Unde? certe fons & origo prima & unica cor est, ex eo, quasi centro, per radios dispergitur humor; ille in minores filtratur radiolos, minimi nutriuntur, extenduntur, longiores fiunt.

1068. Ubi vero *ἀνπλῶ* incrementi acceperit puer & puella, tum totum mutatur corpus, & confluxio in universo est; puer fit Ephebus, puella Virgo. Corpus hominis densius fit ex molli, vox mutatur, semen conficitur, lanugo prodit, puden-



da crispantur & axillæ, ἅμα ᾧ τῷ γόνῳ γινόμενῳ, ἢ σαρεῖ ἀρχὴν γίνεσθαι, καὶ ἡ ἑπιδερμὶς, καὶ τὰ φλέβια σπινθύνει μάλλον. *quamprimum enim genitura confici ceperit, caro rarescit, & cuticula, & venæ magis aperiuntur.* Hipp. de nat. pueri. & paulo ante inquit. ὅκτι ἡ ἑπιδερμὶς ὑπερὸν ἀρχὴν γίνεσθαι, ἐκεῖ καὶ ὑπερὸν αἱ τεύχεα φύονται, ἐπὶ τε τῷ γαστρίῳ, καὶ τῇ ἡβῇ, καὶ ἐπὶ ἄλλοι. *ubi epidermis posterius rarescit, ibi pili quoque posterius nascuntur, in mento, in pube, & quovis alio loco.* Tum sæpe ex puero blando brevi fit Ailetha.

1069. Puella vero, cui laxior corporis fabrica, quam puero, postquam punctum statutus atigerit, plus jam conficit humorum, quam corpus retineat. Hinc illi feruntur confluentes ad ea loca, quæ minus resistunt. Illa autem sunt uterina, & mammaria vasa, quæ impleta magis extenduntur, inde tensio quædam & dolor, pondus & lassitudo oritur, maxime in lumbis, ad inguina & pubem, tum levis quædam febricula, & ab infarctis magis in vasis humoribus motus & dilatatio augetur; donec illa sanguinem in cavum uteri ipsum stilent (199.): vocatur fluxus hic menstruus.

1070. Simul tum vasa dilatata magis augent ipsam substantiam mammæ; hinc eodem illo fere tempore, quo menses prodeunt, elewantur mammarum cyclades, &  
ni-

niveum ornant pectus: sic ex lætâ pupâ,  
virgo refurgit formosior urens officina,  
quæ jam tum perspirat ore suo roseo vi-  
tam vel necem blandienti amatori.

1071. Hippocrates autem eodem illo  
loco, quo pueri in virum metamorphosin  
notat, describit, quâ fœmina facta ex puel-  
lâ menses patiatur, & tota fere mutetur  
ἢ τοῖσι παρθένῃσι πρὸς τὴν κατὰ μὲνσιν ὥστε λόγον.  
ἄμα δὲ ὁδὸς πρὸς γένεσιν ἢ τοῖσι κατὰ μὲνσιν ἢ τῇ  
γονῇ τῇσι παρθένῃσι, ἢ τευχῇ ἢ ἡβῇ. *Et de vir-  
ginum menstruis eadem est ratio; simul enim  
ac via facta est mensibus & genituræ, virginibus  
pilis crispatur pudendum.*

1072. Sed & eadem illa confluxio pul-  
chra patet in fœminâ puerperâ. Postquam  
est enixa mulier fœtum, omnes tum partes,  
extensæ prius, se contrahunt, uterus &  
ejus vasa arctantur, illa primo merum, pu-  
rum, multum, sanguinem, emittunt; ma-  
gis sese contrahentia, dilutum, postea  
pallidum, viscidum, denique paucum, fun-  
dunt: vocantur hæc Lochia. Vid. Hippocr.  
de nat. puer. ubi copia, natura, ante & post  
editum fœtum, tempus durationis, omnia  
habentur.

1073. Tum vero contracta uterina vasa,  
magis resistentia negant aditum sanguini,  
ferri solito ad uterum, hinc hypogastricæ  
arteriæ confluxum hunc excipiunt, ferunt  
ad

ad eas, quæ minus resistunt, illæ sunt mammaria, cum iis communicantes: hinc hæ plus solito accipientes distenduntur, plus humorum accipiunt, chylosum efficiunt, inde lac; obortâ simul per totum corpus febriculâ, & calore: ipsis autem in mammis tumor, dolor, & durities; idque circa tertium post partum, ut plurimum, diem; dum antea jam dispositio quidem ad hæc, raro lac ipsum adest. *οὐδέταν ὃ κινηθῇ τὸ ἔμβρυον, τότε δὴ ὀπισθημαίνῃ καὶ τὸ γάλα τῇ μητρὶ. οἱ γὰρ μαζοὶ αἴρον, καὶ αἱ θηλαὶ ὀργῶσι, τὸ ὃ γάλα ἔχωρεῖ.* quando vero movetur foetus, tum lac notam quidem facit matri, mammae enim attolluntur, & papillæ turgent, nec tamen lac adhuc prodit.

1074. Sed & eadem illa confluxio (1073.) diversa valde est in diversâ muliere, tam ad ipsa menstrua, quam ad lochia, & ad lactis post partum, generationem: hinc pulchre Hippocrates inquit *τῇσι μὲν πυκνοσάρκεσι καὶ γυναικῶν ὑπερον τὸ γάλα ὀπισθημαίνῃ καὶ ἔρχεσθαι.* carne densâ præditis mulieribus, lac se-rius se manifestat, & prodit.

1075. Est tam in viro quam in foeminâ non minoris argumenti confluxus partium demonstratio, si in alterâ earum est impedimentum; certe si legatur Hippocratis liber de locis in homine, facile hæc omnia patent; nec fere linea, quæ non docet, si fluxus

in aliam & aliam partem cadat, quinam sint effectus.

1076. Nec difficile est, ex his considerare, cur sudor minuit perspirationem, & perspiratio aucta reliqua excrementa pariora reddit & crassiora, orbata liquidis tenuibus magis, jam eliminatis? Qui magno corporis motu, ambulando, currendo, operando, plus solito perspirat & exsudat aqueum humorem tenuem, ille urinam coctam magis, fulgentem, flammeam sæpe, & acrem reddit, fœtidam.

1077. Sed & pulchra est confluxionis in hisce consideratio: dormit sub stragulis perspirans homo in caloris balneo, aperto quasi in externâ superficie corpore; nec urget urinæ copia; ille vix surgit, quin matulam quærat; aër ipso in cubiculo magis, quam sub stragulis frigidus constringit poros ultimos; hinc premunt illi humorem spirantem, exitum prohibent angustati, reprimunt contracti, & vesicam versus ducunt.

1078. Sed & omne fere morborum genus, omnes res non naturales, confluentes conspirant, & in sympathiam trahunt universum corpus. Purgans, vomitum excitans, diureticum datum, vel diaphoreticum medicamentum, nonne universam corporis compagem movent? spinam digiti apice



ce insertam ut amoveat corpus, an non totum inflammatum febricitat? quid ingesta in ventriculum faciunt, quid retenta intus in corpore, ad perspirationem? nonne ea omnia sedulo sunt notata a Sanctorio?

1079. Fluxus hæmorrhoidum retentus Viri corpus & Fœminæ quantum non mutavit? menstrua retenta quantas non inferunt miseris mulierculis calamitates? quales non invenit confluxio & conspiratio, una in toto corpore, vias? cutis, ungues, dentes, oculi, nares, os, mammæ, ulcera, vulnera, loca præbuere non naturalia evacuationi. Per capitis cutim sudasse merum sanguinem vidit Celeberrimus Ruy-schius miseram puellam.

1080. Et ut iterum corpus in molli sexu mollius; in hisce, ut perspiratio, ita confluxio & conspiratio notabilior est. Id certe jam menstrua docuere (1079.). In viris vero, ob habitum densiorem, eadem minor est. τὸ ἄρρεν, παχὺν ἐστὶ, καὶ οἷον αἷμα πυκνὸν καὶ ὀρεόνη καὶ ἐπαφομένη. τὸ δὲ δῆλον ἀρσενικὸν καὶ χαῦνον, καὶ οἷον ἐρενὴ καὶ ἐπαφομένη. *Mas plenus est, & vultus inflat densus, tum ad visum, tum ad tactum. Fœmina vero rara, & laxa, & tanquam fluens, tam conspicienti, quam tangenti.* Hipp. de glandul.

1081. Sed & illud idem patuit ex consideratione mulieris puerperæ, & lactantis

eis (1073.), in quibus illis in locis, minus resistentes partes mollissimæ confluunt & conspirant. Hinc Hippocrates ibidem describit: *ἐν θέραι καὶ μαζοῖ καὶ τὸ ἄλλο σῶμα τῇσι γυναιξὶ χαῖνα καὶ μαλακά ἐστι, καὶ ἄλγ' πλὴν ἀργεῖλω, καὶ ἄλγ' πλὴν φύσιν. Τοῖσι δ' ἀνδράσι τὰ ἐναντία. Pectora, & mammae, & totum reliquum corpus, mulieribus laxa sunt ac mollia, tam ob segnitiam, quam a naturâ. Viris autem contraria. Vide quæ in historiâ cellulosæ membranæ sunt dicta §. 790.*

1082. Sed & eadem illa mutatio, quæ ex virgine reddit mulierem, corpus totum iterum mutat, confluentibus omnibus quasi ad unicum punctum. Hinc sæpe summum remedium hoc arcanum iis in virginibus, quæ retentis menstruis, & hystericæ, totum corpus, quasi plumbo perfusum, decolores conqueruntur. Hinc iis minime dissuadet coitum Hippocrates. *ἔχθ' δ' τὸδε ἔσως τῇσι γυναιξίν. ἢ μὲν μίσγωνται ἀνδράσι, μάλλον ὑγιαίνουσιν, ἢ δ' μὴ, ἥσσαν. res ita se habet in fœminis. Si misceantur cum viris, magis sanæ sunt, si vero non, minus, de genitur. ἢ μίξις τὸ αἷμα θερμαίνεισθα, καὶ ὑγιαίνεισθα, πλεον ἔδον ῥητέραν τοῖσι καταμυώισσι. coitus sanguinem calefaciens ac humectans, viam expedit mensibus.*

1083. Sed & idem ille motus virile mutat corpus a confluxione & conspiratio-

ne una: siquidem totum moveatur corpus ad illud, quod coitum perficit. Hinc ab omni parte corporis in viro provenire semen, inquit Hippocrates de genit. ἡ γονὴ δ' ἀνδρὸς ἐρχεται ἀπὸ παντὸς δ' ὕδατος δ' ἐν τῷ σώματι ἐόντος, τὸ ἰχυρότατον ἀπκρίνεται. *genitura Viri provenit ab omni humore, quod in corpore continetur, cum robustissimum secernatur.* describit & ibi dem, quomodo voluptas totum calefaciat & afficiat corpus, dum ab omni parte motum semen decedit.

1084. Certe quæ coitus a toto corpore confluat, illud facile docet lassitudo, & in effectis totius corporis marasmus aphrodisiacus. ἐπὶ τῷ λαγνέσῳ μικρὸν ἔτω μεθιέντες γινόμεθα, ἐπὶ τὸ ἰχυρότατον ἀπκρίνεται. *si quidem venerea exercemus, pauxillum seminis emittentes, imbecilliores tamen reddimur, quia, quod est robustissimum, excernitur.* Vide Sectionem VI. Sanctorii de perspir. insensib.

1085. Ipsa autem nutritio, ipsum incrementum, docet conspirare partes, cum ex eâdem illâ origine ad omnia simul corporis puncta ducatur reficiens & augens. Illud de alimento & diætâ passim exhibet Hippocrates. Sed & idem docet ipsa senectus, quæ æque in minimis, quam in majoribus tollit perspirationem, a compressis & minutis vasculis: hinc εἰς πρὸς βέλεθ

Ἡ σῶμα ὁ ὀπλοῦν μέρῳ κακῶς πύειν τὸ  
 σμικρότατον, πᾶν τὸ σῶμα αἰσθάνεῃ τὴν πείσιν,  
 ὁποῖα ἂν πρὶν ἢ Διὰ τὴν ὅτι Ἡ σῶμα ὁ σμικ-  
 ρότατον πάντα ἔχει, ὅσα περὶ καὶ μεγάλων. *Si quis*  
*minimum corporis partem lædere velit, totum*  
*corpus illa affectione ægrotat, qualiscunque*  
*illa fuerit; propterea, quod minima pars om-*  
*nia habet, quæ maxima. De locis.*

1086. Inde & confluunt ab unâ parte  
 ad alteram, infectio Venerea, pestilen-  
 tialis, cacochymia, cachexia; inde ex  
 vulneris pure, ex ulceris ichore, resorpto  
 veneno, febris hæctica totum afficit cor-  
 pus. A sphacelo, gangrænâ mollium &  
 ossium, tota mutatur corporis œconomia.  
 Hinc & Empyematis ad urinas, fæces,  
 aliaque loca dispositio. ἀνάγκη γὰρ οὐκ ἔστιν τὴν  
 τρεῖς χωροῦν, καὶ ἐφ' ἑαυτῷ σῇ, ἐνθὲν τε ἐξέστη-  
 κεν ὁ μόνον τῷ τὸ χωρεῖον νοσέον γινέσθαι ἀλλὰ  
 καὶ ἕνα ὁπλίσθαι ὑπερπυλωμένον, ὁδῶν τε καὶ  
 πόνον παρέχειν. *Necesse enim est, quando ali-*  
*quid horum secretum est, & per se stat, non*  
*solum illum locum, unde secessit, morbosum*  
*fieri: sed & etiam illum, in quo stat, & in*  
*quem propter nimiam ejusdem copiam diffu-*  
*sum est, dolore ac morbo vexari. De Nat.*  
*homin.*

1087. Sed & iterum docet confluxio-  
 nem eandem esse cum conspiratione re-  
 vulsio. Hæmorrhagiam narium sistit ve-



na secta in pede , vel brachio , sanguine ad illa loca retracto. Capitis dolorem faciat alvi fluxus. Hæmorrhoidum & mensium evacuatio febrim sæpe curat ardentem. Hinc ἡ κεφαλὴ πλὴν πλησμονῆς ἀντισπῶσα, πλὴν τε κεφαλῆς ἐφίσησι, ἢ αὐτὴ βαρύνεται. *Caput plenitudinem attrahens , alvum sistit, & ipsum gravatur.* De diætâ Lib. III. cap. IV.

1088. Inde jubet Hippocrates in omnibus sequi naturam ad revellendum fluxum ab unâ ad alteram partem: hinc sect. V. aphoris. 50. Γυναικὶ τὰ κατὰ μῆνα ὡς βέλη ὀπισθεῖν, σιγῶν μεγάλῃ πρὸς τὰς πρὸς πρὸς βαλλε. *Mulieri menses si velis sistere, cucurbitam magnam ad tatas appone.* hinc & αἱ κοιλίαι χειμῶν & ἡ ἡρὶ θερμότεται φύσι. *Ventres hyeme & vere calidissimi sunt natura.* aphoris. 15. sect. I. Siquidem externa contracta corporis superficies spiritus magis introrsum pellit. Quæ plura de fluxionibus dignissima sunt, ordine & pulchre habentur, ut passim, in operibus Divi Hippocratis, ita maxime quidem in lib. de locis in homine, & de flatibus.

1089. Tandem an exhalant , ut arteriæ ultimæ, iis analogi nervi (1004.)? certe id docere videtur ad omnem fere partem tendens illorum copia major, quam quæ sensum, vel motum efficiat; illud &

& affirmat moribundus lumina fractus, amisso omni splendore & vivaci vigore: sed omnium maxime iterum confluxio & conspiratio. Inde Hippocrates addit, quod *πάντα ξύρρεα μία, ξύμνωτα μία*, etiam sint *ξυμπάθεια*. simul patientia. Illi autem in se invicem agunt circulo fere eodem, ac arteriæ.

1090. Cohærent etenim nervi cum ipsis arteriis & corde, ope interpositi cerebri & cerebelli, atque oblongatæ medullæ. inde auctâ circulatione, intra datum tempus sæpius contractum cor plus sanguinis mittit ad encephalum: inde plurimi secreti spiritus validius aguntur per ipsos nervos, adeoque & in his circulum, & actionem augment.

1091. Idem fit, vice versâ, aucto motu nervorum ad cor & vasa; illud docent affectus animi generosiores, ira, furor, animositas, amor, &c. vid. Sanct. sect. VII.

1092. Quomodo autem conspirent nervi per totum fere corpus, docent sensus, grate titillati vel ingrate affecti. Mars vidit Venerem, totus uritur flammeus, visam cupit, cupitâ potitur. Audiit Thracium digitis movere Orphea plectrum immobilis Pluto, & caram restituit ipsi Eurydicen. Umbra Cræusæ, majoremque notâ imaginem, vidit Anchisiades; obstupuit, steterunt

comæ, & vox faucibus hæsit.

1093. Sed & ad unicum intensi opus nervi ut reliquos trahant in consensum, docet Archimedis exemplum. Ille ne quidem strepitum inter, bellicumque clamorem, & galearum lævium ad resonantia scuta stridorem, armorum curat rabiem, hastasque trementes, suis ducendis unice occupatus circulis. Rideant, quos cives habet, Abderitæ stultum Democritum & doleant virum magnum: ille non hos, sed bilem respicit, quam quærit iræ sedem in animalibus, humili sub platano; ut pulchre describit operantem illum Hippocrates Epist. ad Damagetam: colloquio cum eo habito, concludens. Δημόκριτον ὃν εἶδον ἀνδρα σοφώτατον, σωφρονίζειν ἀνθρώπους μόνον δυνατώτατον. *Democritum namque vidi Virum sapientissimum, solus qui valet homines reddere sapientes. Sedeat quis profundissimâ & attentâ mentis intentione occupatus ad solvendam mathematicam propositionem, illi autem ante oculos subito profiliat parvulus mus, vel eidem applicetur manui calidum quid, vel frigidum, aut explodatur propius tormentum bellicum, nonne totus tremit, saltat, & convellitur?*

1094. Sed & confluentes nervos simul conspirare & una pati, pulchre docet confluxio doloris. Digitus igne aduritur, totum

tum brachium dolet, tensis nervis tractis in sympathiam.

1095. Nec minus idem (1094) demonstrat ortus alter dolor, sopiens priorem. Hominumque, Divumque implorat auxilia vexatus sævissimâ odontalgia: mox pedem insultat faxeæ podagræ cruciatus; quam genæ apponebat gemens, eâdem dextrâ involvit ejulans nodosum pedem, nec de dentibus amplius lacrymæ διὸ πόνων ἅμα γινομένων μὴ καὶ τὸ αὐτὸν τόπον, σφροδρότερον αἰμαυροῦ καὶ ἕτερον. *ausus simul obortis doloribus, neque in eodem loco, vehementior alterum obscurat.* sect. II. aphorism. 46.

1096. Horum autem omnium confluxus, & consensus, simul patitur affectionem, ubi nervus ipse actionem exercet, illud punctum est sensorium commune; hinc & hoc læso, læditur, vel saltem non percipitur ipse dolor Ὅσοι πονέοντες τι τὸ σῶμα καὶ τὰ πλεὰ καὶ πόνων ἐκ αἰσθάνονται, τῆτοισιν ἢ γνώμῃ νοσέει. *qui aliquâ corporis parte dolentes dolorem fere non sentiunt, iis mens ægrotat* Hipp. sect. II. aphorism. 6. Cum cæterum nervorum morbi sint atrocissimi simul & dolentes magis, atque plus confluentes. Hinc Hippocr. de Locis inquit: Ὅτι καὶ φλεβῶν ὅτι ἂν νόσος αἰσθάνεται ῥαῖον ἐστίν, ἢ ὅτι καὶ νεύρων. *Si a vasis morbus oriatur levior ille est, quam a nervis.*



1097. Patet ex his (1096.), quinam sit ille confluxus menti inpressus, qui manet iis infelicibus per dies aliquot post partem quamdam exstirpatam, dum in eâdem illâ parte dolorem sentire ipsi querantur, cum tamen illa jam ablata sit.

1098. Tandem & confluxio nervorum conspirare eo magis ad alios nervos, uno deleta, patet in iis, quibus unicus sensus aufertur, tum etenim aliorum functiones eo resurgunt pulchriores, ut probe jam Cartesius notavit.

1099. Quisnam mortalium in musicis subtiliori auditu tonos distinguit, quam cui cara lux deficit? imo vero in hisce tactus adeo delicatus, ut cæcus narretur quis, jejunos, solo digiti attactu colores in ferico aliâque materie potuisse distinguere cardinales.

1100. Cui soni deficit perceptio, illi visus fit acutior, & per totum corpus audit tremulum, dum in ambitu ejusdem nervi fiunt auditorii. Imbelli citharâ carmina vix dividet musicus, quorum ille meminit numeros, quin apposito digiti apice, tremulam sentit vibrationem non tantum, sed & tonos distinguit ac modulamen, & quidem ita, quasi e longinquo sonum caperet ipsum. Quadrupedante pede sonitu vix quatit viarum strata equi ungula, quin eminus jam furdo indicet,

cet, locum cedat equiti feliciori : imo vero & crassiora terrent hominum vestigia : non cadet de scriniis liber, cujus non ille sonum pedibus percipit. Si vel loquentis manum tenet, vel ejus humeris suas imponit manus, omnes tremulas vocum articulationes numerat, & quidem quot sunt in vocibus loquentis, syllabas distinguit. Hæc omnia ipse & plura ex infausto, quod tam dire afflixit, malo infelix percipio : cui jam per biennium aurium usus, subito amissus, defuit. Sed ne elegias modulari incipiam, potius calamum pono : id tamen prius monitum velim, quod, ne in opere eadem sæpius repetendo essem molestus, ideo erit

F I N I S

## VERITAS HYDRAULICA.

**P**ost Harvei doctrinam, facilis intellectus expirationis, quæ arteriis per motum cordis fit; sed admissio humorum externorum per orificia patula venarum arteriis appositarum, videbatur difficilior: quia non apparebat causa materiem intro adigens, sæpe haud videbatur ipse humor, denique neque aperta conspiciebantur oscula. Dubitabant itaque Prudentes de universâ doctrinâ vasorum bibulorum in exterioribus, & resorbentium ad interiora; neque sine magnâ ratione hæc omnia suspecta habebant. Forte operæ erit pretium, sententiam hanc per verissima iterum experimenta, ut se res ipsa habet, confirmare. Id sic fiet. Si canalis cylindricus utrimque patulus, de vitro confectus limpido, angustus, purus, uno extremo inponitur liquori, alterâ sursum elevatâ extremitate, tum statim liquor sponte adscendet intra fistulam altius, quam in superficie extra cylindrum.

Quo autem arctior canalis, eo semper altius liquor adscendit, & contra. Nec refert, qualis liquor sit, si modo simplex, a spiritu æthereo Frobenii ad argentum vivum usque. Etiam idem obtinet in omni fistulâ, quâcunque demum de materie conflata sit.

Si ergo series constitueretur ordinata ex canalibus his eâ lege, ut latissimus poneretur primo, & huic foret appositus paulo angustior, sicque donec ultimus ordinaretur angustissimus; tumque series hæc uno suo extremo imponeretur liquori, statim liquor altissimus in exilissimo, minime altus in latissimo, in cæteris esset pro rato.

Si

Si itaque series hæc particulam cutis referret, fane hæc appositos humores ita hauriret in se.

Examinantibus sedulo constitit dudum, quod causa hujus introgressus spontanei sit proprietas, quâ corpus canalis liquorum elementa sibi applicat vi definitâ. Hæc censenda *Prima Causa*, & quidem generalis, quæ facit, ut elementa fluidorum applicata osculis horum vasculorum ea intrent, eo quidem altius & copiosius, quo vascula tenuiora. Hæc agit magis, si canales respectu fluidi non eriguntur perpendiculariter, sed declinant in horizontem, maxime si deorsum descenderint: tum quippe pondere proprio adjuvantur ad replenda vascula.

Meretur considerari & *Altera*, haud minus efficax, *Causa*, quæ adigit liquida in hosce canaliculos. Hæc vero consistit in fabricâ propriâ horum. Quas enim novimus lacteas venulas, & lymphaticas, omnes habent valvulas, quæ dividunt canalis spatium in tot cava minora, quot sunt valvularum loca; interimque efficiunt, ut pars intercepta liquidi vehendi in cavo intra valvulas, non agat in partem suppositam; sed, si portio hæc de intervallo pulsa, in eodem vacuo alia proxima pars liquidi locatur per eandem vim attrahentem; dumque ita hoc perpetuo fit, erit assidua suctio liquidi in has venulas ex cavo, in quod hiant siticulosa ostiola, quamdiu humor in eo abundat. Est vero semper in aëre, qui corpori circumfusus ad epidermidem, est in cavitatibus corporis reliqui ubique. Quando igitur venularum exilitas valvulis adjuta agit in fluidum, causa geminata



nata apparet, utraque solitaria valida, unita vero, fortior.

Sed & *Tertia* præfens sano homini, & fortis *Causa* est, dum arteriolæ tenues, parallelæ, & contiguâ distributione, alternâ expansione lymphatica comprimunt, liquida intercepta valvularum mechanismo promoveant cor versus, intervalla valvulis septa exhauriunt, & mox, dum reciproce se contrahunt, liberant lymphatica, liquida nova in hæc alliciunt, sicque jugem iterum derivationem ad interiora, procurant, sine requie, sine morâ. Sane si *tertia* hæc prioribus duabus se adunat, effectus succedunt notabiles. Hi vero omnium quidem maxime augentur *Causâ Quartâ*, motu scilicet rapido humorum, qui opere vitæ integræ perpetuo abripiuntur a venis minimis in maximas ad cor usque: velocitate quippe incredibili ducuntur per has vias, ut in viventibus animalculis microscopia oculis exhibent. Sane, dum tantâ vi, evacuatur systema venosum, debent necessario venæ exilissimæ pro rato inbibere, quantum attingere queunt de fluidis liquoribus.

En causas quatuor, semper sanitatis comites, quibus necessario aguntur fluida osculis venosis apposita intra venas, per meatus invisibiles.

Attamen omnes hæc simul superantur a *Causâ Quintâ*, quam agnosco hæcere in excitatione motuum arbitrariorum, qui actione musculorum contingunt: his enim succi venosi exprimuntur de cavis venarum in cor celerrime, atque alliciuntur confestim in venulas minimas, utque tum arteriæ dispersu halituum de corpore, hoc exsiccant, sic pariter

riter arefactæ venulæ subsidia petunt ex liquidis quibuscunque; modo queant continere.

Atque pauca hæc, si quis rite cogitat, reperiet, ni fallor, adesse sano corpori causas constantes, fatisque validas, quæ vi idoneâ liquores contiguos insinuant ubique, & semper in vascula tenuissima & inertia corporis. Imo vero faciunt, ut eadem mensurâ refarciatur jactura, quâ contingit hæc.

Sed & ars, & natura, simili modo talia ubique perficiunt. Certe de flocculis fibrosis contortæ chartæ; de pilis animalium confecti petasi; lanæ, lina, in pannos, funes, redacta; ligna exsiccata; femina lapidea; fructus aridi; verbo dixerim, omnia hæc bibunt appositam superficiei suæ aquam, solâque hac vi per massam sui corporis distribuunt, ad intima usque. Quin actiones Plantarum præcipuæ eâ solâ origine pendent. Prorsus, ut putem, assertam satis virtutem hanc universalem vasorum bibulorum, & reforescentium. Eritque Doctrina hæc usus infiniti per medicinam totam, sive speculationi deductam, sive in opere versantem. Sed hæc jam transeo.

*Si quid desit operi, id supplet ætas: & si qua sunt dicta juveniliter, pro indole accipiuntur*

Quinætil.

# CORRIGENDA.

| Pag. | Lin.   |                    |                    |
|------|--------|--------------------|--------------------|
| 2    | - 7    | applicatio         | - lege applicatio. |
| 4    | - 1    | osculula           | - oscula.          |
| 18   | penul. | diminutionem       | - diminutionem.    |
| 19   | - 22   | chirothæca         | - chirotheca.      |
| 31   | - 7    | coreacea           | - coriacea.        |
| 51   | - 8    | homine             | - in homine.       |
| 52   | - 7    | qui contigui       | - quæ contigua.    |
| 56   | - 21   | classico           | - classico.        |
| 82   | - ult. | late re            | - latere late.     |
| 94   | - 8    | in in              | - in.              |
| 95   | - 26   | ventriculi         | - vesica.          |
| 102  | - ult. | materie            | - materia.         |
| 107  | - 3    | hæc                | - hæc              |
| 128  | - 25   | musculi            | - musculi.         |
| 143  | - 10   | omenti             | - omento.          |
| ibid | - 12   | Aristomenæ         | - Aristomeni.      |
| 154  | - 12   | ducunt             | - ducant.          |
| 158  | - 15   | palustrem          | - palustrem.       |
|      | - 26   | gutinosus          | - glutinosus.      |
| 159  | - 26   | unge               | - ungue.           |
|      | - 29   | unguam             | - unguem.          |
| 167  | - 20   | calosa             | - callosa.         |
| 169  | - 1    | cellosa            | - callosa.         |
| 200  | - 1    | subitania          | - subitanea.       |
| 216  | - 20   | imitando           | - imitando.        |
| 230  | - 3    | dearticulat        | - conformat.       |
| 231  | - 21   | Psalteria          | - Psalteria.       |
| 245  | - 7    | exsanguinem        | - exsanguem.       |
| 254  | - 19   | peritotonao        | - peritonao.       |
| 259  | - 8    | ventrili           | - ventriculi.      |
| 271  | - 1    | vigesimum septimum | - vigesimum nonum. |
| 272  | - 23   | Hippocrates        | - Hippocrates.     |
| 288  | - 21   | reliquæ            | - reliquæ.         |
| 294  | - 28   | dicaatum           | - dicatum.         |
| 307  | - 3    | interstii          | - interstitii.     |
| 309  | - 24   | inmissis           | - inmissus.        |
| 311  | - 17   | rapididissimo      | - rapidissimo.     |
| 318  | - 16   | expellunt          | - expellunt.       |
| 326  | - 21   | tangenium          | - tangentium.      |
| 327  | - 19   | arterioliis        | - arterioliis.     |
| 338  | - 12   | experimendum       | - exprimendum.     |
| 342  | - 24   | ub                 | - ab.              |
| 354  | - ult. | hæc                | - hæc.             |

# C O R R I G E N D A.

| Pag. | Lin. |                |   |      |                |
|------|------|----------------|---|------|----------------|
| 357  | -    | 6 ultimus      | - | lege | - ultimis.     |
| 362  | -    | 3 origine      | - | "    | - origini.     |
| 364  | -    | 28 exsanguines | - | -    | - exsanguēs.   |
| 366  | -    | 8 que          | - | -    | - quæ.         |
| 375  | -    | 11 secretum    | - | -    | - secretus.    |
| 405  | -    | 12 illarum     | - | -    | - illorum.     |
| 406  | -    | 15 incrementum | - | -    | - incrementum. |
| 426  | -    | 5 docet        | - | -    | - docet.       |
| 432  | -    | 1 apice        | - | -    | - apici.       |





ABRAHAMI KAAU, HAGANI,  
DECLAMATIO ACADEMICA  
DE GAUDIIS  
ALCHEMISTARUM.

Quam habuit

*In Auditorio Magno VI. Decembris*  
MDCCXXXVII.

ITERUM IMPRESSA.

THE UNIVERSITY OF CHICAGO  
LIBRARY  
1207 EAST 58TH STREET  
CHICAGO, ILL. 60637

RECEIVED 1964

ABRAHAMI KAAU, HAGANI,

# DECLAMATIO ACADEMICA.

---

MAGNIFICE RECTOR.

NOBILISSIMI, ET AMPLISSIMI, VIRI, PRÆTOR, CONSULES, SCABINI, QUIQUE IIS A CONSILIIS, ET SECRETIS, VIRI CONSULTISSIMI.

CLARISSIMI PROFESSORES.

TRIBUNALI ACADEMICO AB ACTIS VIR SPECTATISSIME.

SACRORUM INTERPRETES CASTISSIMI.

PRÆLECTORES DOCTISSIMI.

ARTIBUS LIBERALIBUS, SCIENTIIS, ALIISVE, HONORUM TITULIS, ORDINIS CUJUSCUNQUE HONORATISSIMI VIRI.

ACADEMIÆ CIVES, ET ALUMNI, COMMILITONES CARISSIMI.



isi mentem mihi, animum-  
que grandia quæque sperandi  
Hermes ipse inspiraret; non  
fuissem ausus, hoc de loco,  
in confessu sapientum, verba facere.



Neque sane vel ipsa Vestra, spectata toties benignitas, atque comperta semper lenitas, quâ juveniles audire soletis impetus, & placide ferre, labantem, atque justissimâ de causâ diffidentem, me erigeret.

Sola vero contemplatio rei, de quâ dicam, contagio quodam, nec temere lustrando, effecit, quo audax, & minus forte sanus, deliberaverim, de *Spe Hermeticorum* pauca, utinam haud incondita! in medium proferre.

Lætus extemplo video, amœnitate hilari vultus Auditorum nitescere, prolato hoc sermonis argumento: censeatis quippe, sumfisse me materiem ætati cum veniâ vaniori convenientem satis.

Ita, fatebor equidem, se res habet: turpe fore mecum reputabam, si imperitus rerum juvenis seria disciplinarum excuterem, coram Magistris Artium pulcherrimas felicissime professis.

Sed adolescentem stylum, Auspice & Præside Togatorum Facundissimo, & Celeberrimo, periclitari declamando de re non dictâ pro concione, de argumen-  
to

to Oratoribus intacto, quis ægre ferat?

Quin etiam, mea dum res agitur, si ornate minus dixero, cum iis utique, qui ornamenta humaniorum ignorant, faciam.

Si suaviter delirare quandoque videbor, infanienti devotus sapientiæ, nemini gravis, odiosus nulli, mihi met errabo, neque credulos fallam aliorum animos.

Auribus adeste, favete animis, tempora vestra non diu moraturo?

Quæ in rerum universo sensibus humanis possunt cognosci corpora, ea quidem omnia agendi vires quasdam naturæ lege habent.

Has vero scire Physicorum fuit dulcis & utilis occupatio.

Inter illas igitur hæ, omnibus quæ sunt communes corporibus agendi vires & facultates, dudum sedulis detectæ sunt hominibus; & quidem eâ fide, ut ipsi Mathematici has tractare, suæ putaverint esse disciplinæ.

Moles, inertia hujus, figura, durties, motus, quies, elastica vis, vir-

tus electrica, magnetis potentia, pondus, & quæ severâ ex his excussione deducenda, Mechanice, Hydrostatice, & Hydraulice, explanat.

Errant tamen, & rem ignorant, si qui opinantur, hac disciplinâ, his ex principiis, intelligi posse singulares istas, & certis modo corporibus proprias, facultates, per quas miri excitantur motus, quique in rerum naturâ creant maximi momenti effectus, eduntque.

Neque enim hi contingunt unquam, nisi tunc solum, quando singularia illa corpora, quibus peculiares eas dotes natura affixit, aliis apponuntur, separantur, miscentur, attenuantur, atque definitâ ignis actione excitantur.

Tum quidem, nec aliter, repente se produnt, claustris detentæ prius, naturæ & artis mirabiles potentia.

At vero, quam stupendæ! quam distantes Mechanicis!

Præstet in his suprahumana Archimedes artis miracula, Hieroni amabilis, pugnax subtilitate ingenii, hinc  
tre-

tremendus Marcello, sed & honoratus, hostis.

Nitro, sulphure, & carbone, arte suâ mistis, quanto formidabilior Schwartzius!

Imberbem ille, & imbellem, Aftyanaacta parem facit, sua per inventa, invicto Achilli.

Quatit turre, moles projicit vastissimas per aëra; montes, urbes, diruit; eludit clavam Herculis, Pelidæ hastam, & Philoctetæ sagittas.

Qui hunc modum scrutandi arcana excolebant, *Chemicos* se dixerunt, quotidiano labore nova semper eruentes.

Postquam hi diligentiam incredibilem, abditissima quæque in lucem produxerant, detecta aspernantes, pertinaciam improbam tendentes semper ad meliora, divites quæsitis, secretissima per industriam petentes, *Alchemistæ* dicti sunt.

Atque illi quidem læti partis, exemplo audaces, jam poterant, vel



putabant posse, imitari, imo vero superare, naturam.

Spem certe concepere conficiendi auri; attactu fabuloso Midæ ocyus.

Sed vili hac arte parum contenti urfere ambitum, sine carentis & limitibus spei.

Operæ erit pretium, si lassos feriis animos, semihoræ jacturâ, per commemorationem jocosam, refecerit O-ratio.

Aliis gravius, simplex, solis instar fulgens, naturâ constans, ignis tormentis non mutabile, aurum pretium habet, quo, exceptâ virtute, sanitate, & vitâ, venalia cætera.

Huic autem Hydrargyros indole simillimus aurum vivum habetur ab Adeptis.

Si vero hoc arte secretâ fuerit emaculatum penitus, auro tunc illud evadere ponderosius, Mystæ dictitant; narrantque, in hoc sincero hydrargyro percoctum aurum reviviscere, & ita perfici, ut igne fundi queat leni, summam vero ignis violentiam simul pati,

ti, absque ullâ dissipatione constans: tum vero pars hujus minima argento vivo fervido injecta, id eo stringit modo, ut sit ilico verum aurum.

Sed & idem illud aliis quoque metallis, igne fufis, exiguâ injectum portione, eo ipso convertit in eam auri quantitatem, quantum de argento vivo metallum vilius a nativitate possederat.

Effœta fuerat naturæ virtus, auro producto exhausta, ultra non valuit perfectius producere.

Hæc vero ars, naturâ major, aurum in vim auri prolificam maturavit.

Lapis hic, Philosophorum hic Lapis!

Patre hic sole, Lunâ hic natus Matre!

Suus est, 'alterius esse fugit quisquis eo beatus.

Suo ille inscribit sigillo, spes & fortuna valete! inveni Lapidem!

Perambulet orbem hoc viatico instructus; portitorem vel sordidissi-

## IO DECLAMATIO

mum placans portorio suo, naulum  
secum gerit, viam ubique quod ape-  
rit: plebeculam suam facere potest  
munusculis, potest Regibus nervum  
belli, potest levamen a curâ argenta-  
riâ, unus sufficere: Ut liberali arte  
memoratur olim præstitisse Regi Brit-  
tannorum Edoardo Lullius.

Quis huic licitanti arcana artium  
vendere neget artifex?

Huic Helenæ cedit pulchritudo, sed  
& castitas Penelopes, si vera Tiresias  
Ulyssi cecinit, illi expugnabitur, mo-  
do velit.

Genus, formam, plausum, Iliada,  
Ænëida habebit sibi.

Sed hæc omnia, minora visa, sper-  
nit sapiens: quid enim? meliora habet.

Audite quæso!

Si fuso vi ignis vitro pauculum ad-  
jicit Lapidis, liquefactum illud, &  
vitro infusum toti, cogit id in gem-  
mam solido Adamanti duritie indomi-  
tâ parem, ardentemque illi carbuncu-  
li fulgorem conciliat: facitque de la-  
pidibus pretiosissimas gemmarum.

Sed

Sed & hoc ipsum parum est!

Quid ergo ipsa spes majus habet!

Audite iterum, quæso!

Si auro, dum in catino liquefcit, de pulvisculo aurifico minutulum ad-  
sperferis, tota massa mutatur subito,  
fitque ex auro communi fertilitate pro-  
lificâ, aurum vivens, qui ipse iterum  
Philosophorum Lapis.

Quis ditior locupletante thesauro,  
quam Adeptus noster?

Non aurum modo hic, sed arca-  
num auricum multiplicat pro lubitu.

Atque confectum & hoc secretum  
arte pari iterum evehit in altius, ne-  
que progressui miraculorum finis cre-  
ditur.

Quæ de auro memoravi, idem in  
argento, artificio pari præstat: optet  
modo quid fieri velit, dabit factum:  
atque argentifico pulvere vitra quo-  
que, & viles lapides perficiet in sa-  
phiros, & adamantes.

Estne inter ea, quæ industria arti-  
ficum produxit, aliud quid pulchrius  
vitro?



O quam amabilis ejus in usus humanos utilitas! sine eo obscura, aut procellis turbida omnia.

Speciosas rerum imagines suavi hoc fallaciâ pingit, & multiplicat, spectatorem sibi reddit ipsissimum.

Jam crescentes ad immensum species exiguum per globulum exhibet oculo arcana detegenti, quæ secula occultaverant.

Jam hujus alis per spatia volat a Terrâ in stellas viâ lacteâ radiantem, momento temporis minimo oculus, mentique nuntiat, quæ in firmamenti supremis geruntur.

Rerum fane pulcherrimum aio vitrum, nisi fragili caducitate pretium sui perderet.

Alchemista servat formæ eximium, usumque, simul etiam conciliato tenacitatis lentore, ut flexu jam obsequiosum, malleo extendi, in figuras formari, mollissimi ad incudem metalli instar possit.

Portentum artis callidissimo Tiberio formidinem impressit, ne, eo valen-

lente, aurum inter mortales vilesceret: inventori ideo falate nobile inventum, attamen speranti quæsitum Alchemistæ postea.

Vah quanta spes est, Lapidem sperare Sapientum!

Quid tamen omnia hæc juvant, si morbo interim ægrescit Possessor? si dolore discruciatus gemit? si crudeli tabe pereditur? si languet enervis? si præsentem viro mortem intentat macies, & febrium cohors?

Nonne huic eo hæc fomidolosa magis, quo moriens plus boni amissurus est?

Diviti & avaro scilicet sunt fata acerbissima: dum oculis, mediâ jam in morte natantibus, caros respiciunt nummos, atque eos uncis, tremulis, & jam rigescentibus manibus, versare conantur, & retinere; heu frustra!

Nihil horum metuit Vulcanius: est enim spes ejus certa in virtute arcani, quo gaudet.

Ea quippe hujus virtus est, ut ignis instar, fulmineo ictu perrumpat ob-

obstacula, atque penetrabili vi fundat, solvatque diu concreta in ægro corpore.

Liquefcit eo faxeus podagræ nodus, redditurque expeditis articulis lubrica agilitas.

Calculus fatifcit in pollinem, qui lotio dilutus ne fentienti quidem homini defluit, mitefcit carcinomatis virus, refolvitur ejus durities, pacatur ipfe comitialis furor: cæteri morbi profligantur quam ocylfime.

Infanabils namque omnibus Elephantiafis, cœlefti ope hujus medicinæ cadit, & relinquit purum corpus.

Neque debellando corporis infeflos morbos modo nobilis hæc medicina habetur, imo vero vitales fufinet, alitque fpiritus, caloremque naturalem fovet ita, ut toti infufus, corpori, atque artubus miftus, vigore omnia conftanti agitet: ut cerebro fensus & imperium, cordi perennis actio, & pedi & manui fit integrum officium.

Aurifici muneris & hæc eft amabilis præftantia: quis hanc fumma ope  
haud

haud nitatur quærere? quæsitam quis non æstimet;

O spes Lapidis, quâ rapis animos dulcedine! quibus promissis demulces!

O quam Te merito depereunt Alchemici! per Te potest artifex omnia, quia videtur posse.

Dum vero ita omni impuro humores liberas, purpureum venis nectar, limpidum feri laticem aliis vasis, Asellianis canalibus lacteum infundis liquorem, mentisque fedi cerebro, liquidum ingeris spirituum flumen.

Id efficis, O Optima, ut veri perspicax, animi affectionum domina, boni studiosa, ipsa mens evadat.

Unde etiam sedatus animus, sano utens corpore, ducitur ad metam, leni itinere, mortalibus fixam; eâ tamen lege, ut vitâ fruatur prius, quam patitur longissimam scripta hominibus vivendi conditio.

O quanta Spes Hermeticæ artis!

Sanitatem illibatam corpori, animo vim vegetam sereno, asserere, utramque in viridem crudamque senectutem



tem producere, donec, sine luctâ cum ullo morbo, corpore solvatur anima.

Methusalemi annos sibi Paracelsus promittit, fretus elixirio; & quis negasset, nisi perire & submergi elegisset, maluissetque Bacchi diluvio?

Annos mille se vixisse scribit prius, quam evulgabat sua, Artephius.

Quis vero dubitet addicere credulitatem ipsi narranti? poterat enim raptos juvenili corpore spiritus sibi immittere, valebat defæcatissimos hos affigere exilissimo corpusculo, de quo fatiscenti vitæ pabulum sufficiebat, recreans & præsens, quoties opus.

Quâ quidem in re mirabile visum, quod lucida perpetuo fulgens massula, etiam nocturna in lumina, semper arderet.

Et quis vel hoc neget? dum tiro-nes artis Vestales ignes eliciunt, de re omnibus fœdâ, uni Vespasiano carâ, huic uni bene olente.

Jam demum finitam his creditis spem Philosophi? sane vilibus his, & spernendis, quanto hic altiora sperat!

Sciunt

Sciunt, femini cuique perfecto vim insitam, qua aliam ex aliâ sufficiendo prolem, suam naturam, crescente semper propagandi copiâ, multiplicet, simulque ditet genitum virtute simili.

Tantum vero abest, finem hic præscriptum, ut contra uno de grano tritici fertilis nata centena, singula valeant totidem proferre: adeo quidem, ut brevi de uno nata, & quæ ab illis nascentur, occuparent telluris universæ, quâ patet, arva: felices id norunt Agricolaë.

Seminum hercle propria hæc virtus, tepor, aqua, terra idonea, & pabula, si modo adsint.

Alchemici vero, dum alacres curiositate felici, scrutantur omnia, legem hanc cunctis scriptam nascentibus eandem ubique inveniunt.

Homines fuerint, vel ratione carentia animantia, stirpes, vel fossilia sæcundâ patris geniturâ, matrisque prægnanti gremio, oriuntur.

Sola forte elementa rerum ca-

B rent

rent vi prolifera, neque gignendo augentur, neque minuuntur intereuntia.

Sed moveat ignis, aer oscillet, fixa stet terra, aqua vehat, semina propagant.

Gnari Adepti generalis viae flagrantissime cupiebant scire, quidnam feminibus talem lagiretur virtutem?

DEUS, DEUS ille, clamabant palam, qui creans finitum, infinitatis speciem illi miro impressit modo: minimus ut argenti vivi globulus nitida facie, & polita, universi imaginem quam perfectissime pingit, & exprimit.

Sed in re ipsa quid detegitur?

Affabre facta compages, respondent, & spiritus intus regens, qui balsami vitalis & Rector est, & Incola.

Alit ille, vivificat, augetque fabricatam machinam igneo vigore; ille exporrigit contracta, abdita manifestat, suo ingenio aliena aptat, unde sua sustentet.

Venati hunc spiritum cepere, liberum, omnisque foecis purum, ulterius fovere, atque perficere magis conati sunt; quo Spiritum gignerent, de Spiritibus, omnia transcendente artificii opera.

Sed eundem denique, ne volatili mobilitate vicens effugeret possidentes, affixere corporum sincerissimo, atque stabilissimo simul, vinculo haud dissociabili.

En natum arcanum, in quo Rector ille quæsitus retinetur, evectus ad summum.

Hic ita paratus, tuncque magnetis instar agens, effluvia spirat efficacissima, saluberrima, nec intereuntia; quæ recepta corpore simili, unde ætherea fuerat desumpta materies, illi salutem præstant illibatam.

Si verò suavis illa exhalatio attingit modo spiritus cadentes corporis illius, statim hi instaurati resurgunt, munera deposita repetunt animosi, faciuntque expedite & feliciter, quidquid integerrimâ de machinâ sperari olim potuit.



Prorsus, ut effœta fere semina integrascent, novâque adeo fertilitate læta se jactent vi juventutis.

Decrepitæ fane aniculæ felix redditur fœcunditas, siccæ diu juvenilis redit humor, fertilitatis renatae jam & causa, & testis.

Canis cadunt, subeunt juveniles capilli; dentes renovantur; lapsis succedunt renati ungues.

Caperata rugis frons explanatur, renidetque exporrecta.

Arte Medææ senis instauratur Æsoni florida juvenus.

Imo vero inplumi ab annis, & effœtæ dudum gallinæ, ova denuo ponuntur, & renascuntur plumæ.

Sed quam sunt admirabiles, modo laudati effectus! fane ut de flammâ, sine dispendio sui, accendendi alia emanat liberalitas, ita & hic quoque fieri notum: ut enim magneti inexhausta manet potestas sua, licet per secula inertis ferri pigritiam excitaverit, ut agile deinceps polis cœli actione perenni se obvertat, ita etiam infixus Sapientum Spi-

Spiritus crescit excitando naturales, fitque alios ditando, ipse semper fortior.

Sit de tritico hauſtus ille, appoſitus ergo ſeminato frumento, efficit, ut ſegetes lætiſſimæ luxuriantes ſemina dent omnium ſæcundſſima, & enarrandâ nunquam bonitate præſtabilia.

Quoties igitur de corpore hominis ſani electus, in optima promotus, mox & immutabilis inſedit perennis ille Sapienti Spiritus; habetur ruenti machinæ firma ſultura.

Diffundit ſe diſſimâ aurâ, beatoque odore perfuſum ſanguinem ditat, qui mox juveniles ſuppeditans calores, creando crescit, brevique efficit, ut aptum evadat corpus, aliena convertere ſuos in ſuccos, hiſque inſpirare virtutem, non modo ſe conſervandi, ſed & alia corpora vel halitu ſalubri ſolo, eâdem fortunâ ut queat implere.

Audita quondam credulis placebat, exploſa naſutis, hiſtoria, ipſâ hominum recrementa ſanaviſſe, manantibus effluviis, ægrotos.

Ridetisne inſulſas fabulas? atqui ſcitis,

valentes hominis salubres succos infici teterrimo halitu, halitu solo, inquam, canis rabiosi.

Si neque hoc, O sceptici nimium, credere vultis, consulite, O increduli, oracula omni fide dignissima Aretæi, cujus in his rebus intemperate auctoritas.

Non patientur Alchemistæ, adscribi naturæ malignam adeo atrocitatem, interimque, contrariam huic benignitatem salutiferam, denegari.

Cernis, ut miser virulento contagio canis, valeat alios omnes salivæ suæ veneno inficere & dispargere, sicque gliscere in omnes posse mortales, de uno natum malum.

Heu pestim invisam! heu nimis veram! Utinam a terris avertendam!

Ut ergo nimis certo novimus, formidabilem venenorum furorem, non modo dulcis vitæ usu privare infectum, sed & universi corporis partes singulares ita invertere, ut lethiferâ foeturâ sint æque tremendæ, quam ipsum virus, imo vero ut halitus

tus corpore effusus, atque excrementorum olida mephitis, infernale propaget malum: Ita quoque salutifera spirat homo beato de corpore manantia corpuscula, quibus salubris inest virtus, qualis ditaverat nobile medicamen.

Pestilenti afflatum fidere procul! O procul, omnes fugiunt! vel basilisci adspectu nocentiorum.

Incedit Sapiens, quem cœlestis medicina beat; accurrunt miseri, quo ingrediantur intra salutiferum orbem, quo spargitur salubris aura!

Ut versa Nili aura ipso horæ momento sanat quam certissime Ægyptios peste decumbentes, modo eâ vescantur.

Sic fospitator Alchemista, quos afflat, restituit; neque interea decedit benefico quidquam.

Omnia hæc animo præcipiunt, sperant hæc omnia, nunquam de eventu solliciti, Alchemici.

In artis facultatibus hæc ipsa ponunt, sedulâ ejus culturâ produci posse, certi sunt.



Potestates enimvero feminales rerum evehere ad summum, hincque effectus præstare supra naturam, quis negaret illis, qui per ignem, Philosophi, clave utuntur referante omnia?

Neque requievit tamen vel in hisce etiam industria: sed audita sunt majora his promissa.

Cogitandi enim subtilitate penetrabant se in abditissima naturæ adyta, ut eruerent latentem spiritum, qui ipse suscitatur rei cujuscunque virtutem feminalem.

Jacet quippe sopita particularis hæc potentia, nisi excitatur generali omnipotentis curæ vigore.

Nonne vides fertile semen torpere per menses, & in pudibundâ herbâ per annos, & carere omni prægnantis vitæ indicio, donec læta dies noviveris, tempore suo, vitam reddit.

Tenerrima erucarum ova, æstate condita, & a sollicita matre tutis commissa custodiis procellas & imbres autumnî tumultuantis, gelu acre

acre hyëmis, intacta eludunt, feruntque; ut tamen suos excludant pullos, egent auxilio causæ & accessu; prorsus, ut tota ubique natura rerum palam hoc clamet.

Hunc ergo Spiritum moventem omnia, in omnia dominantem, proprio magnete elicere tentabant, utque miri sunt artifices, suos in usus adhibere poterant.

Eo autem arcano potiti valebunt pro arbitrio promovere omnia.

Nomen illi dedere proprium *Fermento Universali*, quod imperium gerat summum in omnia alia, uni huic Monarchæ obnoxia.

Ultima tandem, ad quam ferventi opere tendit, laborum meta est, confectio sacri illius, & æterni, liquoris, quem qui habet, omnia possidet.

Hic enim corpora imposita subtilitate supremâ, atque immutabili simplicitatis puritate, penetrat, attenuat, transmutat in formam salis, qui ponderis æquum prioris massæ habet.

Sed in novâ hac specie nativam

non modo dotem retinet, imo vero virtutem feminalem ad infinitum auget.

Liquitur in eo aurum, fit aquâ diluendum, fluit in venas hominis, fundit obstacula, fordes detergit, omnibus majorem, sibi unam imparem, Lepram sanat, insinuat corpori mortali longævitatē maximam.

Illo hydrargyros, unâ modo ignis actione, intra horæ quadrantem, fit medicamentum universale, fit novum, fit octavum, in natura rerum metallum.

Clavis hæc adyta aperit, pandit arcana, laboriosissimi tœdii, studii difficillimi, summum pretium.

Solis hoc Electis, Adeptis solis, & quidem Duplicatis tantum, singulari NUMINIS favore, datur.

En Spei Alchemisticæ ultimam metam!

Hanc adeptis leni in otio quiescendum, fallendum tempus, utendo partis: qualem sibi vitam promittebat, orbe devicto, Pyrrhus Epirota.

Nisi

Nisi omnia jam complexi, dolerent tandem cum Macedone, aditum sibi in alios mundos interclusum, ubi satiarent novis cupiditatem rebus.

Quid censetis de Spe Alchemistarum, quam modo audivistis? quænam Adeptis ostendet, pluchre quidem intelleximus.

Vilissima metallorum in aurum vertit, & in argentum: in gemmas evehit pretiosissimas, qui fuerant lapidum prius abjectissimi.

Corpori sanitatem, huic durationem promittit: utrisque mentem affectionum animi dominam, veri perspicacem, amantem virtutis, beat.

Tandem, quam cupit rem, evehit in supremam, quæque rerum naturâ admittitur, perfectionem.

O amabilem! O laudis præconio dignissimam! O studio omni, atque industriâ expetendam?

Tuasne blanditias semel expertus dimittat quis? Absit! imo vero in oculis has, in pectore has geret semper.

Quin



Quin & lætus Te præfente folâ,  
 confidentiffimâ fuperabit audaciâ,  
 quidquid humanæ felicitati obftat.

Abfuiffes, heu quibus hodie careret  
 bonis gens humana!

Tu acuiſti caudax omnia perpeti,  
 omnia periclitari pertinax, hominum  
 genus; ut labore improbo, femp̃  
 ſperans, perſcrutatum fuerit, quid-  
 quid in manus affertur, ab omni-  
 rente naturâ.

Tu effecifti mille modos artis, ut  
 detegerentur abſconditiſſima, quæ in  
 rebus creatis latent, neque fine illis  
 patuiſſent unquam.

Tu ſola par fuiſti, quæ ſuaderes,  
 oſtenſo fine lætiſſimo, pauperiem &  
 duriffimos laborum perferre, ut ani-  
 moſi in arduis eniterentur Alchemi-  
 ſtæ.

Tu docuiſti illecebras voluptatum  
 ſpernere, fugere ambitionis creſcen-  
 tis ſemp̃ ſollicitudines æternas, ut  
 vacarent tantum diſciplinæ utiliſſimæ  
 devoti cultores.

Quid memorem omni alio majus be-  
 ne-

neficiū, quo mortalium sapientissimos dedocuisti uti falsis?

Quid enim! subtilitatibus tenuissimis, usu cassis, ingenia plucherrima se occupare solebant.

Vocabula mille curis efficta, digesta per patientiam incredibilem, faciebant instrumenta artium.

Hæc in officinas ablegebantur curiosi rerum, ut compararent sibi naturæ ipsius scientiam.

Redibant inde loquacitate Fabianâ minaces; consulti de naturâ rerum, faciebant, quod jocosa imago solet recinendo, vocem dabant, prætereaque nihil.

Si quid objiceretur garrulis, nugis armati depugnabant, semper victores per vocabula, ipso sæpe sono tremenda.

Diffuderat vires eo usque infania, ut disciplinarum principes, Theologia, Jurisprudentia, Medicina, sub jugum missæ, gernerent sub servitute imperitantis Logices,

Si quis forte generosior, vincula  
re-

recusaret, & morderet catenas, proscribebatur ille de Sapientum choro.

Jaſtabat denique imperioſa Magiſtra, ſuos alumnos inſtructos eſſe arte a ſe, quâ valerent, de re quâcunque artifiſci ignotiſſimâ, ordinate diſſerere, per infinita temporum: quum reſpoſita haberent in armario, cerebro his nugis ſuperbo, per ſcalas, claſſes, ordines, genera, ſpecies, vocabula, quæ combinando, ordinando, diſtinguendo, abſque fine ullo, novam darent dicendo ſupelleſtilem.

Tyrannidem excuſſit ſola Alchemiſtice, orandum quidem præcipiens, at vero & laborandum ſimul.

Oſtendit artem natam de experimentis; dicta per eventus ipſos firmantia.

Prodibant hac de ſcholâ ſententiæ, quæ modos docebant, præſtandi in rebus ipſis ſermonum effecta.

Audax artis amor fere opinaretur, Alchemiæ ſtudium & primum fuiſſe & princeps inſtrumentum, quo diſſiciles nugæ ex Phyſicis expulſæ ſunt:  
huic

huic ergo a redemptis de fervitute persolvendæ gratiæ: est enim Alma Mater tot bonarum artium, est, quæ servitio exire jubet ineptiarum.

At facit pauperes Spes Alchemistica, dum labores commendat, qui in damno sunt, unde egestas crescit mortalibus.

Id factum, haud nego; sed dum irritamenta malorum opes dissipat, blanditiæ suæ interim sustentat spiritum, nemo, nisi egenus prius, hos thesauros accipit.

Ex regulis ergo artis, quo pauperior erit, eo Lapidi sacro propior.

Sit igitur turpis aliis artificibus egestas, sit malesuada, reddat cæteros ridiculos, pauperies; Alchemistæ dux viæ habetur, metam ostentans laborum, eo propius absentem, quo fidelior comitatur egenum hæc bonæ mentis soror artificem.

Desperaretne Alchemista ob penuriam? imo vero hæc solatur eum amabili præsentia, quia tuta hæc ad opulentiam semita.

Qui



Qui noceret etiam hominibus, qui vix ullâ re indigent?

Vina fugiunt, ne leni tormento prodant profanis arcana: ne temulenti perdant carissima rerum errore levi manuum.

Opiparas horrent epulas, dum soporem metuunt intempestivum pervigili oculo, qui Serpentis Epidauri acutissimâ opus habet acie, ut secreta custodiat.

Noque luxus his in vestiariâ, metuunt rumorem divitis, ne petantur a latronibus, ne designentur spolio a corvis hiantibus.

Honores offerres rei pecuniariæ onerosos, fugares: student latere, & odierunt potentiorum limina.

Bene sic vivit, bene qui latet in angulo, unde nemini nocet, se contentus, suis dives.

At malefuada tamen spes pauperes facit, utque Isocrates monuit, plurimos fefellit: quia incitat, ut opes in fumos vertant, & cineres; unde tandem graves annis, & heu! jam in-

tem-

tempestive inopes, mendicantium chorum augent, aut publico onerosi, stipem inde petere coguntur.

Sucessibus careat, qui facta ab eventu notat.

Quam multi pereunt artifices magni, qui profuere per inventa posteris, sibi met damnosi?

Ideone disciplinam vetares, quam constanter illi excolebant?

Novi, animas pigerrimas suspenso naso, & corrugato, exprobrare, quæsitores artium, manticæ inventores mendicorum.

Recubent ergo lenti in umbrâ, vitamque terant paterna consumendo bona.

Chemista gliscente per pectus spe animosus, ad præclara quæque incitatus, genium fraudabit suum, comparcet de demenso, ut artis culturæ impendat, unde aliquid sæpe lucri, semper multum lucis orietur scientiis, & si non sibi, aliis certe, & posteris.

An vero rectius agunt, qui aleâ, Baccho, Venere, nugacibus confor-

# 34 DECLAMATIO

tiis, ludis, & tempus perdunt, & opes, ærumnosâ tandem gementes sub inopiâ, vitamque ventri obedientem, pecorum instar, silentio transigunt.

O quanta hæc! imo vero an non maxima turba est?

Eosne meliores putes, qui opibus inhiant; dum per maria currunt, terras peragrant, nusquam quieti, ut strophis, technis, dolo, rem faciant, nec curant quomodo, rem faciant modo.

Heu quoties hi aliena, & sua, decoxerunt, pauperum receptaculo & confugio odiosi tandem hospites, post tot deceptos, ipsi tandem capti!

Quid si dixero, in omni arte, omni in scientiâ, magnæ spei rarius desideratum eventum respondere, & tamen optimorum ingenia eâ inflammari, ut tendentes in ardua, metam non attingant quidem, sed tamen nec requiescentes interim, contra audacius eant, bonique semper quid efficiant.

Equidem intellexi dudum Italos, in Europâ facile felicissimos adagiis condend-

dendis, vulgo dicere, Spe viventes mortem obire, ut Mariano tempore Cneus Carbo Consul.

Ego vero desperantibus has harpuyarum spurcicias proprias magis crediderim, quam sperantibus fortunata.

Si vero tandem curiosi ex me quaeritis, an ergo in Spe Alchemistarum nihil calamitatis, vel doloris, adsit?

Sane, ut ab omni parte beatum nihil, sic & suis urgetur, Spe fortunatus cæterâ, Alchemicus: sollicitus hic, ubi aurum factum & infectum celaturus sit?

Providus jam metuit insidiosos fallaci amicitia fures, formidolosos cogitat fures ubique.

Sed imprimis rerum Dominos timet trepidissime; ne cognitum inexhausti thesauri possessorem vinculis onerent, & catenis: ne hostes juvet ille transfuga; utque potius illis noctes laboret diesque, quo infatiabilem opum famem, crescentemque Majorum curam, fatient.

Hoc illos metu solvas, vix trepidabunt



## 36 DECLAMATIO ACADEMICA.

bunt amplius Alchemici.

Sed heu miseram sortem fortunatæ Spei ! quo propius absunt ab optato thesauro, eo periculosior possessio præsentis minas intentat jam jam beato.

Id qui vitari queat, haud video.

Si creditis exemplis, terrent vestigia.

Valeat ergo Spes Alchemistica ! sed tamen unâ modo ante possessionem horâ!

D I X I.

V I R O  
A C U T I S S I M O

ABRAHAMO KAAU,

De Hermeticorum spe pro concione dicenti,  
& auditorum aures admirabili suavitate demulcenti, quum ipse audiendi facultate careret.

**Q**uem sibi formabant genialia numina Musae,  
Cui Phoebus Coas ipse parabat opes.

Quem Natura suis adytis admisit, & Hermes  
Illecebris captum credidit esse suis.

Fatalis Juvenem casus prope tristia Lethes  
Limina deduxit surripuitque sibi.

Scilicet baud metuens quidquam, dum forte quietem  
Captat, & ipsa sibi mens studiisque vacat,  
Miratus secum, quae tanta silentia, nullum,  
Heu subito! patula percipit aure sonum.

Haeret & addubitans, neque enim sibi credidit ipse,  
Consulit, & varios tentat obitque modos.

Sive soporatis non permeat organa nervis  
Aër, & adfectu tympana laxa carent.

*Sive per anfractus duratis ductibus auris*

*Contraxit callum, dirigitque tonus.*

*Causa latet, neque enim morbo sensuve doloris*

*Praemonuit tanti vis & origo mali.*

*Non ars, non ratio, tempusve adferre medelam,*

*Non potuit longa spem reparare mora.*

*Nec tamen attonitus torpet, victusque fatiscit,*

*Quem Natura negat corrigit arte modum.*

*Quodque potest oculis lustrando duplicat usum,*

*Et versat doctos nocte dieque libros.*

*Neve putes hominum fugere hunc commercia, cultos*

*CAUIUS orator detinet aure viros.*

*Quod mirere magis, dulci modulamine vocis*

*Tollit & arguta deprimit arte sonos.*

*Nunc animo fingit variatque in imagine secum,*

*Et repetit, quos non audiit ipse, modos.*

*Nec planctu merito, lacrimis, justoque dolore,*

*Cum fatis queritur, se miserumque gemit.*

*Innocuo risu mystarum gaudia ludit,*

*Quis mera spes pretio quolibet emta placet.*

*En, quem nec clamor, strepitusque offenderet ullus*

*Dicentem, aut rauco murmure turba levis,*

*Defixis animis per amica silentia pulchrum*

*Exemploque carens rite peregit opus.*

*O sortis miserae lenimen Apolline dignum!*

*Ipse sibi sapiens sufficit arte nova.*

*Et qua parte sui infelix privatur, eadem*

*Insinuans alios mulcet & aure tenet.*

*Sic tibi, sic multis profit prudentia, Phoebæ*

*Auspice, & Hermetis fercula lauta struat.*

*Sic CAUI tua sors, quæ jam miseranda videtur;*

*Divitis ingenii post monumenta ferat.*

*Nec spes, quæ fallat, te magnis eximat ausis,*

*Sed tibi quæ de te suppetit, illa beet.*

HENR. SNAKENBURG.

















